



*image  
not  
available*

7	NAZIONALE	
118	51 A	CENTRALE V. E. II
11	ROMA	









8. 51. A 11

DE  
**ASCENSIONE**  
**MENTIS IN DEVM**

Per Scalas  
RERVM CREATARVM  
OPVS CVLVM  
ROBERTI CARDINALIS  
**BELLARMINI**  
e Societate Iesu.

*Ad Illustriss. et Reverendiss. D.*  
*Card. Aldobrandinum*  
*S.R.E. Camerarium.*



Coloniae Agrippinae  
Apud Cornel. ab Egmond.  
A<sup>o</sup> 1613. MDCXIII.



LIBRARY  
ROMA

Imprimatur, si videbitur Re-  
verendissimo Patri Magistro  
Sac. Pal. Apostolici.

*Cesar Fidelis Vicesg.*

Imprimatur.

*Fr. Hyacinthus Petronius, Ord.  
Præd. Sacri Apostolici  
Palatii Magister.*





Handwritten signature or mark in blue ink at the top left of the page.




ROBERTVS BELLARMINVS POLITIAN<sup>9</sup>  
S. R. E. CARD. TIT. S. MARIE IN VIA,  
Archiep. Capuanus, Eccl. Catholicae Rom.  
Athleta & Confessor

P E T R O  
ALDOBRANDINO

S. R. E. CARDINALI  
A M P L I S S I M O

*Robertus Card. Bellarminus*  
*Salutem dicit.*

 V P E R I O R E  
mense Septembri,  
libellum de ascen-  
sione mentis in De-  
um per scalas rerum creatarum,  
utpotui, Domino ad-  
juvante, confeci. Eum enim  
mensum ad vacandum Deo,  
femotis aliis curis, cum bona  
Sanctissimi Patris ac Domini  
nostri venia mihi ipse delege-  
ram. Et quamvis eum libel-  
lum in meum propriè usum  
conscripseram; tamen consi-  
lio & cohortatione amico-  
rum admonitus ut eum publi-  
cari paterer, in tuo potissi-  
mum nomine apparere volui.  
Si qua enim utilitas ex hac  
A 3 mea

mea lucubratione peti potest,  
ea præcipuè ad homines oc-  
cupatos publicis negotiis,  
quales in primis sunt Eccle-  
siæ Principes, redundabit. Tu  
verò ex Principibus Ecclesiæ  
negotiorum mole gravatis  
unus in primis es : quippe  
Cardinalis, Archiepiscopus,  
Sanctæ Romanæ Ecclesiæ Ca-  
merarius, ex Præpositis uni-  
versalis Inquisitionis, officio  
& multarum gravissimarum-  
que protectionum sollicitudi-  
ne distentus. Accessit & illa  
caussa hujus operis nuncu-  
pandi tibi, ut extaret ex me ad  
memoriam posterorum ali-  
quod ingentium tuorum in  
me beneficiorum, & meæ in  
te qualiscunque observantiæ  
monumentum. Neque quòd  
exiguum sit munus, ideò mi-  
nùs gratum benignitati tuæ  
futurum esse confido. Li-  
bri enim non ex multitudine  
foliorum, sed ex fructibus  
atque



atque utilitate pensantur. De hoc verò libello quid alii judicabunt, ignoro; mihi certè, præter cetera mea opuscula, non parum utilem fuisse comperi. Itaque reliquos libros meos nisi necessitate cogente non lego: hunc spontè tёрque quaterque jam legi, & deinceps frequenter in ejus lectione versari mihi propositum est; nisi fortè chariorem illum mihi faciat non meritum ejus, sed amor, quòd illum, ut alterum Benjaminum, in extrema senectute genuerim. Accipe igitur, Cardinalis optime, munusculum à me, quod non solum debitæ observantiæ testimonium præbeat, sed etiam cujusdam quasi monitoris fungatur officio. Vt si quando turbæ negotiorum te nimium premant, & à consueto studio certis horis Deo per orationem vacandi impe-

dire conentur, is modeste suggerat, ut eiusmodi turbis ad modicum tempus exclusis, ad interiora & solita gaudia mentem revoces, & vel meditando vel legendo vaces, & videas, quoniam Dominus ipse est Deus, id est, solum verum, & summum, & sempiternum bonum; cuius adeptio felicissimum, cuius amissio miserrimum hominem facit.

IN-

## INDEX GRADVVM.

**E**X consideratione hominis , qui  
est mundus minor. GRAD. I.

Ex consideratione mundi majoris.  
G R. II.

Ex consideratione orbis terre. G R.  
III.

Ex consideratione aquarū. GR. IV.

Ex consideratione aëris. G R. V.

Ex consideratione ignis. GR. VI.

Ex consideratione solis, lunæ, &  
stellarum. G R. VII.

Ex consideratione animæ rationalis.  
G R. VIII.

Ex consideratione Angelorum.  
G R. IX.

Ex consideratione essentiae Dei.  
GRAD. X.


Ex consideratione potentiae Dei.  
GRAD. XI.

Ex consideratione sapientiae theoricæ Dei. GR. XII.

Ex consideratione sapientiae practicae Dei. G R. XIII.

Ex consideratione misericordiae Dei. GR. XIV.

Ex consideratione iustitiae Dei.  
GRAD. XV.



D E  
A S C E N S I O N E  
M E N T I S I N D E V M  
P E R S C A L A S  
R E R V M C R E A T A R V M.

P R Æ F A T I O.

**S** C R I P T V R A divina frequenter nos admonet, ut sollicite queramus Deum. Quamvis enim Deus non longè sit ab unoquoque nostrum, cum in ipso Act. 17 vivamus, moveamur, & simus, ut Apostolus loquitur; nos tamè longè sumus à Deo: & nisi assidue disponamus ascensiones in corde, & scalas nobis erigamus in celum, & magno labore Deum queramus; cum filio prodigo in Luc. 15 regione longinqua, procul à patria & à Patre, pascimus porcos.

Ac ut breviter explicemus, quomodo

## PRÆFATIO.

modo inter se ista cohæreant , ut  
 Deus non longè sit à nobis , & nos  
 tamen longissimè absimus ab illo ;  
 dicimus , Deum non longè à nobis  
 abesse , quoniam ille nos assidue  
 videt , cujus oculis omnia sunt  
 presentia : idem quoque de nobis  
 assidue cogitat , quia illi cura est de  
 nobis ; & ipse idem nos assidue  
 tangit , quia portat omnia verbo  
 virtutis sue . Nos autè longissime  
 absimus à Deo , quia Deum non  
 videmus , nec videre possumus , cū  
 lucem habitat inaccessibilem : sed  
 nec sufficientes sumus cogitare ali-  
 quid de Deo ex nobis , tamquam ex  
 nobis : multo minus illum affectu  
 pio tangere , illique inhaerere vale-  
 mus , nisi nos suscipiat , & ad se  
 trahat dextera ejus . Ideo enim  
 David cum dixisset , Adhæsit  
 anima mea post te , continuo ad-  
 junxit : Me suscepit dextera  
 tua . Nec solum longe absimus à  
 Deo , quia neque illum videre pos-  
 sumus , neque facile de illo cogi-  
 tamus , neque illi per affectum in-  
 hare-

## PRÆFATIO

*heremus ; sed etiam quia occupati*  
*temporalibus bonis , quæ nos un-*  
*dique circumstant & obruunt, fa-*  
*cillime Deum obliviscimur , &*  
*corde arido vix nomen Dei in*  
*Psalmis & sacris precibus per lin-*  
*guam sonamus. Hæc igitur causa*  
*est, cur Spiritus sanctus in Sacris*  
*Litteris , ut modo dicebamus, tam*  
*sæpe nos hortetur ut quæramus*  
*Deum : Quærite Deum, & vi-* Ps. 63.  
*vet anima vestra. & : Quærite* Ps. 104  
*faciem ejus semper. & : Bo-* Thren.  
*nus est Dominus sperantibus*  
*in eum , animæ quærenti il-*  
*lum. & : Quærite Dominum,* Isa. 55.  
*dum inveniri potest. & : In* Sap. 1.  
*simplicitate cordis quærite il-*  
*lum. & : Cum quæsieris Do-* Deut. 4  
*minum Deum tuum , inve-*  
*nies eum , si tamen toto corde*  
*quæsieris.*

*Porro sollicitudo hæc Deum*  
*quærendi quamvis omnibus fideli-*  
*bus communis esse debeat , tamen*  
*magis propriè ad Prælatos Eccle-*  
*siarum pertinet : quod sancti Pa-*

*tres*

# P R A E F A T I O.

tres, *Augustinus, Gregorius, & Bernardus*, præter ceteros testantur. *Si siquidē disertis verbis scribunt, non posse Prælatum sibi & aliis prodesse, nisi in meditationem rerum divinarū, & propriae mentis refectionē, diligenter incumbat.*

Lib. 19. *S. Aug. in l. de Civ. Dei: Otium*  
de Civ.  
Dei, c.  
29. *sanctum, inquit, quærit chari-*

*tas veritatis: negotium justum suscipit necessitas charitatis. Sed nec sic omnimodò veritatis delectatio deferenda est, ne subtrahatur ista suavisitas, & opprimat illa necessitas. Et idē*

*S. Augustinus in Confessionibus de se ipse loquens, & de frequen-*  
*ti sua meditatione Dei ex creatu-*

Lib. 10. *ris. Sæpè, inquit, istud facio.*

Confess.  
cap. 40. *Hoc me delectat, & ab omni-*

*bus actionibus necessitatis, quantum relaxari possum, ad istam voluptatem refugio. S.*

2. par. *Gregorius in lib. de cura pastorali*

Past.  
cap. 5. *ait: Sit Rector singulis com-*

*passione proximus, præ cun-*  
*ctis contemplatione suspen-*

*sus:*



## PRÆFATIO.

ius: ut & per pietatis viscera  
in se infirmitatem ceterorum  
transferat, & per speculatio-  
nis altitudinem semetipsum  
quoque invisibilia appetendo  
transcendat. Et addit eodem in  
loco S. Gregorius exemplum Moy-  
sis & Christi. Moyses enim fre-  
quenter tabernaculum intrabat, &  
exibat, intrabat videlicet, ut ar-  
cana Dei consideraret; exibat, ut  
proximorum infirmitates portaret.  
Et Christus ipse per dies concionan-  
do & miracula patrando proxi-  
morum saluti vacabat, sed noctes  
insomnes orando & contemplando  
ducebat. Erat. n. inquit S. Lucas, Luc. 6.  
pernoctans in oratione Dei.  
Denique alia multa hic similia in ca-  
pite ultimo ejusdem libri legi possunt.

Porro S. Bernardus, ut Euge-  
nium Papam, suum quondam di-  
scipulum, serio admoneret, ut  
non totum se actioni daret, sed  
quotidie certo tempore se collige-  
ret, ac sancto otio & celesti  
pabulo frueretur, scripsit libros  
quin-

## PRÆFATIO.

quinque De consideratione, in quibus non solum exhortatur illum ad assiduam meditationem rerum celestium, sed etiam rationem & modum meditandi, & meditando ascendendi, & ascendendo transformandi se in Deum per intellectum & affectum, perspicue tradit. Neque admittit excusationem, quam ille obtendere poterat, & quam multi hoc tempore obtendunt; nimias videlicet occupationes, quæ Pontificale officium comitantur, non relinquere tantum otii, ut meditationi rerum divinarum Prelatus vacare possit. Certe enim nemo tenetur externis negotiis ita totum se tradere, ut non relinquat sibi tempus corpus reficiendi cibo & potu, & captanda per somnum quietis. Et si corpus hanc refectionem & quietem iuste petit, quanto magis spiritus cibum & somnum suum jure optimo petet? neque enim sine hac refectioe recte fungi officio suo in tanta mole maximorum

## PRÆFATIO.

morum negotiorum nullo modo potest. Porro cibus animæ oratio est, & somnus contemplatio, per quam disponuntur ascensiones in corde, ut videatur Deus deorum in Sion; <sup>Pl. 35.</sup> quomodo in vâlle lacrymarum videri potest. Scala vero ascensionis in Deum nulla videtur nobis mortalibus patere posse, quam per opera Dei. Qui enim singulari Dei dono per aliam viâ in paradysum admissi audierunt arcana Dei, quæ non licet homini loqui, ii non ascendisse, sed rapti fuisse dicendi sunt. quod de se B. Paulus apertè confitetur cum ait: Raptus sum in <sup>2 Cor. 12.</sup> paradysum, & audiui arcana verba, quæ non licet homini loqui.

Posse autem hominem per opera Dei, id est, per creaturas ascendere ad notitiam & amorè Creatoris, docet liber Sapientie, & <sup>Sap. 13</sup> Apostolus ad Romanos, & ratio <sup>Rom. 1</sup> ipsa satis confirmat, cū ex effectis causa efficiens, & ex imagine exemplar cognosci possit: & du-  
B                      bium

## PRÆFATIO.

*bium esse nequeat, res omnes creatas esse opera Dei ; & hominem atque Angelum , non solum opera , sed etiam imagines Dei esse, Scriptura sancta nos doceat.*

*Ego igitur his rationibus excitatus, in aliquantula requie à publicis negotiis mihi concessa , & sancti Bonaventura exemplo admonitus , qui in simili recessu scripsit . Itinerarium mentis in Deum, tentavi Scalam ex creaturarum consideratione conficere per quam utcumque ad Deum possit ascendi. Eam vero quindecim gradibus distinxi , ad similitudinem quindecim graduum, quibus ascendebatur ad templum Salomonis, & quindecim Psalmorum , qui Graduales dicuntur.*







T

S C A L A E  
A S C E N S I O N I S  
I N D E U M

G R A D V S P R I M V S .

*Ex consideratione Hominis.*

**S**I quis verè cupiat scalas in <sup>CAP.</sup>  
Deum erigere, à sui ipsius <sup>L.</sup>  
consideratione incipere  
debet. Vnusquisque enim  
nostrum, & creatura, &  
imago Dei est; & nihil no-  
bis vicinius est, quàm nos ipsi. Itaq;  
non sine causa Moyses ait: *Attende*  
*tibi.* in quæ duo verba insignè ser-  
monem scripsit magnus Basilus.  
Qui enim se totum circumspexerit,  
& quæ intra se latent considerave-  
rit, inveniet quasi compendium  
mundi totius, unde ad effectorem  
rerum omnium non difficulter as-  
cendet.

Sed ego in presenti nihil aliud in-  
vestigare decrevi, nisi quatuor com-  
munes causas; quis sit auctor  
meus, ex qua materia me fecerit,  
quam formam mihi dederit, & ad  
quem finem me produxerit. Nam si  
queram auctorem meum, inveniam  
solum Deum; si queram materiam  
unde me fecerit, inveniam omnino

## ASCENS. IN DEVM

nihil; unde colligam, quidquid in me est; à Deo factum esse, & totum Dei esse: si quæram formam, inveniam me esse imaginem Dei; si finem quæram, inveniam ipsū eundem Deum esse summum & totum bonum meum. Itaque intelligam tantam esse mihi conjunctionem & necessitudinem cum Deo, ut ipse solus mihi sit conditor, ipse auctor, ipse pater, ipse exemplar, ipse beatitudo, ipse omnia. Et si hoc intellexero, quomodo fieri poterit, ut non ardentissime illum quæram? illum cogitem? illum suspirem? illum videre & complecti desiderem? vel, ut non exhorream tam densas tenebras cordis mei, quod tam longo tempore nihil minus cogitavit, aut desideravit, aut quæsit, quam Deum, qui solus mihi est omnia?

CAP.  
II.

Sed paulo diligentius singula consideremus. Rogo te, anima mea, quis tibi dedit ut esses, cum ante non multum tempus nihil esses? Certe non te parentes carnis tuæ genuerunt; quia quod natum est ex carne, caro est; tu autem spiritus es: neque te cælum, aut terra, aut sol, vel sidera produxerunt; illa enim corpora sunt, tu incorporea es: neque vero Angeli, aut Archangeli, aut creatura alia spiritualis tibi, ut esses, auctores esse potuerunt; quia tu non ex materia aliqua, sed plane,



### GRADVS PRIMVS.

3

nè ex nihilo creata es : non potest autem nisi Deus omnipotens ex nihilo aliquid facere. Ille ergo solus sine socio, sine administro, manibus propriis, quæ sunt ejus intelligentia & voluntas, te quando voluit præcreavit. Sed fortasse corpus tuum non ipse Deus, sed res creatæ produxerunt : ita ut anima Deum, corpus verò parentes auctores agnoscere debeat. Non ita est, sed Deus ipse, quamvis parentes homines ad carnem gignendam, ut infimos administratos ad domum fabricandam adhibeat, tamen ipse architectus, ipse auctor, ipse verus pater nō solum animæ, sed etiam corporis, atque adeo totius hominis esse & dici voluit. Nam si genitores carnis tuæ, veri auctores & quasi architecti corporis tui essent, scirent utique quot sint in corpore humano muscoli, quot venæ, quot nervi, quot ossa majora, quot minora, quot humores, quot sinus, & alia id genus multa, quæ omnino ignorāt, nisi fortè ex anatomica arte didicerint. Præterea cum corpus agrotat, vel membrum arescit, aut præciditur, certe possent illa ipsa arte, qua primum condiderunt, iterum instaurare, si veri auctores essent : quo modo qui horologia componunt, aut domos ædificant, norunt etiam temperare, vel instaurare. At

## 6 ASCENS. IN DEVM

homo formatus est. Illa quidē vilissima est, sed quò est vilior, eò nobis materiā aptiorē tribuit formādi in nobis virtutē humilitatis; qua virtute nulla est in hac vita magis utilis, & magis rara, ac per hoc magis pretiosa, & majori desiderio appetenda.

Et sanè de materia animæ dubitari non potest, quin sit ipsū nihil; quo nihil vilius & inanius fingi vel cogitari potest. Corporis materia proxima quid est, nisi sanguis menstruus? res adeò foeda, ut refugiant eū oculi cernere, & manus contingere, & horreat etiam animus cogitare. Materia ex qua primus homo formatus fuit, quid aliud, nisi terra rubra & sterilis, sive pulvis & lutum fuit? *Formavit, inquit Scriptura, Deus hominem de limo terra.* & iterum dixit

Gen. 2.

Gen. 3. homini Deus: *Pulvis es, & in pulvere reverteris.* Quare Patriarcha Abraham memor vilitatis suæ, dicebat ad Deum: *Quia semel cœpi, loquar ad Dominum meum, cum sim pulvis & cinis.*

Gen. 18

Sed neque hic est finis vilitatis materiæ humanæ. Ipse enim limus sive pulvis non ex alia materia, sed ex nihilo prodiit. In principio enim creavit Deus cælum & terrā; & certe non ex alio cœlo & terra, sed ex nihilo fecit: ergo ad nihilum redigitur id, unde prodiit animal hoc superbum, quod dicitur homo, sive ani-

## GRADVS PRIMVS. 7

animā, siue corpus considerare velis. Nihil igitur est in homine, unde gloriari possit, quasi illud non acceperit à Deo. Opera quidem hominum, quæcumq; illa sint, siue ex ingenio, siue ex labore prodeant, semper aliquid habent ex se, de quo si sensum haberent, contra factorem suum gloriari possent. siquidē vas aureū, arca lignea, domus eburnea vel marmorea, si loqui possent, dicerent utiq; opifici suo: Tibi debeo formā, sed non materiam; & pretiosius est, quod ex me habeo, quam quod à te accepi. Homo verò, qui nihil ex se habet, & ex se nihil omnino est, in nullo gloriari potest. Et verissimè dicit Apostolus: *Si quis existimat se Gal. 6. aliquid esse, cum nihil sit, ipse se seducit.*  
&: *Quid habes quod non accepisti? si autem 1. Cor. 4. accepisti, quid gloriaris, quasi non acceperis?* Cui consonat sanctus Cyprianus, cum ait: *In nullo gloriandum, Lib. 3. quando nostrum nihil est. At, inquires, ad Qui multa præclara opera faciunt homines, ob quæ meritò laudantur, ut virtus laudata crescat. Ita est, multa præclara opera faciunt homines, ob quæ laudari & gloriari possunt: sed in Domino, non in se; sicut scriptum est: Qui gloriatur, in Domino 2. Cor. 10. gloriatur. &: In Domino laudabitur anima mea.* Quæro enim, cum Ps. 33. egregium opus homo facit, ex qua materia facit? qua virtute facit? quo

## 8 ASCENS. IN DEVM

quo dirigente & adjuvante facit? Certè ex materia facit, quam Deus, non quam ipse homo creavit. Ex ea virtute facit, quam Deus illi dedit, non quam ipse sibi peperit. Et dirigente & adjuvante Deo facit, sine cujus directione & adiutorio nihil boni faceret. Multa enim bona facit in homine, sine homine, Deus; sed nihil boni facit homo, quod nō faciat Deus, ut faciat homo, ut habetur in Concilio 2 Arausicano cap. 20. Itaque dignatur Deus ministrū hominis adhibere in rebus bonis faciendis, quæ per se facere posset; ut hinc magis debitorem Deo se fateatur homo, non ut superbiendo in se, non in Domino gloriatur.

Ergo anima mea, si sapias, recumbe semper in novissimo loco: noli furari gloriā Dei, nec in modico, nec in maximo: descende ad nihilum tuum, quod solum est tuū, & totus mundus in superbiam erigere te nō poterit. Sed quoniam hæc pretiosa virtus humilitatis veræ de mundo jam penè recesserat, & nec in libris Philosophorū, nec in moribus gentium inveniebatur; Magister humilitatis de cælo venit, & cum in forma

Phil. 2. *Dei esset æqualis Patri, semetipsum exinani vit formam servi accipiens, & humiliavit semetipsum, factus obediens usq; ad mortem. & humano generi dixit: Discite à me, quia mitis sum, & humilis corde;*

## GRADVS PRIMVS: 9

corde; & inuenietis requiem animabus vestris. Quare, anima mea, si fortè erubescis imitari humilitatem hominum, non erubescas imitari humilitatem Dei, qui nec fallere nec falli potest, & qui *superbis resistit, humilibus autem dat gratiam.* Iaco. 4.

Sequitur nunc ut formam consideremus, quæ est tertia causarum. CAP. IV.

Et quidem quantò materia, ex qua factus est homo, vilior est; tantò forma, quæ homini data est, pretiosior & excellentior invenitur. Omitto formam corporis exteriorem, id est, figuram corporis humani, quæ suam habet eminentiam super omnium animantium figuras. hæc enim forma non substantialis, sed accidentaria est. Forma igitur hominis substantialis, quæ facit illum esse hominem, & ab animantibus ceteris distinguit, anima est immortalis, ratione & libero arbitrio prædita, imago Dei, ad exemplar summæ divinitatis expressa. Sic enim legimus dixisse Deum, cùm hominem formare vellet: *Faciamus hominem ad imaginem & similitudinem nostram; & præsit piscibus maris, volatilibus cali, & bestiis, universaque terra, & omni re reptili quod movetur in terra.* Homo igitur imago Dei est, non ratione corporis, sed ratione spiritus; Deus enim spiritus est, non corpus. *Et ibi est imago Dei, inquit, sanctus* Ho. in flexa. 10.

sanctus Basilius, *ubi est id quod imperat animantibus ceteris.* imperat autem homo bestiis, non per corporis membra, quæ valentiora sunt in multis bestiis, quam in homine: sed per mentem, ratione & libero arbitrio præditam. Præest enim homo animantibus ceteris, non per id quod habet commune cum illis, sed per id quo distinguitur ab illis, & per quod similis factus est Deo.

Erige nunc, anima mea, mentem ad exemplar tuum, & cogita, omne bonum imaginis in similitudine ad exemplar suum positum esse. Nam si fortè deforme sit exemplar, quale diaboli fingi solet, tum etiam bonum imaginis est, exemplar suum deforme aptè repræsentare. Itaque deformitas in exemplari, deformitas erit; deformitas in imagine, pulchritudo erit. Sed si exemplar quoque sit formosum, pretiosissima erit imago, si pulchritudinem exemplaris pulchritudine sua, quam maxime fieri poterit, imitetur: & si imago sensum haberet, nihil magis optaret, quam perpetuo exemplar suum aspicere, & ad illius imitationem se componere, & illi quam simillima fieri.

*Exemplar tuum, ô anima, Deus est, pulchritudo infinita, lux, in qua tenebra non sunt ulla, cujus pulchritudinem sol & luna mirantur. Ac ut*  
facilius

Joan.  
1.

## GRADVS PRIMVS. 12

facilius pulchritudinem tanti exemplaris imitari, illiusque similitudinem concupiscere, & modis omnibus procurare valeas, in qua re tota perfectio tua, tota utilitas, totus honor, totum gaudium, tota quies, totum denique bonum tuum positum est; cogita pulchritudinem Dei exemplaris tui in sapientia & sanctitate consistere. Quomodo enim pulchritudo corporis ex proportionem membrorum, & coloris suavitate confurgit: sic in substantia spirituali, coloris suavitas lux sapientiæ est, membrorum proportio iustitia est: sed per iustitiam non virtus aliqua particularis, sed illa universalis intelligitur, quæ virtutes omnes continet. Ille igitur spiritus pulcherrimus est, cuius mens luce sapientiæ fulget, & cuius voluntas perfectæ iustitiæ plenitudine pollet. Deus autem, tuum inquam exemplar, ô anima, ipsa sapientia, ipsa iustitia est, ac per hoc ipsa pulchritudo est. Et quoniam utrumque bonum nomine sanctitatis in Scripturis significatur, ideo apud Isaiam Angeli Deo acclamant: *Sanctus, Isa. 6.*  
*Sanctus Dominus Deus exercituum.* & ipse Deus ad imagines suas clamat: *Sancti estote, quia ego sanctus sum Do-* Levit.  
*minus Deus vester.* & in Evangelio<sup>11</sup> Dominus: *Estote perfecti, sicut Pater* Matt.  
*vester celestis perfectus est.* 6.

Ergo



## 12 ASCENS. IN DEVM

Ergo si cupis, anima, ut vera imago Dei, exemplari tuo quàm similima fieri; oportet te sapientiam & iustitiam præ omnibus rebus amare. Sapientia vera est, judicare de rebus omnibus secundum altissimam causam. Altissima causa est voluntas divina, sive lex quæ voluntatem Dei hominibus manifestat. Itaque si sapientiam amas, oportet te in rebus omnibus non audire quid lex carnis dicat, quid sensus judicent esse bonum, quid mundus probet, quid cognati suadeant, ac multo minus quid adulatores proponant; sed obsurdescas his omnibus, & solum attendas ad voluntatem Domini Dei tui; atque illud utile, gloriosum, appetibile, bonum denique omni ex parte tibi esse iudices, quod est conforme voluntati ac legi Dei. Hæc est Sapientia Sanctorum, de qua Sap. 7. scripsit Sapiens: *Super salutem & speciem dilexi illam, & proposui pro luce habere illam, quoniam inextinguibile est lumen illius. Venerunt autem mihi omnia bona pariter cum illa.*

Porro iustitia, quæ altera pars est pulchritudinis spiritualis, omnes quidem virtutes complectitur, quæ voluntatem ornant & perficiunt; sed præcipue charitatem, quæ mater & radix est omnium virtutum, & de qua sanctus Augustinus in lib. De natura & gratia extremo ita loquitur:



## GRADVS PRIMVS. 13

tur: *Inchoata charitas, inchoata iustitia* De natura  
*est: provec̃ta charitas, provec̃ta iustitia* x gra-  
*est: perfect̃a charitas, perfect̃a iustitia* tia.  
*est: nam qui diligit, legem implevit,* cap. 70. Ro.  
*quia dilectio malum non operatur: &* 13.  
*ideo plenitudo legis est dilectio; ut do-*  
*cuit Apostolus. & contra, qui servat*  
*verbum ejus, id est, mandata ejus, verè*  
*in hoc charitas Dei perfect̃a est; ut loqui-* 1. Ioan. 2.  
*tur sanctus Ioannes. Qui ergo vo-*  
*lunt exemplari divino similes fieri,*  
*obedire debent dicenti: Estote imi-* Eph. 5.  
*tatores Dei, sicut filii charissimi, & am-*  
*bulate in dilectione. Filius enim ima-*  
*go est Patris; & imaginis totum bo-*  
*num, ut supra diximus, est, suo ex-*  
*emplari esse simillimam.*

O si hæc planè intelligeres, ani-  
ma, & exemplari tuo per verè sapiē-  
tiæ veræq; iustitiæ pulchritudinem  
similis effecta, placeres oculis sum-  
mi Regis; quanta pace fruereris? quo  
gaudio exultares? quàm facile om-  
nia mundi oblectamenta contem-  
neres? contrà verò, si cogitares, quā  
vehementer indignetur Deus, cum  
videt, imaginem suam destitutam  
luce sapientiæ & decore iustitiæ,  
inquinari, fœdari, obscurari; & ho-  
minem in tanto honore positum, Pr. 43.  
ut similis esset Deo, comparari nunc  
jumentis insipientibus, & similem  
illis factum esse; certè horreres &  
contremisceres, nec posses ullo  
modo quiescere, donec fluminibus  
la-

lacrymarum ex amarissima contritione manantibus maculas omnes abstergeres , & ad similitudinem pulcherrimi exemplaris tui redires.

3. Cor. Sed quia interim dum peregrinaris à Domino , & per fidem ambulas , & non per speciem , indiges continuo ipsius Domini adjutorio , tum in similitudine jam acquisita permanes , tum ut quotidie similior, id est, formosior lucidiorq; reddaris , ingemisce ex toto corde ad Deum, eiq; dicito : O Domine sancte & misericordissime, cui placuit, hanc animam meam , imaginē tuā facere; perfice, quæso te, imagunculam tuam , adauge sapientiam, adauge justitiam , absconde eā in abscondito tabernaculi tui , ut neque luto carnalis concupiscentiæ , neq; fumo sæcularis honoris, neque pulvere terrenarum cogitationum foedari valeat. Atq; hætenus de forma.

CAP.  
V.

Restat ultima causa , quæ finis dicitur. Porro finis, ad quem creatus est homo , non alius est , quam ipse idem Deus. Sed quia duplex est finis , alter intrinsecus , alter extrinsecus, utrumque scorsim breviter consideremus. Finis intrinsecus uniuscujusq; rei, est status perfectus ad quem res illa pervenire potest. Finis intrinsecus palatii , est ipsum complementū & perfectio ipsa palatii: tunc enim finitum esse dicitur, cum

## GRADVS PRIMVS. 13

cum nihil ei deest eorum quæ palatii structura requirit. Finis intrinsecus arboris, est status perfectus quem ejus natura requirit: tunc enim finem suum attigisse dici potest arbor, cum ramos extendit, & folia produxit, & floribus ornata est, ac paulo post pomis, iisq; maturis, onerata cernitur. Homo igitur, qui ad finem celsissimum creatus est, tunc finem suum consecutus dici poterit, cum mens ejus Deum videbit sicuti est: quam visionem scientia rerum omnium consequetur, & voluntas ipso summo bono ardentissime amato & desiderato fruetur; & corpus immortalitate & impassibilitate, aliisq; dotibus gloriosis præditum, perpetua pace & lætitia potietur. Et quoniã essentia hujus finalis beatitudinis est visio Dei, per quam imagines Dei, nos inquam ipsi, ad perfectum statum perfectamque similitudinem cum exemplari nostro divino pervenimus; ideo scribit beatus Ioannes: *Nunc filii Dei sumus, & nondum apparuit quid erimus. Scimus quoniam cum apparuerit, similes ei erimus, quoniam videbimus eum sicuti est.* Ioan. 3.

O si posses, anima, cogitare quid hoc sit, *Similes ei erimus, quoniam videbimus eum sicuti est;* quam cito nebulae omnes terrenarum cupiditatũ dissiparentur! Deus beatissimus est,

# 16 ASCENS. IN DEVM

& ideò beatissimus, quia semper videt seipsum sicuti est, seq; ipso summo bono clarissimè viso, & ardentissimè amato, sine ulla cessatione ab ipsa æternitate fruitur. Hujus inæstimabilis boni, te quoq; cum Angelis sanctis participem esse voluit: ad hunc finem sublimissimū & cel-  
 fissimū te creavit. Hoc significat il-

Matt.

25.

Luc. 22

lud : *Intra in gaudium Domini tui.* id est, Sis particeps gaudii, quo Deus ipse gaudet. & illud : *Ego dispono vobis, sicut disposuit mihi Pater meus regnū; ut edatis & bibatis super mensam meam in regno meo.* id est, Participes vos faciam regni mei, & regię mensę meę, ut fruamini illo honore, illa potestate, & illa voluptate, qua fruor ego, & qua fruitur Pater meus Deus. Et quis cogitare potest, quantus sit honor, quanta potestas, quanta voluptas, quanta felicitas Regis omnium regum, & Domini omnium dominorum, Domini Dei nostri? Certe qui ad hanc tantam finis nostri altitudinem cogitatione speque conscenderet, erubesceret omnino de terrę possessione litigare, vel ob quamcumque jacturam temporalium rerum affligi, vel de lucris temporalibus gaudere: erubesceret inquam inhiare voluptatibus quibus inhiant pecora, qui factus est comes Angelorum, & particeps amicitię Dei & inæstimabilium bonorum ejus;

# GRADVS PRIMVS. 17

jus; quoniam amicorum omnia sunt communia.

Iam verò finis extrinsecus unius-<sup>CAP. VI.</sup>  
cujusque rei est ille, cujus gratia

res facta est. Finis palatii, habitator ejus; finis arboris, possessor ejus; finis hominis, solus Dominus Deus ejus: ipse enim hominē fecit, de suo fecit, pro se fecit; ipse conseruat, ipse pascit, ipse stipendiū solvit.

Itaq; meritò jubet ac dicit: *Dominū Deum tuum adorabis, & illi soli servies.* <sup>Deut. 6. Matt. 4</sup>

Sed attende, anima, diligenter. res ceteræ, quæ propter hominem factæ sunt, ipsi homini utiles sunt, non sibi; homini laborant jumenta, non sibi; hominis cellam, & horreum, & marsupium implent agri, vineæ, horti; non suum: denique servorum est labor, & sudor, & fātigatio; Domini autem lucrum, & quies, & voluptas. At Dominus Deus tuus, qui nulla re indiget, servire quidem sibi vult hominem; sed utilitatem, & lucrum, & præmium, servientis hominis esse vult, non suum.

*O Domine suavis, & mitis, & multa* <sup>Ps. 85.</sup>  
*miseriæ, quis nō toto corde ser-*  
*viat tibi, si dulcedinem paterni do-*  
*minii tui, vel modici degustare in-*  
*cipiat? quid jubes Domine servis*  
*tuis? Tollite, inquis, jugum meum super* <sup>Matt.</sup>  
*vos. & quale est jugum tuum? Jugū,* <sup>11.</sup>  
*inquis, meum suave est, & onus meum*  
*leve. Quis non libentissime ferat ju-*

## 18 ASCENS. IN DEVM

gum, quod non premit, sed fovet :  
& onus quod non gravat, sed refi-  
cit? meritò igitur addidisti : *Et inve-*  
*nietis requiẽ animabus vestris.* Et quod  
est jugum tuum, quod non fatigat,  
sed requiem adfert? nempe manda-  
tum illud primum & maximum:

Mat. 22 *Diliges Dominum Deum tuum ex toto*  
*corde tuo.* Quid enim facilius, sua-  
vius, dulcius, quam diligere boni-  
tatem, & pulchritudinem, & amo-  
rem, quod totum es tu Domine  
Deus meus? Rectè judicavit servus  
tuus David, qui mandata tua esse

Pf. 118. *censuit desiderabilia super aurum, &*  
*lapidem pretiosum multum, & dulciora*  
*super mel & favum.* & addidit: *In cu-*  
*stodiendis illis retributio multa.* Quid  
est hoc, Domine? etiamne præmiũ  
polliceris custodientibus mandata  
desiderabilia super aurum multũ,  
& dulciora super mellis favum? Ita  
omnino; præmium, & præmiũ am-  
plissimum polliceris, dicente Apo-  
stolo tuo Iacobo: *Coronam vita repro-*

Iac. 1. *misit Deus diligentibus se.* Et quid est  
corona vitæ? nempe majus bonum,  
quam vel cogitare vel desiderare  
possimus. Sic enim loquitur beatus

1 Cor. Paulus ex Isaia: *Oculus non vidit, nec*  
2. *auris audivit, nec in cor hominis ascen-*  
Isa. 64. *dit, quæ præparavit Deus iis qui dili-*  
*gunt illũ.* Verè igitur in custodiendis  
mandatis tuis est retributio multa.  
Nec solum mandatum illud primũ

& maxi-

## GRADVS PRIMVS. 19

& maximum utile est homini obedienti, non Deo iubenti: sed etiam cetera mandata Dei, obedientem perficiunt, ornant, erudiunt, illustant, bonum denique ac beatum reddunt. Quare si sapis, intellige te ad gloriam Dei & salutem tuam æternam esse creatum, hunc esse finem tuum, hoc centrum animæ tuæ, hunc thesaurum cordis tui. Ad hunc finem si perveneris, beatus eris; si ab illo excideris, miser eris. Proinde illud tibi vere bonum existimes, quod ad finem tuum perducit; illud vere malum, quod à fine te facit excidere. Prospera & adversa, opes & inopia, sanitas & ægrotatio, honores & ignominia, vita & mors, apud sapientē nec per se expetenda, nec per se fugienda sunt: sed si conferunt ad gloriam Dei, & sempiternam felicitatem tuam, bona sunt, & expetenda; si eandem impediunt, mala sunt, & fugienda.

## GRADVS SECVNDVS.

*Ex consideratione maioris mundi.*

**S**cala ascensionis in Deum CAP. I  
Sedum primū construximus ex cō-  
sideratione hominis, qui dicitur  
mundus minor: nunc secundū gra-  
dum superstruere consilium est ex  
consideratione molis hujus maxi-  
mæ, quæ major mundus dici solet.

C. 4

Sci-



## 20 ASCENS. IN DEVM

Scribit quidē S. Gregorius Nazianzenus in secunda oratione de Pascha, Deum constituisse hominem quasi mundum magnum in parvo: quod est verum, si à mundo segregemus Angelos; est enim homo major toto mundo corporato, non mole, sed virtute: sed si in mundo comprehendantur Angeli, ut nos hoc loco comprehendimus, parvus mundus est homo in mūdo majore constitutus. In hoc igitur magno mundo, qui rerum universitatē completitur, multa sunt plane admirabilia; sed hæc potissimum, magnitudo, multitudo, varietas, efficacitas, & venustas. Quæ omnia, si Deo illuminante, attentissimè cogitentur, non parvā vim habent ad animā sic elevandā, ut in admiratione immensæ cujusdā magnitudinis, & multitudinis, & varietatis, & efficacitatis, & pulchritudinis quasi deficiat; & ad se reversa, quidquid extra Deum videt, quasi nihilū & inane despiciat.

Magnus certè est orbis terrarum, & adeo magnus, ut Ecclesiasticus Eccl. 1. dicat: *Latitudinem terræ, & profundum abyssi quis dimensus est?* & hoc ipsum etiam ex eo potest intelligi, quod in tot millibus annorum, qui fluxerunt ab orbe condito, nondū tota superficies terræ (hanc enim latitudinem terræ vocat Ecclesiasticus) nostris hominibus

cā



## GRADVS SECVND. 21

eā assiduè inquirentibus innotue-  
rit, & quanta quæso est moles terre,  
si ad cæli supremi ambitum com-  
paretur? Instar puncti dicitur ab A-  
strologis, nec immerito. Videmus  
enim solares radios per interpositā  
terram ita pertingere ad stellas fir-  
mamenti oppositas, ac si terra nihil  
omnino esset. Et si stella qualibet  
firmamenti major est toto orbe ter-  
rarum, ut Sapientum communis o-  
pinio est; & tamen nobis, ob infinitam  
propè distantiam, stellæ illæ mi-  
nutissimæ videntur: quis cogitando  
assequi poterit amplitudinem cæli  
ubi tot millia stellarū lucent? Ergo  
si de superficie, & profunditate terre  
Ecclesiasticus dixit: *Latitudinem ter-  
ræ, & profundum abyssi quis dimensus  
est?* quid quæso de superficie exte-  
riore cæli, & de profundo mundi  
totius à summo cælo usque ad infe-  
ros diceret? Omnino tanta est mo-  
les corporalis mundi hujus, ut nul-  
la mens, nulla cogitatio eā assequi  
possit. Age nunc, anima mea, inter-  
rogo te, si tantus est mundus, quan-  
tus est qui fecit mundum? Magnus  
Dominus, & magnitudinis ejus nō  
est finis. Audi Isaiam: *Quis mensus est* IIa. 40.  
*pugillo aquas, & calos palmo pondera-  
vit? quis appendit tribus digitis molem  
terre?* Vbi S. Hieronymus, ex versio-  
ne Aquilæ per pugillum dicit intel-  
ligi minimum digitū, ut sit hæc sen-  
tentia:

tentia : Aquam totā, quæ minor est quā terra, uno digitulo Dei mensurari; molē terræ, tribus digitis; cælū, quod majus est terra & aqua simul junctis, palmo ponderari. Atq; hæc quidē metaphorica sunt, cum spiritus sit Deus, & nec digitos nec palmos proprie habeat : sed Scriptura tamen his comparisonibus satis ostendit, multo majorem esse Deū, quam sit creatura ejus. quod magis expresse significavit Salomon, cum ait : *Calum, & cali calorum non te capiunt.* Quod ideo verum est, quia si mundus alius crearetur, illū quoq; repleret Deus ; & si plures mundi, vel etiam infiniti fierent mundi, illos omnes Deus impleret. Neq; existimes, anima mea, Deū tuum sic implere mundum, ut pars Dei sit in parte mundi, & totus in toto mundo. Deus enim partes nō habet, sed totus est in toto mundo, & totus in qualibet parte mundi. Proinde ubique præsens est cū omnipotentia & sapientia sua. Ideoque si fidelis illi fueris, etiamsi consistant adversus te castra, nō timebit cor tuum. Quid enim timeat, qui apud se habet patrē, amicū, sponsum omnipotentem, & omnia videntem, & ardentissime amantē? Sed si merito culpe tuæ iratum habeas Deum judicem, & inimicum omnipotentē, & omnia videntem, & peccata implacabili.

2 Pa.  
sal. 6.

## GRADVS SECVND. 23

bili odio detestantem; tum vero iure timere debes timore horribili, & nullam requiem dare oculis tuis nec pedibus tuis, nisi Deo placato per veram poenitentiam respiraveris in luce miserationum ejus.

Iam vero multitudinem rerum <sup>CAP.</sup> creatarum ab uno Deo conditore <sup>II.</sup> cæli & terræ quis enumerabit? *Arenarum maris, & pluviae guttas,* inquit <sup>Eccl. 1</sup> Ecclesiasticus, *quis dinumeravit?* Sed omissis rebus istis minutissimis, quot sunt intra terram & maria metalla auri & argenti, æris & plumbi, & lapides pretiosi, ac gemmæ, & margaritæ? quot supra terram genera, & species, & individua herbarum, fruticum, plantarum? & quot in singulis partes? quot etiam genera, species, & individua animalium perfectorum, imperfectorum, quadrupedum, reptilium, volatilium? quot in mari genera, species, individua piscium? quis enumeret? quid de multitudine generis humani, de quo scriptum est: <sup>Ps. 111</sup> *Secundum altitudinem tuam multiplicasti filios hominum?* quot denique sunt in cælo sidera? quot supra cælum Angeli? nam de stellis in veracissima Scriptura legimus: <sup>Gen. 15</sup> *Numera stellas, si potes.* Et alibi comparat multitudinem stellarum cum multitudine arenarum <sup>Gen. 22.</sup> maris, quā satis constat esse innumerabilem. De Angelis vero scribit Daniel:

## 24 ASCENS. IN DEVM

Daniel : *Millia millium ministrabant ei, & decies millies centena millia assistebant ei.* Et S. Thom. 1. p. q. 50. ar. 3. cū S. Dionysio affirmat, Angelorū multitudinem tantam esse, ut rerum omnium materialium multitudinē superet. Hæc igitur propè infinita rerum multitudo ab uno Deo omnipotente condita, demonstrat in ipsa divina essentia esse perfectiones omnino infinitas. Voluit enim Deus ab homine per creaturas suas utcumq; cognosci : & quia non poterat ulla creatura infinitam Creatoris perfectionem aptè repræsentare, creaturas multiplicavit, & singulis bonitatem & perfectionem aliquam tribuit, ut inde iudicium fieret de bonitate & perfectione Creatoris, qui infinitas perfectiones sub unius simplicissimæ essentiæ perfectione complectitur; ad eū ferè modum, quo nummus aureus continet valorem multorum nummorum æreorum. Ergo, anima mea, quidquid oculis aut cogitationi occurrit q̃ admirabile videatur, scala tibi sit ad perfectionem Conditoris agnoscendā, quæ sine ulla comparatione major & mirabilior est. Ita fiet, ut res creatæ, quæ *facta sunt in muscipulam pedibus insipientium*, ut Sapientia docet, non te decipiant, sed erudiant; nec te dejiciant, sed gradum tibi ad meliora faciant. Ita-

que

Sap. 14

## GRADVS SECVND. 25

que si aurum, vel argentum, vel lapides pretiosi occurant, dicas in corde tuo : Pretiosior est Deus meus, qui se mihi daturum promissit, si ista contempsero. Si regna, si Imperia terrena miraris ; dicas in corde tuo : Quanto præstantius est regnum cælorum, quod in æternum manet, & quod promissit diligentibus se qui non mentitur Deus ? Si voluptates & deliciæ carnalem sensum titillare incipiant, dicas in corde tuo: Multò jucundior est voluptas spiritus, quam voluptas carnis, & deliciæ mentis quam ventris : istas enim præbet creatura mortalis, illas Deus totius consolationis; quas qui gustat, dicere potest cum Apostolo : *Repletus sum consolatione, superabundo gaudio in omni tribulatione nostra.* Deniq; si quid pulchrum, novum, insolitum, magnum, mirabile offeratur, modò discedas à Domino Deo tuo : responde secure, quidquid est in illis boni, & multò plura & meliora in Domino tuo sine dubitatione reperiri : ideò non esse tibi utile, nummum æreum pro aureo, vitrum pro gemma pretiosa, parva pro magnis, certa pro dubiis, & sempiterna pro temporalibus commutare.

Sed quāquā admirabilis sit multitudo rerum creatarum, & multiplicitē unius Dei perfectionē arguat: CAP. III.  
multo

## 26 ASCENS. IN DEVM

multo tamen admirabilior est varietas rerum, quæ in illa multiplicatione cernitur, & facilius ad Dei cognitionem ducit: non enim difficile est, uno sigillo multas figuras omnino similes exprimere, nec iidem typis innumerabiles litteras excudere; sed variare formas infinitis propè modis, quod Deus fecit in creatione rerum, hoc planè divinum est opus, & admiratione dignissimū. Omitto genera & species rerum, quas constat esse maximè varias atque diversas. In ipsis individuis herbarum, plantarum, florum, fructuum, quanta varietas inest? figura, colores, odores, sapor nonne infinitis modis propemodò variantur, nonne idem omnino in animantibus cernitur? Sed quid de hominibus dicam, cum in exercitu numerosissimo vix inveniātur duo homines omnino similes? quod ipsum etiā in stellis & Angelis invenitur. nam & *stella à stella differt in claritate*, ut Apostolus testatur in prior

1. Cor.  
15.

1. P. q.  
50. art.  
4.

ad Cor. & S. Thom. affirmat, Angelos, quāvis sint in majore numero, quam res corporales, tamē omnes inter se nō solū individuali numero, sed etiā specifica forma differre.

Erige nunc, anima mea, oculos mentis ad Deum, in quo sunt rationes omnium rerum, & unde tam quā ex fonte infinitæ ubertatis manant

nav

GRADVS SECVND. 27

navit illa pæne infinita varietas. Neque enim Deus innumerabiles istas rerum formas in rebus creatis potuisset imprimere, nisi in sinu essentia suæ rationes earum modo eminentissimo & altissimo contineret. Merito igitur exclamat Apostolus: *O altitudo divitiarum sapientia &* <sup>Rom.</sup> *sciëntia Dei!* Vere enim puteus est infinitæ profunditatis, in quo latent thesauri divitiarum sapientiæ & scientiæ, quæ tantâ rerum varietatem parere potuit. Merito quoque sanctus Franciscus, divino lumine illustratus, dicebat Domino: *Deus meus, & omnia.* quoniâ varia bona, quæ in rebus creatis inveniuntur sparsa atq; divisa, in uno Deo inveniuntur modo quodam meliore & altiore collecta. Sed dices, anima: Ista quidem vera esse videntur; sed bona creata videmus oculis, manibus tangimus, ore gustamus, re ipsa possidemus, illisq; fruimur: Deum non videmus, non tangimus, non gustamus, non possidemus; & vix cogitatione, quasi rem longissime positam, apprehendimus: itaq; non esse mirum, si res creata nos magis afficiant, quam Deus. Sed si fides in te viget & vigilat, anima mea, negare non potes, quin post hanc vitam, quæ fugit velut umbra, si in fide, spe, & dilectione permanseris, Deum ipsum vere  
clare-



## 28 ASCENS. IN DEVM

clareque visura sis ut est in se, & illum possessura, illoq; fruitura longè melius & intimius, quàm rebus creatis nunc fruaris. Audi Dominũ

Mat. 5. ipsum: *Beati mundo corde, quoniam ipsi*

1 Cor. 13. *Deum videbunt.* Audi Apostolũ Paulum: *Videmus nunc per speculũ in ænigmate, tunc autem facie ad faciem.*

1 Ep. 3. Audi beatum Ioannem: *Similes ei erimus, quoniam videbimus eum sicuti est.* Deinde quanta, rogo te, pars mundi hujus ad te pertinet? certè nec totus mundus, nec pars media, aut tertia, aut quarta, sed vix particula quædã te contigit; eamq; post breve tempus, velis nolis, dimittere cogeris. At Deum, in quo sunt omnia, totum possidebis, & in æternũ possidebis: erit enim *Deus omnia in omnibus* Sanctis & beatis sine ullo fine. Ille erit tibi vita, cibus, vestis, domus, honor, divitię, delectatio, & omnia. Addẽ quòd Deus tuus suavis & mitis non jubet, ut dum in terris peregrinaris, solatio creaturarum penitus careas: imò ut tibi serviant, omnia condidit: sed hoc jubet, ut illis utaris moderatè, sobriè, temperanter, & cum egentibus hilariter communices; & non tibi dominantur, sed tu eis domineris, illisque utaris ad promerendũ Deũ. Ergo ardentissimè cogita, an non sit tibi utilius, & in hac vita rebus creatis non carere, qua parte neces-

saria

## GRADVS SECVNDVS. 29

saria sunt, & in altera Creatore ipso, in quo (ut saepe dixi) omnia sunt, in sempiternum frui; an vero in hac vita in acquisitione temporalium rerum vehementissime laborare, & nunquam earum copia satiari, & in altera temporalibus omnibus bonis repente destitui, & ad æterna bona nunquam pervenire. Adde denique, Deum non ita longe abesse à dilectoribus suis, ut non etiam in hac vita delectationes magnas illis tribuat, & majores, quam dilectores mundi in rebus creatis inveniant. Non enim falso scriptum est: *Memor fui Dei, & delectatus sum. & Delectare in Domino, & dabit tibi petitiones cordis tui. & Ego vero delectabor in Domino. & Latifica animam servi tui, quoniam ad te Domine animam meam levavi.* Ac ut omit-  
tam cetera, cum Apostolus ait: *Repletus sū consolatione, superabundo gaudio in omni tribulatione nostra:* certe nō significat, ex tribulatione nasci consolationē, & ex dolore gaudium; nō enim producunt spinæ uvas, aut tribuli ficus: sed significat, ad leniendas tribulationes à Deo superinfundi amicis suis tā puras, & liquidas, & solidas consolationes, ut cum eis temporalia gaudia comparari nullo modo possint. Illa igitur, anima, sit apud te firma conclusio: Qui invenit Deū, invenit omnia: qui perdit

D

Deum.

# 30 ASCENS. IN DEVM

Deum,perdit omnia.

CAP.  
IV.

Sequitur nunc, ut ex virtute quā Deus rebus creatis attribuit, ad infinitam Creatoris virtutem intelligendam ascendamus. Nulla omnino res est, quæ admirabilem virtutem, sive potentiam, sive efficacitatem non habeat. Terra, sive lapis terreus, si ab alto descendat, quo impetu ruit? quid non frangit? quid ei resistit? Cum vellet Spiritus sanctus in Apocalypsi describere impetum maximum, quo Babylon magna, id est universitas impiorum, in die iudicii in profundum abyssi precipitabitur,

Apoc.  
18.

fic ait: *Et sustulit unus Angelus fortis lapidem quasi molarē magnum, & misit in mare, dicens: Hoc impetu mittetur Babylon civitas illa magna, & ultra jam non invenietur.* Aqua verò, quæ mollis & blanda leniter fluit super faciem terræ, quando irascitur & intumescit in fluminibus vel torrentibus, obvia quæque prostermit & destruit: nec solum casas rusticorum, sed etiā portas & moenia civitatum, & pontes marmoreos diruisse videmus. Porro venti, qui aliquando suavissime spirant, naves maximas ad scopulos allidunt, & annosas quercus eradicant & evertunt. Vidi ego, quod nisi vidissem non crederem, à vehementissimo vento effosam ingentem terræ molem, eamque delatam super pagum quemdam, ut  
fovea

# GRADVS SECVNDVS. 31

fovea altissima conspiceretur unde terra eruta fuerat, & pagus totus cooperitus & quasi sepultus manerit, ad quem terra illa devenerat: Quid de igne dicemus? qua velocitate medicus ignis crescit in flammam tantā, ut domos & silvas quasi momento temporis devoret & consumat? Ecce, inquit sanctus Iacobus, *quantus ignis quam magnam silvam in-* Iac. 3. *cendit!* In herbis quam multiplices latent virtutes? In lapidibus, ac præsertim magnete & succino, quam admirabilis virtus cernitur? Porro in animalibus alia robustissima esse videmus, ut leones, ursos, tauros, elephantes; alia ingeniosissima, quamvis minutissima, ut formicas, araneas, apes, myrmecoleonem. Omitto potentiam Angelorum, virtutem solis & stellarum quæ procul à nobis absunt. quale tandem est ingenium hominum, quo tot artes inventæ sunt? ut sæpe dubitemus, utrum arti natura, an potius ars naturæ palmam concedat?

Attolle nunc, anima, oculos mentis ad Deum, & cogita quanta virtus, quanta efficacia, quanta potentia in Domino Deo tuo sit, cui à veracissima Scriptura dicitur: *Quis similis tui in fortibus Domine? & Qui facit mirabilia magna solus.* Exod. 15. Ps. 135. 1. Tim. 6. *& Beatus & solus potens, Rex regum, & Dominus dominantium.* Quidquid enim viriū res  
D 2 crea-

## 32 ASCENS. IN DEVM

- creata habent, à Deo habēt; & tam-  
 diu habent, quamdiu placet Deo, ut  
 Monæ 2. habeant. Quis enim fecit, ut Ionæ  
 in ventre ceti concluso neque ma-  
 ris aquæ, neque dentes ceti noce-  
 rent, nisi Deus? Quis conclusit ora  
 leonum famelicorum, ut Daniele  
 Dan. 5. non attingerent, nisi Deus? Quis tres  
 Dan. 3. pueros in camino ignis ardentis il-  
 lasos servavit, nisi Deus? Quis dixit  
 vento furenti, & mari insanienti:  
 Marc. 4. *Tace, obmutesce; & cessavit ventus, &*  
*facta est tranquillitas magna: nisi Chri-*  
*stus verus Deus? Ipse autem Deus,*  
 qui non habet ab alio virtutem &  
 potentiam, sed ejus voluntas, po-  
 tentia est, & potentia cui nihil resi-  
 stere potest; ipse infinitam potentiā  
 habet, & semper habet, & ubique  
 habet. Et omnis hominum pote-  
 stas, cum Dei potestate comparata,  
 non parva & exigua, sed nulla om-  
 nino est. sic enim loquitur Isaias:  
 Isaiæ 40. *Omnes gentes quasi non sint, sic sunt co-*  
*ram eo, & quasi nihilum & inane repu-*  
*tata sunt ei. Nonne igitur stulti sunt,*  
 qui timent res creatas, & Deum  
 omnipotentem non timent? & qui  
 confidunt in virtute sua aut amico-  
 rum suorum, & in Deo omnipoten-  
 te non fidunt? Si Deus pro nobis, quis  
 Rom. 8. contra nos? & si Deus contra nos, quis  
 erit pro nobis?  
 1. Pet. Ergo, anima mea, si sapias, humili-  
 are sub potenti manu Dei, inhære  
 illi



## GRADVS SECVNDVS. 33

illi per verā pietatem, & non timebis quid faciat tibi homo, vel dæmon, vel creatura alia. Sed si forte à pietate excidisti, & Deū tuū ad iracundiā provocasti, non des requiē temporibus tuis, donec invenias pacē à Domino tuo: nimis enim *Hebr. rendū est incidere in manus Dei viventis.* <sup>10.</sup>

Restat ut pulchritudinem rerum creatarū inspiciamus, de qua dixit <sup>CAP. V.</sup> Propheta: *Delectasti me Domine in factura tua.* <sup>Pf. 91.</sup> Et certe, quæ fecit Deus, ut bona sunt omnia, sic etiam pulchra sunt omnia, si recte considerentur. Sed omissis aliis, consideremus ea quæ omnium iudicio & approbatione sunt pulchra. Certe magna est pulchritudo virentis prati, horti bene culti, amoenissimæ silvæ, maris tranquilli, sereni aëris, fontium, fluviorum, urbium, cæli micantis, atq; innumerabilibus stellis quasi gemmis distincti. Deinde quā delectat pulchritudo arboris floribus vestitæ, vel pomis onustæ? quadrupedum variorū formæ, aviū volatus, pisciū lusus? Quid dicam de pulchritudine stellarum, & lunæ, ac potissimū de jubare illo solis maximo & clarissimo, quod exortu suo mundū exhilarat universum? Sed homines ad quos potissimū loquimur, nihil magis quam sua ipsorum venustas speciesq; delectat: *Propter speciem mulieris multi perierunt,* inquit Ecclesiasticus. <sup>Ecccl. 7.</sup>

D 3

Vidi



#### 54 ASCENS. IN DEVM

Vidimus sapè, & dolumus, viros alioqui sapientissimos, feminarum venustate tanto amore captos, & contra etiam feminas graves & honoratas ad eam insaniam redactas ob virorum pulchritudinem, ut rem familiarem, & dignitatem, & filios, ac parentes, & etiam vitam ipsam, addo etiam æternam salutem amoris hominum formosorum posthabuerint. Nota sunt quæ de Davide, Salomone, Sampson in Scripturis sanctis leguntur: plenæ sunt historiæ similium exemplorū.

Ergo, anima mea, si tanta est pulchritudo in res creatas à conditore Deo effusa, quanta putas, & quā admirabilis est pulchritudo, pulcherrimi Conditoris? nemo enim dare potest, quod nō habet. Et si solis ac stellarum specie delectati homines, luminosa illa corpora Deos putaverunt, inquit Sapiens, *sciunt quanto his dominator eorū speciosior est. speciei enim generator hac omnia constituit.* Quanta autem sit pulchritudo Dei, non solum certo cognoscitur ex eo quod omnium creaturarum pulchritudo eminentiore modo in ipso collecta reperitur: sed etiam ex eo, quod cū invisibilis sit nobis, dum ab ipso peregrinamur, & solum per fidē Scripturarum, & in speculo creaturarum utcunq; cognoscatur, multi tamen Sanctorum ita exarserunt in amorem

rem ejus, ut alii in deferta loca se  
 abdiderint, & soli contemplationi  
 ipsius vacare voluerint, ut sancta  
 Maria Magdalena, Paulus primus e-  
 remita, magnus Antonius, & alii si-  
 ne numero, de quibus Theodore-  
 tus in historia religiosa consuli po-  
 test. Alii cōjuges & liberos, & quid-  
 quid in terris possidebant, deserent-  
 es, in monasteriis ad aliorum nutū  
 vivere voluerunt, ut Dei amicitia  
 fruerentur. Alii vitam ipsam cum a-  
 cerbissimo dolore libenter exponē-  
 re desideraverunt, ut ad visionē in-  
 finitæ illius pulchritudinis pertin-  
 gere mererentur. Audi unū ex illis,  
 sanctum videlicet Ignatium Marty-  
 rem in epistola ad Romanos: Ignis,  
 crux, bestia, confractio ossiū, mem-  
 brorum divisio, & totius corporis  
 contritio, & tota tormenta diaboli  
 in me veniant, tantū Christo fruar.  
 Si ergo pulchritudo divina, nondū  
 visa, sed solū credita & sperata, tan-  
 tum ignē desiderii excitat; quid fa-  
 ciet, cum remoto velo, ut est in se,  
 conspicietur? Omnino id faciet, ut  
 torrente voluptatis illius inebriati,  
 neque velimus, neque possimus vel  
 ad punctum temporis oculos ab  
 ea divertere. Et quid mirum, si An-  
 geli & animæ beatæ semper videant  
 faciem Patris qui est in celo, nec  
 visio illa tedium vel satietatem ul-  
 lam pariat, cū ipse Deus ab æterni-

### 36 ASCENS. IN DEVM

tate pulchritudinem suā semper aspiciens in ea penitus acquiescat, & ex ea visione beatus, nihil aliud velit, & quasi in cellam vinariā, & in hortum omniū deliciarum ingressus, nunquam inde exierit, neq; in æternum sit exiturus. Hanc pulchritudinem quære, anima mea, ad eam

*1. N. 41.* suspira die ac nocte: dicas cum Propheta: *Sitivit anima mea ad Deum fontem vivum, quando veniam, & apparebo ante faciem Dei?* dicas cum A-

*2. Cor.* postolo: *Audemus, & bonam voluntatem habemus magis peregrinari à corpore, & præsentem esse ad Dominum.* Ne-

que timeas ex vehementi amore pulchritudinis illius inquinari; amor enim divinæ pulchritudinis perficit corda, nō inficit; sanctificat, non inquinat. Vere dicebat sanctissima virgo & martyr Agnes: Amo Christum, cuius Mater virgo est, cuius Pater feminam nescit: quē cum amavero, casta sum; cum tetigero, munda sum; cum accepero, virgo sum. Sed si vere Domini tui increatam speciem concupiscis, oportet te implere, quod Apostolus eo loco subjungit: *Ideo, inquit, contendimus, si-ve absentes, si-ve præsentem, placere illi.* Si placet tibi Deus, debes & tu placere Deo. Et quidem in regione vivorū, cum præsentem erimus, illuminati fulgore ejus, sine dubitatione Deo placebimus, sicut Propheta canit:

*Placebo*

*ibid.*

# GRADVS SECVNDVS. 37

*Placebo Domino in regione vivorū.* Sed <sup>Ps. 114.</sup>  
in hac peregrinatione tā facile for-  
descimus & inquinamur luto pec-  
cati, ut Apostolus Iacobus dixerit:  
*In multis offendimus omnes.* & Prophe- <sup>Iac. 3.</sup>  
ta David, ut ostenderet quam rari  
sint immaculati in via, ad beatitudi-  
nem hoc pertinere pronuntiaverit,  
dicens: *Beati immaculati in via.* Ergo <sup>Ps. 118.</sup>  
si cupis, anima, etiam in absentia &  
peregrinatione placere dilecto, non  
satis est velle placere, sed oportet, ut  
Apostolus loquitur, contendere pla-  
cere, id est, assiduo magnoq; labore  
cavere maculas quæ foedā reddunt  
faciem animæ; & si quæ inhæserint,  
non minori studio & labore con-  
tendere illas abstergere. Nonne vi-  
des mulierculas, quæ cupiunt place-  
re viris suis, quot horas consumunt  
in componendis capillis, & polien-  
do vultu, & maculis vestium abster-  
gendis, ut placeant oculis viri mor-  
talis, qui paulo post in lutum & ci-  
neres converti debet? quid igitur te  
facere oportet, ut placeas oculis  
sponsi immortalis, & qui semper te  
videt, qui sine macula & ruga te in-  
venire desiderat? Certè totis viri-  
bus contendere te necesse est, ut in <sup>Luc. 1.</sup>  
sanctitate & iustitia coram ipso ambu-  
les. Et omnia quæ veram sanctita-  
tem veramq; iustitiam impediunt,  
strenue removeas, vel amputes; ne-  
que respicias carnem & sangui-  
nem,

D ;

nem,

# 38 ASCENS. IN DEVM

nem, neque attendas ad sermones  
& iudicia hominum. non enim si-  
mul placere potes Deo, & mundo,  
dicente Apostolo: *Si hominibus pla-*  
Gal. 1. *cerem, Christi servus non essem, &c.*

## GRADVS TERTIVS.

*Ex consideratione orbis terra.*

CAP. I. **C**onsideravimus mundum cor-  
poralem in universum: nunc  
partes ejus principales considerare  
aggredimur, ut ex iis scalam nobis  
ad contemplandum opificem, qua-  
lem possumus, erigamus.

Prima se offert terra: quæ quam-  
vis infimum locum teneat, & mi-  
nor ceteris elementis esse videat-  
ur; tamen revera non est minor  
quam aqua, & dignitate ac pretio  
superat elementa omnia. Hinc e-  
nim in Scripturis sanctis passim le-  
gimus, Deum fecisse cælum & ter-  
ram, quasi partes mundi præcipuas,  
quibus ceteræ serviant: cælum e-  
nim fecit, quasi palatium Dei & An-  
gelorum: terram, quasi palatium  
Ps. 113 hominum. *Cælum cali Domino*, in-  
quit Propheta, *terram autem dedit fi-*  
*lius hominum.* Atque ea causa est,  
cur cælum plenum sit stellis fulgen-  
tibus, & terra abundet immensis  
divitiis metallorum, lapidum præ-  
tiosorum, herbarum, arborum, ani-  
malium

### GRADVS TERTIVS. 39

malium multorum generum; cum aqua solis piscibus abundet, aër & ignis egena ac pænè vacua sint elementa. Sed his omissis, orbis terræ tria quædam habet consideratione dignissima, per quæ ad Deum, si mens vigilet, non difficulter ascendere possumus.

Primum, Terra fundamentum est firmissimum mundi totius, quod nisi haberemus, non posset homo neque ambulare, neq; quiescere, neque operari, nec vitam ullo modo ducere: *Firmavit, inquit David, orbē terra, qui non commovebitur.* Ps. 92.

& : *Fundasti terram super stabilitatem suam, non inclinabitur in saculum sæculi.* Deinde, Terra quasi bona nutrix hominum, & animantium ceterorum, assidue producit herbas, fruges, fructus, gramina, poma, & alia id genus innumerabilia. Sic enim Deus loquitur: *Ecce dedi vobis* Ps. 103

*omnem herbam afferentem semen super terram, & universa ligna quæ habent in semetipsis sementē generis sui, ut sint vobis in escam, & cunctis animantibus terræ.* Tertiò, Producit terra lapides & ligna ad ædificandas domos, & metalla æris & ferri in varios usus; & aurum atque argentum, quibus cudentur pecuniæ, instrumenta videlicet ad vitæ humanæ omnia necessaria facillimè comparanda. Gen. 1.

Ac prima quidem illa terræ proprietates,



# 40 ASCENS. IN DEVM

prietas, quod videlicet sit locus in quo corpora nostra quiescant, cum in aqua, vel aëre, vel igne quiescere nequeant; symbolū Conditoris est, in quo solo anima humana locum

- Lib. 1. quietis invenire potest : *Fecisti, in-*  
confes. quit sanctus Augustinus, *nos Domine*  
cap. 1. *ad te, & inquietum est cor nostrum donec*  
*quiescat in te.* Salomon Rex, si quis  
 alius, quæsit requiem in imperio,  
 in divitiis, in voluptatibus; obtinuit  
 Regnum amplissimum & pacatissi-  
 mum, ita ut, Scriptura teste, haberet  
 in ditione sua omnia regna à flumine  
 terra Philisthiim usque ad terminum  
 Egypti, offerentium sibi munera, & ser-  
 vientium ei cunctis diebus vita ejus. Ha-  
 buit præterea divitias incomparabi-  
 les, ita ut aleret quadraginta millia  
 præsepia equorum curtilium; &  
 duodecim millia equestrium. & ut  
 3. Reg. legimus eodem libro, classis Salo-  
 2. & 6. monis ex Ophir adferebat aurum &  
 gemmas pretiosas in tanta copia, ut  
 argentum nihili fieret; & tanta esset  
 argenti copia in Ierusalem, quanta  
 lapidum platearum. Voluptates au-  
 tem tantas sibi ipse paravit, ut incre-  
 dibile videatur. nam cum mulieres  
 deperiret, accepit sibi uxores, quasi  
 Reginas septingentas, & concubi-  
 nas trecentas; ut legimus in eodem  
 libro. Sed ipsum de se loquentem  
 3. Reg. audiamus: *Magnificavi, inquit, ope-*  
 2. *ra mea, adificavi mihi domos, & plan-*  
 tavi

## GRADVS TERTIVS. 41

*tavi vineas, feci hortos & pomaria, & consevi ea cuncti generis arboribus; & extruxi mihi piscinas aquarum, ut irrigarem silvam lignorum germinantium. possedi servos & ancillas, multamque familiam habui: armenta quoque & magnos ovium greges, ultra omnes qui fuerunt ante me in Ierusalem. coacervavi mihi argentum, & aurum, & substantias Regum ac provinciarum. feci mihi cantores & cantatrices, & delicias filiorum hominum, scyphos & urceos in ministerio ad vina fundenda. & supergressus sum opibus omnes qui ante me fuerunt in Ierusalem. sapientia quoque perseveravit mecum. & omnia qua desideraverunt oculi mei, non negavi eis; nec prohibui cor meum, quin omni voluptate frueretur, & oblectaret se in his qua praparaveram; & hanc ratus sum partem meam, si uterer labore meo. Hæc ille, qui certe quietem maximam habuit, si ulla in rebus creatis haberi potest. Nihil enim illi defuit, non regnum, non divitiæ, non deliciæ, non ipsa quæ maximi fieri videtur humana sapientia, non denique pax & tranquillitas in tantis bonis longo tempore possidendis & retinendis.*

Interrogemus nunc, an in tantis rebus quietem invenerit, & an ista capacitatem animæ implere potuerint: Cum, inquit, me convertissem ad Eccl. 2  
*universa opera qua fecerant manus meæ,*

## 42 ASCENS. IN DEVM

*& ad labores in quibus frustra sudaveram, vidi in omnibus vanitatem & afflictionem animi; & nihil permanere sub sole. Non ergo quietem invenit Salomon in tantis divitiis, & deliciis, & sapientia, & honoribus: nec invenire potuisset, etiā si multo plura & majora fuissent, quoniam animus humanus immortalis est, ista verò mortalia sunt, nec possunt diu permanere sub sole: nec fieri potest, ut animus capax infiniti boni, satiatur bonis finitis. Quemadmodum igitur non potest corpus humanum in aëre, quantumvis latissimo, nec in aquis, quamvis profundissimis, requiescere; quia centrum ejus terra est, non aër, vel aqua: sic animus humanus numquam requiescet in aëreis dignitatibus, vel luteis divitiis, vel aqueis, id est mollibus & fordidis voluptatibus, nec in humanæ scientiæ falso splendore; sed in solo Deo, qui centrum animorum, & verus ac solus locus quietis eorum est. O quam vere, & quam sapienter exclamavit pater Salomonis, cum ait: *Quid mihi est in cælo, & à te quid volui super terram? Deus cordis mei, & pars mea Deus in aeternum.* ac si dicere voluisset: Nihil invenio nec in cælo, nec in terra, nec in alia re creata ulla, quæ sub cælo, aut super terram sit; quod mihi veram quietem possit adferre. Tu solus Deus*

Deus

## GRADVS TERTIVS. 43

Deus cordis mei; id est, tu solus petra solida es cordi meo, vox enim, Deus, in Hebraico textu petram significat hoc loco. Tu ergo solus petra firmissima es cordi meo, in te uno quiescam, tu solus pars mea, hereditas mea, omne bonum meum; cetera nihil sunt, & nihil ad me replendum & satiandum valent: atque hoc non per unum vel alterum diem vel annum, sed in æternum: tu unus mihi sufficis in æternum, cetera nec ad unum diem sufficerent universa.

Agnosce ne adhuc, anima mea, solum Deum esse petram tuam, in qua requiescas; cetera vanitatem, & afflictionem spiritus, quæ non existentia, sed apparentia sint, & nō solentur, sed affligant, quoniam acquiruntur cum labore, possidentur cum timore, & amittuntur cum dolore? Despice ergo, si sapis, omnia quæ transeunt, ne te secū abripiant, & in uno permane, illique inhære vinculo charitatis, qui manet in æternum: leva cor tuum ad Deum in cælum, ne putrescat in terra: discce veram sapientiam, à multorum stultitia, quorum nomine loquitur Sapiens, & dicit: Ergo erravimus à via veritatis, & iustitia lumen non luxit nobis. Lassati sumus in via iniquitatis & perditionis, & ambulavimus vias difficiles, viam autem Domini

## 44 ASCENS. IN DEVM

*Domini ignoravimus. Quid nobis profuit superbia? aut divitiarum jactantia quid contulit nobis? Transierunt illa omnia tamquam umbra, & nos in malignitate nostra consumti sumus.*

CAP.  
II.

Matt.  
7.

Sed est etiam alia ratione petra firmissima symbolum Domini Dei nostri: quod symbolum explicavit nobis Sapientia Dei in Evangelio suo, ubi dixit, domum ædificatam super firmam petram immobilem permanere, si desuper descendant pluvia, & à latere irruant venti, & à parte inferiori percutiant flumina: domum vero ædificatam super arenam, nihil horum sustinere posse, sed ad primum impetum pluvia, aut venti, aut fluminis prosterni, & fieri ruinam domus illius magnam.

Eph. 3.  
Rom. 8.

Domiciliū tuum, ô anima, quod ex variis potentiis & virtutibus quasi cubiculis & aulis constat, si in Deo tamquam in petra fundetur; id est, si firmissime credas Deo, si tota fiducia tua sit in Deo, si sis in charitate Dei radicata & fundata, ut cum Apostolo dicere possis: *Quis nos separabit à charitate Christi?* securus esto, quia neque spirituales nequitia, quæ supra nos sunt, neque carnales concupiscentia, quæ sunt infra nos, neque domestici hostes nostri; qui à latere nos oppugnant, cognati videlicet & amici, contra te nunquam suis machinis prævalerunt.



## GRADVS TERTIVS. 45

Bunt. Magnæ quidem sunt vires, & magna calliditas spiritualium potestatum, sed major est potestas, & major sapientia Spiritus sancti, qui præsidet illi domui, quæ in Deo fundata est. Vehementer omnino contra spiritum pugnat caro, & carnales concupiscentiæ fortissimos quosque debellare solent: sed amor Dei amorem carnis facile superat, & timor Dei timorem mundi facile prostermit. Denique inimici hominis, domestici ejus, & ipsi quoque perversis consiliis ad consortium peccatorum animas trahunt: sed anima, quæ Dominum & Patrem, & fratrem, & sponsum in cælo se habere confidit, non magno labore carnales amicos & consanguineos Luc. 14 non solum contemnere, sed etiam odisse novit; & potest dicere cum Apostolo: *Certus sum, quia neque mors, neque vita, neque creatura alia poterit me separare à charitate Dei, quæ est in Christo Iesu Domino nostro.* Sed illa vere misera anima est, cujus domus in arena fundata non potest diu subsistere, & fiet brevi ruina illius magna; quippe cum credat mendacio, & confidat in baculo arundineo, & ejus Deus aut venter, aut pecunia, aut fumus honoris sit; quæ omnia velocissime transeunt & pereunt, & animam illis inhaerentem in exitium sempiternum trahunt.

E.

jam



## 46 ASCENS. IN DEVM

CAP.  
III.

Iam vero altera terræ proprietās in eo posita est, quod terra tamquā bona nutrix herbas & fructus ceteros large profundat in escam hominum & animantium ceterorū. Atqui hæc ipsa proprietās ad Conditorē, ut verum nutritium, nos deducit: non enim terra, sed Deus in terra omnia bona producit. sic enim loquitur Spiritus sanctus per

Pf. 146 *os David: Qui producit in montibus fœnum, & herbam servituti hominum.*

Pf. 103 *& rursus: Omnia à te expectant ut des illis escam in tempore. Dante te illis colligent; aperiente te manum tuam, omnia implebuntur bonitate. & Dominus in*

Matt. 6. *Evangelio: Respiciite volatilia cali, quoniam non serunt, neque metunt, neque congregant in horrea; & Pater vester celestis pascit illa. Et Aposto-*

Act. 16 *lus: Et quidem non sine testimonio semetipsum Deus reliquit benefaciens de calo, dans pluvias, & tempora fructifera, implens cibo & latitia corda nostra. Nec tamen falsum est, quod initio*

Gen. 1. *libri Genesis dicitur: Germinet terra herbam virentem, & facientem semen, & lignum pomiferum faciens fructum juxta genus suum. Vere enim terra germinat herbas & ligna pomifera: sed ex virtute, quam ei Deus attribuit; & ipso Deo per ipsam producente, & conservante, & incrementum dante. Itaque David ubi res omnes creatas invi-*

tat

## GRADVS TERTIVS. 47

rat ad laudem Conditoris, addit cum ceteris ligna fructifera, & omnes cedros: & tres pueri apud Danielem exhortantur cum ceteris creaturis omnia germinantia in terra, ut benedicant Dominum, & laudent, & superexaltent eum in sæcula.

*Pf. 143.  
Dan. 3.*

Et cum omnia suo modo Deum laudent, quanto affectu deberes tu, anima, Deum pro his omnibus beneficiis, quibus assidue frueris, benedicere & laudare? agnoscens in eis occultam Dei manum omnia largientem, & non occultum, sed clarissime patentem, & sese ostendentem paternum & purissimum Dei tui amorem, qui numquam cessat tibi de cælo benefacere, & in rebus omnibus providere. Sed parum est hoc in oculis Domini Dei tui. Ipse est enim, qui in te, ut in spirituali agro suo, producit germen nobilissimum charitatis. Charitas enim non ex mundo, sed ex Deo est, ut dilectissimus discipulus loquitur in Epistola sua. Ex charitate autem, ut ex arbore divina atque cælesti, prodeunt flores candidissimi & odorati cogitationum sanctarum, folia virentia verborum utilium ad salutem gentium, & fructus operum bonorum, quibus Deus glorificatur, & proximi adjuvantur, & merita colliguntur.

*1. Ioa. 4.*

48 ASCENS. IN DEVM  
tur, & servantur in vitam æternam.

Væ autem illis, qui more jumentorum insipientium fructibus terræ satiari desiderant, eosque avidissime colligunt & recondant, & de auctore non cogitant, neque illi gratias agunt: & quorum animæ similes sunt terræ cui maledixit Deus, quæ spinas & tribulos germinat. Quid enim cogitant illi, in quibus Deus non seminat casta consilia, nisi fornicationes, adulteria, homicidia, sacrilegia, furta, proditiones, & alia id genus? & quid isti loquuntur nisi blasphemias, perjurias, maledicta, hæreses, convitia, contumelias, falsa testimonia, mendacia, & alia id genus, quæ à patre suo diabolo didicerunt? Et quos postremo fructus producant, nisi venenatos illos fructus, quos ab ipsis cogitari assidue diximus, & qui ab Apostolo opera carnis nominantur? Iste *Gal. 6.* mirum spinæ sunt quæ primo pungunt animos germinantiū eas, punctationibus amarissimis timorum & sollicitudinum: deinde pungunt famam, & corpora, & animos proximorum læsione gravissima, & sæpe irreparabili, ex qua postea plurima & gravissima ad alios detrimenta perveniunt.

Sed his omissis, tu anima mea, si hortulus es cælestis agricolæ, cave ne spinæ vel tribuli unquam invadantur

## GRADVS TERTIVS. 49

niantur in te, sed omni sollicitudine fove arborē charitatis, & lilia castitatis, & nardū humilitatis: cave ne unquā tibi subrepat, ut à te esse existimes cælestia ista germina virtutū, & non à Domino Deo tuo, qui est Dominus virtutum, seminator casti consilii. sed & conservationem, & incrementum, & maturitatē fructuum bonorum operum non tibi attribuas, sed illi commenda, & ad illum sit semper fortitudo tua.

Restat ultima terrę laus, quod vi-<sup>CAP.</sup>  
delicet aurum, & argentum, & lapi-<sup>IV.</sup>  
des pretiosos intra sinum suum  
contineat. Sed certe non virtute sua  
producit terra tam pretiosas rerum  
species, sed ille qui per Aggæum di-  
cit: *Meum est argentum, & meum est* Agg. 2.  
*aurum.* O amator hominum, itane  
hoc etiam placuit dulcedini tuæ, ut  
non solum produceres humano ge-  
neri lapides, & ligna, & ferrum, &  
æs, & plumbum, & alia id genus ne-  
cessaria ad domos & naves ædifi-  
candas, & instrumenta varia con-  
struenda; sed etiam aurum, & ar-  
gentum, & lapides pretiosos ad or-  
natum & decorem? Et si hæc tribuis  
peregrinantibus in terra, & sæpe e-  
tiam inimicis tuis blasphemantibus  
nomen tuum; quid dabis dilectis  
tuis, te benedicientibus, & tecum  
regnantibus in cælo? Dabis utique  
non frustula auri vel argenti, nec

# 50 ASCENS. IN DEVM

Apoc.  
22.

pauculas gemmas pretiosas, sed civitatem illam de qua loquitur Iohannes Apostolus in Apocalypsi, cum ait: *Et erat structura muri ejus ex lapide jaspide; ipsa vero civitas aurum mundum: & fundamenta muri civitatis omni lapide pretioso ornat: & duodecim porta duodecim margarita sunt.* Nec vero existimamus, civitatem illam supernam Ierusalem cælestē, ex auro, & gemmis, & margaritis, quales hic sunt, constructam esse, vel ornatam: scimus enim Spiritum sanctum his vocibus uti, quoniam ad nos loquitur, qui meliora vel majora non vidimus. Sed sine dubitatione illa multo excellentior erit civitas illa, quæ est patria electorum Dei, omnibus civitatibus peregrinationis hujus, quanto civitas aurea & gemmata præstaret omnibus rusticorum pagis, qui ex luto & paleis constant.

Erige ergo, anima mea, oculos mentis ad cælum, & cogita quanti sint facienda bona quæ illic sunt, cum species auri, & argenti, & lapidum pretiosorum, quæ hic tanti fiunt, illis bonis comparatæ, vix luti & plearū nomine censeantur. Adde, quod aurum, & argentū, & margaritæ quæ hic habentur in pretio, corruptibilia sunt; quæ autem in cælesti illa civitate micant, incorruptibilia & sempiterna sunt. Sed si per  
manus



# GRADVS TERTIVS. 51

manus pauperum hoc ipsum corruptibile aurum & argentum, quod hic habes, ad caelestem civitatem transferre volueris; quod utique, si facis, omnino facies; & ipsum incorruptibile fiet, & tibi manebit in æternum. Non enim mentiri potest Veritas, quæ dicit: *Vende quæ habes, & da pauperibus, & habebis thesaurum in calo.* & alio loco: *Vendite quæ possidetis, & date eleemosynam; facite vobis sacculos, qui non veterascunt, thesaurum non deficientem in calis, quo fur non appropriat, neque tinea corrumpit.* O incredulitas filiorum hominum! promittit homo mendax decem pro centum, & sortem integram mutuanti se representaturum, & creditur ei. promittit qui mentiri non potest Deus, danti eleemosynam thesaurum in cælo, imo etiam centum pro uno, & vitam æternam se redditurum, & trepidat avarus homo, nec facile adduci potest, ut credat, & mavult thesaurum suum abscondere, ubi ærugo consumit, & fures effodiunt & furantur, quam in cælo reponere, quo fur non appropriat, neque ærugo consumit. Sed etiam si aliquando neque fures auferant, neque tinea vel ærugo corrumpat, quæ tanto labore parasti & conservasti, ô homo infelix, cujus erunt? tua certe non erunt, cujus tamen esse poterant, si per manus pauperum

Matt. 19.

Luc. 12.

Matt. 19.



## 52 ASCENS. IN DEVM

rum in cælestes thesauros transtu-  
lisses. Vfus quidem docet, ea quæ a-  
vari divites collegerunt, ad heredes  
prodigos pervenire, qui multo bre-  
viore tempore profundunt, quam  
avarî parentes collegerant. atque  
interim peccatum avaritiæ manet,  
æternumque manebit, & vermis  
conscientiæ non morietur, & ignis  
infernî non exstinguetur.

Mat.  
66.

Marc.

9.

Luc. 12.

Ergo, anima mea, aliorum infi-  
pientia te erudiat, & audi Dominũ  
& Magistrum tuum concionantem:

*Videte, & cavete ab omni avaritia, quia  
non in abundantia cujusquam vita ejus  
est, ex his quæ possidet. Avarus cõgregat  
& conservat, ut habeat unde diu vi-  
vat: sed contra accidit; nam quando  
minus cogitat, moritur, & substan-  
tia avare congregata & conservata  
generat vermem qui non morietur,  
& excitat ignẽ qui nõ exstinguetur.*

O avare infelix, ergone tam sollici-  
te aggregasti pecunias, ut fomentũ  
parares igni gehennæ, quo nun-  
quam exstinguatur? Audi beatum  
Iacobum in extrema Epistola sua:

Iac.

*Agite, inquit, nunc divites, plorate ulu-  
lantes in miseriis vestris, quæ advenient  
vobis. Divitiæ vestra putrefacta sunt, &  
vestimenta vestra à tineis comesta sunt.  
aurum & argentum vestrum arugina-  
vit, & arugo eorum in testimonium  
vobis erit, & manducabit carnes ve-  
stras, sicut ignis. Vos quidem, inquit  
beatus*

## GRADVS TERTIVS. 33

beatus Iacobus , quia divites estis, beati existimamini, & dicimini, sed revera miseri estis, & egenis omnibus miseres, & materiam magnam habetis lugendi & ululandi propter ingentes miseras, quæ certe advenient vobis. Divitiæ enim supervacaneæ, quas conservastis, & quas putrefieri sivistis , cum eas pauperibus erogare deberetis ; & vestimenta vestra quæ superflua possidetis, & potius à tineis comedi, quam pauperes inde vestiri patimini ; & aurum , & argentum, quod ab æruginè consumi vultis potius, quam illud in cibos pauperum erogetis ; hæc inquam omnia contra vos in die iudicii testimonium dicent : & tineæ ac ærugo divitiarum vestrarum in ignem urentem convertentur, qui æterno tempore carnes vestras devorabit, & nunquam consumet, ut ignis non extinguatur, & dolor non finiatur. Ergo cum Propheta Regio concludamus: *Beatum dixerunt stulti populum cui. hæc sunt, divitiæ videlicet exuberantes; re autem vera, beatus populus, cuius Dominus Deus eius.* Ps. 143

## GRADVS QVARTVS.

*Ex consideratione aquarum, ac precipue fontium.*

**CAP. I.** **S**ecundum locum inter elementa mundi tenet aqua. Ex ea quoque, si recte inspiciatur, gradus ascensionis in Deum construi poterit. Ac primum aquam universè considerabimus, deinde specialem ascensionem in Deum è fontibus hauriemus.

Aqua humida est, & frigida, ac per hoc quinq; veluti proprietates habet: nã lavat & abstergit maculas, extinguit ignem, refrigerat ac temperat ardorem sitis, conjungit res multas ac diversas in unum; deniq; quam profundè descendit, tam altè ascēdit. Hæc omnia manifesta sunt symbola sive vestigia conditoris rerum omnium Dei. Lavat aqua maculas corporales, lavat Deus maculas spirituales, *Lavabis me*, inquit David, *& super nivē dealbabor*. Quãvis enim maculas cordis, id est peccata, lavet contritio, lavent Sacramenta, lavent sacerdotes, lavent elemosynæ, atque alia opera pietatis: tamen hæc omnia vel instrumenta sunt, vel dispositiones: qui lotionis hujus auctor est, solus Deus est. *Ego sum*, inquit Deus per Isaïam,

## GRADVS QVARTVS. 55

*ego sum ipse, qui deles iniquitates tuas propter me. Et ideo Pharisei, qui murmurantes adversus Christum dicebant: Quis potest dimittere peccata, nisi solus Deus?* non fallebantur in eo quod soli Deo tribuebant potestatem supremam dimittendi peccata; sed in eo, quod Christum, Deum non esse credebant. proinde simul & blasphemabant, & vera dicebant.

Nec solum Deus lavat maculas cordis ad similitudinem aquæ, sed etiam aqua nominari voluit. sic enim scribit sanctus Ioannes: *Qui credit in me, sicut dicit Scriptura, flumina de ventre eius fluent aqua viva.* Hoc autem dixit de Spiritu, quem accepturi erant credentes in eum: nondum enim erat Spiritus datus, quia Iesus nondum erat glorificatus. ergo Spiritus sanctus, qui utique Deus est, aqua viva est; & de hac aqua dicit Ezechiel: *Effundam super vos aquam mundam, & mundabimini ab omnibus inquinamentis vestris.* Et quoniam aqua ista cælestis & increata longè superat virtutem aquæ terrestris & creatæ: ideo tres differentias annotare placet inter lotionem aquæ creatæ & increatæ.

Aqua creata lavat maculas corporū, sed non omnes: multas enim lavare nequit, nisi juvetur sapone vel aliis instrumentis. Aqua increata  
omnes

omnes omnino maculas lavat. sic enim in loco paulò ante notato legimus : *Et mundabimini ab omnibus inquinamentis vestris.*

Aqua creata rarò ita maculas omnes tergit, ut vestigium aliquod vel quasi umbra maculæ non relinquatur. Aqua increata sic lavat, ut res lota candidior pulchriorq; reddatur, quam esset antequam inquinaretur: *Lavabis me*, inquit David, & *super nivem dealbabor.* Et per Isaiam Dominus dicit: *Si fuerint peccata vestra ut coccinum, quasi nix dealbabuntur; & si fuerint rubra quasi vermiculus, velut lana alba erunt.*

Deniq; aqua creata lavat maculas naturales, quæ non resistunt abstergenti: aqua increata lavat maculas voluntarias, quæ lavari nequeunt, nisi anima ipsa velit, & abstergenti sponte consentiat. Sed tâta & tam admirabilis est virtus hujus aquæ, ut suavissime etiam in lapidea corda penetret; & ideo à nullo duro corde respuitur, quia ipsa facit ut non respuatur, ut recte monet sanctus Augustinus. Quis capiat, Domine, quam admirabili ratione in corda infidelium inspires fidem, & in corda superbiorum infundas humilitatem, & in corda hostium tuorum insinues charitatem; ut qui paulò ante spirans minarum & cadis, te in discipulis tuis perseque-

Lib. de  
Præf.  
SS. c. 8

## GRADVS QVARTVS. 57

quebatur, repente mutatus, pro te  
& pro Ecclesia tua minas & cades  
persequentium libentissime perfe-  
rat? multum est à me, ut in hæc  
secreta tua penetrem, & malo ex-  
periri, quam scrutari efficaciam  
gratiæ tuæ. Et quoniam novi aquā <sup>Ps. 67.</sup>  
istam tuam, esse pluviam volunta-  
riam, segregatam hereditati tuæ, ut  
cecinit Propheta tuus: ideò humi-  
liter & suppliciter peto, ut inveniat  
in hereditate tua, & placeat gratiæ  
tuæ in terram cordis mei descen-  
dere, ne maneat sicut terra sine a-  
qua tibi, aridum & sterile, quale ex  
se est, ut ne cogitare quidem boni  
aliquid ex se sufficiat, Sed perga-  
mus ad reliqua.

Aqua extinguit ignem; & aqua <sup>CAP. II.</sup>  
illa cēlestis, gratia videlicet Spiritus  
sancti, admirabili ratione & modo  
extinguit ignem carnalium concu-  
piscientiarum. Multum quidem va-  
lent ad hoc incendium restinguen-  
dum jejunia, & corporis afflictatio-  
nes, sed si addantur ut instrumenta  
gratiæ Spiritus sancti; alioqui per se  
sola non multum valent: amor e-  
nim princeps est affectionum &  
perturbationum animi; ille regit  
omnes, & omnes illi uni obtem-  
perant. Amor cogi non vult, & si ab  
una parte via illi obstruatur, erum-  
pit ab altera. Amor nihil timet, om-  
nia audet, omnia vincit, nihil sibi  
diffi-



## 38 ASCENS. IN DEVM

difficile aut impossibile arbitratur; deniq; nulli cedit amor minor, nisi amori majori & valentiori. Sic omnino carnalis amor, siue divitias, siue delicias mundi sequatur, uni cedit amori Dei. Cum primum incipit aqua Spiritus sancti in cor hominis instillari, continuo frigescere incipit amor carnalis. Testis nobis sit beatus Augustinus, qui cū assuetus esset indulgere libidini, & impossibile, sibi duceret consortio feminae posse carere: tamen ubi gustare cœpit Spiritus sancti gratiam, exclamavit in principio libri noni Confessionū: *Quam suave mihi sub-*

Lib. 9.  
Confess.  
c. 1.

*to factū est carere suavitatibus nugarū? & quas amittere metus fuerat, jam dimittere gaudium erat. eiiciebas enim à me vera tu & summa suavis: eiiciebas, & intrabas pro eis omni voluptate dulcior, sed non carni & sanguini: omni luce clarior, sed omni secreto interior: omni honore sublimior, sed non sublimibus in se.*

CAP.  
XII.

Aqua præterea sitim sedat; & aqua illa cælestis sola potest desiderii cordis humani variis, & molestissimis, ac propè infinitis finem imponere. Sic Veritas ad Samaritanam loquens manifestissime docuit: *Qui bibit, inquit, ex aqua hac, sitiet iterum: qui autem biberit ex aqua, quam ego dabo ei, non sitiet in æternum. Omnino sic res habet: Non*

Joan. 4

*satis.*

## GRADVS QVARTVS. 39

*Saturatur oculus visu, nec auris auditu* <sup>Eccl. 1.</sup>  
*impletur.* quidquid homini offeratur, non potest ejus desiderium satiare, cum ille capax sit infiniti boni, & res omnes creatæ certis terminis circumscribantur. Sed qui bibere incipit aquam cælestē, in qua sunt omnia, nihil expetit, nihil requirit amplius. Sed de hac re diximus supra, cum de quiete animi in solo Deo, ut in proprio centro, loqueremur.

Aqua simul conjungit & in unū <sup>CAP. IV.</sup>  
 redigit quæ vix uniri posse videbantur. sic multa grana farinæ per aquæ admixtionem unus panis efficiuntur, & ex multis partibus terræ per aquæ adjunctionem lateres fiunt. Sed multo facilius & insolubilius aqua Spiritus sancti facit, ut multi homines sint *cor unū, & anima una.* <sup>Act. 4.</sup>  
 id quod in Actis Apostolorum dicitur de primis Christianis, in quos proximè descenderat Spiritus sanctus. Sed & Dominus hanc unitatem, quam efficit aqua Spiritus sancti, iturus ad Patrem commendat, & prædicit, cum ait: *Non pro eis rogo* <sup>Ioan. 17.</sup>  
*tantum, sed & pro eis qui credituri sunt per verbum eorum in me; ut omnes unū sint, sicut tu Pater in me, & ego in te, ut & ipsi in nobis unum sint.* Et paulo post: *Ut sint unum, sicut & nos unū sumus. Ego in eis, & tu in me, ut sint consummati in unum.* Ad quam unitatē  
 hor-

## 60 ASCENS. IN DEV M

**Eph. 4.** hortatur etiam Apostolus in Epistola ad Ephesios: *Solliciti, inquit, servare unitatem spiritus in vinculo pacis: unum corpus, & unus spiritus, sicut vocati estis in una spe vocationis vestrae.*

**1 Cor. 10.** O felix unio, quæ multos homines facit esse unum Christi corpus, quod ab uno capite regitur, & de uno pane comedit, & de uno calice bibit, & de uno spiritu vivit, & adherens Deo, unus spiritus fit cum eo. **1 Cor. 6.** Quid amplius desiderare potest servus, quam ut non solum particeps fiat omnium bonorum domini sui, sed etiam vinculo amoris indissolubilis unum fiat cum ipso omnipotenti, & sapientissimo, & pulcherrimo Domino suo? Atqui hoc totum facit Spiritus sancti gratia, ut aqua vivens & vivificans quando in corde recipitur devote, & tota diligentia ac sollicitudine custoditur.

**CAP. V.** Aqua deniq; tam alte ascendit, quàm ex alto descendit. Et quoniam Spiritus sanctus de summo caelo venit in terras, ideo in homine, in cuius corde recipitur, fit fons

**Pro. 5.** *aqua salientis in vitam æternam*, ut Dominus ait ad mulierem Samaritanam; id est, homo renatus ex aqua & Spiritu sancto, & qui eundem inhabitantem Spiritum in corde suo gerit, illuc erigit merita, unde descendit gratia.

Ergo, anima mea, his vocibus Scri-

## GRADVS QVARTVS. 61

Scripturarū edocta & excitata, iterum atq; iterum gemitibus inenarrabilibus dicas Patri tuo: Da mihi hanc aquam, quæ maculas omnes detergat, quæ concupiscentiæ calorem extinguat, quæ sitim omnē & omnia desideria sedet: quæ unum spiritum cum Deo tuo te faciat, quæ fiat in te fons aquæ salientis in vitā æternam, ut illuc merita præmittas, ubi te speras sine fine manuram. Non sine causa Filius Dei dixit: Si *Luc. 11* vos cum sitis mali, nostis bona dare filiis vestris: quanto magis Pater vester de calo dabit spiritum bonum petentibus se? Et non dixit, Dabit panē, aut vestem, aut sapientiam, aut charitatē, aut Regnum cælorum, aut vitam æternā: sed dixit, Dabit spiritum bonum, quia in illo continentur omnia. Tu igitur non cesses quotidie Patrem admonere promissionis Filii sui, atq; dicere cum ingenti affectu, & certa spe obtinendi: Pater sancte, nō in justificationibus meis fundo preces ad te, sed in promissione unigeniti Filii tui. Ille nobis dixit: Quanto magis Pater vester dabit spiritum bonum petentibus se? Certe Filius tuus veritas est, nō nos decipit; ideo adimple promissionē Filii tui, qui te clarificavit super terram, ubique obediens fuit usq; ad mortem, mortem autem crucis: da *1. Cor. 15* spiritum bonum petenti te, da spi- *Phil. 2*

F - ritum

## 62 ASCENS. IN DEVM

ritum timoris & amoris tui, ut servus tuus nihil timeat nisi offendere te, & nihil diligat præter te, & Pl. 50. proximum suum in te; *Cor mundum crea in me Deus, & spiritum rectum innova in visceribus meis. Ne proicias me à facie tua, & spiritum sanctum tuum ne auferas à me. Redde mihi letitiam salutaris tui, & spiritu principali confirma me.*

CAP. VI. Venio nunc ad similitudinem, quam habent fontes aquarum cum Deo. hinc enim erigi potest animus ad contemplanda planè mirabilia de excellentia Conditoris. Non enim sine causa in Scripturis sanctis dicitur Deus *fons vita, & fons sapientia,*

Pl. 35. *& fons aqua viva.* Et quod sit fons  
Ecc. 1. effendi, colligitur ex verbis ipsius  
Jer. 2. Dei ad Moysen: *Ego sum, qui sum.*

Exo. 3. *Qui est, misit me ad vos.* Quæ omnia simul comprehendisse videtur Apostolus, cum ait: *In ipso vivimus, & Aët. 17 movemur, & sumus.* In ipso enim sumus, tamquam in fonte effendi, & in ipso vivimus, tamquam in fonte vitæ; & in ipso movemur, tamquam in

Sap. 7. fonte sapientiæ; quia *omnibus mobilibus mobilior est sapientia: attingit autem ubique propter suam munditiam, ut dicitur in libro Sapientiæ.*

Fons aquarum hinc apud nos id habet proprii, ut ab eo nascantur flumina; & si desinant à fonte fluere, continuo exarescant: fons autem ipse non pendet à fluminibus, quia

non

# GRADVS QVARTVS. 63

non accepit ab illis aquas, sed ipse in se habet, & cum aliis communicat. Hoc est verum symbolum & vestigium divinitatis. est enim Deus verissimus fons essendi: siquidem ipse à nulla re accipit esse, & omnia ab ipso accipiunt: à nulla re Deus accipit esse quia de Dei essentia est esse, & ipsa essentia est ejus existentia ut nec fieri nec cogitari possit, Deum non semper extitisse, aut non semper existere. Res ceteræ possunt ad tempus esse, & ad tempus non esse, quoniam ad eorum essentiam non necessario pertinet esse. Ut exempli causa, de essentia hominis est, ut sit animal rationale; atque ideo non potest homo esse, & non esse animal rationale: & si de essentia hominis esset etiam existere, non posset non semper existere: sed quia de essentia ejus non est existere, ideo potest existere, & non existere. Deus ergo est fons essendi, quia in sua essentia includit actu semper existere. Atq; hoc significat illa verba: *Ego sum, qui sum.* id est, Exo. 3. Ego sum ipsum esse, & non aliunde accipio esse, sed in me habeo; mihi soli convenit, ut essentia mihi sit esse. Atq; hinc etiam propria Deo est æternitas, & immortalitas, ut Apostolus dicit: *Regi seculorū immortalī,* 1. Tim. *soli Deo.* &: *Quis solus habet immortalitatem.* 1. Tim. Ita vero ceteræ res omnes à Deo <sup>6.</sup>



# 64 ASCENS. IN DEVM

accipiunt esse, ut nisi semper ab ipso dependeant, & ejus quodam influxu conserventur, continuo desinant esse. Hinc idem Apostolus dicit: *Portans omnia verbo virtutis sue.* Quia nisi à Deo sustentarentur res creatæ, utique non subsisterent.

Ergo, anima mea, suspice & mirare bonitatem infinitam Conditoris, qui res omnes tam amāter portat & conservat, cum earum opera non indigeat; nec minus admirare & imitare patientiā ejusdem Conditoris tui, qui tam *benignus est super ingratos & malos*, ut sustentet qui eum blasphemant, & conservet qui ad nihilum redigi digni essent: nec tibi grave videatur, si quando infirmitates fratrum portare, & iis qui te oderunt benefacere jubearis.

Sed nō in hoc solum posita est eminētia fontis essendi, quod à nullo alio fonte accipit esse, & rebus ceteris ipse communicat esse. Nam aquæ fontium & aquæ fluminū apud nos ejusdem generis sunt: & quamvis aquæ fontium nō ab aliis fontibus aquas accipiant, habēt tamen causā sui esse, vapores videlicet, & illi alias & alias causas, donec ad primam causā, quæ Deus est, perveniatur. Deus autē cōditor tuus, ô anima, non est ejusdem generis cum rebus creatis, sed infinito intervallo dignitatis, & nobilitatis,

& ex-

# GRADVS QVARTVS. 65

& excellentiæ ab eis distat; & vere  
 ac proprie fons est essendi, quia nō  
 solum non accipit esse suum ab a-  
 lio fonte essendi, sed omnē omnino  
 causam nescit. Fons aquæ creatæ,  
 ut dictum est, non ab alia aqua, sed  
 ab alia causa derivatur: fons essen-  
 di increatus nihil ante se habet, à  
 nulla re dependet, nulla re indiget,  
 nihil ei nocere potest; sed omnia  
 pendent ab illo, & ille potest res o-  
 mnes creatas uno nutu delere, ut  
 fortissimus loquitur Machabæus, <sup>2 Ma-</sup>  
 Hanc eminentiā admirare, anima, <sup>chab</sup>  
 hoc principiū sine principio, causā  
 sine causa, esse infinitum, illimita-  
 tum, immensum, absolute necessa-  
 rium; cum reliqua omnia, hujus cō-  
 paratione, contingentia sint. Ac for-  
 tasse de hoc Veritas dixit: *Porro unū  
 est necessarium.* proinde huic uni ad-  
 hæreas, illi soli servias, in illius so-  
 lius amore & desiderio delecteris:  
 cetera omnia illius comparatione  
 despicias: aut certe non nimia solli-  
 citudine turberis circa multa, quā-  
 do unum est necessarium, & solum  
 tibi & omnibus sufficit: sed una tibi  
 sollicitudo sit, ut ab illius gratia nū-  
 quam excidas, & illi uni semper &  
 ubique studeas complacere.

Iam vero Deus fons etiā vitæ re- CAP.  
 tissime dicitur, quia vivit, & vitā in VII.  
 semetipso habet, imo ipse vitæ eter-  
 na est: *Hic est verus Deus, & vitæ a-*

## 66 ASCENS. IN DEVM

na, inquit sanctus Ioannes; & res omnes quę vivunt, ab illo fonte accipiunt vitam, & illo cessante vitā. *Pl. 103* subministrare, deficiunt, & in pulverem suum revertuntur, ut canit sanctus Propheta David. Gignere sibi simile, est viventium propriū: gignit autē Deus Filium sibi simillimum, Deus Deum, & vivens vivētem. *Ioan. 5* Sicut enim Pater habet vitam in semetipso, sic dedit & Filio habere vitā in semetipso; ut testatur sanctus Ioannes in Euangelio: habet autem Pater vitā in semetipso, quia est fōs vitæ, & non aliunde accipit vitā: & dedit Filio habere vitam in semetipso, quia dedit eandem vitā, quā ipse habet; ac per hoc etiam Filius est fons vitæ, sed fons vitæ de fonte vitæ, sicut Deus de Deo, & lumen de lumine. Quis explicet, imo quis capiat, qualis sit vita Dei, & qualis iste fons vitæ, unde guttulas hauriunt omnia quę vivunt, sive in terra, sive in cælis? Vita nobis in hoc exilio nota, nihil est aliud nisi principii motus internū: illa enim dicuntur à nobis vivere, quæ aliquo modo seipsa movent. Unde etiā per similitudinē dicuntur vulgo aquæ vivæ, quæ sunt in fluminibus; & mortuæ, quæ sunt in stagnis: quod illæ videantur per se moveri, istę moveri nequeant, nisi à ventis aut externa vi alia impellan-

Deus

## GRADVS QVARTVS. 67

Deus tuus, ô anima, verissime vivit & auctor ac fons est vitæ. Ipse enim in Scripturis sanctis passim illud inculcat: *Vivo ego, ait Dominus.* Et Prophetæ, *Vivit Dominus, vivit Dominus*, sæpe repetunt. & apud Ieremiã conqueritur de populo Deus, dicens: *Me dereliquerunt fontem aquæ vivæ.* Et tamen neq; à se, neque ab alio movetur: *Ego Dominus, inquit, & non mutor.* & alibi: *Non est Deus, ut filius hominis, ut mutetur.* In hymno quoque Ecclesiastico canimus quotidie:

*Rerum Deus tenax vigor,*

*Immotus in te permanens,*

*Lucis diurna tempora*

*Succesibus determinans.*

Etsi Deus gignit Filium, sine mutatione gignit: etsi videt, audit, loquitur, amat, miseretur, judicat, sine mutatione hæc omnia facit: etsi res creat & conservat, vel contra destruit & dissipat, & rursus renovat & mutat, ipse tamen quiescens operatur, & immotus mutat. Quomodo ergo vivit, si non se mover? & quomodo nō vivit, si fons est & auctor vitæ? Hic nodus facile dissolvitur. ad vitā enim illud absolute satis est, si res viva ex se agat, & non ab alio mota. Sed vita ut plurimum in rebus creatis est principium internum motus: quia res creatæ imperfectæ sunt, & multis indigent, ut

## 68 ASCENS. IN DEVM

actiones vitæ possint implere: Deus autē infinita perfectio est, & nulla re indiget extra se; propterea ex se quidē agit, & nō motus ab alio, sed motu vel mutatione opus non habet. Indigent res creatæ mutatione, ut generent & generentur; quia generant extra se, & res quæ generantur, mutari debet à non esse ad esse: Deus autē intra se gignit Filium, & intra se producit Spiritum sanctū, neq; mutari debet Filius aut Spiritus sanctus de non esse ad esse, quia illud esse recipiunt, quod semper fuit; & illud non in tempore, sed in æternitate recipiunt. Indigent res creatæ motu augmentationis, quoniam imperfectæ nascuntur: Deus autem Filius perfectissimus nascitur, & Deus spiritus perfectissimus spiratur atque producitur. Indigent res creatæ motu alterationis, ut qualitates varias, quibus opus habent, adipiscantur: Deus autē nulla re indiget, cū infinitæ perfectionis essentiā habeat. Indigent res creatæ motu ad locum, quia non sunt ubique: Deus autem ubique totus est. Præterea res creatæ, ut videant, ut audiant, ut loquantur, ut operentur, multis rebus indigent, quia vitam quidem habent, sed imperfectā & egenam: Deus autē nulla re indiget extra se, ut omnia videat, omnia exaudiat, omnibus loquatur, omnia  
& in



## GRADVS QVARTVS. 69

& in omnibus operetur; quia non solum vitam habet, sed vitam opulentissimam & felicissimā habet, & ipse vita est, & fons vitæ. Ac ut in actione vidēdi ponamus exemplū: Homo ut videat, eget potentia visiva, quæ distincta est ab anima, quæ propriè vivit; eget objecto, id est, corpore colorato extra se posito; eget lumine solis, aut alicujus alterius corporis luminosi; eget medio, id est, corpore perspicuo; eget specie sensibili, quæ ab objecto ad oculos deferatur; eget organo corporali, id est, oculo variis humoribus & tunicis carneis instructo; eget spiritibus sensitivis, & nervis opticis, per quos spiritus illi transeant; eget distantia proportionata, eget applicatione potentia. Ecce quantis adminiculis indigent homines & animātia cetera, ut actionē unam vitæ possint implere: Deus autē, qui vere vitam totā habet in semetipso, nullare indiget. Ipsa essentia infinita est illi potentia, objectū, species, lumē, & cetera omnia. Ex se, & per se, & in se Deus videt omnia quæ sunt, quæ fuerunt, quæ erunt; & quæ possent esse aperte cognoscit. Et antequam mundus fieret, videbat Deus res omnes, neq; aliquid novi ex rerū creatione scientiæ aut visioni illius accessit. Quid ergo eris, anima, quando illius vitæ particeps eris?



70 ASCENS. IN DEVM

quid magni imperat tibi Deus, cum vitam istam corporalem & animalem, imperfectam utiq; & egenam, imperat exponi pro fratribus, & pro ipso Deo, ut vitæ æternæ ditissimæ & felicissimæ particeps fias? Et si nihil magni jubet, cum vitam jubet contemni: quam leve & modicum videri debet, cum imperat divitias mortuas liberaliter pauperibus erogare, & à carnalibus concupiscentiis abstinere, & diabolo ac pompis ejus vere renuntiare, & ad vitam illam, quæ sola vera vita est, toto cordis affectu suspirare?

CAP.  
VIII.  
ECC. I.

Sed jam tempus est, ut ad fontem sapientiæ, quo modo possumus, ascendamus. *Fons sapientiæ verbum Dei in excelsis*, inquit Ecclesiasticus. & recte dixit, *in excelsis*; quoniã fons sapientiæ in Angelos sanctos, & animas Beatorum, qui in cælestibus habitant, abundanter & copiose defluit. nobis autem, qui in deserto & peregrinatione versamur, non tam sapientia, quam sapientiæ quidam vapor vel odor contingit.

Quare, anima mea, noli nunc altiora, quam re deceat, quærere. Noli scrutari majestatem, ne opprimaris à gloria. admirare sapientiam illius, de qua dicit Apostolus: *Soli sapienti Deo*. gratulare beatis illis mentibus, quæ de fonte sapientiæ bibunt: & quamvis Deum non cõ-

pro

# GRADVS QVARTVS. 71

prehendant, quod ipsi fonti sapientiae proprium est; tamen faciē Dei, id est, primæ causæ, sine ullo velamine speculantur, & fulgoribus ejus irradiatæ de omnibus rectissimè judicant, neque in illa meridiana luce sapientiae timent errorum tenebras, neque ignorantiae obscuritatem, neque opinionum caliginem. Aspira ad illam felicitatem, & ut ad eam secure pervenias, ama ex toto corde Dominum Iesum Christum, *in quo sunt omnes thesauri scientiae & sapientiae Dei.* Cor. 1. Ipse enim dixit in Evangelio suo: *Qui diligit me, diligetur à Patre meo, & ego diligam eum, & manifestabo ei meipsum.* Ioa. 14 Et quid est manifestabo ei meipsum, nisi, manifestabo omnes thesauros scientiae & sapientiae Dei, quæ in me latent? Certe omnis homo naturaliter scire desiderat: & quamvis carnales concupiscentiae nunc in multis hoc desiderium quodammodo sopiant; tamen cum corpus, quod corrumpitur, & quod nunc aggravat animam, deposuerimus, tunc ignis desiderii hujus super omnia desideria effervesceat. Quanta ergo felicitas tua erit, ô anima, cū amatus, & amator tuus Christus ostendet tibi omnes thesauros scientiae & sapientiae Dei! Sed ut spe tanta non frustreris, Christi præcepta custodire stude. Ipse enim dixit: *Si quis diligit me,* Ioa. 14 *diligam eum,* Ioa. 14 *& manifestabo ei meipsum.* Ioa. 14

## 72 ASCENS. IN DEVM

*me, sermonem meum servabit. & : Qui non diligit me, sermones meos non servat.*  
**Iob 28** Atque interim sapientia tua sit illa, quā describit sanctus Iob, cū dicit: *Timor Domini, ipsa est sapientia; & recedere à malo, intelligētia.* Et quidquid boni in creaturis videris, scito illud à Deo fōte totius bonitatis defluere, ut sic cum beato Francisco discas fontalē bonitatem in singulis creaturis tamquam in rivulis degustare. De qua re lege sanctū Bonaventurā in Vita sancti Francisci cap. nono.

## GRADVS QVINTVS

*Ex consideratione aëris.*

**CAP. I** Aëris elementum insignis magister morum esse potest hominibus, si ejus natura consideretur. Nec solum ad moralem philosophiam docendam, sed etiam ad sacræ Theologiæ aperienda mysteria, animosq; ad Deum levandos, aptissimus invenitur, si quis attendere voluerit ad varia commoda, quæ aër humano generi ex divina ordinatione præstare non cessat.

Aër in primis, dum respirationi deservit, terrestrium animantium & ipsius hominis vitā conservat. Deinde oculorum, aurium, & linguæ usui usque adeo necessarius est, ut si forte subtrahatur, etiamsi cete-

ta adsint omnia, continuo cæci, surdi, ac muti omnes efficiamur. Denique tanta est necessitas aeris ad motum hominum, & animalium ceterorum, ut eo remoto, motus omnis impediri, atq; omnes artes, & omnia fere hominū opera cessare necesse sit. Incipiamus à primo.

Si intelligerent hominēs, nō minus egere animas respiratione sua, quā egeant corpora suā, multi salvarētur, qui nunc pereūt. Eget corpus continua respiratione, quoniā calor naturalis, quo cor exæstuat, ministerio pulmonis aērē frigidum attrahentis, & calidū ejicientis, ita temperatur, ut vitam cōservet; sine qua respiratione conservari nō potest. Ex quo usu receptū est, ut pro eodē accipiantur vivere & spirare: omnis enim, qui spirat, vivit; & qui spirare desinit, vivere etiam desinit. Et tu, anima, ut vivas vita spirituali, quæ est gratia Dei, indiges continua respiratione, quæ fit emittendo ad Deū per orationē calida suspiria; & recipiendo à Deo novā Spiritus sancti gratiam. Et quid aliud significant verba illa Domini tui: *Oportet* Luc. 18  
*semper orare, & nō deficere: nisi, oportet semper suspirare, & spiritum novū recipere, ut spiritualis vita in te non extinguatur?* Quod idem repetit, cum ait: *Vigilate itaque, omni tempore* Luc. 22  
*erantes.* Et Apostolus idem confir-  
 mas

mat in priore ad Thessalonicenses  
 1 The. dicens : *Sine intermissione orate.* Cui  
 5. consonat Apostolus Petrus in priore  
 1 Pet. 4 sua Epistola, cum scribit: *Estote itaque*  
*prudentes, & vigilate in orationibus.*  
 Siquidem hæc est vera prudentia,  
 ut qui omni tempore egemus adju-  
 torio Dei, omni tempore illud pe-  
 tamus. Scit quidem Pater noster,  
 quibus rebus indigemus, & paratus  
 est liberaliter ea suppeditare, ac præ-  
 fertim quæ ad salutem æternā per-  
 tinent: sed vult per orationis instru-  
 mentū ea largiri, quoniā hoc est il-  
 li honorificentius, & nobis utilius  
 quam si dormientibus & nihil agē-  
 tibus cuncta donaret. Itaque libe-  
 ralissimus Dominus ad petendum  
 nos hortatur & urget, cum dicit: E-  
 1 Luc. 11 go dico vobis: *Petite, & dabitur vobis;*  
*quarite, & invenietis; pulsate, & aper-*  
*ietur vobis. Omnis enim qui petit, ac-*  
*cipit; & qui quarit, invenit; & pulsanti*  
*aperietur.* Et quid sit illud, quod pe-  
 tendum est præcipue, & quod sine  
 dubitatione donabitur, explicat  
 paulo post dicens: *Si vos cum sitis*  
*mali, nostis bona dare filiis vestris:*  
 13. 11 *quanto magis Pater vester de celo dabit*  
*spiritum bonum petentibus se?* Hoc i-  
 gitur est in primis assidueque pe-  
 tendum, & hoc nobis sine dubita-  
 tione donabitur, si bene petatur,  
 spiritus bonus videlicet, per quē re-  
 spiremus in Deo, & spiritualem vitā  
 respi-

respirando servemus. quod sanctus David faciebat, qui in Psalmo dixit: *Os meum aperui, & attraxi spiritum.* id Ps. 119 est, os meū aperui desiderando, suspirando, postulando gemitibus inenarrabilibus; & attraxi auxam suavissimam spiritus Dei, quæ æstum cōcupiscentiæ refrigeravit, meq; in omni bono opere confirmavit. Quæ cū ita sint, quis dicet, eos vivere secundum Deū, qui dies integros, vel etiam menses & annos non suspirāt ad Deum, nec respirant in Deum? signum enim mortis evidens est, nō spirare. & si spirare est orare, signum mortis erit, non orare. Vita spiritualis, per quam filii Dei sumus, in charitate sita est: *Videte,* inquit S. Ioannes in Epistola sua, *qualem charitatē dedit nobis Pater, ut filii Dei nominemur & simus.* At quis amat, & non desiderat videre quē amat? quis desiderat, & non petit quod cupit, ab eo quem scit daturum, si petatur? Ergo qui non orat assidue, ut videat faciē Dei sui; non desiderat eum videre; qui non desiderat, non amat; qui non amat, non vivit. Quid ergo sequitur, nisi ut judicemus mortuos esse Deo, quāvis mundo vivant, qui serio in studio orationis non incumbunt? Neque vero orare, ac per hoc spirare & vivere dicēdus est, qui sola voce corporis preces fundit. Oratio enim definitur à sapientibus, nō

cle-



76 ASCENS. IN DEVM  
elevatio vocis in aërem, sed elevatio mentis in Deum.

Ergo, anima mea, noli te fallere, ut putes te vivere Deo, si non serio Deum ex toto corde quæris, eique suspiras diebus ac noctibus. Noli dicere, per alias occupationes tibi non licere colloquiis divinis & orationi vacare: sancti enim Apostoli occupatissimi erant, & quidem in opere Dei & salute animarum, ita ut unus eorum diceret: *Præter illa*  
*2 Cor. 11. qua extrinsecus sunt, instantia mea quotidiana, sollicitudo omnium Ecclesiarum. Quis infirmatur, & ego non infirmor? quis scandalizatur, & ego non uxor? & tamen hic ipse, præter frequentissimam orationum suarum cōmemorationem, scribit ad Philippen- Phi. 3 ses: Nostra conversatio in calis est. quia videlicet, in mediis etiā occupationibus, in calo per desiderium versabatur, neq; umquam dilecti sui obliviscebatur, alioqui non diceret:*  
*Gal. 2. Christo confixus sum cruci. Vivo autem jam non ego: vivit vero in me Christus.*  
*CAP. II.* Altera proprietas aëris est, ut sit medium, per quod ad oculos nostros perveniant species colorum, & ad aures species sonituum, sine quibus nec videre, nec audire, nec etiam loqui possemus. In quare primum Deo gratias agere debemus, quod tam insigni beneficio naturam nostram ornare voluerit.  
Deinde

Deinde admirari nos decet Condi-  
toris nostri sapientiã in opere tan-  
tæ subtilitatis & tenuitatis : ut cum  
sit aër verum corpus, & tantum, ut  
repleat spatium pænè immensum;  
tamen nec videatur, nec sentiatur  
ob incredibilem tenuitatem. Mira-  
ta est antiquitas subtilitatem unius  
lineę, quam penicillo duxerat Apel-  
les; sed ea linea & videbatur, & tan-  
gebatur, ac per hoc nullo modo  
comparari poterat cū tenuitate hu-  
jus subtilissimi veli, quod omnes  
ambit, & contingit, & à nullo cerni-  
tur propter subtilitatē eximiam. Sed  
admirationē auget, quod cum sit aër  
subtilissimum & tenuissimum cor-  
pus; tamē cum scinditur, summa fa-  
cilitate iterum conjungitur, & con-  
tinuatur, ac si scissum numquā fuif-  
set. Certe disruptam telā aranearū,  
vel scissum subtilissimum velū nul-  
lus artifex ita refarcire potest, ut  
prior scissura non appareat. Adde  
quod est omni admirationē dignif-  
simum, & solius Dei sapientiæ pro-  
priū, quod per eandē partem aëris  
impermixtæ & simul transeunt in-  
numerabiles colorum species. Qui  
sub noctem, lucente luna, in loco a-  
perto & edito positus, stellas in cæ-  
lo, & campos in terris, floribus ple-  
nos, & simul domos, arbores, ani-  
mantia, & alia id genus multa con-  
spiciat, negare non poterit, rerum

illarum omnium species in aëre illo sibi propinquo simul contineri, & impermixtas contineri. At quis hoc intelligat? quis capiat? quomodo enim fieri potest, ut res tenuissima tantam formarum varietatē simul contineat? Et quid si eodem tēpore & loco resonent cantus avium ab una parte, & ab alia varia musica instrumenta, & ab alia quoq; murmur cadentium aquarum; nonne simul in eodem aëre necesse erit recipi cum tot formis colorum, etiam illos omnes sonos, aut omnes eorum sonorum species? Quis hac facit, anima mea, nisi Conditor tuus, qui facit mirabilia magna solus? Et si tam mirabilia sunt opera ejus, quanto admirabilior erit ipse? Sed est & alia utilitas hujus admirandæ tenuitatis in aëre, quod non impedit, sed juvat motum omnium rerū, quæ de loco ad locum transeunt. Novimus omnes quāto labore trahantur naves per aquas, quamvis & ipsæ liquidæ sint, & facile scindantur. Nā nec venti nec remi aliquando sufficiunt, sed oportet vires eorum & bubalorū sæpenumero adhibere. Et si forte per montes aut colles aperienda via sit; quantis sudoribus, & quā longo tempore, via quamvis brevissima aperitur? At per aërem nullo labore, summa facilitate, & maxima celeritate currunt equi,

## GRADVS QVINTVS. 79

equi, volant aves, tela & missilia jaciuntur: homines vero ad varia exercenda ministeria ascendūt, descēdunt, deambulant, discurrunt, movent pedes, brachia, manus, sursum, deorsum, à dextris & sinistris: nec magis impedit eos aër ubiq; diffusus, quam si nō corporalis, sed spiritalis naturæ, aut penit<sup>9</sup> nihil esset.

Accedit postremo, quod aëris natura ita cedit omnibus, & in omnem formam se mutat, & scindi ac dirumpi se patitur, ut hominum utilitati deserviat, ut videatur datus hominibus in magistrum humilitatis, & patientiæ, & charitatis. Sed quod in te, anima mea, amorē Creatoris tui excitare & accendere vehementer deberet, illud est, quod hic idem ipse aër suavitatem incredibilem, & benignitatem maximā Conditoris sui hominibus repræsentat. Collige quæso te, anima, & attentissime cogita, Dominum tuū omnibus creaturis suis semper adesse, cum omnibus semper operari; & , quod est infinitæ suavitatis, ad singularum naturam cooperationē suam accommodare: quasi cum Apostolo suo dicat: *Omnibus omnia* <sup>1</sup> Cor. *factus sum*, ut omnes adjuvem, & <sup>9</sup> perficiam: cum agentibus necessariis cooperatur, ut necessariū agant; cum voluntariis, ut voluntariē; cum liberis, ut liberē. Ignem ita

## 80 ASCENS. IN DEVM

movet & juvat, ut ascendat sursum; terrā, ut tendat deorsum; aquam, ut labatur per loca declivia; aërem, ut transeat quocumq; pellitur; stellas, ut in circulum versentur perpetuo; herbas, frutices, plantas, ut fructus secundū naturā suam proferant; animantia terrestria, aquatilia, volatilia, ut ea faciant quæ natura eorū postulat. Et si suavitas Dei sic eminet in cooperatione cū creaturis suis in operibus naturæ, quid fieri putamus in operibus gratiæ? Attribuit quidē Deus homini liberū voluntatis arbitriū, sic tamē ut eum regeret impèrio, terreret exitio, alliceret beneficio. Vult Deus omnes ho-

1. Tim. 3. mines salvos fieri, sed ita vult, ut velit etiam eos velle; & ideo ita suaviter eos prævenit, & excitat, & ducit, & perducit, ut prorsus admirabile sit. Istæ sunt adinventiones sapien-

Isa. 12. tiæ Dei, de quibus dicit Isaias: *Notas facite in populis adinventiones ejus.* Et quidē homines impios nunc vehementer exterret; nunc amanter exhortatur, nūc clementer admonet, nunc misericorditer corripit, prout eorū ingenio & moribus judicat expedire. Audi quā mansuete cum primo peccatore Dominus egerit: *Adā,* inquit, *ubi es?* & respondenti illi, *Vocem tuam audi vi in paradiſo, & timui, eo quod nudus essem, & abscondi me;* adjecit Dominus pari mansuetudine

*Quis*

## GRADVS QVINTVS. 81

*Quis enim indicavit tibi quod nudus es-  
 ses, nisi quod ex ligno, de quo praeceperam  
 tibi ne comederes, comedisti? & hac pia  
 correptione admonitus Adam, sine  
 dubitatione resipuit, dicente Scrip-  
 tura: Hac (sapientia Dei videlicet) <sup>Sap. 10.</sup>  
 illum, qui primus formatus est à Deo  
 pater orbis terrarum, custodivit, & edu-  
 xit illum à delicto suo. Audi rursus,  
 quam mansuete & suaviter per An-  
 gelum suum corripuerit, atque ad  
 poenitentiam provocaverit omnes  
 filios Israël: Ascendit, inquit Scrip-  
 tura, <sup>Iudic. 2.</sup> Angelus Domini de Galgalis ad  
 Locum flentiū, & ait: Eduxi vos de Æ-  
 gypto, & introduxi in terram, pro qua  
 iuravi patribus vestris; & pollicitus  
 sum, ut non facerem irritum pactum  
 meum vobiscū, in sempiternū: ita dum-  
 taxat ut non feriretis fœdus cum ha-  
 bitatoribus terra hujus, sed aras eorum  
 subverteretis: & nolulistis audire vocem  
 meam: cur hoc fecistis? Cumq; loqueretur  
 Angelus Domini hac verba ad omnes fi-  
 lios Israël, elevarunt ipsi vocem suā,  
 & fleverunt. Et vocatum est nomen lo-  
 ci illius, Locus flentium, sive lacryma-  
 rum; immolaveruntque ibi hostias Do-  
 mino. Fuisse autē illum fletum ma-  
 ximum, & universalem, ac verē poe-  
 nitentiæ signum, testatur novum  
 nomen ei loco impositum, ad me-  
 moriam posteritatis æternam, ut  
 videlicet diceretur locus ille, lo-  
 cus flentium, sive lacrymarum, Quid  
 jam*



## 82 ASCENS. IN DEVM

jam de Prophetis dicam? illi certè in omnibus sermonibus suis hoc

Ezech.  
18.

docent, hoc clamant, Deum non velle mortem peccatorum, sed ut

Iere. 3.

convertantur & vivant. *Vulgo dicitur, ait Dominus per Ieremiam, Si dimiserit vir uxorem suam, & recedens ab eo duxerit virum alterum, numquid reverteretur ad eam ultra? tu autem fornicata es cum amatoribus multis: tamen revertere ad me, dicit Dominus, & ego suscipiam te.* Et per Ezechielem: *Sic locuti estis, dicentes: Iniquitates nostrae, & peccata nostra super nos sunt, & in ipsis nos tabescimus, quomodo ergo vivere poterimus? Dic ad eos, Vivo ego, dicit Dominus Deus, nolo mortem impii, sed ut convertatur impius à via sua, & vivat. Convertimini, convertimini à viis vestris pessimis: & quare moriemini domus Israël? Sed omisissis impiis, quanta sit benignitas & suavitas plus quam paterna & materna Domini Dei nostri in eos qui timent eum & sperant in eo, explicari nullo*

Ezech.  
33.

*modo potest. David in Psalmis, Secundum altitudinem, inquit, cali à terra, corroboravit misericordiam suam super timentes se. & infra: Quomodo miseretur pater filiorum, misertus est Dominus timentibus se. & infra: Misericordia Domini ab aeterno, & usque in aeternum super timentes se. & alibi: Gustate, & videte, quoniam suavis est Dominus; beatus vir, qui sperat in eo. &*

Ps. 102

*rur-*

Ps. 33.

rur-

tursum: *Quam bonus Israël Deus, his Ps. 72. qui recto sunt corde! id est, quis explicet, quanta sit bonitas, suavitas, dulcedo Domini erga animas pias & iustas? Per Isaiam quoque ait Dominus: Numquid oblivisci potest* <sup>Isa. 49</sup> *mulier infantem suum, ut non misereatur filio uteri? Et si illa oblita fuerit, ego tamen non obliviscar tui. Et Ieremias in Threnis: Pars mea Do-* <sup>Thr. 3.</sup> *minus, dixit anima mea, propterea expectabo eum. Bonus est Dominus sperantibus in eum, anima querenti illum. Bonum est praestolari cum silentio salutare Dei.*

Quod si jam addere vellem, quæ prædicant Apostoli in Epistolis suis de paternis visceribus Domini Dei nostri in homines pios, nullus finis inveniretur. Sit omnium loco, quod scripsit Apostolus Paulus initio posterioris Epistolæ ad Corinthios: *Benedictus Deus & Pater Domini nostri* <sup>2. Cor.</sup> *Iesu Christi, Pater misericordiarum, & Deus totius consolationis, qui consolatur nos in omni tribulatione nostra, ut possimus & ipsi consolari eos, qui in omni pressura sunt. Non dicit Deum esse consolatorem, sed totius consolationis plenissimum: nec dicit, qui consolatur nos in aliqua tribulatione, sed in omni: nec, ut possimus consolari eos qui in aliqua, sed qui in omni tribulatione sunt. Itaque nō potuit magis amplificare, quam*

## 34 ASCENS. IN DEVM

suavis & dulcis sit Deus erga eos quos diligit, & à quibus diligitur.

Sed præstat ad finem adscribere verba sancti Prosperi, quibus explicat benignitatem Dei, non solum erga bonos, sed etiam erga malos, ut eos efficiat bonos: Gratia, inquit,

Lib. 2.  
de vo-  
cat.  
gentiū.  
cap. 16.

*omnibus justificationibus principaliter præminet, suadendo exhortationibus, monendo exemplis, terrendo periculis, incitando miraculis, dando intellectum, inspirando consilium, corque ipsum illuminando, & fidei affectionibus imbuendo.*

*Sed etiam voluntas humana subjungitur ei, atque conjungitur. quæ ad hoc prædictis est excitata præsidio, ut divino in se cooperetur operi; & incipiat exercere ad meritum, quod superno semine concepit ad studium, de sua habens mutabilitate si deficit, de gratia opitulatione si proficit. Quæ opitulatio per innumeros modos, sive occultos, sive manifestos, omnibus adhibetur: & quod à multis refutatur, ipsorum est nequitia; quod autem à multis suscipitur, & gratia est divina, & voluntatis humana. Hæc ille.*

CAP.  
IV.

Eja nunc, anima mea, si Conditor tuus erga servos suos tam est suavis & mitis, tam incredibili benignitate peccatores tolerat, ut convertat; & justos consolatur, ut magis in justitia & sanctitate proficiant: an non deberes & tu proximos tuos benigne tolerare, & omnibus

## GRADVS QVINTVS. 85

nibus omnia fieri, ut omnes Deo ac Domino tuo lucrifaceres? cogita tecum, ad quam sublimem excellentiam Apostolus te hortatur, cum dicit: *Estote imitatores Dei, sicut filii charissimi, & ambulate in dilectione, sicut & Christus dilexit nos, & tradidit semetipsum pro nobis oblatione & hostia Deo in odorem suavitatis.* Imitare Deum Patrem, qui solem suum oriri facit super bonos & malos, & pluit super iustos & iniustos. Imitare Deum Filium, qui natura humana pro nobis assumpta, vitæ propriæ non pepercit, ut nos eriperet de potestate tenebrarum, & de interitu sempiterno. Imitare Deum Spiritum sanctum, qui dona illa sua pretiosissima copiose diffundit, ut spirituales nos de carnalibus efficiat.

Eph. 5.

Matt. 5.

## GRADVS SEXTVS

*Ex consideratione ignis.*

Ignis elementum est usque adeo cap. I purum & nobile, ut Deus ipse ignis appellari voluerit, dicente Moyse, & Paulo: *Deus noster ignis consumens est.* Et cum primum apparuit Moyfi Deus, in igne rubum occupante & non consumente conspici voluit: *Apparuit Dominus, inquit* Exod. 3 *Moyfes, in flamma ignis de medio rubi: & videbat, quod rubus arderet,*

I.  
Deut. 4  
Heb. 12

& non combureretur. Et cum legem populo daturus idem Deus advenit, in ignis forma advenit. sic enim lo-

Exo. 19. quitur idē Moyses : *Totus mons Sinai fumabat , eo quod descendisset Dominus super eū in igne.* Ad cuius mysterii similitudinem , cum lex nova promulganda esset , apparuit Spiritus sanctus Apostolis in linguis igneis.

Act. 2. Deniq, qui Deo proximi sunt in cęlo, Seraphim, hoc est igniti dicuntur, quoniā ab igne illo divino & ardentissimo, præter ceteros Angelos, fervorem ardoremq; concipiunt. Quæ cum ita sint, non est difficile, ex elemento ignis, sive natura & proprietatibus, gradum nobis conficere, per quem ad Deum meditandō & orandō conscendamus. minus certe difficile erit cum Elia in curru igneo sursum ascendere, quam ex terra, vel aqua, vel aëre scalam conficere.

Accedamus ergo ad proprietates ignis considerandas. Ignis ejus est naturæ , ut in rebus diversis diverso ac sæpe contrario modo operetur. Ligna, fœnum, stipulas cōtinuo absumit : aurum , argentum , lapides pretiosos, puriora & pulchriora reddit. Ferrum, quod natura sua nigrū, frigidum, durū, & grave est, ignis in cōtrarias qualitates ita transmutat, ut continuo lucidum, calidū, molle, & leve reddatur ; imo ut stella fulgeat, ut ignis comburat, ut aqua liquef-

quescat, ut res levis à fabro ferrario moveri attollique facillime possit.

Hæc omnia satis aperte in Deum conveniunt. Ac primum ligna, fœnum, stipulæ ex Apostolo in priore ad Corinthios opera mala signifi-<sup>1. Cor.</sup> cant, quæ ignem divini iudicii ferre<sup>3.</sup> non possunt. & sane incredibile est, quam vehementer Deo, qui ignis purissimus est; omnia peccata displiceant; & quâto zelo illa cōsumat & destruat, si per pœnitentiâ destrui possunt, id est, si is qui peccavit, in eo statu est, ut pœnitentiam agere possit; per pœnitentiâ enim omnia peccata solvuntur: sed si peccator pœnitentiæ capax nō sit, ut sunt dæmones & homines post hanc vitam, in ipsos impios divina ira convertitur; *Odio sunt enim Deo impius & im-* <sup>Sap. 14</sup> *pietas eius*, ait Sapiens. Quantum vero, & quâ vehemens hoc odium sit, testis est diabolus, qui semel peccavit, & cum esset Angelus nobilissim<sup>9</sup>, & (teste sancto Gregorio) princeps primi ordinis Angelorum, ac <sup>Greg. lib 32.</sup> præstantissima creaturarū Dei; tamē <sup>Mora. cap. 24</sup> continuo fuit de cælo dejectus, atque omni decore & gratiæ superna-<sup>18.</sup> turali spoliatus, & in monstrum deformissimum commutatus, & sempiterno exitio mancipatus. Testis <sup>1. Ioa. 3.</sup> est Christus, qui de cælo descendit, ut dissolveret opera diaboli, id est, peccata: & ideo Agnus Dei dictus <sup>Ioa.</sup> est.



## 28 ASCENS. IN DEVM

est, qui tollit peccata mundi. Christus autē, ut opera diaboli destrueret, & iustitiæ Dei perfecte satisfaceret, quis explicare, vel quis cogita-

Phil. 2. re sufficiat, quanta pertulerit? *Cum in forma Dei esset, semetipsum exinani-*

2. Coz. 8. *vit formam servi accipiens: propter nos e-*  
genus factus est cum esset dives: non ha-

Luc. 9. *buit ubi caput reclinaret, cum cæ-*  
lum & terrā ipse fecisset: in propria

Ioan 1 *venit, & sui eum non receperunt: cum*

1. Pet. 2, *malediceretur, non maledicebat: cum pa-*  
teretur, non comminabatur; tradebat  
autem iudicanti se injuste, qui peccata

Phil. 2. *nostra ipse pertulit in corpore suo super*  
1. Pet. *lignum: humiliavit semetipsum factus*

2. *obediens usque ad mortem, mortem autē*  
*crucis: cuius livore sanati sumus: deni-*

*que illusus, consputus, flagellatus,*  
*spinis coronatus, crucifixus cum i-*

*gnominia maxima, & dolore gra-*  
*vissimo, sanguinem totum vitamq;*

*profudit. Atque hæc omnia pertu-*  
*lit, ut dissolveret opera diaboli, &*

*peccata nostra deleteret. Testis lex*  
*Dei, quæ omne peccatū prohibet, &*

*punit; & ipsum etiam verbum otio-*  
*sum impunitum non relinquit. Et*

*quantū odit flagitia & facinora, qui*  
*verbum otiosum ferre non potest?*

Ps. 18. *Lex Domini immaculata, & præcep-*  
*tum Domini lucidū, maculas & te-*

1. Cor. *nebras averfantur; neq; esse potest*  
*cominutio luci ad tenebras, neque*  
*iustitiæ ad iniquitatē. Testis est de-*

*nique*

Denique ipsa gehenna, quam Deus paravit impiis & peccatoribus, qui sanguine Agni immaculati cum potuerunt lavari, noluerunt, aut neglexerunt. justū est enim, ut in quibus peccatum æternum erit, sit etiā supplicium sempiternum. Qualis autem, & quanta sit poena gehennæ, horror est vel cogitare. de qua re plura dicemus in ultimo gradu.

Ergo, anima mea, cum tam ingens odium Dei sit contra peccatum, si amas Deum super omnia, debes etiam super omnia odisse peccatum. Cave ne te fallant, qui peccata extenuant, vel excusant: vide ne te ipse rationibus falsis decipias. Si peccatum tibi in te, vel in aliis non displicet, Deum non amas; si Deum non amas, periisti. Iterum, si Christo non es ingrata, quantum debere te putas charitati ejus? laboribus ejus? sanguini & morti ejus? qui à peccato te lavit; & Patri reconciliavit. & grave tibi erit deinceps pro Christo aliquid pati, vel in ejus gratiam, & cum ejus gratia usque ad sanguinem peccato resistere? Denique si gehennam ignis æterni patienter ferre non potes, certe debes omnino nec patienter ferre peccatum, sed sicut à facie colubri, sic ab illo, & *Eccl. 22* ejus occurſu, ac suspitione etiam levissima declinare. Sit igitur apud te firmum & ratum, peccati odium  
**maximū**

90 ASCENS. IN DEVM  
maximum cum maximo Dei amo-  
re coniungere.

CAP. II. Iam vero idem ignis nō destruit,  
sed perficit, & magis rutilare facit  
aurum, argentū, lapides pretiosos:

1 Cor. 3. quoniam (ut idem Apostolus ibidē  
explicat) ista metalla significant o-  
pera bona & perfecta, quæ igne di-  
vini iudicii approbantur, & merce-  
dem magnam accipient. Ista opera  
Deus probat, quia sunt munera sua,

Cōcio- ne 2. in  
Psa. 70 & cum coronat merita nostra, inquit  
sanctus Augustinus, coronat munera  
sua. Facta sunt enim ipso mandante,

ipso iuvante, ipso virtutem faciendī  
largiente, & ipso per legem quam  
dedit, & per regulas quas constituit,  
dirigente. Et quidem aurum opera  
charitatis designat: quomodo au-  
tem possunt charitatis opera Deo  
non valde placere, cum ipse Deus  
charitas sit? Argentum designat o-  
pera sapientiæ, eorum videlicet, qui

1 Ioa. 4  
Dan. 12 ad iustitiam erudiunt multos: & ipsa  
quoq; Deo valde probantur & pla-

Mat. 5. cent; dicente Sapientia Dei: Qui fe-  
cerit, & docuerit, hic magnus vocabitur  
in regno calorum. Lapidēs pretiosi,

Ecc. 26 sunt opera continentis animæ, de  
quibus dicit Ecclesiasticus: Omnis  
ponderatio, non est digna continentis ani-  
mæ. Atque ea causa est, cur in offi-  
cio Ecclesiastico in laudē sanctarū  
Virginum legatur Euangeliū de in-  
venta una pretiosa margarita. Quā  
autem

autem placeat Deo puritas virginalis, intelligi potest ex Isaia Prophetâ, qui nomine Dei prædicit eunuchis, illis videlicet qui se castraverunt propter regnum cælorum: *Dabo eis in domo mea, & in muris meis locum, & nomen melius à filiis & filiabus: nomen sempiternum dabo eis, quod non peribit.* Quem locum sanctus Augustinus in libro de sancta Virginitate, de sanctis virginibus, tam masculis quam feminis, intelligendum esse, magnifica oratione demonstrat. Atque ista tria sunt opera, quibus ex consensu Doctorum debentur aureolæ in regno cælorum. dantur enim aureolæ, id est certa præmia, præter vitam æternam, Martyribus, Doctoribus, & Virginibus. Martyribus quidem ob excellentiam charitatis, quia *maio rem hac dilectionem nemo habet, ut animam suam ponat quis pro amicis suis.* Doctoribus ob eminentiam sapientiæ, de quibus dicit Daniel: *Qui ad justitiam erudiunt multos, fulgebunt quasi stellæ in perpetuas æternitates.* Virginibus ob pretium incomparabile puritatis, cuius gratia visi sunt Virgines in Apocalypsi cantare canticum novum, quod nemo alius dicere poterat: *Hi sunt, inquit Ioannes, qui cum mulieribus non sunt coinquinati: virgines enim sunt. Hi sequuntur Agnum quocumque i erit.*

Isa. 56.  
Matt.  
19.

De sancta Virginitate c. 24  
& 25.

Ioan. 15

Dan. 12

Apoc.  
14.

Neque

## 92 ASCENS. IN DEVM

Neque tamen sola charitas Martyrum, vel sapientia Doctorum, vel puritas Virginum probabitur igne divini iudicii, & mercedem plenā accipiet: sed etiam alia quaecumque opera bona, modo in charitate sint facta, inter aurea vasa computabuntur, & ignem illum divinum sustinebunt, & præmium suum accipient; illis enim in iudicio extremo Dominus dicet: *Venite benedicti Pa-*

Matt.  
25.

*tris mei, possidete paratum vobis regnum à constitutione mundi; qui panem esurienti, & potum sitienti, & hospitium peregrino, & vestem nudo, & consolationē aegroto, vel in carcere constituto præbuerunt. Et idem etiam Dominus promisit, non privandum esse mercede sua, qui calicem aquæ frigidæ tantum in nomine discipuli ex charitate donaverit.*

Matt.  
20.

Intelligisne, anima, quantum intersit inter opera & opera? & quid stultius & miserius, quā in eo loco & tempore, in quo potes, si sapis, facili negotio aurum, & argentum, & lapides pretiosos comparare, tu malis non parvo labore ligna arida, & fœnum, stipulasque colligere? Vtinam saperes, & intelligeres, ac novissima provideres, cū in novissimo tempore omnia hæc divini iudicii igne examinanda & probanda sint, & illa priora laudanda & coronanda, hæc posteriora cremanda, & in favillas

Deut.  
32.

favillas & fumum redigenda! Cur nunc eligis, quod te elegisse certissime poenitebit? & cur non damnas nunc, quādo utiliter potes, id quod paulo post sine ulla utilitate dānabis? Et si forte nunc ista nō vides, & velamē rerū præsentiū oculos tuos impedit, ne puram & liquidā aspiciant veritatem; ora Deum, & non parvo affectu, cum cæco illo de Evangelio dicas Domino: *Domine da, ut videā.* vel cum Propheta: *Revela* <sup>Luc. 18</sup> <sup>Pl. 118</sup> *oculos meos, & considerabo mirabilia de lege tua.* nā certe mirabile omnino est, quod opera quæ in charitate fiunt, aurum, argentum, & lapides pretiosi efficiantur; quæ vero in charitate non fiunt, in ligna arida, & fœnum, & stipulas convertantur.

Veniamus nunc ad consideran-<sup>CAP.</sup>  
dam alteram ignis proprietatem.<sup>III.</sup>

Haftenus enim ab igne didicimus, quid operetur Deus in iis qui cum operibus malis de hac vita decedunt, vel cum operibus bonis ad finem vitæ perveniunt. Nunc per aliam similitudinem ab eodem igne petitam, intelligere nobis licebit, quid operetur Deus cum iis quos à peccatis ad poenitentiam vocat.

Homo peccator similis est ferro, quod dū procul abest ab igne, nigrū, frigidum, durum, & grave est: sed si forte in ignē mittatur, efficitur lucidū, calidum, molle, & lève. Omnis

H pecca-



## 94 ASCENS. IN DEVM

peccator lumine interiore caret, & in tenebris ambulat, ac per hoc ferri nigredinem imitatur. Quamvis enim in scientiis & commerciis humanis non solum ingenio, sed etiā iudicio pollere videatur: tamen in vero bono & malo diiudicando cæcus est, & omni cæco inferior. Cæcus enim nihil videt, & ideo sine duce nō movetur: at peccator putat se videre, quod non videt, vel unum pro altero videt, & iudicat bonum malum, & malum bonum; magnū parvum, & parvum magnum; longū breve, & breve longum: & ea de causa in eligendo perpetuo fallitur. Hoc est, quod Apostolus dicit de

Eph. 4. Gentilibus idololatriis: *Tenebris obscuratum habentes intellectum per ignorantiam, quæ est in illis; propter cecitatem cordis ipsorum.* Hoc est, quod ipse Do-

Matt. 23. minus in Euangelio tam sæpe Scribis & Phariseis exprobrat, quod cæ-

ci essent, & duces cæcorum. Hoc est, quod Propheta Isaias Iudæis sui temporis dicit: *Surdi audite, & cæci intuemini ad videndum.* & quibus prædicit Christum venturum, qui aperiret oculos cæcorum: & loquens de Testamento novo in persona Dei, adjungit: *Et ducam cecos in viam, quam nesciunt; & in semitis, quas ignoraverunt, ambulare eos faciam: ponam tenebras coram eis in lucem & parva in recta.* Denique, nonne hoc fatebuntur

buntur impii post hanc vitam, quādo cœperit pœna oculos mentis aperire, quos culpa clauferat? Ergo, in- Sap. 2.  
 quiunt, *erravimus à via veritatis, & iustitie lumen non luxit nobis, & sol intelligentie non est ortus nobis.* Neque mirum est, quod cæci sint, qui à Deo voluntate & animo sunt averfi. Deus enim lux est, & tenebra in eo non Ioa. 1.  
 sunt ulla. Ex quo concludit idem Apostolus: *Qui dicit se in luce esse, & fratrem suum odit, in tenebris est usque ad-* Ioa. 1.  
*huc. & paulo post: Qui odit fratrem suum, in tenebris est, & in tenebris ambulat, & nescit quo eat, quia tenebra ob-*  
*cæcaverunt oculos eius.*

Neq; sola causâ cæcitatis in peccatoribus est, quod à Deo, qui lux est, averfi sunt, sed etiam, quia *ex-* Sap. 2.  
*cavit eos malitia eorum,* ut Sapiens loquitur: *passiones enim animi amor & odium, ira, invidentia, & alia quæ sub nomine malitiæ cōprehenduntur, ita excæcant animū, ut verū cerni nō patiantur; sed sunt veluti perspicilla colorata, quæ alba repræsentant ut rubra; vel perspicilla ita cōposita, ut ex rebus parvis res magnas efficiant, vel contra ex magnis parvas; aut ex valde distantib<sup>9</sup> propinquas, vel distantes ex propinquis.* Qui vehementer amat, rē quā amat, pulcherrimā, utilissimam, optimam, imo etiā necessariā sibi esse iudicat; ac per hoc, omnibus aliis neglectis

## 96 ASCENS. IN DEVM

& perditis comparandam. Contrā, qui rem eamdē vehementer odit, deformem, inutilē, malam, imo etiam perniciosam sibi rem illā esse censet; ac per hoc, etiam cum iactura omnium rerū penitus repellendā. Sed si ferrum istud nigrū & tetrū admoveatur ad ignem, id est, si peccator à peccato averti, & ad Deū converti incipiat, juxta illud Pro-

Ph. 33. phetæ, *Accedite ad eum, & illuminamini*; paulatim incipit illustrari, & rei veritatem perspicuam in lumine illo videre, juxta illud ejusdem Pro-

Ph. 35. phetæ: *In lumine tuo videbimus lumen*. Et nunc demum fracto perspicillo colorato passionum, & assumpto crystallino, quod est charitas pura, res æternas judicat magnas, & temporales exiguas, ac pæne nullas, ut re vera sunt: & omnem speciem ac pulchritudinem creatam cum luce sapientiæ & veritatis, quæ in Deo & Deus est, nullo modo comparandā esse clarissime perspicit. Itaque cum

Lib. 10. sancto Augustino exclamat: *Sero te*  
 Conf. *amavi pulchritudo tam antiqua, & tã*  
 ca. 77. *nova, sero te amavi*. Et quoniam  
 Ioan. 8. Christus dicit: *Cognoscetis veritatem,*  
*& veritas liberabit vos*: iste illuminatus, & lumine veritatis liberatus à compedibus concupiscentiæ, avaritiæ, ambitionis, & passionum reliquarum, exultat cum Propheta, & dicit: *Dirupisti Domine vincula mea;*  
 tibi

*tibi sacrificabo hostiam laudis, & nomen Domini invocabo.*

Iam vero ignis ferrum, non solū <sup>CAP.</sup> efficit lucidum ex obscuro, sed e- <sup>IV.</sup> tiam calidum ex frigido; nectantum calidum sed ita fervens & ardens, ut ignis ipse esse videatur. Magnus Dominus, & magna virtus eius, qui hominem natura frigidum, atque omnia timentem & paventem, qui nec loqui, nec se prodere, nec rem ullam paulò difficiliorem tentare audet; statim ac igne charitatis accendit, efficit audaciorem leone, qui & rugitu omnes terreat, & bellando omnes vincat, cui nihil difficile, nihil arduum videatur; & cum Apostolo Paulo, isto igne vehementer accenso, dicat: *Omnia pos-* <sup>Phil.</sup> *sum in eo, qui me confortat.*

Sed per partes de ista efficacia ignis dicamus; ac primum de efficacia verborum, deinde de efficacia factorum breviter disseramus. Multi sunt hodie, ac semper fuerunt in Ecclesia verbi Dei prædicatores: quæ causa est cur ad tot virorum exhortationes & clamores, tã pauci convertantur? Certe in magnis urbibus quotidie per Quadragesimam viginti, aut triginta, aut etiam quadraginta oratores declamant; & tamen exacta Quadragesima, nulla ferre mutatio in moribus civitatis apparet, eadẽ vitia, eadem peccata, ea-

dem frigiditas ; eadē dissolutio cernitur. Ego nullam invenio causam, nisi quia ut plurimū conciones eruditæ, & elegantes, & floridæ fundantur, sed deest anima, deest vita, deest ignis : breviter, magna illa charitas deest, quæ sola potest verba dicentium animare & accēdere, & corda audientium inflammare & commutare. Neque hoc dico, quasi desit multis prædicatoribus contētio vocis, & motus totius corporis : nam etiam bombardę sine pila ferrea vel lapidea magnum sonitū edūnt, sed absq; fructu: quod desideratur, hoc est, ut præ se ferant magnum affectū erga Deum, & animarum salutem, eumq; non simulatum, sed verum; non extortum, sed quasi naturaliter ex fonte cordis manantem. Sanctus Petrus artem dicendi non noverat, solius naviculæ regendę, retiumque reficiendarum & jaciendarum peritus erat: sed ubi Spiritus sanctus in linguis igneis super eum descendit, & charitate ardentissima illum replevit, cœpit continuo in media urbe Ierosolyma ita potenter, ita ardentem, ita efficaciter loqui, ut uno sermone multa hominum millia ad poenitentiam fidemq; converteret.

A. G. 2. Neque tamen legitur in concionibus suis magna vociferatione usus, aut totius corporis commotione fatigatus. De sancto Francisco refert san-

sanctus Bonaventura, cum nec valde eruditum fuisse, neque Rhetoricæ operam dedisse; & tamen cum ad populum conciones haberet, audiri solitum ut Angelum de calo. Erat enim, inquit cap. 2. Vitæ sancti Francisci, verbum ejus velut ignis ardens, penetrans intima cordis. & ut narratur in Chronicis Ord. Minorum cap. 30. cum aliquando post prandium ex improvviso paucis verbis ad populum locutus esset, tanta facta est in toto populo commotio ad poenitentiam, ut videretur illa dies ipsa feria sexta Parasceves Domini fuisse. Vnde ex paucis verbis tanta commotio? tantus fructus? ex eo videlicet, quod sanctus ille concionator esset quasi carbo ignitus, & verbum ejus ut facula ardens, ut de Elia scriptum reliquit Ecclesiasticus. Habemus scriptos sermones Ecc. 42 sancti Vincentii, sancti Bernardini, & aliorum quorundam Sanctorum, quos vix dignantur aliqui legere, ob nimiam, quæ in ipsis cernitur, verborum simplicitatem: & scimus tamen ab illorum concionibus multa hominum millia ad Deum fuisse conversa, & ipsos incredibili concursu & attensione fuisse semper auditos, quia videlicet verba illa simplicia à pectoribus ignitis & scintillantibus prodibant. Porro ignis iste divinus efficacitatē suā nō min⁹ in factis



# 100 ASCENS. IN DEVM

quàm in verbis ostendit. Decrevit Deus per Apostolum Petrum Romanam urbē, caput imperii, & dominam gentium, sibi subicere: decrevit quoque Apostolos ceteros, alios ad Æthiopas, alios ad Indos, alios ad Scythas, alios ad ultimos Britannos mittere, ac per eos idola mundi destruere, trophæum Crucis erigere, leges & ritus mutare, diaboli tyrannidē evertere. Si quis ista prædixisset Apostolis quando piscabantur in lacu Genezareth, aut quando in passione Domini latibula quæritabāt, visā fuissent veluti somnia vel aniles fabulæ: & tamen paulo post facta sunt omnia, & non aliis viribus, quam viribus ardentissimæ charitatis, quam in eorum cordibus Spiritus sanctus accendit: *Charitas enim*

*1. Io. 4. nim foras mittit timorem; omnia suffert,*  
*2. Cor. omnia sperat. Omnia sibi possibilia*  
*13. Phil. 4. ducit, & cum Apostolo clamat: Om-*  
*nia possum in eo, qui me confortat.* Ita videmus horum hominum, sola charitate armatorum, opera & labore brevi everfam fuisse in toto orbe terrarum idololatriam, fundatas ubique Christi Ecclesias, & erectum Crucis trophæum in universis regnis, idque sine exercitu militum, & sine ullo bellico apparatu.

CAP. V. Porro ignis etiam illud proprium habet, ut ferrū ex duro efficiat molle, ut facile attenuari atq; extendi in laminas,

laminas, & ad omnes figuras ab artifice accommodari possit. Magna est efficacitas ignis in ferrū, sed longe major est virtus Dei nostri in pectora obstinata & obdurata mortaliū. Audi sanctum Bernardū in libro De consideratione: *Solum, inquit, est Lib. 1. cap. 2.*  
*cor durum, quod semetipsum nō exhorret, quia nec sentit. Quid ergo cor durum? ipsum est, quod nec compunctione scinditur, nec pietate mollitur, nec movetur precibus, minis non cedit, flagellis duratur, ingratum est ad beneficia, ad consilia infidum.* & infra: *Ipsū est, quod nec Deum timet, nec hominem reveretur.* Quæ omnia esse verissima, testis est Pharaos; qui quo magis à Deo flagellabatur, tanto magis indurabatur; & quo major elucebat Dei clementia in amovendo flagello, eo magis ipse ad Deum spernendum & contemnendū animabatur. Sed si quando placuerit Domino scintillam ignis veri sui amoris in corde quantumvis duro succendere, continuo mollescet, & instar ceræ liquefcet, neque illius virtuti ulla obstinatio diuturna vel dura resistet: sed fiet continuo cor carneum, quod fuerat lapideū; & ex congelatis nivibus, flante spiritu Domini, fluent aquæ. Exem-  
 plum habemus in Evangelio de muliere illa, quæ erat in civitate peccatrix, quam nec monita fratris, nec sororis objurgatio, nec honor fami-

Luc. 7.

liæ, nec proprium dedecus movere potuerant, ut à peccando desisteret; & unus tamen Christi radius in cor ejus penetrans, ibiq; scintillam divini amoris accēdens, ita subito eā transformavit in aliam, ut non erubuerit femina nobilis in loco publici convivii ad Christi pedes accedere, & tota versa in lacrymas, ex ipsis lacrymis balneū Christi pedibus facere, & propriis capillis, vice lintei, pedes eisdem abstergere, & illos pedes ex amoris vehementia identidem osculari, & unguento pretiosissimo & odorato perungere, ut se & sua omnia Christi obsequio dedicare velle deinceps significaret. Itaq; meruit vocem illam Domini audire: *Remittuntur ei peccata multa, quoniā dilexit multū.* Sed libet aliud quoq; exemplum multo recentius in medium adferre. Gulielmus Dux Aquitanix temporib<sup>9</sup> sancti Bernardi fuit, si quis alius, in tuendo Anacleto schismatico Pōtifice, & Innocentio legitimo oppugnando, obstinatus & pertinax. Exturbaverat ex ditione sua Episcopos Catholicos omnes, & jurejurādo sese obstrinxerat, numquam pacē cum illis se habiturum: & quia noverant omnes obduratum cor ejus ad malum, & ferociam ac superbiam hominis verebantur, nemo erat, qui eū admonere auderet. Placuit Domino per  
servum

fervum suum Bernardum cor hujus obdurati hominis visitare, & scintillam non parvam divini amoris in pectore ipsius accendere; continuo ex leone agnus, ex superbo humilis, ex pertinace obediētissimus factus est: ad unum sancti Bernardi verbum, Episcopū Pictaviensem amice complexus, in sedē suam manu sua reposuit: &, quod omnem admirationem superare videtur, cum quæsisset à quodam Eremita remediū animæ suæ ob admissa peccata, & ille jussisset ut loricam æream super nudam carnem indueret, & clavis ita claudi sineret, ut numquam illā exuere posset; continuo paruit: & missus ab eremita ad summum Pōtificem pro absolutione recipienda, dicto obedivit: & cum summus Pōtifex suspicaretur, eum non ex corde poenituisse, vel patientiam ejus experiri vellet; jussit eum usque ad Ierosolymam peregrinari & à Patriarcha ejus civitatis absolutionem petere: Gulielmus mox iter arripuit, & mandatum Pontificis adimplevit. Deniq; cum ex potentissimo Principe humilis monachus esset effectus, vix ullus fuit ejus ætatis, qui eum demissione, patientia, paupertate, devotione, & pietate superaret. *Hæc videlicet est mutatio dexte- p. 15.*  
*ra Excelsi. hæc est vis ignis divini, cui nulla cordis obstinatione resistitur.*

Restat

CAP.  
VI.

Restat ultima proprietas ignis, quod res graves extenuet, & facili negotio sursum attollat. Quæ caussa est, cur homines, qui non ardent amore divino, graves corde sint, & di-

Ps. 4.

cat illis Propheta: *Vsquequo gravi corde, ut quid diligitis vanitatem, & queritis mendaciū?* Ea nimirum est caussa,

Sap. 9.

quia corpus, quod corrumpitur, aggravat animā, ut dicit Sapiens. Et jugum

Ecc. 40.

grave super filios Adam, à die exitus de ventris matris eorum, usq; in diem sepultura in matrem omnium, inquit Ecclesiasticus. Quid sit autem hoc jugum grave, quod in corpore mortali aggravat animā, explicat idem auctor paulo post, cum addit, furor, zelus, fluctuatio, timor, iracundia, & cetera quæ passiones animi dici solent. Hæc hominem ita gravant, ut nihil aspiciat nisi terrā cui prostratus inhæret; & nec ad Deum querendum assurgere, nec viam mandatorum Dei expedite currere possit. Sed cū incipit ignis divinus ex alto corda humana succendere, continuo passiones illæ diminui, & mortificari & onus grave levius fieri incipit; & si ardor crescat, non difficile est cor humanum ita exonerari, ut accipiat pennas sicut columbæ, & cum Apostolo dicere possit: *Nostra conversatio in calis est*, & quasi corde dilatato per ignem, dicat cum Davide: *Viam man-*

Phil. 3.

Ps. 118.

*datorum tuorum cucurri, cum dilatasti*

cor meum. Certe postea quam Salva-  
 tor dixit: *Ignem veni mittere in terram,* <sup>Luc. 12</sup>  
*& quid volo nisi ut accendatur?* vidi-  
 mus plurimos ita leves effectos, ut  
 omnem honorum, & carnis, & di-  
 vitiarum affectum deposuerint, &  
 Christo in cælos abeunti dixerint;  
 Trahe nos post te. Hinc tot mona- <sup>Cast. 1</sup>  
 steria erecta, tot deserta habitari  
 cœpta, tot chori Virginum inventi,  
 quibus non solum facile fuit viam  
 mandatorum currere, sed etiam per  
 viam consiliorum ascendere, & se-  
 qui Agnum quocumque ierit; O <sup>Apoç.</sup>  
 beatus ignis, qui non consumis, sed <sup>14</sup>  
 illuminas; & si consumis, humorem  
 noxium consumis, ne vitam extin-  
 guat. Quis mihi dabit, ut isto igne  
 corripiar? qui nigredinem ignoran-  
 tiæ, & erroneæ conscientiæ obscuri-  
 tatem, luce veræ sapientiæ purget &  
 tollat: qui frigus pigritiæ, indevo-  
 tionis & negligentæ cum amoris  
 ardore commutet: qui cor meum  
 indurari numquam sinat, sed calore  
 suo semper emolliat, & obediens  
 atque devotum efficiat: qui deniq;  
 jugum grave terrenarum curarum  
 & terrenorum desideriorū auferat,  
 & pennis sanctæ contemplationis,  
 quæ charitatem nutrit & auget, cor  
 meum sursum attollat, ut cum Pro-  
 pheta dicere possim: *Latifica Domi- Ps. 35*  
*ne animam servi tui, quoniam ad te Do-*  
*mine animam meam levavi.*



## GRADVS SEPTIMVS.

*Ex consideratione cali, id est, solis, luna,  
& stellarum.*

CAP. I **N**on laborabimus hoc loco, ut ex  
consideratione cæli gradum no-  
bis ad Deum considerandum eriga-  
mus : habemus enim præeuntem  
Prophetam Regium, qui in Psalmis  
Psa. 18 canit: *Cali enarrant gloriã Dei, & opera*

*manuum eius annuntiat firmamentum.*  
& quoniam duo tempora sunt, qui-  
bus è cælo ad Deum pennis contem-  
plationis ascendimus, diurnũ vide-  
licet & nocturnum; de priore scribit  
Psa. 18. in illo Psalmo : *In sole posuit taberna-*  
*culũ suum: & ipse tamquã sponsus pro-*  
*cedens de thalamo suo, exultavit ut gigas*  
*ad currendam viam; à summo calo egres-*  
*sio eius, & occursum eius usq; ad summũ*  
*eius, nec est qui se abscondat à calore eius.*  
De posteriore scribit in alio Psalmo:  
Psal. 8. *Videbo calos tuos, opera digitorum tuo-*  
*rum, lunam & stellas, quæ tu fundasti.*

Incipiamus à priore tempore. De  
sole, quem interdum videmus, qua-  
tuor laudes canit Spiritus sanctus  
per os David : primam, quod sit ta-  
bernaculum Dei ; secundum, quod  
sit pulcherrimus ; tertiam, quod ve-  
locissime, & sine fatigatione semper  
currat ; quartam, quod illuminan-  
do, & calefaciendo, virtutem suam  
maxi-

maxime manifestet. Propter hæc omnia scripsit Ecclesiasticus: *Vas ad-<sup>Ecc. 43</sup>mirabile, op<sup>us</sup> Excelsi; magnus Dominus, qui fecit illum.*

Primū igitur, conditor omniū rerum Deus in sole, tamquā in re nobilissima, posuit tabernaculum suū; id est, inter omnes res corporales, elegit Deus solem, ut in ipso, tamquā in palatio regio, vel divino sanctuario habitaret. cælum quidem & terrā Deus implet, & cælum ac cæli <sup>Iere. 23.</sup> cælorum eum non capiunt; tamen <sup>2. Par. 2.</sup> ibi magis habitare dicitur, ubi maiora signa præsentia suæ, mirabilia operando manifestat. Sed quoniam in textu Hebraico dicitur: Soli tabernaculum posuit in eis, id est, in cælis: colligimus ex hoc loco Psalmi alteram solis excellentiam, quæ cū priore nō pugnat. Magna res est sol, cui palatium amplissimū, pulcherri- mum, & nobilissimū Deus paravit. voluit enim ut cælum ipsum esset palatiū solis, in quo libere perābularer, & operaretur; & ipse sol esset palatium summi principis Dei. Quē- admodum igitur cognoscim⁹ magnitudinem & eminentiā solis, ex eo quod tabernaculum ejus est cælum: ita cognoscimus magnitudinem & eminentiam Dei, ex eo quod tabernaculum ejus est sol, vas videlicet admirabile, & quo nihil mirabilius in rebus corporalibus invenitur.

Dei

Deinde David , ut pulchritudinē  
 eximiam solis ex rebus notis osten-  
 deret, comparavit eum cum sponso  
 egrediente ex thalamo suo: numquā  
 enim se magis ornant homines, ne-  
 que umquam magis speciē & pul-  
 chritudinē ostentare cupiunt, quam  
 cum sponsi sunt, tunc enim sponsæ  
 oculis, quam vehementissime dili-  
 gunt, placere supra modū cupiunt.  
 Sed si possemus in solem aciem o-  
 culorum figere, & si propinquiores  
 illi essemus, & totū, quantus est, &  
 qualis est, videremus, non indigere-  
 mus similitudine sponsi ad ejus in-  
 credibilē pulchritudinem capiendā.  
 Certe omnis venustas oculorum à  
 luce pendet, & absente luce omnis  
 colorum pulchritudo evanescit.  
 proinde nihil est pulchrius luce, &  
 Deus ipse, qui est ipsa pulchritudo,  
 lux appellari voluit. *Deus*, inquit  
 sanctus Ioannes, *dux est, & tenebra in*  
*eo non sunt ulla.* Porro in rebus corpo-  
 ralibus nihil est sole lucidius, ac per  
 hoc, nihil est sole formosius. Adde  
 pulchritudinem rerum inferiorum;  
 atque hominum præcipue, brevi  
 marcescere; solis pulchritudinem  
 numquam extinguī, numquam mi-  
 nui, semper omnia æquali splendo-  
 re lætificare. An non sentimus, in ex-  
 ortu solis quam videantur res om-  
 nes quodammodo exhilarari? nec  
 solum homines lætari, sed etiam  
 suaves.

suaves venti spirare, flores aperiri, herbas exurgere, aviculas aëre cantu mulcere? Hinc ille cæcus senex Tobias dicenti sibi Angelo, *Gaudium Tob. 3. tibi sit semper: respondit: Quale gaudium mihi erit, qui in tenebris sedeo, & lumen celi non video?*

Age igitur, anima mea, & tecum reputa, si sol creatus exortu suo ita lætificat omnia, quid faciet sol increatus, sine ulla comparatione pulchrior & lucidior, quando puris cordibus, non ad breve tempus, sed in æternū videndus & contemplandus orietur? Et quam infelix & tristis hora succedet perditis hominibus, quando in tenebras sempiternas sepeliendi amandabuntur, ubi nec solis increati neque creati rad i i ullo umquam tempore penetrabunt? & quale gaudium erit animæ illi, cui à Patre luminum dicitur: *Intra in gaudium Domini tui.*

Matt. 13.

Postea idem Propheta celebrat solis cursum prorsus admirabilem: *Ex- II. ultavit, inquit, ut gigas ad currendam viam.* Gigas certe robustus, si pro magnitudine corporis passus extendat, & pro virium robore velociter currat, ingens omnino spatium brevi tempore conficiet. Et quidem: Propheta, quoniam solem comparaverat homini sponso, ut explicaret, eo modo quo poterat, pulchritudinem solis; sic postea comparavit ho-

I.

mini

# 110 ASCENS. IN DEVM

mini giganti, ut eo modo quo poterat, eadem similitudine utens, solis cursum velocissimum explicaret. Sed etiā si non homini, quantum vis magno & robusto, sed avibus volātib⁹, sagittis, ventis, fulminibus comparasset, adhuc longissime à veritate abesset. Nā si verum est, quod oculis cernimus, solem vigintiquatuor horis percurrere totum ambitum sui orbis: & si ambitus orbis solis, infinitis fere partibus orbis terre ambitum superat: & si ambitus orbis terræ circiter viginti millia miliariorum cōplectitur: quæ sunt omnino verissima: sine dubio sequitur, ut singulis horis multa miliariorū millia sol currendo cōficiat. Et quid dico, singulis horis? imo singulis quadrantib⁹, ac fere singulis horarū particulis. Nā si quis velit ortum vel occasum solis observare, præsertim in horizōte aperto, quale est in mari, vel in planitie campestri, intelliget totum corpus solare ascendere supra horizontē minori spatio tēporis, quā fit octava pars horæ, & tamē diameter corporis solaris multo major est, quā diameter orbis terræ, qui tamē septē millia miliariorum continet. Ego ipse volens curiose aliquando cognoscere, quanto temporis spatio sol totus occumberet in mari: coepi ad initium occasus ejus legere Psalmū Miserere mei Deus, & vix

# GRADVS SEPTIMVS. III

& vix totum bis legeram, cum jã sol totus occubuisset. Ergo necesse est, solem eo brevissimo tempore, quo bis legitur Psalmus Miserere, cursu suo percurrere spatium multo majus, quam sint septem millia milliariorum. Quis hoc crederet, nisi certa ratio demonstraret? Et si quis nunc addat, corpus, quod tam velociter movetur, esse molē toto orbe terrarum longe majorē & motum tanti corporis, & tam velocē, sine ulla intermissione vel fatigatione peragi, &, si Deus jubeat, æterno tempore posse durare: certe nisi stipes aut trūcus fuerit, non poterit infinitā Conditoris potentiā non admirari. Vere igitur scribit Ecclesiasticus, hoc esse vas admirabile, opus Excelsi, & vere magnum Dominum qui fecit illud.

Restat efficacia luminis & caloris, de qua dicit David: *Nec est, qui se abscondat à calore eius.* Hoc unum corpus lucidum, in medio mundi positum, omnia sidera, omnem aërem, omnia maria, omnem terram collustrat; & calore suo vivifico ubique terrarum omnia germina, omnes segetes, omnes arbores virere & frondere facit, omnes fructus ad maturitatem perducit; & infra terrā etiam virtutem suam diffundit, ac metalla omnis generis producit. Quare S. Iacobus initio Epistolę suę, Deum ipsum cum solē comparavit:



## 112 ASCENS. IN DEVM

126. 1.

*Omne datum optimum, inquit, & omne donum perfectum de sursum est, descendens à Patre luminum, apud quem non est transmutatio, nec vicissitudinis obumbratio. Sol quidem est pater luminum corporalium, Deus autem est Pater luminum spiritualium: sed in tribus rebus dissimilitudo magna est inter Deum & solem. Primum enim sol, ut totum orbem terrarum lumine & calore compleat, opus habet transmutatione perpetua; Deus autem, quia ubique totus est, transmutatione non indiget. Idcirco sanctus Iacobus dicit: *Apud quem non est transmutatio.* Deinde, sol propterea quod semper mutat loca, ideo per vices aliis diem facit, aliis noctem relinquit; aliis lucet, aliis obumbratur: Deus autem numquam movetur, & semper omnibus præsens est. ideo & sanctus Iacobus addit: Nulla est apud eum vicissitudinis obumbratio. Denique, quod est omnium maximum, à sole patre luminum corporalium sunt omnia data & dona quæ nascuntur in terris: sed hæc bona sunt, sed neque optima, neque perfecta, quin potius exigua, temporalia, caduca, & quæ nec hominem bonum faciunt, & quibus male uti possunt qui volunt, quæque in suam perniciem plurimi convertunt. At à Deo Patre luminum spiritualium descendunt omnia data optima*

**GRADVS SEPTIMVS.** Hæc  
optima & dona perfecta, quæ habē-  
tē optimū perfectumq; efficiunt, &  
quibus nemo malè uti potest, & quæ  
in iis perseverantē perducunt ad sta-  
tū veræ felicitatis, qui est omnium  
bonorum aggregatione perfectus.

Quære igitur, anima mea, quæ sint  
ista data optima, & dona perfecta,  
quæ de sursum sunt, atque à lumi-  
num Patre descendunt; ut cum in-  
veneris, de illis sollicita sis, atq; illa  
totis viribus obtinere nitaris. Sed  
non est quod longe discedas; satis  
hoc tibi ipsa solis natura mōstrabit:  
sol enim lumine & calore omnia  
peragit; atque hæc sunt data & dona  
Patris luminum corporalium, lumē  
& calor. Sic igitur data optima, &  
dona perfecta, quæ de sursum sunt,  
descenduntq; à vero patre luminū  
Deo, sunt lux sapientiæ & ordinatio  
charitatis. Lux sapientiæ, quæ vere  
sapientem facit, & qua nemo potest  
uti malè, & quæ ad fontem sapien-  
tiæ in caelesti patria situm perducit,  
est illa, quæ docet contemnere tem-  
poralia, & magnificare sempiterna:  
docet *non sperare in incerto divitiarum,*  
*sed in Deo vivo:* docet non facere de  
exilio patriam, nec amare peregri-  
nationem, sed tolerare: denique  
docet habere vitam hanc præsentē  
in patientia, cum sit plena pericu-  
lis & tentationibus; & mortem in  
desiderio, quia *beati mortui qui in*

*Domino moriuntur.* Ordinatio veræ charitatis quid est, nisi Deum, qui finis est omnium desideriorum, sine fine & sine mensura diligere; res ceteras, quæ sunt media ad finem, diligere cum mensura & modo, quantum videlicet necesse est ad finem, id est, ad beatitudinem consequendam? Certè nemo est inter filios hominum, qui circa corporis curâ ordinem invertat, ut sanitatem amet cum mensura, & amaram potionē sine mensura, cum sciat illam esse finem, hanc medium. Vnde igitur fit, ut tam multi, qui sapientes videri volunt, in coacervandis divitiis, in quærendis voluptatibus carnis, & in adipiscendis honorum gradibus nullum modū inveniant, quasi hæc bona finis sint cordis humani: & in amando Deo, & felicitate sempiterna quærenda, iis angustiis contenti sint, quasi hæc media sint ad finem, non finis omnium mediorum? Illa omnino causâ est, quia sapientiam huius mundi habent, non sapientiā quæ de fursum est, descendens à Patre luminum: & quia ordinatā charitatem non habent, ac per hoc charitatem veram non habent, quæ nisi ordinata esse non potest; sed pleni sunt cupiditate, quæ ex Patre nō est, sed ex mūdo. Tu igitur, anima mea, dū peregrinaris à patria, & inter hostes versaris, qui verę sapientię veręque

GRADVS SEPTIMVS. IIS  
que charitati insidiantur, & astutiã  
pro sapientia, & cupiditatē pro cha-  
ritate supponunt, ingemisce toto  
corde ad Patrem luminum, ut data  
optima, & dona perfecta, verã scili-  
cet sapientiæ lucem, & ordinatæ  
charitatis ardorem ad cor tuum de-  
scendere faciat, ut iis repletus, per  
viã mandatorũ Dei inoffenso pede  
decurras, & ad patriã illã pervenias,  
ubi de ipso fonte sapiētię bibitur, &  
de puro lacte charitatis vivitur.

Venio nunc ad tempus noctur-  
num in quo cælum nobis per lunam<sup>IV.</sup>  
& stellas gradum facit ad ascenden-  
dum in Deum. Sic enim loquitur  
David: *Quoniã in video celos tuos ope-*  
*ra digitorum tuorum, lunam & stellas,*  
*quæ tu fundasti.* Si cælũ ipsum videre  
possemus, non diceret Propheta,  
quasi explicando quod ante posue-  
rat, *lunam & stellas, quæ tu fundasti.* &  
sane si ad cælũ ipsum sensus nostri  
pertingerēt, aut ejus naturã & qua-  
litates certa ratione investigare pos-  
semus, sine dubitatione egregiã sca-  
lã haberemus ad Deum. Non igno-  
ramus quidem, non defuisse, qui ex  
motu siderum naturã cæli definie-  
rint quintam essentiam, simplicem,  
incorruptibilem, & quæ perpetuo  
moveatur in orbem: sed scimus etiã,  
non defuisse alios, qui cælum esse  
voluerint elementum ignis, quod  
non moveatur in orbẽ, nec sit incor-

## 116 ASCENS. IN DEVM

ruptibile secundum partes. nos autē non opiniones, sed scientiam certā aut doctrinam fidei quērimus; ut ex ea nobis ad Deū cognoscendum scalam solidam construamus. Ergo cōtēti erim⁹ ex luna & stellis, quas videmus, scalā erigere cum Propheta, ut paulo ante fecim⁹ ex sole, qui est lux & princeps luminum reliquorū.

Luna duas habet proprietates, quæ nobis utiles esse possunt ad ascendendum, & promerendum Deum. Prior est, quod quo magis propinquat ad solem, eo magis illustratur in parte superiore, qua respicit cælum; & obscuratur in parte inferiore, qua respicit terrā: & quando est omnino subiecta soli, & cum eo omnino conjuncta, tum tota est lucida versus cælum, & obscura versus terram: & contra, cum est opposita soli, tota illustris cernitur ab iis qui terram incolunt, & nihil lucis habet in parte superiore, quam intuentur qui incolunt cælum. Hæc lunæ proprietas magnum esse potest documentum, vel exemplum mortalibus, ut intelligant, quam solliciti esse debeant propinquitatis, & subjectionis, & conjunctionis ad verum Patrem luminum, Deum. Luna significat hominem, sol Deum. Quando luna est opposita soli, tunc lumine mutuato à sole respicit solā terram, & terga quodammodo vertit calo:

cælo : unde etiam tunc pulcherri-  
 ma apparet habitantibus in terra,  
 sed deformissima habitantibus in  
 cælo. Sic omnino mortales homi-  
 nes, quando longissime recesserunt  
 à Deo, ut filius ille prodigus, quan-  
 do recessit à patre, & abiit in regio-  
 nem longinquam, tunc abutuntur  
 lumine rationis, quod à Patre lumi-  
 num acceperunt, ad solam terram  
 inspiciendam, & obliti Deum, so-  
 lam terram cogitant, solam terram  
 amant, & in ejus bonis adipiscen-  
 dis toti occupantur, & tunc à filiis  
 hujus sæculi sapientes & beati præ-  
 dicantur : sed ab iis qui degunt in <sup>Apo. 3.</sup>  
 cælo, pauperes, & nudi, & cæci, &  
 deformes, & miseri, & miserabiles  
 judicantur. Contra verò, luna cum  
 soli conjuncta, illi perfecte subji-  
 citur, tota lucet ex parte superiore, &  
 cælum solum respicit, terræ verò  
 terga quodammodo vertit, & ab  
 humanis oculis penitus evanescit.  
 Sic omnino cum impius incipit ad  
 pietatem reverti, & per conversio-  
 nem perfectam Deo, vero anima-  
 rum soli, subjicitur per humilita-  
 tem, & conjungitur per charitatem,  
 tunc adimplet, quod Apostolus mo-  
 net, ut quæ sursum sunt quærat, ubi  
 Christus est in dextera Dei, & quæ <sup>Col. 3.</sup>  
 sursum sunt sapiat, non quæ super  
 terram; & tunc ab insipientibus  
 contemnatur, & quasi mortuus re-



putetur. Verè enim qui talis est, mundo mortuus est, & vita ejus abscondita est cum Christo in Deo: sed cum apparuerit Christus vita ejus, tunc & ipse apparebit cum Christo in gloria, ut idem Apostolus eodem loco subjungit.

Col. 3.

Epist.

19. ca.

4. 5. 6.

Atque hæc est causa (ut S. Augustinus in epistola ad Ianuarium annotavit) cur Pascha Domini tam in Lege veteri, quam in nova, non possit rite celebrari, nisi plenilunio peracto, id est, cum luna, quæ in plenilunio est opposita, incipit per conversionem redire ad conjunctionem cum sole. Voluit enim Deus hoc celesti signo demonstrare, per passionem & resurrectionem Domini factum esse, ut homo contrarius Deo per iniquitatem suam, inciperet converti ad Deum, atq; ad ejus gratiam & unionem properare per meritum Iesu Christi.

Sed tu, anima mea, si aspirante gratia Dei invenias te forte subjectam Patri luminum per veram humilitatem, eique feliciter conjunctam per ardentem charitatem, noli stultos imitari, qui sicut luna mutantur; sed sapientes æmulare, qui ut Ecc. 27 sol permanent, Ecclesiastico teste. Luna enim quam velociter ad conjunctionem accedit, tam velociter à conjunctione recedit: tu vero si sapis, adeptam semel gratiam noli deserere,  
noli

noli abire, noli recedere. nihil enim melius ullo in loco reperies : neque scis an alias reverti dabitur, si spōte recesseris, qui enim promisit veniā pœnitentibus, & gratiam revertentibus, nec vitam longiorem, nec donum pœnitentię tibi promisit. Ergo secure terga veritas terræ, & solem tuum intuere, in illo conquiesce, in illo delectare, in illo permane. Dic as cum Apostolo Petro : *Bonum est* <sup>Mat 17</sup> *nos hic esse.* & cum Martyre Ignatio: <sup>Epi. ad Rom.</sup> *Bonum mihi est cum Christo vivere, quā regnare in finibus terræ.* Et parum tibi sit, quid de te judicent qui terram sapiunt. Non enim ille probatus est, quem mundus commendat, sed quem Deus commendat.

Est alia lunæ consuetudo, quam <sup>CAP. V.</sup> Deus quoq; cū electis suis servare solet. Luna siquidē præst nocti, sicut sol diei, ut dicit Moyses in Genesi, & David in Psalmis. sed sol diē <sup>Gen. 1. 16. 135</sup> totū continuo splendore collustrat; luna vero nunc magno lumine, nūc exiguo noctem illuminat; aliquādo etiam nullo lumine noctis tenebras consolatur. Sic Deus, ut sol, Angelos sanctos, & animas beatorū, quibus perpetuus dies est, (*nox enim non erit illic*, ait S. Ioan. in Apoc.) perpetua <sup>Ap. 21.</sup> claritate illustrat. Nostræ autē hujus peregrinationis & exilii noctem, in qua per fidē ambulamus, & non per spem, <sup>2. Cor. 5.</sup> & Scripturę sanctę intendimus tam-

## 120 ASCENS. IN DEVM

1. Pet. <sup>1.</sup> tamquam *lucerna lucenti in caliginoso loco*, ut ait. S. Petrus in Epistola posteriore, Deus, ut luna, per vices corda nostra illuminando visitat, & aliquando in tenebris desolationis relinquit. Nec tamen debes, anima, nimium contristari, si nullo consolationis lumine frueris; neque nimium exhilarari, si paulo post in luce consolationis & devotionis respiras. Deus enim non solem, sed lunā se gerit in hujus sæculi nocte, & non solum nobis pusillis & imperfectis Deus nunc apparet, ut luna plena lumine consolationis, nunc ut vacua omni lumine horrorem & tenebras noctis densissimas nobis relinquit; nam & Apostolus Paulus vas electionis, & qui ad tertium cælum raptus *audivit arcana verba, quæ non licet homini loqui*, aliquando dicit: *Repletus sum consolatione, superabundo gaudio in omni tribulatione nostra. aliquando vero ingemiscit, & lamentatur, dicens: Video aliam legem in membris meis, repugnantem legi mentis meæ, & captivantem me in lege peccati, quæ est in membris meis. Infelix ego homo, quis me liberabit de corpore mortis huius?* & in posteriore ad Corint. Nō volumus ignorare vos fratres de tribulatione nostra quæ facta est in Asia, quoniā supra modū gravati sumus, supra virtutem, ita ut taderet nos etiam vivere. Atque hoc est, quod monet S. Ioannes Chry-

Chry-

Chrysoſtomus, Deū in ſanctis omnibus hoc facere, ut neque tribulationes neque iucunditates eos ſinat habere continuas; ſed tum ex adverſis, tum ex proſperis, juſtorum vitam quaſi admirabili varietate contextere. Atque hæc de luna.

Reliquæ ſunt ſtellæ inter orna-  
 CAP.  
 menta cælorum, de quibus Ecce-  
 VI.  
 ſiaſticus dicit: *Species cali, gloria ſtella-* Ecc. 43  
*rum.* Sed addit continuo: *Mundum il-*  
*luminans in excelsis Dominus.* Quid-  
 quid enim decoris habent ſtellæ, ut  
 etiam ſol & luna, totum à Patre lu-  
 minum eſt; & non ſol per diem, nec  
 luna ac ſtellæ per noctem mundum  
 illuminant, ſed Dominus eſt, qui in  
 excelsis habitans, per ſolem, & lu-  
 nam, & ſtellas mundum illuminat.  
 Ipſe eſt enim, qui, ut loquitur Pro-  
 pheta Baruch, *emittit lumen, & va-* Baruc.  
*dit; & vocavit illud, & obedit illi cum*<sup>3.</sup>  
*tremore.* *Stella autem dederunt lumen*  
*in custodiis ſuis, & letata ſunt: vocata*  
*ſunt, & dixerunt, Adſumus; & lux-*  
*runt ei cum iucunditate, qui fecit il-*  
*las.* Quibus verbis ſignificatur infi-  
 nita potentia Dei, quæ incredibili  
 facilitate corpora tam vaſta, & tam  
 formoſa momento producit, & or-  
 nat, & operari facit. Quod nobis  
 eſt vocare, Deo eſt verbo creare.  
 Vocat enim ea quæ non ſunt, & vo-  
 cando facit ut ſint. Et ſtellis dicere,  
 Adſumus, nihil eſt aliud, niſi conti-  
 nuo

nuò ad vocem imperantis existere, & operari. Lucere autem cum jucunditate ei qui fecit illas, est ita pròpte & facile obedire Factori, ac si in obediendo, magna jucunditate & gaudio afficerentur. Sed illud est omnino admirabile in stellis, quod cum velocissime moveantur, & nūquam à cursu illo incitatissimo cessent, & aliæ tardius, aliæ celerius currant in orbē; tamen semper modum suum & proportionem cum aliis ita servant, ut inde concentus harmonicus, isq; suavissimus oriatur. De hoc concentu loquitur Deus in libro Iob, cum dicit: *Quis enarrabit calorum rationē, & concentum celi quis dormire faciet?* Non est iste concentus vocum aut sonorum, qui auribus corporis percipiatur; sed concentus proportionum in motibus siderum, qui cordis aure sentitur. Siquidem stellæ firmamenti, omnes simul eadem velocitate vigintiquatuor horis totum celi ambitū percurrunt; septem vero sidera, quæ planetæ, siue errantia sidera dicuntur, variis motibus, alia velocius, alia tardius incitantur, ut videātur stellæ firmamenti Bassum imitari (ut vulgarib⁹ nominibus utamur) & planetæ quasi contra-punctum perpetuū & suavissimū facere. Sed hæc supra nos sunt, & illis tantum iste concentus sonat, qui in cælo positi rationē motuum

trum istorum intelligunt. Et quoniam stellæ , servata proportione, semper in orbem se convertendo non fatigantur, videntur instar virginum honestarum, & saltandi peritarum, in cælo semper choreas jucundissimas agere.

Sed tu, anima mea , paulo altius ascende si potes; & à splendore maximo solis, à pulchritudine lunæ, à multitudine & varietate luminum reliquorum, ab admirabili concentu cælorum, & à choreis jucundissimis stellarum, cogita quid erit supra cælum videre Deum, solem videlicet, qui lucem habitat inaccessibilē; intueri Virginem illam, cæli Reginam, quæ pulchra ut luna, totam lætificat civitatē Dei; aspicere choros & ordines multorum millium Angelorū, qui stellis omnibus plures & lucidiores, cælum cæli exornant; cernere animas sanctorum hominum, choris Angelorum insertas, quasi planetas stellis firmamenti admixtos; & quid erit cantica laudum audire, & illud perenne alleluja consonis vocibus in plateis civitatis illius dulcissime resonare. Sic enim fiet, ut nec ipsa cæli pulchritudo tibi magna videatur; & quæ infra cælum sunt, omnino perexigua, ac pæne nulla, ac per hoc contemnenda & despicabilia judicentur.



## GRADVS OCTAVVS

*Ex consideratione animæ rationalis.*

CAP. I **P**Ertransivimus hucusque res omnes corporales, dum mentis consideratione ex rebus creatis ad Creatorem ascendere nitimur. Iam vero supra omnium corporum dignitatem invenimus animas humanas, quæ ad infimum genus spiritualium substantiarum pertinere noscuntur, inter quas & Deum nihil medium nobis occurrit, præter hierarchias & ordines Angelorum.

Porro humana anima tantam habet cum Deo conditore similitudinem, ut plane ignorem, an alia via quis possit facilius ad Deum cognoscendum ascendere, quam ex consideratione propriæ animæ. Itaque voluit Deus hominem esse inexcusabilem, si notitiam Dei non habeat, cum eam ipsius Dei auxilio comitante, ex animæ suæ cognitione non difficulter haurire possit.

Primum igitur, Anima hominis spiritus est: sic enim exponunt sancti Patres illa verba Genesis: *Formavit Dominus Deus hominē de limo terræ, & inspiravit in faciem eius spiraculū vitæ.*

Gen. 2.

Tob. 3.

& illud Tobix: *Præcipe in pace recipi spiritum meū, & illud Ecclesiastæ: Re-*

## GRADVS OCTAVVS. 125

*vertatur pulvis in terram suam, unde erat, & spiritus redeat ad Deum, qui dedit illum. Quamvis autem vocabulum spiritus conveniat etiã vento, de quo dicitur in Psalmis: Spiritus Ps. 148 procellarum. in Evangelio: Spiritus Ioan. 3 ubi vult spirat & vocem eius audis. tamen non dubium est, spiritum procellarum esse corpus tenuissimum, quod ob summam suam subtilitatẽ magis imitatur spirituales naturam, quam aliud quodcumque corpus. Anima vero humana propriẽ spiritus est, non corpus; neque ex materia producitur, sed à Deo creatur. de qua re apud Catholicos nulla controversia est.*

Hic igitur incipit excellentiã animæ, & similitudo ad Deum. Deus enim spiritus est, ut Salvator aperte pronuntiat: *Spiritus est Deus, & eos qui* Ioan. 4 *adorant eum, in spiritu & veritate oportet adorare. Sed quamquam & Deus spiritus est, & anima humana spiritus est; tamẽ Deus est spiritus increatus, & creator, anima spiritus creatus: ex quo sequitur infinita distantia inter spiritum qui est anima, & spiritum qui est Deus. proinde quantum latari potest anima, quod sit in genere substantiæ spiritualis, ac per hoc caelo & sideribus altior nobilitate naturæ; tantũ humiliari debet, ac Deo conditori subijci, quod ex nihilo facta sit, & ex se nihil sit.*

K

Deinde,

CAP.  
II.

Deinde, Anima humana, quia spiritus simplex est, immortalis etiam est: nō enim habet in se aliquid, unde distrahi vel interire possit. Sed in hac re quoq; quantū gloriari potest super animas brutorū animantium, quæ cum corpore intereunt; tantū Conditoris sui excellentiā suspicere & admirari debet, qui non solū immortalis, sed sempiternus etiam est. Anima enim humana aliquando nō fuit, & solius Dei voluntate ad esse pervenit, & ejusdem voluntate Dei posset ad nihilū redigi, quāvis in se corruptionis principiū non habeat.

I. Ti. 6

Itaq; recte dixit Apostolus de Deo: *Qui solus habet immortalitatem.* solus enim nulla vi, nullo casu, nulla ratione dissolvi potest, cum sit ipsum esse, ipsa vita, & fons essendi & vitæ.

CAP.  
III.

Tertiō, Anima humana lumine intelligentiæ prædita est: cognoscit enim non solum colores, & sapores, & odores, & sonos, & calorem, & frigus, & durum, & molle, & alia id genus, quæ sensibus corporis patent, sed etiam de substantia judicat, & de rebus non solum singulis, sed etiam universis: & non solum præsentia novit, sed etiam futura conjectat, & discurrendo transcendit caelos, penetrat abyssos, ex causis scrutatur effecta, & ex effectis recurrit ad causas: deniq; Deū ipsum, qui lucem habitat inaccessibilem,

# GRADVS OCTAVVS. 127

bilem, acie mentis attingit. atq; hoc est lumen, de quo dicit S. Ioannes <sup>Ioan. 1</sup> in Euangelio: *Erat lux vera, quæ illuminat omnem hominem venientem in hunc mundū.* & David in Psalmis: *Si-* <sup>Psal. 4.</sup> *gnatum est super nos lumen vultus tui* <sup>Psa. 31</sup> *Domine.* &: *Nolite fieri sicut equus & mulus, quibus non est intellectus.* Magna est hæc animæ dignitas, per quam homo similis est Deo, & dissimilis bestis. atque hinc conjectare potest ac debet homo, quanta sit eminentia & sublimitas Domini conditoris sui. Anima enim lumine intelligendi prædita est; sed Deus est lux, & intelligentia. Anima discurret à causis ad effecta, & ab effectis ad causas, atq; eo discursu non sine magno labore scientiam venatur: Deus intuitu uno ac simplici simul omnia perfecte cognoscit. Anima intelligit ea quæ sunt, ac per hoc scientia ejus pendet à rebus: Deus intelligendo facit ut res sint, ac per hoc rerum existentia à Dei scientia pendet. Anima de rebus futuris utcunque conjectat: Deus omnia futura non minus perspicue, quam præterita & præsentia semper intuetur. Anima multis indiget ut intelligentiæ munus exerceat, objecto, specie, phantasmate, & aliis: Deus nulla re eget, ipsa enim essentia sua est illi omnia; imo etiam ipsa sua essentia est illi intelligentia.

Deniq; anima, dum est in corpore, non solum Deum non videt, sed neque Angelos videt, neque se ipsa videt, neq; substantiam ullam quamvis corporalem, proprie videt, & in multis fallitur, plurima ignorat, de pluribus opinionem, de paucissimis veram scientiam habet: Deus autē nihil ignorat, nihil opinatur, nunquam fallitur, numquam errat, om-

Heb. 4. *nia nuda & aperta sunt oculis eius, ut Apostolus loquitur in Epistola ad Hebræos. Ergo si tanti facit homo scientiam suam, ut Apostolus dicat, Scientia inflat; quantum admirari debet scientiam Conditoris, cui comparata omnis scientia nostra, non scientia, sed ignorantia est?*

CAP. IV. Quarto, Viget in anima humana genus aliud scientiæ, quod non in speculatione, sed in actione versatur. Vnde sunt tot libri Philosophorum de vitiis & virtutibus, tot leges Principum, & consilia Iureconsultorum, tot institutiones & exercitationes ad artem bene vivendi comparandam. In quibus admirabile cernitur in homine lumen rationis, quo uno longe ac longe bestiis præstamus. Sed nihil hæc omnia sunt ad legem æternam, quæ in mente Conditoris viget, ex qua tamquam ex fonte uberrimo manarunt omnes leges & omnia jura, unus est enim legislator & iudex Deus, inquit S. Ia.

S. Iacobus in epistola sua. Ipse est veritas, & iustitia, & sapiētia *per quē* <sup>Prov.</sup> *reges regnant, & legum conditores iusta decernunt.* Proinde numquam artem bene beateq; vivendi reperies, donec ad scholam Christi, qui unus est <sup>Matt. 23.</sup> Magister verus admissus, ejus verbo & exemplo didiceris iustitiā illam, quæ abundat super iustitiā Scribarū <sup>Mat. 5.</sup> & Phariseorū, addo etiā Philosophorū, cujus finis est *charitas de corde puro, & conscientia bona, & fide non ficta.* <sup>1. Ti. 2.</sup>

Quinto, Possidet anima hominis <sup>CAP.</sup> tertium genus scientiæ, quod in re-<sup>V.</sup> bus ingeniose fabricandis positum est. Et quidem norunt etiam araneæ telas texere, & aviculæ nidos ædificare, & apes mella conficere, & vulpes foveas quasi domos quære-  
re: sed ista animantia naturæ quodam instinctu rem unam & eandem & modo eodem faciunt; anima vero humana, ratione & iudicio prædita, artes innumerabiles ad-  
invenit, per quas omnibus animantibus, velint nolint, imperat & dominatur: nec præsumunt avibus alæ, nec piscibus profunditas aquarum, nec leonibus aut ursis robur eximiū, nec equis & mulis ferocitas, nec cervis & capreis pernicitas; siquidē ipsi etiam pueri, laqueis & visco & retibus aves capiunt, & hamo ac retibus piscatores pisces apprehendunt: viri autē ingenio & arte leones & urfos

caveis ferreis includere & circumducere, apros & cervos vel funibus irretire, vel ferro confodere, equos & mulos fræno domare, & imperio suo subdere didicerunt. Quid dicam de arte navigandi? quanta lux ingenii in anima humana fulsit, quando per liquidum mare naves maximas, & ponderibus gravissimis onustas, non solum remis quasi pedibus currere, sed etiam velis quasi alis volare docuit? Quid de agricultura? quis non obstupefcat ingenium hominis, si segetes, si vineas, si pomaria, si hortos, si piscinas, si varios aquarum rivulos, ad hortos irrigandos & arva humectanda ductos, inspiciat? Quid de architectura? quis non miretur palatia, templa, urbes, arces, turres, amphitheatra, pyramides, obeliscos? Omitto pingendi & sculpendi artes, quibus sic interdum ad vivum exprimuntur, vel coloribus in tabula, vel scalpello in marmore, vultus hominum, vel res ceteræ; ut veræ, non pictæ vel sculptæ credantur. Omitto reliquas artes, humano ingenio, sive ad necessitatem vitæ, sive ad commoditatem, sive ad voluptatem excogitatas, quæ tot sunt, ut numerari vix possint.

Age igitur, anima mea, gratias Deo, quod tanto intervallo distare voluerit naturam tuam à natura animantium ceterorum: sed simul attolle oculos



oculos mentis ad ipsum eundem Condito-  
 rem tuum, in quo est verus  
 fons ingenii, & sapientiæ effectricis  
 rerum. Ab illo fonte defluxit quid-  
 quid ingenii ad naturam tuam deri-  
 vatum est. Et si miraris ingenium  
 hominis, quod animantibus ratio-  
 ne carentibus industria & arte do-  
 minari didicerit; admirare potius  
 Deum, cui omnia serviunt & obe-  
 diunt, non solum animantia, sed et-  
 jam inanima. Et si magnum tibi vi-  
 detur, quod homo tot artes invenit  
 navigandi maria, colendi agros, fa-  
 bricandi domos; cur non majus vi-  
 deri debet, quod Deus sapientia sua  
 fabricavit cælum, & terram, & ma-  
 ria, & omnia quæ in eis sunt, &  
 omnia moderatur & regit? Et si de-  
 nique obstupescis artem pingendi  
 in tabulis, & quasi vivos ducendi de  
 marmore vultus: cur non obstupe-  
 scis artē Conditoris tui; qui de luto  
 formavit verum ac vivum homi-  
 nem, & de costa viri veram ac vi-  
 vam mulierem ædificavit? præser-  
 tim si addas, quæ faciunt homines,  
 sine Deo cooperante non fieri; quæ  
 autem facit Deus, ab ipso solo, nul-  
 lo alio cooperante, fieri.

Sextò, Donata est hominis anima CAP.  
 libero voluntatis arbitrio, quod est VI.  
 illi cōmune cū ipso Deo & Angelis,  
 & quo à rebus ceteris creatis maxi-  
 mè distat. Magna est hac nobilitas,

nuò ad vocem imperantis existere, & operari. Lucere autem cum jucunditate ei qui fecit illas, est ita pròpte & facile obedire Factori, ac si in obediendo, magna jucunditate & gaudio afficerentur. Sed illud est omnino admirabile in stellis, quod cum velocissime moveantur, & nunquam à cursu illo incitatissimo cessent, & aliæ tardius, aliæ celerius currant in orbē; tamen semper modum suum & proportionem cum aliis ita servant, ut inde concentus harmonicus, isq; suavissimus oriatur. De hoc concentu loquitur Deus in libro Iob, cum dicit: *Quis enarrabit calorum rationē, & concentum cali qui dormire faciet?* Non est iste concentus vocum aut sonorum, qui auribus corporis percipiatur; sed concentus proportionum in motibus siderum, qui cordis aure sentitur. Siquidem stellæ firmamenti, omnes simul eadem velocitate vigintiquatuor horis totum cali ambitū percurrunt; septem vero sidera, quæ planetæ, si-ve errantia sidera dicuntur, variis motibus, alia velocius, alia tardius incitantur, ut videātur stellæ firmamenti Bassum imitari (ut vulgarib⁹ nominibus utamur) & planetæ quasi contra-punctum perpetuū & suavissimū facere. Sed hæc supra nos sunt, & illis tantum iste concentus sonat, qui in cælo positi rationē motuum

tuum istorum intelligunt. Et quoniam stellæ , servata proportione, semper in orbem se convertendo non fatigantur, videntur instar virginum honestarum, & saltandi peritarum, in cælo semper choreas jucundissimas agere.

Sed tu, anima mea , paulo altius ascende si potes; & à splendore maximo solis, à pulchritudine lunæ, à multitudine & varietate luminum reliquorum, ab admirabili concentu cælorum, & à choreis jucundissimis stellarum, cogita quid erit supra cælum videre Deum, solem videlicet, qui lucem habitat inaccessibilē; intueri Virginem illam, cæli Reginam, quæ pulchra ut luna, totam lætificat civitatē Dei; aspicere choros & ordines multorum millium Angelorū, qui stellis omnibus plures & lucidiores, cælum cæli exornant; cernere animas sanctorum hominum, choris Angelorum insertas, quasi planetas stellis firmamenti admixtos; & quid erit cantica laudum audire, & illud perenne alleluja consonis vocibus in plateis civitatis illius dulcissime resonare. Sic enim fiet, ut nec ipsa cæli pulchritudo tibi magna videatur; & quæ infra cælum sunt, omnino perexigua, ac pæne nulla, ac per hoc contemnenda & despicabilia judicentur.

## GRADVS OCTAVVS

*Ex consideratione animæ rationalis.*

CAP. I **P**Ertransivimus hucusque res omnes corporales, dum mentis consideratione ex rebus creatis ad Creatorem ascendere nitimur. Iam vero supra omnium corporum dignitatem invenimus animas humanas, quæ ad infimum genus spiritualium substantiarum pertinere noscuntur, inter quas & Deum nihil medium nobis occurrit, præter hierarchias & ordines Angelorum.

Porro humana anima tantam habet cum Deo conditore similitudinem, ut plane ignorem, an alia via quis possit facilius ad Deum cognoscendum ascendere, quam ex consideratione propriæ animæ. Itaque voluit Deus hominem esse inexcusabilem, si notitiam Dei non habeat, cum eam ipsius Dei auxilio comitante, ex animæ suæ cognitione non difficulter haurire possit.

Primum igitur, Anima hominis spiritus est: sic enim exponunt sancti Patres illa verba Genesis: *Formavit Dominus Deus hominē de limo terræ, & inspiravit in faciem eius spiraculū vitæ.*

Gen. 2.

Tob. 3.

Ecc. 12

& illud Tobiae: *Præcipe in pace recipi spiritum meū.* & illud Ecclesiastæ: *Re-*

ver-

## GRADVS OCTAVVS. 125

*vertatur pulvis in terram suam, unde erat, & spiritus redeat ad Deum, qui dedit illum. Quamvis autem vocabulum spiritus conveniat etiā vento, de quo dicitur in Psalmis: Spiritus* Ps. 148  
*procellarum. in Evangelio: Spiritus*  
*ubi vult spirat & vocem eius audis. ta-* Ioan. 3  
 men non dubium est, spiritum procellarum esse corpus tenuissimum, quod ob summam suam subtilitatē magis imitatur spirituales naturam, quam aliud quodcumque corpus. Anima vero humana propriē spiritus est, non corpus; neque ex materia producitur, sed à Deo creatur. de qua re apud Catholicos nulla controversia est.

Hic igitur incipit excellentia animæ, & similitudo ad Deum. Deus enim spiritus est, ut Salvator aperte pronuntiat: *Spiritus est Deus, & eos qui* Ioan. 4  
*adorant eum, in spiritu & veritate oportet adorare.* Sed quamquam & Deus spiritus est, & anima humana spiritus est; tamē Deus est spiritus increatus, & creator, anima spiritus creatus: ex quo sequitur infinita distantia inter spiritum qui est anima, & spiritum qui est Deus. proinde quantum latari potest anima, quod sit in genere substantiæ spiritualis, ac per hoc caelo & sideribus altior nobilitate naturæ; tantū humiliari debet, ac Deo conditori subiaci, quod ex nihilo facta sit, & ex se nihil sit.

K

Deinde,

CAP.  
II.

Deinde, Anima humana, quia spiritus simplex est, immortalis etiam est: nō enim habet in se aliquid, unde distrahi vel interire possit. Sed in hac re quoq; quantū gloriari potest super animas brutorū animantium, quæ cum corpore intereunt; tantū Conditoris sui excellentiā suspicere & admirari debet, qui non solū immortalis, sed sempiternus etiam est. Anima enim humana aliquando nō fuit, & solius Dei voluntate ad esse pervenit, & ejusdem voluntate Dei posset ad nihilū redigi, quāvis in se corruptionis principiū non habeat.

I. Ti. 6

Itaq; recte dixit Apostolus de Deo: *Qui solus habet immortalitatē.* solus enim nulla vi, nullo casu, nulla ratione dissolvi potest, cum sit ipsum esse, ipsa vita, & fons essendi & vitæ.

CAP.  
III.

Tertiò, Anima humana lumine intelligentiæ prædita est: cognoscit enim non solum colores, & sapes, & odores, & sonos, & calorem, & frigus, & durum, & molle, & alia id genus, quæ sensibus corporis patent, sed etiam de substantia judicat, & de rebus non solum singulis, sed etiam universis: & non solum præsentia novit, sed etiam futura conjectat, & discurrendo transcendit cælos, penetrat abyssos, ex causis scrutatur effecta, & ex effectis recurrit ad causas: deniq; Deū ipsum, qui lucem habitat inaccessibilem,

bilem, acie mentis attingit. atq; hoc est lumen, de quo dicit S. Ioannes <sup>Ioan. 1</sup> in Euangelio: *Erat lux vera, qua illuminat omnem hominem venientem in hunc mundū.* & David in Psalmis: *Si-* <sup>Psal. 4.</sup> <sup>Psa. 31</sup> *gnatum est super nos lumen vultus tui Domine.* & : *Nolite fieri sicut equus & mulus, quibus non est intellectus.* Magna est hæc animæ dignitas, per quam homo similis est Deo, & dissimilis bestiis. atque hinc conjectare potest ac debet homo, quanta sit eminentia & sublimitas Domini conditoris sui. Anima enim lumine intelligendi prædita est; sed Deus est lux, & intelligentia. Anima discurret à caussis ad effecta, & ab effectis ad caussas, atq; eo discursu non sine magno labore scientiam venatur: Deus intuitu uno ac simplici simul omnia perfecte cognoscit. Anima intelligit ea quæ sunt, ac per hoc scientia ejus pendet à rebus: Deus intelligendo facit ut res sint, ac per hoc rerum existentia à Dei scientia pendet. Anima de rebus futuris utcunque conjectat: Deus omnia futura non minus perspicue, quam præterita & præsentia semper intuetur. Anima multis indiget ut intelligentiæ munus exerceat, objecto, specie, phantasmate, & aliis: Deus nulla re eget, ipsa enim essentia sua est illi omnia; imo etiam ipsa sua essentia est illi intelligentia.



Deniq; anima, dum est in corpore, non solum Deum non videt, sed neque Angelos videt, neque se ipsa videt, neq; substantiam ullam quamvis corporalem, proprie videt, & in multis fallitur, plurima ignorat, de pluribus opinionem, de paucissimis veram scientiam habet: Deus autē nihil ignorat, nihil opinatur, nunquam fallitur, numquam errat, om-

Heb. 4. *nia nuda & aperta sunt oculis eius, ut Apostolus loquitur in Epistola ad Hebræos. Ergo si tanti facit homo scientiam suam, ut Apostolus dicat, Scientia inflat; quantum admirari debet scientiam Conditoris, cui comparata omnis scientia nostra, non scientia, sed ignorantia est?*

CAP. IV. Quarto, Viget in anima humana genus aliud scientiæ, quod non in speculatione, sed in actione versatur. Vnde sunt tot libri Philosophorum de vitiis & virtutibus, tot leges Principum, & consilia Iureconsultorum, tot institutiones & exercitationes ad artem bene vivendi comparandam. In quibus admirabile cernitur in homine lumen rationis, quo uno longe ac longe bestiis præstamus. Sed nihil hæc omnia sunt ad legem æternam, quæ in mente Conditoris viget, ex qua tamquam ex fonte uberrimo manarunt omnes leges & omnia jura, unus est enim legislator & iudex Deus, inquit S. Ia-

S. Iacobus in epistola sua. Ipse est veritas, & iustitia, & sapiētia *per quē* <sup>Prov.</sup> *reges regnant, & legum conditores iusta decernunt.* Proinde numquam artem bene beateq; vivendi reperies, donec ad scholam Christi, qui unus est <sup>Matt. 23.</sup> Magister verus admissus, ejus verbo & exemplo didiceris iustitiā illam, quā abundat super iustitiā Scribarū <sup>Mat. 5.</sup> & Phariseorū, addo etiā Philosophorū, cujus finis est *charitas de corde puro, & conscientia bona, & fide non ficta.* <sup>1. Ti. 1.</sup>

Quinto, Possidet anima hominis <sup>CAP.</sup> <sup>V.</sup> tertium genus scientiæ, quod in rebus ingeniose fabricandis positum est. Et quidem norunt etiam araneæ telas texere, & aviculæ nidos ædificare, & apes mella conficere, & vulpes foveas quasi domos quærere: sed ista animantia naturæ quodam instinctu rem unam & eandem & modo eodem faciunt; anima vero humana, ratione & iudicio prædita, artes innumerabiles adinvenit, per quas omnibus animantibus, velint nolint, imperat & dominatur: nec profunt avibus alæ, nec piscibus profunditas aquarum, nec leonibus aut ursis robur eximiū, nec equis & mulis ferocitas, nec cervis & capreis pernicitas; siquidē ipsi etiam pueri, laqueis & visco & retibus aves capiunt, & hamo ac retibus piscatores pisces apprehendunt: viri autē ingenio & arte leones & urso-

caveis ferreis includere & circumducere, apros & cervos vel funibus irretire, vel ferro confodere, equos & mulos fræno domare, & imperio suo subdere didicerunt. Quid dicam de arte navigandi? quanta lux ingenii in anima humana fulsit, quando per liquidum mare naves maximas, & ponderibus gravissimis onustas, non solum remis quasi pedibus currere, sed etiam velis quasi alis volare docuit? Quid de agricultura? quis non obstupescat ingenium hominis, si segetes, si vineas, si pomaria, si hortos, si piscinas, si varios aquarum rivulos, ad hortos irrigandos & arva humectanda ductos, inspiciat? Quid de architectura? quis non miretur palatia, templa, urbes, arces, turres, amphitheatra, pyramides, obeliscos? Omitto pingendi & sculpendi artes, quibus sic interdum ad vivum exprimuntur, vel coloribus in tabula, vel scalpello in marmore, vultus hominum, vel res ceteræ; ut veræ, non pictæ vel sculptæ credantur. Omitto reliquas artes, humano ingenio, sive ad necessitatem vitæ, sive ad commoditatem, sive ad voluptatem excogitatas, quæ tot sunt, ut numerari vix possint.

Age igitur, anima mea, gratias Deo, quod tanto intervallo distare voluerit naturam tuam à natura animantium ceterorum: sed simul attolle oculos

## GRADVS OCTAVVS. 131

oculos mentis ad ipsum eundem Condito-  
 rem tuum, in quo est verus  
 fons ingenii, & sapientiæ effectricis  
 rerum. Ab illo fonte defluxit quid-  
 quid ingenii ad naturam tuam deri-  
 vatum est. Et si miraris ingenium  
 hominis, quod animantibus ratio-  
 ne carentibus industria & arte do-  
 minari didicerit; admirare potius  
 Deum, cui omnia serviunt & obe-  
 diunt, non solum animantia, sed et-  
 jam inanima. Et si magnum tibi vi-  
 detur, quod homo tot artes invenit  
 navigandi maria, colendi agros, fa-  
 bricandi domos; cur non majus vi-  
 deri debet, quod Deus sapientia sua  
 fabricavit cælum, & terram, & ma-  
 ria, & omnia quæ in eis sunt, &  
 omnia moderatur & regit? Et si de-  
 nique obstupescis artem pingendi  
 in tabulis, & quasi vivos ducendi de  
 marmore vultus: cur non obstupe-  
 scis artē Conditoris tui; qui de luto  
 formavit verum ac vivum homi-  
 nem, & de costa viri veram ac vi-  
 vam mulierem ædificavit? præfer-  
 tim si addas, quæ faciunt homines,  
 sine Deo cooperante non fieri; quæ  
 autem facit Deus, ab ipso solo, nul-  
 lo alio cooperante, fieri.

Sextò, Donata est hominis anima CAP. VI.  
 libero voluntatis arbitrio, quod est  
 illi cōmune cū ipso Deo & Angelis,  
 & quo à rebus ceteris creatis maxi-  
 mè distat. Magna est hac nobilitas,

& admirabilis excellentia. Sed tãto  
 majora est libertas in cōditore rerū  
 omnium Deo, ut animæ libertas cū  
 illa comparata, vix umbra illius esse  
 videatur. Primum, libertas volunta-  
 tis humanæ infirma est, & ad mala  
 ac noxia sibi eligenda facilis & pro-  
 na: libertas voluntatis divinæ robu-  
 stissima est, ut deficere vel inclinari  
 ad malū nullo modo possit. quomo-  
 do enim posse mori, infirmitas est  
 corporis mortalis; non posse mori,  
 sanitas est corporis glorificati: sic et-  
 jam posse peccare, infirmitas est li-  
 beri arbitrii; non posse peccare, sani-  
 tas erit ejusdē arbitrii, quando Deus  
 in cælesti patria hoc nobis conferet  
 per gratiā, quod ipse semper possidet  
 per naturā. Deinde, liberum arbitriū  
 nostrum liberum quidē est, ut possit  
 velle & non velle, vel etiam velle &  
 nolle; sed non est potens efficere  
 quod vult, vel ut non fiat quod non  
 vult, etiam in se ipso. quanto magis  
 in ceteris? Audi Apostolū lamentan-  
 Rom. 7 tē in Epistola ad Romanos: *Nō quod*  
*volo bonum, hoc facio; sed quod nolo ma-*  
*lum, hoc ago.* Et quis nostrum hoc nō  
 experitur? Volo attente orare Deū,  
 & jubeo imaginationi meę, dum ad  
 orandum assisto, ut nusquā evage-  
 tur, nec me trahat ad alia cogitāda:  
 & eā retinere non possum in officio,  
 ac dum minus de hac re sollicitus  
 sum, invenio me ab imaginatione delu-

delusum, oratione intermissa ad alia cogitanda delapsum. Volo non concupiscere, & nō irasci præter ordinem rationis, & impero per liberū arbitrium irascibili cōcupiscibili facultati, quæ in me sunt, ac rationi jure subditæ esse debent, ut rationis imperio omnino subjaceant, nec se sināt à sensibus corporis ullo modo seduci: & sæpe non obeditur, nec fit quod volo, sed quod nolo. Sed quod prorsus admirabile & miserabile est, imperat animus corpori, & paretur statim; imperat animus sibi, & resistitur: *Vnde hoc monstrum?* inquit S.

Augustinus. *Imperat animus ut moveatur manus, & tanta est facilitas, ut vix à servitio discernatur imperium; & animus est, & manus corpus est: imperat animus, ut velit animus, nec alter est, nec facit tamen. sed non ex toto vult; non ergo ex toto imperat. Non igitur monstrum, sed agritudo animi est; quia non totus assurgit veritate sublevatus, consuetudine prægravatus. At libertas arbitrii Domini Dei cum plena & absoluta potestate ita conjuncta est, ut de ea scriptum sit: Omnia quacunque voluit, Lib. 8. confes. cap. 9. fecit. Et non est qui tuæ possit resistere voluntati. Quare, anima mea, si sapias, Eccl. 13. noli de viribus liberi arbitrii gloriari, donec pervenias ad libertatem gloriæ filiorum Dei, quando cælestis Rom. 8. medicus sanaverit omnes lāguores tuos, & repleverit in bonis desideriiū Ps. 103.*

Ps. 102. tuū. Interim vero ingemisce assidue,  
 Ps. 26. ac dicito Deo cū Propheta : *Adjutor  
 meus esto, ne derelinquas me. Et non cū  
 torpore, & ex sola consuetudine, sed  
 vigilanter, & ex toto corde repete,  
 quod plusquam septies in die repe-*  
 Ps. 69. *tis : Deus in adiutorium meum intende,  
 Domine ad adjuvandum me festina.*

CAP.  
VII.

Septimò, Habet hominis anima  
 voluntatem rationalem, quæ non  
 solum appetere potest bona præsen-  
 tia, & particularia, & corporalia,  
 qualia appetunt etiam bestia; sed  
 etiam bona absentia, generalia, &  
 spiritualia, quæ per fidem aut ratio-  
 nem ostenduntur, atq; adeo ipsum  
 summum & infinitum bonū, quod  
 est Deus. Atque hoc est quod facit  
 hominem magnarum virtutum ca-  
 pacem, ac præcipuè reginæ omnium  
 virtutum charitatis. Amant animā-  
 tia bruta, sed amore concupiscen-  
 tiæ; amorem vero amicitia omnino  
 ignorant. Tu vero, anima, capax à  
 Deo facta es illius doni, quod est  
 fons omnium donorum, & quod cū  
 Deo summo bono ita conjungit, ut  
 ille in te maneat, & tu in eo, lumi-  
 nosa videlicet & speciosissima cha-  
 ritatis. Deus enim *charitas est; & qui*  
 1. Ioa. *manet in charitate, in Deo manet, &*  
 4. *Deus in eo.* Sed si hoc tantum est bo-  
 num voluntatis creatæ, quantum e-  
 rit illud bonum, quo plena est vo-  
 luntas increata? Sola voluntas Dei  
 capax



capax est infiniti amoris, quo digna est amari infinita bonitas Dei. Neque indiget virtutibus ista voluntas, neque opus habet ab intellectu dirigi: ipsa enim & intellectus idem sunt, sicut sapientia & charitas in Deo una res sunt.

Octavò, Anima humana est in <sup>CAP. VIII.</sup> corpore humano, sed longe aliter quam animæ brutorum in corporibus eorum. Animæ brutorum materiales sunt, & extensæ ad corporis extensionem, ut pars sit in parte, & tota in toto. Anima vero humana, quia spiritus indivisibilis est, admirabili modo tota in toto, & tota in singulis partibus est: & cum totum corpus repleat, nullum tamē in corpore locum occupat: & quando corpus crescit, anima nō crescit, sed incipit esse ubi antea non erat: & si membrum abscinditur, vel arescit, anima non minuitur neq; siccat, sed desinit in eo membro esse ubi antea erat, absque omni læsione vel mutilatione sua. Hoc est verū speculū existentie Dei in rebus creatis. Deus enim spiritus indivisibilis est, & tamen mundum totum, & partes ejus omnes replet, nec locum ullū occupat, & totus est in toto mundo, & totus in qualibet parte mundi: & cū nova creatura producitur, Deus in ea incipit esse; nec movetur tamen: & cum creatura aliqua forte destrui-

destruitur, aut moritur, Deus nō destruitur, nec moritur, sed desinit ibi esse, nec tamen locū mutat. itaq; in his conveniunt Deus & anima. Sed in multis tamen, ut par est, longe eminet Deus: anima siquidem, ut in corpore sit, & corpus regat ac moveat, necesse habet formā corporis fieri, atq; ita cum eo conjungi, ut ex anima & corpore unus homo fiat. Deus non eget, ut fiat forma vel anima mundi, neq; ut ex ipso & mundo una substantia cōposita fiat. Sed ex immensitate sua hoc habet, ut ubique sit; ex indivisibili unitate, ut totus ubique sit; ex omnipotentia, ut omnia regat, omnia porret, omnia moveat. Deinde, anima, quāvis in toto corpore esse dicatur, tamen proprie non est nisi in partibus viventibus, siue animatis; proinde nō est in humoribus, in capillis, in unguibus, in membris aridis vel emortuis. Deus absolute in rebus omnib<sup>9</sup> est, nec solum in corporalibus; sed etiam in spiritualibus; neq; fieri potest, ut aliquid sit, in quo Deus non sit. Præterea nō est anima nisi in corpore suo, eoq; satis angusto & brevi. & in quo partes omnes simul colligatæ sint; si qua enim pars separaretur ab aliis, in illa esse non posset anima: Deus autē in hac rerum universitate totus est, quamvis & ipsa universitas maxima sit, & partes ej<sup>9</sup> colli-

colligatæ non sint, quamvis contiguæ sint: & si mundus alius, & alius conderetur, in omnibus Deus esset. Ideo enim scriptum est: *Calum, & cæli calorum non te capiunt.* Quoniam si alii cæli, & alia terra fieret, in illis quoque esset: & si rursus novi cæli, & novæ terræ sine fine multiplicarentur, omnia repleret; & ubi non esset, nihil omnino esset.

Nono, Anima hominis, præter ea <sup>CAP. IX.</sup> quæ dicta sunt, habet etiam imaginem in se, quamvis obscuram, divinisimæ Trinitatis: tum quia habet memoriam secundam, vim intelligendi, & vim amandi: tum etiā quoniam mens ejus intelligendo format verbum quoddam suum, & à mēte & à verbo procedit amor; quia id quod cognoscitur à mēte, & repræsentatur à verbo ut bonū, continuo à voluntate diligitur & desideratur. Sed tamen lōge altiore & diviniore modo Pater Deus generat Verbum Deum, & Pater & Verbum spirāt Spiritum S. Deum, qui est amor vivens, & fōs vivus omnis amoris casti. Et ea de caussa mysterium Trinitatis superat naturalem sciendi modum, nec potest sine supernaturali lumine ad ipsius notitiam, quantumvis doctus Philosophus, pervenire. Siquidem anima hominis producit verbum & amorem, quæ non substantiæ, sed accidentia sunt, ac per hoc personæ non



non sunt: Deus autem Pater Verbum  
 gignit sibi consubstantialia, & Pater  
 ac Verbum spirant Spiritum sanctum,  
 utrique similiter consubstantialia;  
 unde tres personæ meritò dicuntur  
 Pater, & Filius, & Spiritus sanctus.  
 Deinde, anima hominis producit  
 verbum, quod non diu permanet; &  
 voluntas producit amorem, qui non  
 diu durat: Deus autem Pater generat  
 Verbum æternum, & Pater & Ver-  
 bum spirant Spiritum sanctum eter-  
 num: neque enim Deus esse potest  
 sine Verbo, & sine Spiritu suo. Deni-  
 que anima hominis. per unum ver-  
 bum rem unam repræsentat, ideo  
 multiplicat verba, non solum men-  
 tis, sed etiam oris; & voluntas hu-  
 mana multos actus amoris produ-  
 cere debet, si multas res velit ama-  
 re: Deus autem unico verbo omnia  
 vera dicit, & unico actu amoris om-  
 nia bona diligit.

CAP.  
X.

Deniq; hoc habet anima huma-  
 na, ut dum est in corpore, quamvis  
 non videatur, nec audiatur, nec mo-  
 veatur, ac vix in eo esse intelligatur,  
 & ea recedente nihil corpori deesse  
 videatur; tamen ipsa omnia bona  
 corpori tribuat, sensum, motum,  
 loquelam, subsistentiam, pulchritu-  
 dinem, robur. Cur enim homo dum  
 vivit, videt, audit, loquitur, ambu-  
 lat, subsistit, robustus, formosus, &  
 amabilis est, nisi quoniam anima  
 in



in eo est? & cur post mortem nec videt, nec audit, nec loquitur, nec movetur, sed jacet deformis, inutilis & invisus, nisi quoniam anima recessit, unde bona illa derivabantur? Sic Deus tuus, ô anima, dum per gratiã suam in te vivit, ipse facit ut videas quæ tibi fides ostendit, & audias quid loquatur in te Dominus, & ambules per viam mandatorum ad cælestem Ierusalem, & loquaris in oratione ad Deum, & in sancta exhortatione ad proximum, & subsistas perseverando in operibus bonis, & robustus sis in acie adversus hostes invisibiles, & formosus in oculis invisibilis Dei, & Angelorum ejus. Cave autẽ, ne recedente gratia Dei, quæ est vita animæ tuæ, experiaris damna, quæ secum adfert mors prima, unde rapiaris ad mortẽ secundam, ex qua resurrectio nulla cõceditur. O si mentis oculos tibi Dominus aperiret, & speciem eximiam ac splendorem nimium intueri posses, quo prædita est anima grata Deo, & per verã charitatem ei conjuncta, & quibus oculis eam Deus aspicit, quẽ locum illi præparat, quæ gaudia illi promittit, & quanto ipsa desiderio expectatur ab Angelis & aliis spiritibus beatis: certe ferre non posses, ut tanta pulchritudo, vel aliqua levi macula fœdaretur: & si id forte contingeret, enitereris saltem,

140 ASCENS. IN DEVM  
tem, ut maculas illas, quantumvis  
parvas, lacrymarum fluminibus di-  
lueres. Hoc certè de S. Francisco re-  
fert S. Bonaventura, quoniã videbat  
se Agnum immaculatum sine macu-  
la aliqua sequi nō posse, dedisse sal-  
tem operam, ut quotidianis & co-  
piosis imbribus lacrymarū animam  
purgaret, & maculas omnes, quan-  
tumvis levissimas, tergeret. Sed si  
per eamdē gratiam Dei aperirentur  
oculi interiores, & intueri posses,  
quanta sit foeditas animæ peccatri-  
cis; quam tetrum odorē spīret quasi  
putrefactum cadaver, & quam refu-  
giant Deus & Angeli sancti eam re-  
spicere, quamvis fortasse in corpore  
habitet specioso, & ornato, & ocu-  
lis hominum valde amabili: sine  
dubitatione ulla ita horrerēs, ut  
nulla ratione patereris te talē fieri,  
aut in eo statu diutius permanere.

## GRADVS NONVS

*Ex consideratione Angelorum.*

CAP. I **P**ervenimus ad supremum gra-  
dum ascensionis in Deum ex iis  
qui sumi possunt à substantiis crea-  
tis: nulla enim est creata substantia  
sublimior Angelicā, si de naturali  
tantum perfectione loquamur. An-  
gelos igitur considerabimus pri-  
mum, quoad excellentiam naturæ;  
deinde



# GRADVS NONVS. 141

deinde quo ad sublimitatem gratiæ; proftremo quo ad officia, quib' funguntur: neq; propositum nobis est, integram disputationem de Angelis instituere, sed ea solum attingere, quæ nos juvare possunt ad elevandam mentem in Deum. Angelus igitur si cum anima rationali & humana comparetur, satis aptè dici potest anima perfecta, quemadmodum & anima dici potest Angelus imperfectus. Sic enim de homine ratione animæ loquitur Propheta, cum dicit: *Minuisti eum paulo minus* Pla. 8.  
*ab Angelis.* Angelus enim est integra perfecta; substantia spiritualis; anima humana dimidiata & imperfecta, quia est forma corporis, ac per hoc est pars hominis. Itaque Angelus, totus est spiritus: homo partim spiritus, partim caro; vel partim Angelus, partim bestia. quo modo si quis diceret, Angelū esse totum aureum; hominem partim aureum, partim luteū. Quare verum est quod Propheta dicit, hominem esse paulo minoratum ab Angelis; & verum etiam est, animam humanam, quia est pars hominis, esse paulo minorem Angelo. Ex quo sequitur, ut Angelus similior Deo sit quàm homo vel anima ejus; quia Deus spiritus est, nō corpus, neq; corporis forma. Nec tamen hæc major similitudo Angeli ad Deum facit, ut Deus



non sit spiritus infinito intervallo dignitatis elevatus super Angelicā sublimitatem; est enim Deus spiritus increatus, æternus, immensus, solus potens, solus sapiens, solus bonus, solus altissimus. Quare si confiteris, anima mea, suspiciendam merito à te esse naturam Angelicam; quanto magis suspicere debes & admirari naturam divinam, quæ supra modum & supra omnem mensurā supereminet Angelicæ dignitati?

CAP.  
II.

Sed neque solum in natura sive substantia dici potest Angelus homo perfectus, & homo Angelus imperfectus; sed etiam in intelligentia & scientiâ. Siquidem homo, sive anima humana, multum laborat in rebus intelligendis, cum oporteat eam uti ministerio sensuum, & discurrendo ab effectis ad causas, & à causis ad effecta, paulatim scientiam sibi comparare: unde etiam sæpe dubius hæret, sæpe misere fallitur, & raro ad certam intelligentiam pervenit: Angelus vero unico intuitu rem intuetur, & simul causas & effecta ipsius cernit, nec solum ad accidentia, sed ad ipsam etiam rei substantiam penetrat: neque res tantum corporales, sed etiam spirituales videt. Itaque homo, dum in hac terra peregrinatur, quod ad intelligentiam pertinet, non paulominus est minoratus ab Angelis, sed

sed tam multum est minoratus, ut homo quantumvis ingenio polleat, & studio sapientiæ operam dederit, si cum Angelo comparetur, puer, aut infans, & lactens merito dici possit. Non enim falso de nobis mortalibus Propheta cecinit: *Ex ore infantium & lactentium perfecisti laudem.* Audi sapientissimum Salomonem, quid de nostra scientia, qua sic inflamur, judicet: *Cunctæ res difficiles; non potest eas homo explicare sermone.* & rursus: *Mundum tradidit (Deus) disputationi eorum, ut non inveniatur homo opus, quod operatus est Deus ab initio usque ad finem.* Si cuncta sunt difficilia, & inexplicabilia ab homine, & si de mundo hoc visibili nihil intelligit homo à prima re creata usque ad ultimam; nihil, inquam, perfecte intelligit, ut naturam ejus proprietates, accidentia, vires, & cetera quæ in ea latent, explicare queat: quantis erroribus se implicabit, si ea quæ supra calum sunt, investigare tentaverit? Quare si sapias, anima, sectare scientiâ salutis, & sapientiam Sanctorum, quæ in eo posita est, ut Deum timeas, & mandata ejus observes: delectet te magis oratio, quam disputatio; & charitas ædificans, quam scientia inflans: hæc enim est via, quæ ducit ad vitam & regnum cælorum, ubi dabitur nobis parvulis æqualitas

Ps. 8.

Ecc. 1.

Ibid. 3

Luc. 20 Angelorum, qui semper vident fa-  
 Mar. 18 ciem Patris qui in caelis est.

CAP.

III.

Est vero etiam tertium quiddam, in quo humana anima non paulo minus, sed multum valde minoratur ab Angelo. Est autem potentia & imperium super corpora. Anima enim humana corpus suum tantum voluntatis imperio movere potest, alia corpora hoc modo non potest: & corpus suum movet motu progressivo super terram, non autem potest illud super aquam suspendere, vel super aërem evehere, & quo voluerit asportare: Angeli vero solo impetu spiritus, id est, imperio voluntatis, corpora gravia sursum evehunt, & ferunt quocumque libuerit. Sic

Dā. 14. Angelus unus rapuit Habacuc, & brevissimo tempore tulit in Babylonem, ut prandium ferret Danieli, & reportavit in Palaestinam. Deinde non potest homo solo spiritu pugnare cum hostibus, sed manibus & armis indiget: sed Angelus sine manibus, sine armis, contra integrum exercitum armatorum hominum, solo impetu spiritus sui praeliari potest, & vincere. Sic Angelus unus

4. Reg.  
19.

occidit aliquando centum octoginta quinque millia Assyriorum. Et si hac potest Angelus, quid poterit Conditor & Dominus Angelorum? Vtiq; poterit, qui ex nihilo fecit omnia, in nihilum omnia redigere. Potest



test quoq; animus humanus, per artem pingendi & sculpendi, non sine industria & labore conficere imagines hominū, quæ viventes homines repræsentent, & spirare ac vivere videantur: possunt Angeli sine labore, & sine manibus & instrumentis, ac fere momento temporis corpus ex elementis ita sibi aptare, ut corpus humanum ab hominibus prudentibus judicetur, quod videlicet ambulet, loquatur, comedat, bibat, & tangi, palpari, atq; etiam lavari, queat. Sic Abraham Angelis ci- Ge. 12.  
 bñ præparavit, & pedes lavit: quoniā, ut explicat Apostolus, Angelos Heb. 13  
 hospitio recepit, homines se recepisse credens. Quod idem accidit nepoti ejus Lot, dum Angelos duos, Ge. 19.  
 tamquam homines peregrinos, in domum suā admisit. Sed & Raphael Angelus per multos dies versatus est cum Tobia juniore, ambulans, loquens, comedens, bibens, ac si vere ac proprie homo esset: & tamen ipse postea discessurus, ait: *Videbar* Tob. 10.  
*quidem vobiscum manducare & bibere; sed ego cibo invisibili, & potu qui ab hominibus videri non potest, utor. ac repente ab oculis eorum evanuit.* Magna profecto & admirabilis potentia, corpus repēte formare, quod nulla in re ab humano & vivo corpore differre videatur, & illud ipsum, quādo libuerit, repente dissol-

vere, ut vestigiū ejus nullum appareat. Quod si tanta & tam admiranda Angelorum potentia est, quanta erit potentia Conditoris Angelorum, qui & illos creavit, & potentiam, quantā voluit, attribuit? Omnino sicut scientia Angelorum & nostra cum scientia Dei comparata, ignorantia est; & sicut justitia Angelorum & nostra justitiæ Dei comparata, injustitia est: sic omnis potentia Angelorum & nostra potentiæ Dei comparata infirmitas est. ideo

Ro. 16.

Luc. 18

1 Tim.

6.

CAP.

IV.

vere dicitur Deus noster solus sapiens, solus bonus, & solus potens.

Denique, si locum Angelorum & hominum consideremus, inveniemus ex hac etiam parte, hominem, sive ejus animam, non paulo minus, sed multum omnino ab Angelo minoratam (utor enim libenter verbo, quo utitur Apostolus.)

Heb. 2.

Nam animæ humanæ locum Deus attribuit in terra, Angelis in cælo, id est, in palatio suo: *Calum enim*

Ps. 113

*cali Domino, terram autem dedit filiis hominum.* Hinc Dominus apud Mat-

Matt.

24.

Luc. 15

thæum vocat Angelos cælorum, & apud Lucam dicit: *Gaudium erit in cælo super uno peccatore pœnitentiam agente.* & paulo post: *Gaudium erit coram Angelis Dei super uno peccatore pœnitentiam agente.* Et præterea, sic alligavit Deus animam corpori, ut sine illo locum mutare non possit:

Ange-

Angelos autem Deus nulli corpori alligavit, atque eis potestatem attribuit, ut de cælo ad terram, & de terra ad cælum, vel quocumque voluerint, velocissimè transeant. Sic Angelus naturæ dignitate proximus Deo, etiam subtilitate utcumque imitatur omnipræsentiam Dei. Deus enim semper ubique est per naturæ immensitatem, neque eget loci mutatione, cum sit ubique: Angelus per motus velocitatem tam facile de loco ad locum transit, & præsentiam suam locis omnibus exhibet, ut ubique quodammodo esse videatur.

Tu vero, anima mea, si Dominum Angelorum audire volueris, nō erit cur Angelis vel locum illum sublimem, vel motū sine fatigatione velocissimum inideas. Nam non solum tu, anima corpore soluta æqualis Angelis eris, sed cum ad corpus redieris, quod Christus conforma-<sup>Phil. 3</sup> bit corpori claritatis si æ, cum ipso corpore cælum tamquam domum propriam possidebis; & ipsum corpus spirituale effectum, sine labore<sup>2. Cor. 15</sup> vel fatigatione, illic erit continuo, ubi tu ejus anima volueris atque jusseris. Nō te fallit Dominus tuus, qui ait in Euangelio: *In domo Patris*<sup>Joan. 14</sup> *mei mansiones multe sunt. & : Vado parare vobis locum. Et si abiero, & præparavero vobis locum, iterum venio, &*



accipiam vos ad meipsum, ut ubi sum  
 Ioa. 17 ego, & vos sitis. & : Pater, quos dedisti  
 mihi, volo ubi sum ego, & illi sint mecum :  
 ut videant claritatem meam, quam de-  
 didisti mihi. Vbi sit autem Christus, &  
 quale corpus habeat, non ignoras.  
 confiteris enim quotidie, ac dicis:  
 Tertia die resurrexit à mortuis : Ascen-  
 dit ad calos. & scis corpus ejus post  
 Resurrectionem intrare solitum ad  
 Poa. 20 discipulos januis clausis; & cum re-  
 Luc. 24 cederet, non ambulando, sed evane-  
 scendo recedere consuevisse, id est,  
 tam celeri motu corpus suum trans-  
 ferre solitum de loco ad locum, ac si  
 spiritus, non corpus fuisset. Sed si ad  
 gloriam istam aspiras, oportet hinc  
 primum, ut conformes corpus tuum  
 corpori humilitatis Christi: sic e-  
 nim fiet ut Christus corpus tuum  
 conformet corpori claritatis suæ.  
 Deinde oportet ut vestigia ejus se-  
 1 Pet. 2 quaris, Christus enim passus est pro no-  
 bis, nobis relinquens exemplum, ut se-  
 quamur vestigia ejus, inquit Aposto-  
 lus Petrus. Et quæ sunt vestigia e-  
 jus? Qui peccatum, inquit, non fecit,  
 nec inventus est dolus in ore eius: qui  
 cum malediceretur, non maledicebat:  
 cum pateretur, non comminabatur. Duo  
 sunt Christi vestigia, à quibus si ab-  
 erras, viam perdidisti, & ad patriam  
 numquam pervenies. oportet mala  
 non facere, sed pati; &, quod inde  
 sequitur, bona facere, & bona hinc  
 non

non expectare: &, quæ horum omnium summa est, oportet diligere proximum propter Deum, dilectione vera & pura amicitia non concupiscentia, gratis non propter retributionem hominis, contentum retributione Dei, quæ omnem mensuram superat.

Veniamus nunc ad dignitatem <sup>CAP. V.</sup> Angelorum secundum gratiam. Vere in hoc etiam minoratus est homo plusquam paulo minus ab Angelis. Siquidem initio Deus Angelos singulos ita creavit, ut simul in eis conderet naturam, & infunderet gratiam, ut sanctus Augustinus testatur in libris de Civitate Dei. De <sup>De Civitate Dei lib. 12. cap. 9.</sup> inde, mox ut prima conversione mentis in Deum illi per charitatem <sup>cap. 9.</sup> adhererunt, cadentibus reprobis, beatitudine & gloria coronati sunt. Itaque peregrinatio ipsorum brevissima, & mansio in patria sempiterna fuit; si tamen peregrinatio dici debet brevissima illa mora, quæ inter creationem & beatitudinem intercessit. Nos autem homines gratiam quidem cum natura in creatione accepimus, sed in parente primo, non in nobis: & ideo illo cadente, omnes cecidimus; *in quo*, ut <sup>Ro. 5.</sup> apostolus loquitur, *omnes peccaverunt*. Quamvis autem per mediatorē Dei & hominum Christum Iesum reconciliati simus Deo: tamen exilio L 5      diu-

diuturno damnati sumus, & dū sumus in corpore, peregrinamur à Domino. Per fidem enim ambulamus, & non per speciem: & quod pios homines & patriam desiderantes multū contristat, illud est, quod inter hostes sævissimos interim verſamur, & periculum est, ne ab illis circumventi & capti, à dulcissimæ patriæ possessione tandem excidamus. Hinc sunt illæ voces: *Heu mihi, quia incolatus meus prolongatus est: habitavi cum habitantibus Cedar: multum incola fuit anima mea.* Sed quamvis in hac re minores Angelis simus: Dei tamen benignitas mirifice nos homines consolatur, tum quod ex genere nostro unum & unam, Christum & Mariam, in Regno cælorum omnibus Angelis anteposuit; tum quod non paucos ex hominibus, quamvis Angelis omnibus naturæ muneribus inferiores, dono gratiæ superiores multis Angelis esse voluerit, & aliquos etiam summis æquaverit. Certè sanctus Ioannes Chrysostomus exponens Epistolam ad Romanos, Apostolorum Principes Petrum & Paulum in eo loco collocare non dubitavit, ubi Seraphim volant, ac Deum glorificant, quod idē de sancto Ioanne Baptista, & aliis nonnullis, pium est credere. Adde, quod Angeli boni post primum meritum ad gloriam perver-

nerunt,

Hb. 32.  
in Epi.  
ad Ro.

nerunt, quoniam etiam angeli mali post primum peccatum fuerunt æterno supplicio mancipati. Proinde homines queri non debent de longiore via, cùm in ea possint sæpe ac sæpius lapsus suos corrigere, & per pœnitentiam ad veniam pervenire.

Restat nunc, ut de officiis Angelorum pauca dicamus. CAP. VI. Quinque sunt Angelorum officia. Primum est, laudes & hymnos perpetuo canere Conditori. Ac ut intelligamus quanti faciat Deus hoc ministerium, considerandum est, supremos Angelos ad hoc officium esse destinatos, quos quasi præcinentes, omnes Angelorum chori consonis vocibus cum incredibili jubilo prosequuntur. Audi Isaiam: *Vidi Dominum sedentem super solium excelsum & elevatum; & ea quæ sub ipso erant, replebant templum. Seraphim stabant super illud: sex ala uni, & sex ala alteri: duabus velabant faciem eius, & duabus velabant pedes eius, & duabus volabant: & clamabant alter ad alterum, & dicebant; Sanctus, Sanctus, Sanctus, Dominus Deus exercituum, plena est omnis terra gloriâ eius.* Hic audis nomen Seraphim, qui sunt Principes supremi ordinis: vides illos velare faciẽ & pedes, quod est signum reverentiæ, quasi non auderent intueri faciem, vel tangere nudos pedes: vides eosdem assiduè volare dum canunt,

canunt, quod significat affectum & desiderium semper magis ac magis propinquandi Deo. quæ duo sunt necessaria iis qui placere Deo volunt dum laudes ejus decantant, ut videlicet amorem cum reverentia, & reverentiam cum amore conjungant. quod etiam David Propheta expressit, cum ait : *Servite Domino in timore, & exultate ei cum tremore.*

Pf. 2.

Hinc discas, anima mea, quanta veneratione dignus sit Deus, cum supremi illi Principes cæli, qui semper assistunt ei, & semper faciem ejus vident, neque ex tam excelsso gradu suo, neq; ex tam longa familiaritate timorem ac reverentiam negligere umquam audeant, dum laudes ejus dicunt. Et quid respondebis tu pulvis & cinis, cum in judicio arguêris de somnolentia, vel evagationibus in tam divino opere, ad quod digna non eras ut assumes? discas saltem deinceps, tam magno exemplo edocta, cum timore & tremore, cum attentione & vigilantia, cum amore & desiderio, Deo tuo debitas laudes hymnosq; persolvere.

Alterum officium Angelorum est, orationes mortalium offerre Deo, easque suo etiam suffragio commendare. Sic enim loquitur

Tob. 12.

Angelus Raphaël in libro Tobia: *Quando orabas cum lacrymis, & sepelie-*  
bas



*bas mortuos, & derelinquebas prandium  
 tuum, ego obtuli orationem tuam Do-  
 mino. & in Apocalypsi vidit Ioan-  
 nes Angelum stantem ante altare  
 cum aureo thuribulo: Et data sunt, Apo. 9.  
 inquit, illi incensa multa, ut daret de  
 orationibus Sanctorum omnium super  
 altare aureum, quod est ante thronum  
 Dei. Hic vero incredibilis prorsus  
 cernitur clementia & misericordia  
 Dei nostri. non enim contentus fuit  
 per Prophetas suos primum, deinde  
 per Filium suum, & ejus Apostolos,  
 hortari nos ad orandum & peten-  
 dum: sed etiam addidit promissio-  
 nem dandi, quidquid petierimus:  
*Petite, inquit, & dabitur vobis, & ali-* Luc. 11  
*bi: Si quid petieritis Patrem in nomine* Ioa. 16  
*meo, dabit vobis. Neque hac promif-*  
*sione contentus, adjecit etiam præ-* Mar. 6.  
*mium se daturum petentibus: Tu*  
*autem, inquit, cum oraveris, intra in*  
*cubiculum tuum, & clauso ostio, ora*  
*Patrem tuum in abscondito: & Pater*  
*tuus, qui videt in abscondito, reddet tibi.*  
*mercedem videlicet, præter ea quæ*  
*petivisti. Sic enim de eleemosyna*  
*& jejunio, eodem in loco Dominus*  
*dicit: Pater tuus qui videt in abscon-* Ibid.  
*dito, reddet tibi. Sed neque hoc ar-*  
*gumento pietatis paternæ conten-*  
*tus Deus, constituit Angelos, quasi*  
*cubiculârios suos intimos, qui o-*  
*rationum, quasi memorialium*  
*pauperum curam haberent, eaque*  
*in**



in conspectu suo offerrent, ac legerent, ne ulla omnino pauperum petitio oblivioni mandetur. Quis umquam Principum terrenorum præmium promisit venientibus ad se, gratiam vel justitiam petituris? & tamē, qui veniunt ad Principes terræ, homines sunt, ut ipsi etiam Principes homines sunt ex eodem luto formati, & eidem summo Principi Deo subiecti. Sed si grave est præmium dare petentibus: certe tamen grave esse non deberet libenter eos admittere, & fidelem cubicularium deputare, qui supplices libellos subditorum diligenter custodiret, & offerret, & pro celeri expeditione sollicitus esset.

Tertium officium Angelorum in eo positum est, ut Legati mittantur ad ea significanda quæ Deus significari voluerit, ac præsertim ad negotia redemptionis & salutis æternæ. Sic enim loquitur Apostolus ad Hebræos: *Nonne omnes (Angeli) sunt administratorii spiritus, in ministerium missi propter eos qui hereditatem capient salutis?* Sic videmus in veteri Testamento passim Angelos apparuisse Patriarchis & Prophetis, eisque patefecisse quæ Deus patefacienda mandaverat. sic etiam in Testamento novo legimus, Archangelum Gabrielem missum fuisse nuntium ad Zachariam, & ad Virginem Deiparam:

Heb. 1.

Gē. 18.

Dan. 9.

Luc. 2.

Luc. 2.

ram : deinde Angelos quoque mis-<sup>Matt.</sup>  
 sos ad pastores, ad sanctum Ioseph,<sup>1.2.</sup>  
 & post Resurrectionem Domini ad<sup>Ioa. 20</sup>  
 mulieres sepulchro inhærentes, &<sup>Matt.</sup>  
 post Ascensionem ad discipulos om-<sup>28.</sup>  
 nes. Cur autem Deus, qui ubiq; est,  
 & facile potest per se in cordibus  
 hominum loqui, velit tamen Ange-  
 los mittere, illa ratio esse videtur, ut  
 homines intelligant, Deo curæ esse  
 res humanas, & ab illo regi & dirigi  
 universa. Possent etiam homines fa-  
 cile sibi persuadere inspirationes di-  
 vinas esse ratiocinationes suas, vel  
 consilia sua: sed cum videant vel au-  
 diant Angelos à Deo mitti, & quæ  
 ab Angelis prædicuntur, ita fieri ut  
 illi præmonuerunt, dubitare non  
 possunt, quin Deus providentiam  
 gerat rerum humanarum, atque ea  
 præsertim ab illo dirigi & disponi,  
 quæ ad salutem æternam electorum  
 pertinent.

Quantum officium Angelorum  
 est protectio hominum, sive singu-  
 lorum, sive multitudinis. Placuit  
 enim pietati Patris nostri Dei com-  
 mendare potentissimis servis suis  
 infirmitates mortalium, eosque  
 præficere vel quasi pædagogos pue-  
 ris, vel quasi tutores parvulis, vel  
 quasi patronos clientibus, vel qua-  
 si pastores ovibus, vel quasi medi-  
 cos ægrotis, vel quasi defensores  
 pupillis, vel quasi protectores iis  
 qui

qui se defendere nequeunt, nisi sub alas confugiant potentiorum. De protectione & custodia singulorum

Ps. 90. hominum testis est David: *Angelis suis mandavit de te, ut custodiant te in omnibus viis tuis.* testis etiam, & qui-

Matt.  
18.

dem fidelissimus, Christus ipse: *Videte ne contemnatis unum ex his pusillis; dico enim vobis, quia Angeli eorum in calis semper vident faciem Patris mei qui in calis est.* De protectoribus ve-

ro provinciarum & Regnorum, testis est Daniel, qui Angelum protectorem Regni Persarum, vocat Re-

Dā. 10. gem Persarum; & protectorem Regni Græcorum, nominat Regem Græcorum; & protectorem filiorum Israël, suo nomine Michaëlem vocat. Denique de protectoribus Ec-

Apo. 2.  
& 3.

lypsi, ubi mentionem facit Angeli Ecclesiæ Ephesi, & Angeli Ecclesiæ Smyrnæ, & sic de aliis. Itaque in Regnis singulis duo sunt Reges; unus visibilis, homo; & unus invisibilis, Angelus: & in Ecclesiis singulis duo sunt Episcopi; unus visibilis, homo; & unus invisibilis, Angelus: & in Ecclesia Catholica universa, duo sunt Pontifices maximi, sub Christo Domino constituti; unus visibilis, homo; & unus invisibilis, Angelus, quem Michaëlem Archangelum esse credimus. eum enim ut olim Synagoga Iudæorum, ita nunc

Patro-

Patronum veneratur Ecclesia Christianorum.

Videsne, anima, quam sit sollicita illa Majestas, quæ bonorum nostrorum nō eget, de nobis servulis suis? Quid potuit facere ut charitatem suam magnam ostenderet, & non fecit? Obruit nos beneficiis, ut apud eum libenter maneremus; valiavit custodiis, ne aufugeremus: circumdedit protectoribus, ne abripemur. Quid faceret si thesaurus illius essemus, ut re vera ille magnus & solus thesaurus noster est?

Ergo anima mea, tandem aliquādo cede charitati; & charitate tanti amatoris superata, totam te, nulla tui parte relicta, ejus obsequio & voluntati mancipa, trade, dona irrevocabili juramento & voto: nihil te moveat eorum quæ videntur, sed invisibilia cogita, & ad illa suspira.

*Quæ enim videntur, temporalia sunt;* <sup>2 Cor. 4.</sup>  
*quæ autem non videntur, aterna.*

Postremum officium Angelorum est, ut sint etiam milites vel duces armati, ad faciendam vindictam in nationibus, increpationes in populis. Angeli sunt, qui civitates infames igne & sulphure concremarunt; qui primogenita totius Ægypti occiderunt; qui multa millia Assyriorum uno impetu prostraverunt: Angeli erunt, qui in die novissimo segregabunt malos de medio

M

justo-

Matt.  
13.

justorum, & mittent eos in caminum ignis.

Ergo diligant viri pii cives suos, Angelos sanctos: horreant impii potentia n Angelorum ministrorum iræ Dei omnipotentis, à quorum manibus nullus eos eripere poterit.

## GRADVS DECIMVS.

*Ex consideratione essentia Dei, per similitudinem magnitudinis corporalis.*

CAP. I

**A** Scendimus per substantias creatas, quantum potuimus; nec tamen ad eam notitiam Dei pervenimus, ad quam speculando in hac etiam lacrymarum valle perveniri potest. Superest igitur, ut videamus, an per dimensiones quantitatis corporalis, quas novimus, ascendere possimus ad latitudinem & longitudinem, altitudinem & profundū invisibilis essentia Dei. Illa enim in creaturis dicuntur magna, quæ magnas habent quatuor dimensiones: Deus autem in Psalmis & a libi passim dicitur magnus, & quod ejus magnitudinis nullus sit finis. Certè S. Bernardus eximius contemplator, ex his dimensionibus gradus sibi fecit ad cognoscendum Deum, in libris quos scripsit De consideratione ad Eugenium Papam. Neque ille primus inventor fuit scalarum hujus

hujus generis : sed ab Apostolo, qui in tertium cælum ac Paradisum penetrauit, hunc modum ascensionis didicit. sic enim loquitur Apostolus in Epistola ad Ephesios : *Vt possitis* Eph. 3.  
*comprehendere cum omnibus Sanctis, quæ sit latitudo, & longitudo, & sublimitas, & profundum.* Si quis enim attente consideret, inueniet profecto, nihil esse plenum & solidum extra Deum, sed omnia angusta, brevia, humilia, & inania, vel superficialia : in Deo autem esse veram latitudinem, immensitatem ; veram longitudinem, æternitatem ; veram altitudinem, naturæ sublimitatem ; verum profundum sine fundo, incomprehensibilitatem : & iursus veram altitudinem, omnipotentiam ; verum profundum, infinitam sapientiam ; veram latitudinem, plenissima viscera misericordiæ ; veram longitudinem, distributionem judicii, id est, plenam perfectamque justitiam. Sed non satis est has considerationes leviter attingere, si quis ascendere velit, & invenire quod quærit ; sed plane comprehendere oportet. *Vt possitis*, inquit Apostolus, *comprehendere cum omnibus Sanctis, quæ sit latitudo, & longitudo, & sublimitas, & profundum.* Is vero comprehendit ; qui attentissime cogitans omnino persuadetur, rem ita se habere ;



& ita persuaderetur, ut thesaurum inventum venditis omnibus comparare festinet. ideo enim adjunxit Apostolus, *cum omnibus Sanctis*. Soli siquidem Sancti ista plane comprehendunt, vel nemo comprehendit, ut oportet, quin efficiatur sanctus. Neque repugnat iis quæ diximus sanctus Augustinus in epistola ad Honoratum, qui scribit, ab Apostolo depingi crucem Christi, cum describitur latitudo, longitudo, sublimitas, & profundum. Pertinet enim (ut ipse docet) ad latitudinem lignum transversum, in quo figebantur manus crucifixi; ad longitudinem lignum oblongum, cui adhærebat corpus crucifixi; ad sublimitatem lignum supra crucem positum, in quo erat titulus: ad profundum ea pars ligni, quæ humi fixa latebat. Non, inquam, repugnat intentioni nostræ S. Augustinus, quin potius eam mirifice adjuvat: nam & crux Christi via est ad veram latitudinem, longitudinem, sublimitatem, & profundum obtinendum. Quamvis enim oculis hominum angusta, & brevis, & demissa, & parum profunda crux videatur; re vera tamen extendit brachia sua ab Ortum usque ad Occasum, & ab Aquilone usque ad Austrum, id est, longe lateque gloriam suam diffudit per Apostolicam prædicationem; & crexit verticem suum usque ad summum

Epist.  
120. c.  
26.

## GRADVS DECIMVS. 161

mum cælū, quod instar clavis aperuit electis; & penetravit usque ad profundum inferni, quod eisdem electis in sempiternum clausit.

Incipiamus ab essentia, deinde ad **CAP.**  
attributa progrediemur. Essentia <sup>II.</sup>

Dei latissima merito dici potest, multis modis. Primo, latissima est in se, & prorsus immensa, quoniam cōplectitur omnes perfectiones rerum creatarum, & etiam earum quę creari possent, & adhuc sine ullo numero plures. Quidquid enim factum est, & fiet, vel fieri posset, sine ulla dubitatione, eminētiore ratione & modo continetur in Deo. Itaq; res ceterę sunt bonę cum additamento, id est, bonus homo, bonus equus, bona domus, bona vestis, & sic de ceteris omnibus: Deus autem est omne bonum. nā dicenti Moyse, *Ostende mihi gloriam tuam*; respondit **Deus**: *Ego ostendam omne bonum tibi.* **Exo. 3**

Si quis habere rem unam apud se, quę complecteretur omnia objecta sensuum in summa perfectione, ita ut non liberet umquam egredi domum ad aliquid videndum, vel audiendum, vel olfaciendum, vel gustandum, vel tangendū, cum haberet domi tantas delicias in una illa re, quantas optare potest homo maxime voluptarius; nonne esset res illa valde pretiosa? Quod si res illa pręterea contineret in se tantum

divitiarum omnis generis copiam, quantam desiderare potest homo supra modum avarus, ita ut non vellet egredi domum ad aliquid amplius acquirendum; nonne esset res illa pretiosior & charior? Et si rursus illa res præbere posset possidentibus se honores & dignitates, quantas animo concipere posset homo ambiciosissimus; nonne jam omne pretium superare videretur? Et si res illa non solum hominis, sed etiam Angeli desiderium explere posset, quod tanto est majus & capacius, quanto Angeli plura & meliora norunt quam homines; quid dicturus esses? Et tamen bonitas ejus rei adhuc longe esset inferior bonitate Dei: quæ tanta est, ut infinitum desiderium, siue potius capacitatem infinitam Dei satiare & explere queat. O admirabilis latitudo perfectionis essentiae Dei, quæ talem immensitatem bonorum complectitur, ut infinitæ capacitati, quæ in Deo est, omnino sufficiat! Ipse enim Deus numquam egreditur extra se, quoniam omnia bona habet in se: & antequam mundus fieret, ita dives & beatus erat, ac postea fuerit; quia nihil factum est à Deo, quod non semper altiore modo esset in Deo. Intelligisne, anima, quali bono fruëris in patria, si dilexeris Deum in via? & quali bono privaberis, si id non feceris?

GRADVS DECIMVS. 163  
feceris? Deus enim seipsum, id est,  
omne bonum fruendum exhibebit  
diligentibus se, cum dicet seruo bo-  
no & fideli: *Intra in gaudium Domi-* Matth.  
25.  
*ni tui.*

Deinde alio modo est immensus CAP.  
II.  
Deus, quia replet omnia omnino,  
quæ sunt in rebus creatis. *Colum & Jerem.*  
*terram ego impleo, dicit Dominus.* Et si 23.  
essent plures mundi, omnes imple-  
ret. *Si ascendero in calum, inquit David, Ps. 138*  
*tu illic es; si descendero in infernum, ades.*  
Addo etiam, si supra calum, vel in-  
fra calum, vel extra calum iero,  
solus non ero, quoniam & tu illic  
eris: neque enim esse possum nisi  
in te sim, & tu portes me, qui por- Heb. 1.  
tas omnia verbo virtutis tuæ. nec  
solum corpora omnia Deus im-  
mensitate sua replet, sed etiam spi-  
ritus, corda, mentes. Quomodo e-  
nim scrutaretur corda, nisi esset in  
cordibus? & quomodo audiret pre-  
ces cordium, nisi ad corda nostra  
aures suas haberet? & quomodo di-  
ceret Propheta: *Audiam quid loqua-* Ps. 94.  
*tur in me Dominus Deus:* si ad aures  
cordis nostri os suum Deus non ad-  
moveret? Felix anima quæ Deum  
diligat, quoniam dilectum suum  
semper apud se habet, & in sinu suo  
fovet, & in sinu ejus fovetur: *Qui* Ioa. 4  
*enim manet in charitate, in Deo manet,*  
& *Deus in eo.*

Nec solū Deus replet omnia præ-  
sentia

Isa. 6. & Seraphim clamant: *Plena est omnis terra gloria eius.* & David addit: *Domine Dominus noster, quam admirabile est nomen tuum in universa terra! Quoniam elevata est magnificentia tua super celos.* ac si diceret: Non solum nomen tuum, fama, & gloria tua terram universam admiratione replevit, sed etiam ad cælum ascendit, & super cælus elevata est. Denique Ecc. 42 clesiasticus adjungit: *Gloria Domini plenum est opus eius.* Nulla enim creatura est in cælo, vel in terra, quæ non assidue laudet Deum. Atq; hæc est causa, cur & David in Psalmis, & Pf. 148 Dan. 3. tres pueri apud Danielelem omnes creaturas hortentur ad benedicendum & laudibus celebrandū Creatorem. Non enim ignorabant, creaturas plurimas nō ejus esse naturæ, ut vocem exhortantis exaudire possent; sed quia intelligebant, omnia opera Dei bona esse, ac per hoc ipsa sua specie laudare Opificem, congratulabantur eis, & hortabantur, ut agerent quod agebant.

Et certe, si quis oculos interiores haberet, videret omnia opera Domini esse quasi thuribula sursum emittentia odorem suavitatis gloriæ Dei: & si aures interiores haberet, audiret quasi concentum varium omnis generis musicorum instrumentorum laudantium Deum, & dicen-



dicentium: *Ipsē fecit nos, & non ipsi* <sup>Ps. 97.</sup>  
*nos.* Quamvis enim non desint im-  
 pii, qui Deo maledicant, & nomen  
 ejus blasphemant: tamen ipsi quo-  
 que vel inviti coguntur eo modo,  
 quo opus laudat opificem, laudare  
 Dominum. Nam in ipsis etiam mi-  
 rabiliter lucet potentia Dei, qua eos  
 fecit; & sapientia, qua eos guber-  
 nat; & bonitas, qua ipsis licet ingra-  
 tis & malis vitam conservat; & mi-  
 sericordia, ac justitia, qua eos vel or-  
 dinat juste ad pœnam, vel expectat  
 misericorditer ad pœnitentiam.

Multi quidem in terris surdi sunt  
 ad has voces creaturarum exaudiē-  
 das, sed tamen ipsæ clamare non  
 cessant: nec desunt innumerabiles  
 Angelorum & sanctorum hominū  
 aures, qui eas laudes attendunt, iis-  
 que delectantur, & ipsi quoque  
 Deum conditorem hymnis & can-  
 ticis assidue celebrant.

Iam vero longitudo essentiae di-  
 vinae est æternitas ejus, quæ non ha-  
 bet initium durationis, nec finem  
 umquam habebit, & semper eadem  
 sine ulla mutatione consistet: *Tu* <sup>Ps. 104</sup>  
*autem idem ipse es, & anni tui non desi-* <sup>Tob.</sup>  
*cient,* inquit David. & Tobias, & <sup>13.</sup>  
 post eum Apostolus, Deum Regem <sup>1. Tim.</sup>  
 sæculorum appellant, quia solus  
 ipse non subjacet sæculis, sed præ-  
 est sæculis, & regit sæcula, quippe  
 qui omnia sæcula solus præcessit.



Res ceteræ vel habent initium & finem, & numquam in eodem statu permanent; vel habent initium sine fine, & sine mutatione substantiæ: sed possent, si Creatori placeret, etiâ esse desinere. Itaque soli Deo æternitas ita est propria, ut nulli rei creatæ conveniat; neque ullus Princeps umquam tam fuit arrogans, ut inter titulos, quos plurimos usurparunt, æternitatis titulum sibi arrogare præsumpserit, nisi forte in alio sensu: quomodo Constantius dict<sup>9</sup> est Imperator æternus, quoniam nō erat Imperator ad tempus certum, sed ad vitam. Tu vero, anima mea, in utroque genere creaturarum numerari potes. Nam corpus habes, quod incepit esse cum conciperetur, & nasceretur; & paulatim crevit usque ad mensuram sibi à Deo præfixam, inde vero minui cœpit, & paulo post per mortem esse desinet: ac per hoc numquam in eodē statu permanet, ab omni parte, & omni hora mutationi subiectum. De corpore tuo sententiā protulit Prophet.

Ps. 89. *ta per similitudinem fœni: Mane sicut herba transeat, mane floreat & transeat: vespere decidat, induret, & arescat.* Siquidem mane, id est, in pueritia, sicut herba viret corpus humanum, sed mox transit ad juventutem: in meridie juventutis floret, & statim transit ad senectutem: in vespera senec-

senectutis decidit, in morte duratur, in sepulchro arescit & in pulverem suum revertitur. Ecce igitur, anima, quam longe distat ab æternitate corpus tuum: tu autem creata es in tempore, cum antea nihil esses; & in hoc multum es dissimilis æterno Creatori: sed creata finem durationis non videbis, quod tibi cum Creatore cōmune est. Sed quia mutabilis es, dum in corpore vivis, de vitio ad virtutē, & de virtute ad vitium: & in quo statu invenieris in exitu de corpore, in eo judicaberis, vel ad regnandum semper cū Deo, vel ad tormenta patienda semper cum diabolo: ideo nihil magis tibi providendum est, quam ut vitium fugias, & virtutem secteris. Cave igitur, ne à carnis illecebris seducaris in detrimentum perpetuum illius, & tuum: sed crucifige carnem Gal. 5. tuam cum vitiis & concupiscentiis, ut paulo post non solum tu vivas in æternum beata, sed & caro tua resurgat in gloria; & ipsa quoque sine fine eternitati Dei tui tecum sociata permaneat. Ceterum quamvis animæ Beatorum, ut etiā Angeli sancti, æternitatis Dei participes erunt in sublimissima & felicissima illa unionem cum Deo per beatificam visionē & amorem, quæ unio non solum finem non habebit, sed etiam eadem semper erit stabilis & immota; tamē  
mul-

Res ceteræ vel habent initium & finem, & numquam in eodem statu permanent; vel habent initium sine fine, & sine mutatione substantiæ: sed possent, si Creatori placeret, etiã esse desinere. Itaque soli Deo æternitas ita est propria, ut nulli rei creatæ conveniat; neque ullus Princeps umquam tam fuit arrogans, ut inter titulos, quos plurimos usurparunt, æternitatis titulum sibi arrogare præsumpserit, nisi forte in alio sensu: quomodo Constantius dict<sup>9</sup> est Imperator æternus, quoniam nō erat Imperator ad tempus certum, sed ad vitam. Tu vero, anima mea, in utroque genere creaturarum numerari potes. Nam corpus habes, quod incepit esse cum conciperetur, & nasceretur; & paulatim crevit usque ad mensuram sibi à Deo præfixam, inde vero minui cœpit, & paulo post per mortem esse desinet: ac per hoc numquam in eodē statu permanet, ab omni parte, & omni hora mutationi subiectum. De corpore tuo sententiã protulit Prophe-

Pl. 89. ta per similitudinem fœni: *Mane sicut herba transeat, mane floreat & transeat: vespere decidat, induret, & arescat.* Siquidem mane, id est, in pueritia, sicut herba viret corpus humanum, sed mox transit ad juventutem: in meridie juventutis floret, & statim transit ad senectutem: in vespera sen-

senectutis decidit, in morte duratur, in sepulchro arefcit & in pulverem suum revertitur. Ecce igitur, anima, quam longe distat ab æternitate corpus tuum: tu autem creata es in tempore, cum antea nihil esses; & in hoc multum es dissimilis æterno Creatori: sed creata finem durationis non videbīs, quod tibi cum Creatore cōmune est. Sed quia mutabilis es, dum in corpore vivis, de vitio ad virtutē, & de virtute ad vitium: & in quo statu invenieris in exitu de corpore, in eo judicaberis, vel ad regnandum semper cū Deo, vel ad tormenta patienda semper cum diabolo: ideo nihil magis tibi providendum est, quam ut vitium fugias, & virtutem secteris. Cave igitur, ne à carnis illecebris seducaris in detrimentum perpetuum illius, & tuum: sed crucifige carnem Gal. 5. tuam cum vitiis & concupiscentiis, ut paulo post non solum tu vivas in æternum beata, sed & caro tua resurgat in gloria; & ipsa quoque sine fine æternitati Dei tui tecum sociata permaneat. Ceterum quamvis animæ Beatorum, ut etiā Angeli sancti, æternitatis Dei participes erunt in sublimissima & felicissima illa unione cum Deo per beatificam visionē & amorem, quæ unio non solum finem non habebit, sed etiam eadem semper erit stabilis & immota; tamē  
mul-

multis aliis modis mutare & variare poterunt cogitationes , & affectiones , & loca: ideo semper admirabuntur & suspicient supra se æternitatem Dei , in qua nulla mutatio mentis, aut voluntatis, aut loci esse poterit , & tamen nihil ei deerit, quin etiam omnia semper habebit, quæ variis mutationibus æterno tēpore sibi comparare potuisset. Quare longitudo æternitatis res est infinita, & propria Deo , non minus quam latitudo immensitatis.

CAP. V. Pr. 32. Sequitur cōsideranda sublimitas Dei , secundum quam dicitur Deo: *Tu solus altissimus.* Est autem solus Deus altissimus nobilitate naturæ: res enim tanto sunt nobiliores & altiores, quanto sunt puriores, & à materia magis abstractæ. Id cernim⁹ primū in rebus corporalibus: aqua enim est altior quam terra, quia purior; & eadem ratione aër, altior est quam aqua, & ignis quā aër, & cælum quā ignis. Deinde idem videm⁹ in rebus spiritualibus: altior enim est intellectus , quam sensus; quia sensus habet organū corporale, quo non indiget intellectus: & Angelicus altior est, quam humanus, quoniam iste eget ministerio imaginationis & phantasmatum , quo ille non indiget; & inter Angelos illi sunt altiores , qui per species pauciores intelligunt plura. Deus igitur, qui solus est

est purus actus, & nulla re indiget extra se, neque organo, neque imaginatione, neque specie; ac ne præsentia quidem objecti alicujus extra se, sed ipsa sua essentia illi est omnia, & nihil potest habere, quod non semper habeat actu, & ipsum habere actu, est esse semper actum purum & simplicem; ideo natura ejus altissima & sublimissima est, neque potest ullo modo habere partem. propterea ille qui dixit, *Similis ero Altissimo*, repente deturbatus è caelo descendit in profundissimam gehennam, ut Isaias describit, & Christus Dominus de eodem, *Videbam*, inquit, *satanam sicut fulgur de caelo cadentem*. Isa. 14. Luc. 10.

Est etiam alio modo Deus altissimus, quia est prima & altissima causa omnium rerum, efficiens, exemplaris & finalis. Est altissima causa efficiens, quia nulla res est creata quoquomodo vim habēs efficiendi, quæ vim illā non habeat à Deo, Deus autē à nullo habet. Rursus nulla causa est, quæ vim suā exercere possit, nisi moveatur à Deo: Deus autē à nullo movetur. Deniq; causæ ceteræ altiores in rebus creatis dicuntur illæ, quæ sunt universales, à quib⁹ particulares dependent, ut cæli, & Angeli qui cælos movēt; Deus autem & cælos & Angelos fecit; ipse igitur solus est prima & altissima



# 170 ASCENS. IN DEVM

altissima causa efficiens. Est itē prima causa exemplaris, quoniam res omnes Deus fecit secundū formas, sive ideas, quas in se habet. Est denique prima causa finalis, quia propter se, id est, ad patefaciendā gloriā suam omnia creavit, ut dicit Sap. Pro. 16. piens in Proverbiis. Sed valde proprie dicitur, & est altissimus Deus Isa. 6. quia sedet in altissimo throno. *Videtur Dominum, inquit Isaias, sedentem super solium excelsum & elevatum.* Et quoniam sedes duos habet usus, unum ad iudicandum, alterum ad quiescendum, utrumque seorsum consideremus.

CAP. VI. Primū igitur Deus habet altissimam sedē, quia est summus Iudex

Ps. 81. Dicit enim Abraham Deo: *Tu iudicabis*

Gē. 18. *cas omnem terram.* & David: *Deus dicitur iudicat.* id est, Deus iudicat ipsos iudices, qui dii in Scripturis dicuntur

Iac. 4. Sed apertissime sanctus Iacobus ait: *Vnus est legislator & Iudex.* id est, Deus solus est proprie legislator & Iudex, quia ipse solus dat leges omnibus & à nullo accipit, iudicat omnes, & à nemine iudicatur. Deinde Deus non solum est Iudex, sed est etiam & Rex, ac per hoc non iudicat ut Iudex cōstitutus à Rege, sed ut Rex & Principes supremus. unde dicitur

Apoc. 19. *Rex regum, & Rex magnus super omnes deos, & terribilis apud reges terræ: qui*

Ps. 94. *videlicet, quando vult transferre regna*

regna & imperia de gente in gentem, & quando vult aufert spiritum Principum. Denique non solum Deus supremus est Iudex & Rex, sed etiam Dominus absolutus, qui est titulus omnium maximus. Reges enim non ita sunt domini subditorum, ut possint pro arbitrio eos bonis vel vita spoliare. cuius rei testis esse potest rex Achab, qui vineam Naboth habere voluit, nec<sup>32.</sup> potuit, nisi per dolum & calumniam uxoris, unde uterque miserrime periit. Deus autem vere & proprie Dominus est, & omnia serviunt illi, & ipse nemini servit, & posset, si vellet, omnia ad nihilum redigere, cum ex nihilo omnia fecerit. Cogita igitur, anima, quantus timor & tremor debeatur à nobis vermiculis terræ, illi qui sedet super tam altam sedem, ut nihil omnino supra se habeat. Si Dominus ego<sup>Malach. 3.</sup> sum, ait per Malachiam, ubi est timor meus? & si supremi illi Principes cæli cum timore & tremore illi assistunt, quid nos facere par est, qui mortales & fragiles cum bestiis terram incolimus? Sed illud mirabile videtur, quod altissimus Deus non amet sibi similes creaturas, id est, altas & sublimes, sed humiles & pauperculas. sic enim loquitur Deus per Isaiam: Ad quem<sup>Isa. 66.</sup> respiciam, nisi ad pauperculum, & contri-

*tum spiritu, & tremētē sermones meos?*

**Ps. 112** & David; *Excelsus Dominus, & humilia respicit.* Imo vero diligit Deus res altas & sublimes, ac per hoc sibi similes: sed vere sublimes, nō quæ videntur, & non sunt. Itaq; non amat Deus superbos, qui elati & inflati, nō alti & sublimes dici debēt: amat vero humiles & tremētes sermones suos, quoniam illi, quo magis se de-jiciunt, eo magis ab ipso Domino exaltantur. Et qui à Domino exaltantur, illi vere sunt alti. Itaq; iidem sunt humiles, & sublimes; humiles in oculis suis, sublimes in oculis Dei. Si quis vidisset non solū oculis corporis, sed etiam oculis cordis, iis-que à Deo illuminatis, divitem Epulonem ornatum bysso & purpura, accumbentem mensæ omnibus generibus ciborum pretiosorum instructæ, circumstantibus ministris multis, & sollicite officio suo fungē-tibus; & simul vidisset pauperē Lazarum seminudū, & ulceribus plenum ad januam Divitis sedentem, & cupientē satiari de micis, quæ de mensa divitis cadebant: is profecto vidisset, Divitem, quem mundus beatissimum esse credebat, in oculis Dei & Angelorum omnino abominabilem & vilissimum, plane ut lutum vel fercus terræ. Quod enim altum est apud homines, abominatio est apud Deum, ait Dominus

in

**Luc. 16**

in eodem loco, ubi Epulonem describit. Contra vero vidisset, pauperem & humilem Lazarum, in oculis Dei & Angelorum nobilem & honoratum, ut pretiosam margaritam, quod exitus demonstravit. Lazarum enim ut Deo charum, Angelicæ manus in sinum Abrahamæ portaverunt: Divitem, ut exosum Deo, ad gehennam ignis dæmones rapuerunt. Sed quid ego de Lazaro loquor? nemo altior apud Deum Domino Iesu Christo, etiam secundum humanitatem est; & ipso tamen nemo humilior in cælo vel in terra reperitur, ut verissimè dixerit: *Discite à me, quia* <sup>Mat. 23</sup> *mitis sum, & humilis corde.* Quanto enim anima illa sanctissima clarius præ ceteris omnibus cognoscit infinitam altitudinem divinitatis, tanto magis cognoscit vilitatem creaturæ, quæ ex nihilo facta est; & ideò eum & ipsa creatura sit, præ ceteris omnibus subicit se Deo, seque humiliat, & Deum exultat: & vicissim à Deo super omnes creaturas, etiam Angelicas, exaltatur. Quod idem de Angelis beatis, & sanctis hominibus, dicere possumus. Nulli sunt enim humiliores, quàm qui in cælo altius sedent: quoniam ii qui sunt Deo propinquiore, eo clarius intuentur, quanto intervallo distet magnitudo Creatoris à parvitate creaturæ.

N

Quare

Quare, anima mea, dilige humilitatem, si veram cupis exaltationē: imitare Agnum sine macula, imitare Virginem matrem, imitare Cherubim & Seraphim, qui omnes quo sunt altiores, eo sūt etiā humiliores.

CAP.  
VII.

Nec solum Deus sedem altissimā habet, quia iudicat omnes, sed etiā quia præ omnibus quiescit, & quiescere facit eos in quibus sedet. Altissima sedes Dei, est altissima ejus requies. Quamvis enim mundum universum regat, in quo sunt assidua bella & conflictationes elementorum, bestiarum, hominum; ipse tamen cum tranquillitate judicat, ut dicitur in libro Sapientiæ, & altissima pace semper gaudet, neq; est aliquid, quod ejus otium, & contemplationē sui ipsius, in qua sunt ejus deliciæ sempiternæ, perturbare possit. Ideo enim & Rex Ierusalem, quæ est visio pacis, appellatur. Sedes autem ejus propria sunt spiritus

Sap. 12

Ps. 79.

& 95.

beati. unde dicitur, *qui sedet super Cherubim*. Dicitur autem Deus super Cherubim potius quam super Seraphim sedere, quoniā Cherubim scientiæ multitudinem significat, Seraphim vero ardorem charitatis: quies vero sapientiam sequitur, sollicitudo & anxietas charitatem, nisi cum sapientia conjuncta sit. Ideo & anima justī, sedes dicitur sapientiæ. Denique cum Isaias dicit,

# GRADVS DECIMVS. 175

dicit, *Calum sedes mea*; & cum David <sup>Isa. 66.</sup>  
 dicit, *Calum cali Domino*; per calum <sup>Pf. 113</sup>  
 cæli intelliguntur cæli spirituales,  
 qui habitant super cælos corpora-  
 les, id est, spiritus beati, ut explicavit  
 sanctus Augustinus in expositione  
 Psalmi centesimi decimi tertii. Hos  
 autem cælos Deus quiescere facit  
 quiete tam admirabili, ut hæc sit  
 pax illa, quæ exuperat omnem sen-  
 sum. Scribit sanctus Bernardus in <sup>Ser. 23.</sup>  
 Sermonibus super Cantica simili-  
 tudinem aptissimam ad hanc expli-  
 candam quietem, his verbis : *Tran-*  
*quillus Deus tranquillat omnia, & quie-*  
*tum aspicere, quiescere est. Cernere est Re-*  
*gem post diurnas forensium quasi lites*  
*caussarum, dimissus à seturbis, cura-*  
*rum molestias declinantem, petentem*  
*de nocte diversorium, cubiculum in-*  
*troëuntem cum paucis, quos hoc secreto*  
*& hac familiaritate dignatur, eo certe*  
*securius, quo secretius quiescentem, eo*  
*serenius se habentem, quo placidius so-*  
*los intuentem quos diligit. Hæc ille, qui*  
 satis aperte demonstrat, Deum spi-  
 ritibus beatorum non se Iudicem  
 aut Dominum præbere, sed amicum  
 & familiarem. Et sane incredibilis  
 est familiaritas, quam etiam in hac  
 vita puris mentibus exhibet Deus;  
 ut illud omnino impleri videatur :  
*Delicia mea, esse cum filiis hominum.* <sup>Prov. 8</sup>  
 & illud : *Cum simplicibus sermocinatio* <sup>Ibid. 3</sup>  
*cuius.*



Hinc videlicet omnes Sancti, quavis pressuras paterentur in mundo, tamen in corde, ubi Deus erat, pacē habebāt; & ideò semper leti, semper ferēni videbantur, & erāt. illis enim

Ioa. 16 Veritas dixit: *Gaudebit cor vestrum, & gaudium vestrum nemo tollet à vobis.*

CAP.  
IIX.

Restat pars quarta' magnitudinis, quæ dicitur profunditas. Porro profunditas in essentia Dei multiplex invenitur. Primum, ipsa in se divinitas profundissima est, quia non superficialis & tenuis, sed plenissima & solidissima est. Non est Deitas quasi massa deaurata, quæ solum in exteriorē superficie aurum habet, intus vero ærea, vel lignea est: sed quasi massa aurea tota, & massa ingens & immensa; vel potius quasi fodina auri, usque adeo profunda, ut numquam fodiendo exhauriri possit: sic omnino incomprehensibilis Deus est: quoniam sicut fodina auri, cujus fundum non invenitur, numquam fodiendo exhauritur; sic etiam Deus, cujus magnitudinis nō est finis, numquā sic perfecte à creata mente cognoscitur, quin semper magis ac magis cognosci queat: & solus Deus profundum illud infinitum comprehendit, qui solus vim intelligendi infinitā habet. Deinde profundus est Deus ratione loci. Sicut enim altissimus est, quia rebus omnibus præsidet, & est super omnia;

nia; sic idem Deus profundissimus est, quia rebus omnibus subicitur, ut eas sustentet; & est infra omnia, ut omnia portet: ipse enim, ut Apo-<sup>Heb. 1.</sup> stolus ait, portat omnia verbo virtutis suæ. Itaque Deus est quasi fundamentum & rectum ædificii, in quo nos omnes *vivimus, & move-*<sup>Act. 17</sup>  
*mur, & sumus.* proinde rectissime dixit Salomon: *Calum, & cali calorum*<sup>2 Pa-  
Ial. 6.</sup>  
*non te capiunt.* quia Deus potius capit cælos, & quæ sub cælo sunt; quippe qui supra cælos, & infra terram est. Denique profunditas Dei, est invisibilitas ejus. Deus enim lux est, sed inaccessible: veritas est, sed intima valde, & omni interiore interior: *Posuit tenebras latibulum suum,* in-<sup>Pf. 17.</sup>  
quit David; & *vere est Deus abscon-*<sup>Isa. 45.</sup>  
*ditus,* ut loquitur Isaias. Sanctus Augustinus querens aliquando Deum, misit nuntios oculos suos à terra usque ad cælos; & responderunt omnia, Non sumus quod queris, sed ip-<sup>Lib. 9.</sup>  
se fecit nos. Itaque non inveniens<sup>Conf. ca. 10.</sup>  
Deum ascendendo per exteriora,<sup>Li. 10.</sup>  
coepit iter facere per interiora, & in-<sup>cap. 6.</sup>  
telligit vere, per illa facilius propin-<sup>& in Pf. 26.</sup>  
quari ad Deum. cognovit enim ani-<sup>& 48.</sup>  
mam esse corpore meliorem; & sensum internum esse meliorem sensu externo; & intellectum, qui adhuc est interior, esse meliorem sensu interno. Inde effecit, Deum, qui interior est quam intellectus, esse me-  
liorem



liorem intellectu; ac per hoc quidquid intelligimus vel cogitamus, non esse Deum, sed aliquid minus Deo, cum Deus sit melior, quam nos intelligere vel cogitare possimus. Age ergo, anima mea, si tu es melior corpore tuo, cui das vitam, quia illud corpus est, tu spiritus es; & oculus corporis tui non videt te, quia ille foris est, tu intus: sic omnino cogita, Deum tuum meliorem esse, quam tu sis, quia dat tibi intellectum, & est quasi anima tua; & ideo tu eum videre non potes, quia spiritus altior & interior est quam tu sis, & tu quodammodo foris manes, ille intus in suo secretissimo profundissimoque recessu. Sed numquamne ad secretum illud admittêris? Absit. non mentitur Do-

Mat. 5. minus tuus, qui dixit: *Beati mundo corde, quoniam ipsi Deum videbunt.*

1 Cor. 13. *neque Apostolus ejus, qui ait: Videmus nunc per speculum in enigmate, tunc autem facie ad faciem.*

Neque sanctus Evangelista Ioannes, qui

1 Ioa 3 scripsit: *Scimus, quoniam cum appa-*

*ruerit, similes ei erimus; quoniam vide-*

*bimus eum, sicuti est.* Et quod erit gau-

dium illud, cum admissa ad secretum

sacrarium illud, videbis & posside-

bis ipsam lucem, ipsam speciem, ip-

sam pulchritudinem, ipsam bonita-

tem? tunc plane apparebit, quam in-

ania & fugacia, & quasi nulla fue-

rint

## GRADVS DECIMVS. 179

runt hujus terræ temporalia bona,  
quibus inebriati homines, obli-  
fcuntur vera & fempiterna. Sed si <sup>Ps. 41.</sup>  
vere fitis ad Deum vivū, & si lacry-  
mæ tuæ funt panes tibi die ac nocte,  
dum dicitur, Vbi est Deus tuus? non  
fis pigra ad mundandum cor, quo <sup>Ps. 83.</sup>  
Deus videndus est: neque fatigeris  
ascensiones disponere in corde, do-  
nec videatur Deus deorum in Sion:  
neque frigesca in dilectione Dei & <sup>Ioa. 3</sup>  
proximi, nec diligas verbo & lingua,  
sed opere & veritate: ista est enim  
via quæ ducit ad vitam.

## GRADVS VNDECIMVS.

*Ex consideratione magnitudinis potentia  
Dei per similitudinem magnitu-  
dinis corporalis.*

**M**agnus est Dominus, & magni- <sup>CAP. I</sup>  
tudinis ejus nō est mensura nec  
finis. nec solum est magnus, quo-  
niam altitudo ejus omnipotentia  
est, profundum sapientia investiga-  
bilis, latitudo misericordia ubique  
diffusa, longitudo justitia instar vir-  
gæ ferreæ: sed etiam quoniam sin-  
gula hæc attributa magna sunt ma-  
gnitudine infinitæ latitudinis, lon-  
gitudinis, altitudinis, & profundi.

Ac ut à potētia, sive poti⁹ omni-  
potentia ordiamur, Potētia Dei suā ha-  
bet latitudinē, quæ in eo posita est,

ut se extēdat ad res planè infinitas. Primum enim extendit ad omnia quæ facta sunt. nihil enim est in tota hac rerum universitate à primo Angelo usq; ad ultimum vermiculū, & à summo cælo usque ad profundissimam abyssum, quod non sit fa-

Joan. 1 Etum à potentia Dei: *Omnia, inquit S. Ioannes, per ipsum facta sunt, & sine ipso factum est nihil. & infra: Et mundus per ipsum factus est.* Deinde extendit se ad omnia quæ fient usque in æternum. Sicut enim nisi per ipsum fieri nihil potuit, sic etiam nisi per ipsum fieri nihil poterit. Nam sic lo-

Ro. 11 quitur Apostolus: *Ex ipso, & per ipsum, & in ipso sunt omnia.* Tertiò extēdit se ad omnia quæ fieri possunt, quamvis numquam futura sint. Sic enim loquitur Angelus: *Non erit impossibile apud Deum omne verbum.* Et

Luc. 1.

Mat. 16

ipse Dominus: *Apud Deum omnia possibilia sunt.* Quartò extendit se ad omnem destructionē rerum factarum. Sicut enim potuit Deus per aquas diluvii simul interficere omnes homines, & omnia animantia quæ erant in terra, exceptis paucis quæ ipse in arca Noë servari voluit: sic poterit per diluvium ignis uno tempore destruere nō solū homines omnes; & animantia omnia quæ viva inveniētur in novissimo die, sed etiā omnes arbores, & omnes urbes, & cetera quæ sunt in terra. *Adveniet,*  
inquit



inquit Apostolus Petrus in Epistola <sup>2. Pet.</sup>  
 posteriore, *dies Domini, ut fur; in quo* <sup>3.</sup>  
*cali magno impetu transient, elementa*  
*vero calore solventur, terra autē, & quæ*  
*in ipsa sunt opera, exurentur.* Magna  
 profecto est hæc claritudo potentix  
 Dei, quam nemo satis admirari po-  
 terit, nisi multitudinē rerum, quas  
 Deus partim fecit, partim faciet,  
 partim facere potest, in numero ha-  
 beat. Quis autem tantam multitu-  
 dinem numeret, nisi ille, cujus sciē-  
 tia infinita est? Et rursus ejusdem  
 potentię magnitudo valde crescit, si  
 quis cogitet quam magnum sit res  
 effectas tam ingenti potentia, & tot  
 sæculis, uno pene momento summa  
 facilitate dissolvere; vel, ut loquitur  
 Iudas Machabæus, *uno nutu delere.* <sup>2 Mac.</sup>  
 Dicamus ergo cum Moyse: *Quis si-* <sup>3.</sup>  
*milis tui in fortibus Domine?* <sup>Ex. 15</sup>

Iam verò longitudo potentix di- <sup>CAP.</sup>  
 vinæ cernitur in eo, quod cum om- <sup>II.</sup>  
 nibus quæ Deus fecit, ipse assidue  
 cooperatur, nec fatigatur coope-  
 rando, nec fatigabitur in æternum,  
 siquidem potentia ista Dei minui,  
 nec debilitari, nec frangi ullo mo-  
 do potest, cū sit cum vera æterni-  
 tate conjuncta, vel potius ipsa sit  
 veræ divinitatis æternitas. Miran-  
 tur multi, quomodo possint sol &  
 luna & stellæ tanto tempore & tan-  
 ta celeritate moveri ab ortu ad oc-  
 casum, & in circulos suos sine ulla



intermissione reverti: & sane res esset omni admiratione dignissima,   
 Heb. 1. nisi sciremus, ea deferri ab omnipotente Deo, qui portat omnia verbo virtutis suæ. Miratur alii, quomodo fieri possit, ut in gehenna, vel ignis non consumatur æterno tempore comburendo, vel corpora infeliciū illorum æterno tempore ardentia non dissolvantur. Sed & hoc nō mirabile solum, sed etiam impossibile judicari possēt, nisi qui ignem illum sic ardere semper facit, ut numquā extingatur; & qui corpora miserorū in igne illo ita conservat, ut semper crucientur, & numquam consumantur, Deus esset omnipotens & æternus. Mirantur alii deniq;, quod Deus omnia portet ac sustentet, nec fatigetur portando & sustentando tam ingentem molē ponderis propemodum infiniti potest enim robustus homo, aut equus, aut bōs, aut elephāntus magnum pondus admodicum tempus gerere, vel ad tēpus breve ōnus gravissimum ferre: sed pondus maximum æterno tempore sine fatigatione portare, superat vires omnium rerum creatarū. Sed ii jure mirarentur, si Deus vires haberet in pondere & mensura, ut omnes creatæ res habent; sed cum vires Dei plane mensuram omnem excedant, & sit ipse omni ex parte infinitus, mirum non est, si robur infi-

infinitum molem quantumvis gravem infinito tempore sine fatigatione perferat. Dicamus ergo cum sancto Propheta Moyse: *Quis similis tui in fortibus Domine?*

Sequitur altitudo potentiae Dei, CAP. III.  
 quæ in duabus rebus præcipue locum habet. Primum enim altissima dici potest omnipotentia, quia solus ipse res altissimas fecit. Ea quæ sub luna sunt, solus Deus in prima rerum creatione fecit, sed possunt per actionem creaturarum generari, transmutari, corrumpi: nam & elementa invicem transmutantur secundum partes, & ex terra gignuntur herbæ & arbores, & ex animantibus animantia propagantur; in aqua nascuntur pisces, in aëre nubes & pluviae, in igni cometae. At cælum & sidera, quæ sunt altissima corpora, solus Deus creavit, solus conservat; neque ad ea vel efficienda, vel transmutanda, vel dissolvenda, vel etiam conservanda, ullam actionem creatura potest habere: *Videbo*, PS. S.  
 inquit Propheta, *calos tuos, opera digitorum tuorum, lunam & stellas, quæ tu fundasti.* Opera enim altissima sibi soli servavit Altissimus, ipse à fundamentis fabricare coepit, ipse ad fastigium usque perduxit. Res quoque spirituales, Angelos, & animas hominum, quæ sunt

sunt opera omnium nobilissima & sublimissima, solus Altissim<sup>9</sup> virtute sua infinita condidit, & conservat, & in æternum usque sine interitu conservabit. Neque in his rebus faciendis ullam partem habent creaturæ: & quamvis omnes in unum convenirent, numquam possent Angelum unum vel animam unā producere, vel destruere. Deinde altitudo potentia divinae clarissime perspicitur in miraculis, quæ, ut sanctus Augustinus docet, sunt opera præter usitatum cursum ordinemq; naturæ, quæ toti naturæ, ipsis etiā Angelis admiranda & stupenda contingunt. Quis Angelorū non obstupuit, cum ad imperium Iosue sol & luna, quæ cursu incitatissimo ferebantur, steterunt immobiles? Ac ne putaremus id casu aliquo accidisse (neque enim ullus suspicari poterat, rem tā inusitatam ab homine mortali & in terris posito fieri potuisse) loquitur Spiritus sanctus, & dicit: *Obediente Domino voci hominis*. Neq; enim Iosue ipsi soli & lunæ propriè locutus est, quos sciebat audire non posse mandatum; sed precatus est Dominum, quasi diceret: Ex mandato Domini sol contra Gabaon ne movearis, & luna contra vallem Aialō. Obedivit autem Dominus voci hominis, id est, fecit, ut obedirēt luminaria illa voci hominis. Sape enim

Traçt.  
24. in  
Joan.

Iosue  
10.

ibid.

in

in sacro eloquio dicitur Dominus facere ea, quorum caussa est, ut fiât. quomodo cum in Genesi Dominus dicit ad Abraham: *Nunc cognovi quod* <sup>Ge. 22.</sup> *times Deum*: sententia eorum verborum est; Nunc feci, ut cognoscere-  
 tur à te, & ab aliis, quod vere timeas Deum. Tale etiam fuit opus altitudinem potentia divina significans, cum in passione Domini luna, quæ erat à sole maximè distans, rapidissimo cursu accessit ad solem, eique subiecta tribus horis tenebras fecit in terra, & post illas tres horas, ejusdem cursus incredibili velocitate rediit ad locum unde discesserat. Quæ omnia se vidisse atq; observasse testatur sanctus Dionysius Areopagita in Epistola ad sanctum Polycarpum. Atque hoc quidem contrarium signum est priori, sed non minus admirandum, cum æque novum & insolitum sit, ac totius naturæ vires exuperet lunam sistere, vel eam præter solitum incitare. Omitto illuminationes cæcorum, excitationes mortuorum, & alia id genus plurima quæ Deus per Prophetas, & Apostolos, & alios servos suos fideles miracula fecit, & facit. quæ omnia clamant: *Quis similis tui in fortibus Domine?* sed omittere non possum supremum & maximum illud miraculū, quod Deus ostendet in die novissi-

mo, quando omnes mortui simul resurgent, cum plurimorum corpora in cineres redacta & dispersa, vel à bestiis absumpta, & in alia atque alia corpora conversa fuerint, vel etiam in hortis campisque sepulta, in herbas varias transformata transferint. Quis Angelorum non obstupescet, cum viderit in ictu oculi ad Omnipotentis imperium tot millia millium hominum corpora sua resumere, etiamsi per multa sæcula, & modis diversissimis dispersa, vel consumpta latuerint? Hæc est igitur altitudo potentia Dei, ob quam pariter dici potest, *Quis similis tui in fortibus Domine?*

CAP. IV. Restat profunditas, quæ in modo, quo Deus utitur in rebus efficiendis, posita mihi esse videtur. Quis enim penetret modum faciendi aliquid ex nihilo? Ad hoc profundum oculos intendere non potuerunt, qui tamquam principium exploratum & certum statuerunt, ex nihilo nihil fieri. Ac nos quoque in hac re credimus, quod non videm⁹; sed credimus securi Deo qui mentiri non potest: credimus, inquam, cælum & terram, & ea quæ in eis sunt, ab ipso Deo creata fuisse, cum antea nihil omnino præcessisset unde fierent. Neque vere Deus fecisset omnia quæ facta sunt, si aliquid, unde fierent, præcessisset. Sed quo modo

modo fieri potuerit, cuius nihil ante præcessit, abyssus profundissima est, quam scrutari & investigare non possumus. Deinde non solum ex nihilo fecit Deus omnia : sed fecit in nihilo ; id est sine spatio præcedente, sive loco, in quo locaretur quod fiebat , quod præsertim in rebus corporalibus intelligi vix potest. proinde est etiam hæc abyssus impenetrabilis. *Spatia locorum*, in-<sup>Ep. 57.</sup>quit S. Augustinus in epistola ad Dardanum, *tolle à corporibus, & nusquam erunt; & quia nusquam erunt, nec erunt.* Iam igitur si nihil erat, antequam Deus crearet cælum & terram, ubi posuit Deus cælum & terram ? in nihilo certe poni non potuerunt, & tamen creata sunt, & ipsa sibi sunt, locus, quia sic voluit, & potuit, qui omnia potest ; etiamsi nos, quomodo ista fiant, intelligere nequeamus.

Huc Deus ipse respexit cū sancto Iob omnipotentiam suam indicare volens, ait : *Vbi eras, quando ponebā fundamenta terra ? indica mihi si habes intelligentiam. quis posuit mensuras eius, si nosti ? vel quis tetendit super eam lineam ? super quo bases illius solidatae sunt ? aut quis demisit lapidem angularem eius ?* Ac ut intelligamus, hæc opera omnipotentiae Dei omni laude esse dignissima, subjungit statim idem Dominus : *Cū me laudarent simul astra matutina*



*matutina*, & *jubilarent omnes filii Dei*. nimirum Angeli sancti, qui simul creati sunt cum cælo & terra, & sunt quasi quædam astra spiritualia & lucidissima, ut etiam filii Dei nominari possint, ubi viderunt cælum & terram ex nihilo prodiisse, & in nihilo posita, & tamen firmissime fundata super stabilitate sua, cum ingenti stupore & jubilo laudaverunt Opificis omnipotentiam.

Nec minus profundum est ad intelligendū, quod *Deus* solo voluntatis imperio tam immensas moles crexerit. novimus enim in ædificiis sine comparatione minoribus, quot instrumentis, quot machinis, quot administris architecti indigeant. Quis igitur cogitando assequatur, quomodo fieri possit, ut sola interna voluntate, quæ extra volentem non egreditur, opera tam immensa & tā varia fiant? Dixit *Deus*, utique apud

Gen. I.  
Ioan. I

se ipsum, nam verbū *Dei* est in *Deo*, & est ipse *Deus*: dixit, inquam, jubendo, & exprimendo imperiū voluntatis, *Fiat cælum*, & factum est cælum: *fiat terra*, & facta est terra: *fiat lux*, *fiat sol*, *fiant stellæ*, *fiant arbores*, *fiant animantia*, *fiant homines*, *fiant Angeli*; & facta sunt omnia. Adde, quod idem *Deus* posset, si vellet, ista omnia & mundum universum uno nutu delere, ut legimus

in

in libris Machabeorum. Sed & illud<sup>2</sup> Mac.  
 accedit profundū, quod ista omnia<sup>8.</sup>  
 tam multa, & tam magna, & ex tan-  
 tis membris vel partibus composita  
 Deus momento fecerit. Apud nos  
 ars & natura longo temporis spatio  
 egent, ut opera sua perficiant. Vide-  
 mus herbas multo ante seminari,  
 quam nasci: arbores multis sæpe an-  
 nis egere, ut radices figant, ut ramos  
 extendant, ut fructus producant:  
 animantia foetus longo tempore in  
 utero gerere, ac postea longo etiam  
 tempore alere, antequam adole-  
 scant. De arte nihil dico, quoniam  
 notissimum est, opifices nostros ni-  
 hil nisi in tempore, eoque satis lon-  
 go, perficere.

Quanta ergo in Deo potentia est,  
 quæ dicto citius res maximas perfici-  
 cit? Nec disputo, an Deus uno mo-  
 mento cælum & terram, & omnia  
 quæ in eis sunt, absolverit: an inte-  
 gros sex dies in rerum prima crea-  
 tione consumpserit. Nō enim quæ-  
 stiones explicandas, sed ascensiones  
 in Deum ex rerū consideratione fa-  
 bricandas suscepi. Illud igitur est  
 quod astruo & admiror, res singulas  
 ab omnipotente Creatore momēto  
 fuisse perfectas. Ac de terra, & aqua,  
 & aëre, & igne nemo ambigit, quin  
 simul, & in momento, ut etiam om-  
 nes Angeli eodem momento, cōdi-  
 ta sint. De firmamento, & divisione  
 O aqua-

## 290 ASCENS. IN DEVM

aquarum, notum est omnia illa facta esse per solam Verbi virtutem, dicentis, *Fiat firmamentum in medio aquarum*, & quidem in momento.

Hom. 4. in Gene-  
sim. Hom. 5. in Gene-  
sim. Sequitur enim: *Et factum est ita.* quo loco S. Ioannes Chrysostomus, Dixit, inquit, solum, & opus secutum est. sicut etiam idem auctor ad illa verba, *Germinet terra herbam virentem*, & *factum est ita*: Quis, inquit, non ob-

stupescat, cogitans, quomodo verbū Domini, *Germinet terra*, quasi admirabili peplo terræ faciem variis floribus adornet? vidisses subito terrā, quæ antea deformis & inculta erat, decore suo & ornatu quasi cum cælo contendere. Et post, ad illa verba,

Ro. 6. *Fiant luminaria*, sic loquitur: Dixit solum, & productum est hoc admirabile elementum, solē dico. Quid si addas, quod eodē momento & eodem verbo lunam & stellas omnes idem Conditor fecit? Et ad illa ver-

Ro. 7. ba, *Producant aqua*, &c. sic ait: Quæ lingua ad Opificis præconia sufficiet? nam sicut de terra dixit solum, *Germinet*, & varia mox ac multiplex florum herbarumque apparuit copia; sic & hîc dixit, *Producant aqua*, & continuo tot reptilium volatiliumque genera condita sunt, quot neq; sermone recenseri possunt. *Quis igitur similis tui in fortibus Domine?*

CAP. Tu verò, anima mea, quāta sit potentia Conditoris tui, jam plane intelli-



telligis, quę per latitudinem ad omnia se extendit, per longitudinem semper durat, & sine fatigatione omnia portat & regit: per altitudinē attingit etiam ad ea facienda quę impossibilia vidētur, & re vera sunt impossibilia omnibus aliis, ipso solo excepto: per profunditatem ita res facit, ut modus faciendi omnem intelligentiam creatam superet, cū ex nihilo, & in nihilo, & sine instrumentis, & sine tempore, solo verbo & imperio faciat: *Ipsē dixit, inquit* ps. 149  
*Propheta, & facta sunt; ipse mandavit, & creata sunt.* Ex quibus, si quid sapias, colliges, quanti referat, utrum eum iratum vel placatum, hostē vel amicum habeas. Nam si hostem & iratum habeas, potest te subito omnibus bonis spoliare, & omnibus replere miseriis; neque ullus est, qui de manibus ejus te liberare possit: quis enim cum Omnipotente contendere audeat? Si solus & nudus occurreres inimico tuo implacabili, ferro acutissimo te petenti, quid ageres? quam sudares, & palleres, & tremeres, & in genua provolutus, misericordiam implorares? & tamē ille homo est, & forte posses vel fugiendo, vel repugnando, & ferrū de manib⁹ extorquēdo te ipse ab interitu liberare. Sed cū irato Deo quid ages, à quo nec fugere potes, cum sit ubique, nec illi resistere, cum

## 192 ASCENS. IN DEVM

fit omnipotens; nec moras necesse,  
cum momento, & solo imperio a-  
gat? Non sine caussa dixit Apostolus:

Heb. 10 *Horrendum est incidere in manus Dei vi-  
ventis. Contrà vero si placatū & ami-  
cum habeas Deum, quis te felicior?  
potest enim, si vult; & vult, si amicus  
est, bonis omnibus te replere, & à  
malis omnibus liberare. Vtrum au-  
tem iratum & hostem, an placatum  
& amicum habeas Deum, in manu  
tua est, dum vitam hanc ducis. Deus  
enim & per Prophetas, & deinde  
per Filium suum, ac per Apostolos  
ejus in Scripturis sanctis perpetuo  
clamat, invitans peccatores ad pœ-  
nitentiam, & justos ad observantiã  
mandatorum, ut sic utrosq; habeat  
amicos, vel potius filios charissi-  
mos, & heredes æterni regni sui.*

Iz. 33 *Audi Ezechielem: Vivo ego, dicit Do-  
minus Deus, nolo mortem impii, sed ut  
convertatur impius à via sua, & vivat.  
Convertimini, convertimini à viis vestris  
pessimis, & quare moriemini domus Is-  
rael? & infra: Impietas impii non no-  
cebit ei, in quacunque die conversus fue-  
rit ab impietate sua. atque hoc quod  
Ezechiel clamat, Isaias quoque &  
Jeremias, & Prophetæ ceteri cla-  
mant: unus enim erat spiritus in  
omnibus, & idem per omnes cla-  
mabat. Audi Filium Dei, exordien-  
tem prædicationem suam: Cæpit Je-  
sus, inquit Matthæus, prædicare, &  
dice-*

Mat. 4.



dicere, *Pœnitentiam agite, appropinqua-*  
*vit enim regnum calorum.* Audi Apo-  
 stolum Paulum de se, & de coapo-  
 stolis suis loquentem in posteriore  
 ad Corinthios: *Pro Christo, inquit, le-2 Cor.*  
*gatione fungimur, tamquam Deo exhor-*  
*tante per nos; obsecramus pro Christo, re-*  
*conciliamini Deo.* Quid clarius? quid  
 dulcius? Apostolus nomine Christi  
 nos obsecrat, ut velimus reconcilia-  
 ri cum Deo, & placatum habere, nō  
 iratū. Quis ambigere potest de mi-  
 sericordia Dei, si serio reuertatur ad  
 eum? excipiet omnino reuertentes,  
 quomodo excepit filium prodigum  
 amantissimus Pater. Vbi vero rever-  
 si fuerimus, & indulgentiam perce-  
 perimus, quid à nobis postulat, ut  
 amici & filii esse perseverem⁹, nisi ut  
 mandata ejus custodiamus? *Si vis ad* Matt 5,  
*vitam ingredi, serva mandata,* inquit 19.  
 Dominus. Ac ne forte dicas, Sine  
 auxilio Dei non possunt mandata  
 servari: audi S. Augustinum in ex-  
 plicatione Psalmorum, qui loquens  
 de præcepto omnium difficillimo,  
 id est, de vita ponenda pro fratri-  
 bus, sic loquitur: *Non imperaret hoc* Aug. in  
*Deus, ut faceremus, si impossibile ju-* Ps. 119.  
*dicaret, ut hoc ab homine fieret. & si*  
*considerans infirmitatem tuam deficiis*  
*sub præcepto, confortare in exemplo. Sed*  
*etiam exemplum multum est ad te: adest*  
*ille qui præbuit exemplum, ut præbeat*  
*& auxilium. Ac ut in ore duorū stet*



## 194 ASCENS. IN DEVM

omne verbum, audi sanctum Leo-  
 nem: *Iuste, inquit, Deus instat praecep-*  
 to, *qui praecurrit auxilio. Quid ergo ti-*  
 mes, anima, viam mandatorum se-

Serm. de Passio-  
 ne Do-  
 mini.

cure ingredi, cum ille praecurrat, qui  
 potenti auxilio gratiae suae facit pra-  
 va in directa, & aspera in vias planas?  
 Hoc videlicet auxilio praecurrente,  
 jugum Domini efficitur suave, &  
 onus leve. & Apostolus Ioannes

Mat. 19  
 & Ioa.  
 5.

clamat: *Et mandata eius gravia non*  
*sunt. Sed & si gravia tibi videantur,*  
*cogita quanto graviora erunt tor-*  
*menta gehennae: nec audeas, nisi in-*  
*sanis, ista velle experiri. sed illud co-*  
*gita, & recogita, & numquam obli-*  
*viscaris, nunc tempus esse miseri-*  
*cordiae, postea iustitiae: nunc libe-*  
*rum esse peccare, postea necessariū*  
*pœnas gravissimas luere: nunc pos-*  
*se hominem cum Deo facile transi-*  
*gere, & exiguo labore pœnitentiae*  
*magnam indulgentiam obtinere, &*  
*brevi luctu sempiternum fletum*  
*redimere: & contra, nunc quolibet*  
*opere bono ex charitatis virtute*  
*prodeunte posse regnum caelorum*  
*comparari, postea non posse totius*  
*mundi opibus unam guttam aquae*  
*frigidae impetrari.*

## GRADVS DVODECIMVS.

*Ex consideratione magnitudinis sapientiae Dei per similitudinem magnitudinis corporalis.*

**Q**Uam verè scripserit Apostolus in CAP. I  
 extrema Epistola ad Romanos, solum Deum esse sapientem, facile intelliget, qui attentè considerare Rom. 16.  
 voluerit latitudinem, longitudinem, altitudinem, & profundum sapientiae Dei. Ac ut incipiamus à latitudine, latissima esse dignoscitur sapientia Dei; quoniā Deus omnia quæ sunt in rerum natura, à primo Angelo usq; ad ultimum vermiculum, distinctè perfectèque cognoscit: nec solum novit integras substantias, sed etiam partes, proprietates, virtutes, accidentia, actiones. Hinc sunt illa: *Tu quidem gressus meos* Iob. 14  
*dinumerasti.* & : *Respicit Dominus vias* Prov. 1  
*hominis, & omnes gressus eius considerat.* Quod si numerat & considerat gressus singulos, quanto magis actiones mentis, sive bonas, sive malas? & si Deus in numerato habet capillos nostros, juxta verbum Domini: *Vestri autem capilli capitis omnes* Mat. 10  
*numerati sunt:* quanto magis novit omnia membra corporis, & omnes virtutes animorum? Et si numerum novit arenarum maris, &



guttarū pluvix, ut colligitur ex Ecclesiastico; quanto magis nosse credendus est numerum stellarum & Angelorum? Et si omnia verba otiosa omnium hominum adducet in iudicium, ut Dominus ipse testatur; certe aures ejus omnes voces omnium hominum simul exaudiunt, nec solum voces corporum, sed etiā animorū, id est, cogitationes & desideria. Quanta igitur, & quam immensa est hæc latitudo sapiētiæ, quæ simul omnia quæ sunt, & quæ fuerunt, & quæ erunt, & quæ esse possunt comprehendit? nec tamen divina mens ex tanta rerum singularum & inferiorum varietate vilescit, ut stulta sapientia quorundam Philosophorum censuit: id enim forte suspicari possemus, si Deus à rebus scientiam mendicaret, ut nos facimus; sed cum omnia in essentia sua videat, nullum est periculum vilitatis. Quamquam longe nobilius est mendicando scientiam assequi, quod est hominum, quam scientia omnino carere, quod est brutorum: quemadmodum præstantius est, cæcum esse, quod est animantium, quā sine cæcitate aptum non esse ad videndum, quod est lapidum: nec cetera membra corporis nobiliora sunt oculis, quia cæca esse non possunt, sed nobiliores sunt oculi, cum videndi facultatem habeant, quam-

vis

Ecc. 1.

Matt.  
12.

vis & cęci possint esse, ut recte disputat S. Augustinus in libris de Civitate Dei. <sup>Lib. 12</sup> Hinc vero, anima mea, sollicita <sup>cap. 10</sup> esse debes in omni loco & tempore, quid agas, quid loquaris, quid cogites, cum nihil umquā agas, loquaris, cogites, nisi vidente, audiēte, attendēte Deo. Etenim si mala nulla facere vel loqui auderes, quavis etiā gravissima stimulante cupiditate, si te videri vel audiri ab homine crederes; quomodo audes ea cogitare, inspectante & indignante Deo? *Esto*, inquit S. Augustinus in Regula San- <sup>Ep. 109</sup> ctimonialium, *à nemine hominum videatur; quid faciet de illo superno inspectore, quem latere nihil potest?* Et S. Basilii in libro de Virginitate, alloquēs virginē in cubiculo clausam, & solā, admonet eam, ut revereatur Sponsam ubique præsentem, & hujus Patrem, & Spiritum sanctum, & Angelorum innumerabilem multitudinem, & cum his Patrum sanctos spiritus: *Nullus enim horum, inquit, est, qui non ubique omnia videat.* <sup>Lib. de Virg.</sup> O te beatam animam meam, si semper in hoc theatro esse te sentires, etiam in mediis noctiū tenebris & silentio, quam perfectam vitam institueres, quam diligenter levitatem & evagationem omnem vitares? Hoc nimirum est, quod Abrahamo Patriarchæ dixit aliquando Dominus: *Ambula coram me, & esto perfectus.* <sup>Ge.</sup>

## 198 ASCENS. IN DEVM

id est, Cogita te à me semper videri,  
& eris sine ulla dubitatione perfe-  
ctus.

CAP.  
II.

Longitudo sapiētiae in cognitione  
futurorum se prodit. sic enim acute  
Deus videt, ut ab ipsa æternitate vi-  
derit quæ futura sunt in tēpore no-  
vissimo, & ultra usq; in æternū. qua  
certè longitudine nihil magis cogi-  
tari potest. *Intellexisti*, inquit David in  
Psalmis, *cogitationes meas de longe.* &  
paulo post: *Tu cognovisti omnia, no vis-  
sima & antiqua.* id est, omnia futura,  
& omnia præterita. Pleni sunt libri  
Prophetarum prædictionibus clarif-  
simis atque verissimis, quas non ipsi  
per se, sed, ut canit Zacharias, *Deus*  
*locutus est per os sanctorum, qui à seculo*  
*sunt Prophetarum eius.* Atq; adeo hæc  
prævisio & prædictio propria est Dei  
solius, ut ipse Deus per Isaiā dicat:  
*Annuntiate quæ ventura sunt in futu-  
rum, & sciemus quia Dii estis vos.* Ac ut  
pauca de multis cōsideremus; Isaias  
sic loquitur: *Hæc dicit Dominus christo*  
*meo Cyro, cuius apprehendi dexteram, ut*  
*subiiciam ante faciē eius gentes, & dorsa*  
*regum vertam, &c.* Vbi prædicitur  
monarchia Persarum, & nominatur  
proprio nomine Cyrus, rex primus  
Persarum; & subjungitur ratio, cur  
Deus exaltare voluerit Cyrum,  
quia videlicet relaxaturus erat cap-  
tivitatem Babylonicam. quæ omnia  
post annos circiter ducentos imple-



ta sunt. Daniel quoque per similitu-<sup>Dan. 2.</sup>  
 dinem statuae ingentis, cuius caput  
 erat aureū, pectus argenteū, venter  
 & femora ærea, pedes partim ferrei  
 partim fictiles, apertissimè prædicit  
 quatuor monarchias, Babyloniorū,  
 Persarum, Græcorum, & Romano-  
 rum, & tempore ultimæ monarchiæ  
 regnum Christi, id est, Christianam  
 Ecclesiam, omnibus illis regnis ma-  
 jorem. ac deinde tam apertè descri-  
 bit bella successorū Alexandri Ma-<sup>Dā. 11,</sup>  
 gni, ut infideles aliqui suspicati sint,  
 ea scripta fuisse post bella illa finita.  
 Ac ut omittam cetera, Christus ipse  
 apud Lucā deplorans everisionē Ie-<sup>Luc. 19</sup>  
 rosolymæ, quæ post annos multos  
 futura erat, ita distinctè & singilla-  
 tim omnia describit, ac si nō futurā,  
 sed præteritam narrare voluisset. O-  
 mitto prædictiones alias innumera-  
 biles, quarū, ut dixi, Prophetarū li-  
 bri plenissimi sunt. Porro Astrologi,  
 & quicumque alii divinatores, qui  
 quasi simiæ Dei videri volunt, om-  
 nino deridendi sunt. Nec enim fieri  
 potest, ut de rebus futuris contingē-  
 tibus, ac præsertim liberis, vera præ-  
 dicant, nisi forte aliquādo casu veri-  
 tatem attingant: nam cum omnibus  
 causis necessariis, contingentibus,  
 liberis, volūtas Dei præsideat, & præ-  
 emineat, & possit causas inferiores,  
 quando libuerit, impedire; nemo  
 vera prædicere potest, nisi cui Deus  
 volun-

et  
 ut Deus  
 volun



voluntatem suā manifestare voluerit, ut sepe Prophetis suis manifestavit. Atque adeo hoc verum est, ut dæmones per hoc potissimū dii haberi voluerint, quod oracula fundarent, & futura prædicerent, ut testatur sanctus Augustinus in lib. De civitate Dei. Sed idem eximius Doctor Ecclesiæ in lib. De divinatione dæmonum aperte demonstrat, tam falsam eorum divinationem esse, quam falsa ipsorum divinitas est. nihil enim aperte dicunt, nisi quod ipsi facturi sunt, vel quod alibi jam factum, ipsi velocitate naturæ referunt quasi futurum iis qui longe absunt; vel quod ex diuturna experientia futurum esse coniectant. quomodo etiā multa de ventis nautæ, de pluviis agricolæ, de morbis medici prædicere solent. Quæ vero dæmones de futuris interrogati nesciunt, ea per ambages & æquivoca verba respondent: & cum falsa comperiuntur, interpretibus & coniectoribus culpam attribuunt. Solus ergo Dominus Deus noster, cujus sapientiæ non est numerus, vera fundit oracula, ac de futuris quibusque etiam contingentibus & liberis vera prædicit.

CAP.  
III.

Iā vero divinæ sapientiæ altitudo celsissima est, & omnem sublimitatē sapientiæ hominum vel Angelorum longissime superat. Altitudo sapien-

tia

tiæ ex objecti, potentiæ, speciei, & actus nobilitate dignoscitur. Objectum sapientiæ Dei non solum naturale, sed etiam proportionatū, est ipsa divina essentia; quæ usque adeo sublimis est, ut neque humano neq; Angelico intellectu proportionatū objectum sit. Itaq; ne supremi quidē Angeli ad Deū videndū conscendere possunt, nisi per lumen gloriæ evehantur. atque hæc est causa, cur Deus invisibilis in Scripturis sanctis esse dicatur: *Regi saculorum immortalis, invisibili soli Deo*, inquit Apostolus in priore ad Timotheum. Qui etiam postea addit, Deum lucem habitare inaccessibilem. Deinde potentia, quæ in nobis est accidens, in Deo divina substantia est, ac per hoc longe sublimior & altior quam in nobis. Species autem tanto altior est, quanto plura repræsentat, ac per hoc Angeli quo species habent universaliores & pauciores, eo altiorem scientiam habere dicuntur. Quanta igitur est altitudo sapientiæ Dei, qui non aliam speciem habet, quam essentiam suam, quæ una est, & sola Deo sufficit ad ipsum Deum, & res omnes creatas, aut creandas, aut etiam quæ possent creari, vel repræsentandas vel cognoscendas?

Deniq; illa scientia vel sapientia nobilior atque altior esse dicitur, quæ

quæ per pauciores actus plura cognoscit: Deus autem unico solum intuitu, qui semper in eo viget & immutabilis permanet, & se ipse & cetera omnia perfectè cognoscit. Sola igitur sapientia Dei nobilissima atque altissima dici debet. Erige nunc, anima mea, oculos tuos, & vide quantū distet scientia tua à sapientia Conditoris tui. Tu enim per multos actus huc atque illuc discurrendo vix rem unā perfectè cognoscis: Conditor autē tuus contra, per unum actū res omnes, & se ipse clarissimè ac distinctissimè intuetur. Et

2 Cor. tamē tu ipsa, nunc in tenebris jaces.

3. Rf 35. potes si velis pennis fidei & charitatis tā alte conscendere, ut post corporis mortalis depositionem à claritate in claritatem transformata, in lumine Dei lumen Deum videas; & similis effecta Deo, tu quoque uno intuitu, eoq; in æternum manente Deū in se, & te, ac res omnes creatas in Deo simul videre. *Quid enim non*

Lib. 4. cap. 33. *videt*, inquit sanctus Gregorius in Dialogis, *qui videntē omnia videt?* & *quæ erit illa voluptas, illa gloria, illa rerum omnium copia, cum admissa ad inaccessibilem lucem, omnium bonorū Domini tui particeps eris?* Regina Saba cum Salomonis sapientiam audivisset, & ordinem ministrorum domus ejus sapienter dispositū vidisset, ita obstupuit, ut non haberet

ultra

ultra spiritum (sic loquitur Scriptura) & exclamavit: *Beati viri tui, & beati servi tui, qui stant coram te semper, & audiunt sapientiam tuam.* Et quid simile habet sapientia Salomonis cum sapientia Dei, qui solus sapiens, & ipsa sapientia est? & quid est ordo ministrorum Salomonis comparatus cum novemordinibus Angelorum Dei, quorum millia millium ministrant ei, & decies centena millia assistunt ei? Certe si vel modicum ista gustares, nihil non moveres, nihil non faceres, nihil non libentissimè patereris, ut Deum promereri posses. Humiliare ergo interim sub potenti manu Dei, ut te exaltet in die visitationis: humilia intellectum ad fidem, ut exalteris ad visionem: humilia & voluntatem ab obedientiam mandatorum, ut exalteris ad libertatem gloriæ filiorum Dei: humilia & carnem ad patientiam & labores, ut glorificatam Deus exaltet ad requiem sempiternam.

Restat, ut profunditatē sapientiæ Dei consideremus, quæ præcipuè in serutatione rerum & cordiū, id est, in cognitione cogitationū & cupiditatum humanarum præsertim futurarum, posita esse videtur. Hinc enim legimus: *Homo videt ea quæ parèt, Dominus autem intuetur cor.* &: *Tu scis corda filiorum hominum.* &

Intel



Pl. 138 *Intellexisti cogitationes meas de longe, se-*

Pl. 43. *mitam meam, & funiculum meum in-*  
*vestigasti, & omnes vias meas praevidisti.*

Ier. 27. & : *Ipse novit abscondita cordis. & : Pra-*  
*vum est cor hominis, & inscrutabile; quis*  
*cognoscet illud? Ego Dominus scrutans*  
*cor, & pro ans renes.* quo loco Sep-  
tuaginta interpretes verterunt, Pro-  
fundum est cor hominis, & inscu-  
tabile. Atq; hunc locum exponens  
S. Hieronymus admonet, recte pro-  
bari Christum esse Deum, quia vi-  
debat cogitationes hominum, quas

Matt. 9 *solus Deus videre potest. Et cum vi-*

Luc. 6. *disset Iesus cogitationes eorum. Ipse ve-*

Mar. 2. *ro sciebat cogitationes eorum. Quid ista*  
*cogitatis in cordibus vestris? Igitur om-*  
*nis cogitatio & cupiditas humana,*  
*etiam praesens, & reipsa existens,*  
*profunda est valde, ut neque Ange-*  
*li, neque daemones, neque homines*  
*ad eam investigandam penetrare*  
*valeant: sed longe profundior est*  
*cogitatio vel cupiditas futura. hanc*  
*enim non solum nequeunt homines*  
*vel Angeli penetrare; sed nec pene-*  
*trare certe possunt, qua via Deus,*  
*qui eas solus novit, ad eas investi-*  
*gandas progrediatur. Atque hoc vi-*  
*detur significare voluisse David in*  
Pl. 138 *Psalmo, cum ait: Mirabilis facta*  
*est scientia tua ex me. Illud enim ex*  
*me, phrasi Hebraea significat praeme,*  
*vel super me; ut sensus sit: Mirabi-*  
*lior est scientia tua, quam ut ego*  
*in-*

intelligere possim, quomodo illa se habeat. Ideò enim subiungit: *Confortata est, & non potero ad eam.* id est, Elevata est super notitiam meam, & non potero ad eam capiendam ulla ratione conscendere. Loquitur autem de scientia cogitationum futurarum. Dixerat enim: *Intellexisti cogitationes meas de longe; & omnes vias meas praevidisti.* De harum igitur cogitationum & viarum praeuotione dicit: *Mirabilis facta est scientia tua ex me, confortata est, & non potero ad eam.*

Potest fortasse responderi, Deum videre cogitationes istas futuras in aeternitate sua, cui omnia sunt praesentia, vel in praedeterminatione voluntatis suae. Sed si ita esset, non esset mirabilis scientia ista: nam & nos possumus facile scire quae facturi sumus, vel quae nobis praesentia sunt. Scriptura vero dicit, Deum scrutari renes & corda, atq; ibi videre, quid homo cupiat, vel cogitet, aut quid postea cupiet, vel cogitabit. Hoc vero est prorsus admirabile, quomodo Deus scrutando renes & corda, videat quod ibi nondum est, & quod ex libertate voluntatis pendet, an aliquando erit. Igitur sicut ad altitudinem potentiae Dei pertinet, ut ex nihilo faciat aliquid, & vocet ea quae non sunt, ut ea quae sunt; sic ad profunditatem sapientiae Dei pertinet, ut scrutando renes & corda, videat

P

quod



206 ASCENS. IN DEVM  
quod ibi nondum est, ac si jam es-  
set, quod sine dubio erit.

CAP. V. Sed quia non quæstiones dispu-  
tandas, sed animam excitandam, &  
in Deum elevandam suscepi; excita-  
re, anima mea, & leva te super te, ut

Thre. 3 Jeremias admonet, & cogita pro-  
fundam illā abyssum sapientiæ Dei,  
quæ scrutatur intima cordis, & mul-  
ta ibi videt, quæ cor ipsum non vi-  
det. O beatissime Petre, cum dicebas

Mat. 26 Domino, *Eriam si oportuerit me mori  
tecum, non te negabo*; certe non duplici  
corde loquebaris, sed sincero ac re-  
cto: nec in corde tuo videbas fragi-  
litatem illam, quam in eo Dominus  
tuus videbat, cum diceret: Antequā  
gallus cantet bis, ter me negabis. Vi-  
debat enim medicus peritissimus in  
corde tuo infirmitatem, quā tu non  
videbas; & verum fuit quod prædi-  
xit medicus, nō quod iactavit ægro-  
tus. Sed gratias age medico, qui ut  
prævidit & prædixit morbum futu-  
rum; sic potenti medicina pœniten-  
tiā animæ tuæ divinitus inspiravit,  
& morbum citò curavit. O bone, ô  
pie, ô sapientissime & potentissime

Ps. 18. medice, *ab occultis malis meis munda  
me*. Quanta ego non deploro, nec la-  
crymis lavo, quia non video? Adsit  
mihi gratia tua, qui scrutaris renes  
& corda: & quas ego cupiditates  
malas, & opera etiā mala nō video,  
tu qui vides, ostende; & pie respi-  
cens,

GR. TERTIVS DECIM. 207  
ciens, producat fontem lacrymarum;  
ut dum tempus est lagentur, & de-  
leantur per gratiam tuam. Amen.

## GRADVS TERTIVS DECIMVS.

*Ex consideratione sapientiae  
practicae.*

**C**onsideravimus sapientiam Dei CAP. I  
theoricam: nunc sapientia pra-  
ctica consideranda est, quam etiam  
effectricem dicere possumus. Habet  
haec sapientia suam latitudinem,  
longitudinem, altitudinem, & pro-  
funditatem. Latitudo ex creatione  
cognoscitur, longitudo ex conser-  
vatione rerum creatarum, altitudo  
ex opere redemptionis, profundi-  
tas ex providentia & praedestinati-  
one. Ac ut à creatione incipiamus,  
Deus omnia in sapientia fecit, ut Ps. 103  
Eccl. 1  
dicitur in Psalmis, & effudit illam  
super omnia opera sua, ut scribit  
Ecclesiasticus. Itaque sicut ex crea-  
tione rerum omnium ex nihilo cog-  
noscimus potentiam Opificis; sic ex  
artificio admirabili, quod in singu-  
lis cernimus, admiramur sapientiã  
Conditoris. Disposuit enim omnia  
& singula in mensura, & numero, & Sap. 11  
pondere, ut dicit Sapiens. Atque hic  
est sapor, quo condivit omnia Deus,  
ut ex eo sapore cognoscamus,

quā sapida sit ipsa sapientia, & quā amabilis ac desiderabilis. Res igitur omnes creatæ certā habent mensuram, certum numerum, & certum pondus: tū, ut distinguantur à Deo, qui non habet mensuram, quia est immensus; nec numerum, quia est summe unus, & simplex, quo ad essentiam; nec pondus, quoniam ejus æstimatio & pretium superat omnē æstimationem & pretium: tum, ut bonæ & pulchræ sint; ac verissime

**Gen. 3.** dixerit Moyses: *Vidit Deus cuncta quæ fecerat, & erant valde bona.* Habent igitur cunctæ res eam mensurā, quæ necessaria est ad finem consequendum, cujus gratia factæ sunt: nec potest illi mensuræ aliquid addi vel detrahi, quin res deformis vel inutilis, ac per hoc minus bona reddatur.

**Ecl. 3** *Cuncta fecit Deus bona in tēpore suo,* inquit Ecclesiastes, *nec possumus eis quidquam addere, vel detrahere quæ fecit Deus ut timeatur.* Igitur cælo dedit Deus mensuram amplissimā, quoniam omnia inferiora ambitu suo complecti debet: aëri multo minorem quam cælo, sed majorem quam terræ & aquis, quæ unum globū efficiunt, & ab aëre undique continentur. Elephanto mensuram corporis maximam attribuit, ut onera maxima, & ipsas turres hominib⁹ refectas portaret. Equum paulo minorem, quod ad unum solum equitem gerendum factus:

factus esset; aviculas minutas fecit, ut in ramis arborum nidum suspendere possent: apes, & formicas minutissimas, ut in foraminibus vel alveariorum vel terræ delitescerent. Hoc idem de numero dicere possumus. Vnum creavit Deus solem, quoniam ad illustrandam omnem terram, & diem suo splendore faciendum, sol unus satis erat: lunam quoque fecit unam, quoniam ad noctem illuminandam una sufficiebat: stellas plurimas esset voluit, ut cum sol & luna abessent, quod in conjunctione solis & lunæ contingit, tenebras noctis utcumque discuterent. Nec solum rebus omnibus in communi numerum necessarium assignavit, sed etiâ rebus singulis numerum partium ita constituit, ut nihil addi vel minui possit. Attribuit Deus homini duos oculos, duas aures, duas manus, duos pedes, nasum unum, os unum, pectus unum, caput unum; & res pulcherrima & ornatissima apparuit: inverte ordinem, pone alicui homini unum oculum, duos nasos; unam auriculam, duo ora; unam manum & unum pedem, duo pectora & duo capita; nihil foedius, nihil inutilius fieri poterit. Denique pondus, id est, æstimationem unicuique rei Deus attribuit, quam ejus natura requirebat. Porro nomine ponderis sive pretii, qualitates intelligi-



mus, quæ bonas res & pretiosas reddunt. Hæc enim tria res omnes perficiunt: numerus partiū, qui necessarius est ut nulla omnino desit; commensuratio, sive apta proportio partium; denique qualitates internæ, sive externæ, ut suavitas coloris in externa superficie corporis, & virtus interna, quæ ad actiones varias utilis vel necessaria est. Sed est omnino admirandum, quantā vim Deus rebus quibusdam exiguis ac parvissimis attribuerit, ut videatur potentiam suam in rebus magnis, sapientiam in parvis ostendere voluisse. Quis capiat, quanta virtus infit in grano sinapis? quod minimum est omnibus seminibus, ut vix oculis discerni possit, & tamen in eo latet arbor magna, ut etiam aves habitent in ramis ejus, ut Veritas in

**Mat. 13** Euangelio loquitur. Neque hoc est proprium sinapis, sed cōmune omnibus seminibus, in quorum virtute radices, trunci, rami, folia, flores, & fructus maximarum arborum delitescunt. Certè si hoc ipsum experimento manifesto nō didicissemus, nō facile persuaderi posset hominibus, ex tantulo semine tantam molem rerum diversissimarum exoriri unquā potuisse. Quis item capiat, in formica, in culice, in pulice, in aliis minutissimis animalculis esse pedes, qui velocissimè moveantur;

esse



**GR. TERTIVS DECIM.** <sup>27</sup>  
esse caput, esse cor esse sensus exter-  
nos & internos; esse suo quodā mo-  
do, quamvis admodum imperfecto,  
prudentiam atque iudicium? Quis  
denique capiat, in iisdem, & aliis id  
genus animalculis minutissimis &  
teruissimis, esse tantam vim tere-  
brandi & perforandi carnes vivas, ut  
nō solum hominibus molestissima  
sunt, sed etiam elephantis & leonibus  
culicibus terreantur? Magnus igitur  
Dominus, & magna sapientia ejus,  
ut in maximis, sic etiā in minimis.  
Admiratus est aliquando princeps <sup>Galen.</sup>  
ille medicorum, quamvis ethnicus, <sup>i lib.</sup>  
artificium Dei, quod in manu hu- <sup>De par-</sup>  
mana cernitur, & exclamavit in lau- <sup>tibus.</sup>  
dē Conditoris. Quid te Christiane,  
facere oporteret, qui non solum ho-  
minum & ceterorum animantium  
corpora, sed etiam cælum, & stellas,  
& Angelos, & mentes hominum  
immortales incredibili sapientia ab  
eodem sapientissimo Conditore  
creata fuisse non dubitas.

Iam verò longitudo sapientiæ  
practicæ in conservatione rerum e-  
lucet, ut ejus latitudinem in crea-  
tione lucere jam diximus. Igitur sa-  
pientia Dei magna & admirabilis,  
in rerum creaturarum, ac potissimum  
corruptibilium, conservatione &  
duratione conspicitur.

Ac primū si quis cogitet quomo- <sup>CAP.</sup>  
do Deus nutriat & augeat herbas, <sup>II.</sup>

plantas, animantia, & ipsa hominū corpora, ut conserventur quanto diutius possunt, omnino stupore quodam attonitus non poterit satis mirari sapientiam Dei: nam ex terra & aqua nutrit herbas & plantas, & facit ut alimentum illud transeat à radicibus ad truncū, & à trunco ad ramos & folia, & fructus à vi quadā sursum trahatur, & omnia penetret ratione & modo prorsus admirabili. Sic etiam ex herbis, & pomis, & ex ipsa carne animantium nutrit animantia nonnulla, & ipsos homines, & facit ut alimentum intret, & penetret ad omnes partes corporis, internas & externas, tanta facilitate & suavitate, ut incredibile videatur. Agit Deus instar medici doctissimi & humanissimi, qui pharmaca sic novit condire, ut non solum facile, sed etiam libenter ab ægrotis sumantur. Cibi enim sine dubio medicamenta sunt, quæ nisi à mortalibus sapius accipiantur, mortem vitare non possunt. Sed amantissimus & sapientissimus medicus noster Deus primo saporem indidit cibus, ut cum delectatione sumantur: deinde variavit infinitis modis ad tollendum fastidium: denique per varias alterationes in ore & stomacho, in hepate, in corde, convertit cibū in succum adeo tenuem & subtilem, ut sine scissione vel dolore transeat per omnes

omnes venas, & venulas, & poros corporis, atq; ad omnes partes carnis, ossium, nervorū penetret, nobis non sentientibus, vel etiā dormientibus. Admirantur Philosophi naturæ solertiam & artem, cum ista speculantur. Sed quæ esse potest in rebus inanimis, vel sensus & rationis expertib<sup>9</sup> solertia? Non igitur naturæ solertia, sed Cōditoris sapientia admiranda est, quæ & naturā fecit, & modū adinvenit quo ista mirabilia fierent. Audi Sapientiam Dei loquentem in Evangelio: *Considerate* Mat. s.

*lilia agri, quomodo crescunt; non laborāt, neque nent, & Deus sic vestit. Nō igitur naturæ solertia, sed Deus facit ut lilia crescant, & tam decoris quasi vestibus induantur. Quod idē de nutritione & incremento viventium omniū dici potest, Apostolo testante, qui ait: Neque qui plantat, est ali-* 1 Cor.

*quid, neque qui rigat, sed qui incrementū* 3. *dat Deus. Et si tam admirabili modo sapientia Dei pascit & nutrit, & in*

*vita mortali conservat plantas & animalia; cogita, si potes, anima, quomodo in æterna vita pascit Deus mentes Angelorum & hominum? In terris enim terrenis cibis, sed à divina sapientia conditis alimur; in cælo vero sapientia ipsa est cibus & pot<sup>9</sup> in æternum viventibus. O te bea-*

*tam, si intime penetrares, quid sit,* 1 Cor. 10. 11. *Exit Deus omnia in omnibus. quid,* 1 Cor. 10. 11. *icis. qp*

- Ps. 138 *Intellexisti cogitationes meas de longe, semitam meam, & funiculum meum investigasti; & omnes vias meas praevidisti.*
- Ps. 43. *Intellexisti cogitationes meas de longe, semitam meam, & funiculum meum investigasti; & omnes vias meas praevidisti.*
- Ier. 27. *& : Ipse novit abscondita cordis. & : Præ-  
vum est cor hominis, & inscrutabile; quis cognoscet illud? Ego Dominus scrutans cor, & pro-ans renes. quo loco Sep-  
tuaginta interpretes verterunt, Pro-  
fundum est cor hominis, & inscrutabile. Atq; hunc locum exponens S. Hieronymus admonet, recte probari Christum esse Deum, quia videbat cogitationes hominum, quas*
- Matt. 9 *solus Deus videre potest. Et cum vi-*
- Luc. 6. *disset Iesus cogitationes eorum. Ipse ve-*
- Mar. 2. *ro sciebat cogitationes eorum. Quid ista cogitatis in cordibus vestris? Igitur omnis cogitatio & cupiditas humana, etiam præsens, & reipsa existens, profunda est valde, ut neque Angeli, neque dæmones, neque homines ad eam investigandam penetrare valeant: sed longe profundior est cogitatio vel cupiditas futura. hanc enim nō solum nequēunt homines vel Angeli penetrare; sed nec penetrare certe possunt, qua via Deus, qui eas solus novit, ad eas investigandas progrediatur. Atque hoc videtur significare voluisse David in*
- Ps. 138 *Psalmo, cum ait: Mirabilis facta est scientia tua ex me. Illud enim ex me, phrasi Hebræa significat præ me, vel super me; ut sensus sit: Mirabilior est scientia tua, quam ut ego in-*

intelligere possim, quomodo illa se habeat. Ideò enim subjungit : *Confortata est, & non potero ad eam.* id est, Elevata est super notitiam meam, & non potero ad eam capiendam ulla ratione conscendere. Loquitur autem de scientia cogitationum futurarum. Dixerat enim : *Intellexisti cogitationes meas de longe; & omnes vias meas praevidisti.* De harum igitur cogitationum & viarum praeconitione dicit : *Mirabilis facta est scientia tua ex me, confortata est, & non potero ad eam.*

Potest fortasse responderi, Deum videre cogitationes istas futuras in aeternitate sua, cui omnia sunt praesentia, vel in praedeterminatione voluntatis suae. Sed si ita esset, non esset mirabilis scientia ista : nam & nos possumus facile scire quae facturi sumus, vel quae nobis praesentia sunt. Scriptura vero dicit, Deum scrutari renes & corda, atq; ibi videre, quid homo cupiat, vel cogitet, aut quid postea cupiet, vel cogitabit. Hoc vero est prorsus admirabile, quomodo Deus scrutando renes & corda, videat quod ibi nondum est, & quod ex libertate voluntatis pendet, an aliquando erit. Igitur sicut ad altitudinem potentiae Dei pertinet, ut ex nihilo faciat aliquid, & vocet ea quae non sunt, ut ea quae sunt; sic ad profunditatem sapientiae Dei pertinet, ut scrutando renes & corda, videat

P

quod



206 ASCENS. IN DEVM  
quod ibi nondum est, ac si jam es-  
set, quod sine dubio erit.

CAP. V.  
Sed quia non quæstiones dispu-  
tandas, sed animam excitandam, &  
in Deum elevandam suscepi; excita-  
re, anima mea, & leva te super te, ut  
Jeremias admonet, & cogita pro-  
fundam illā abyssum sapientiæ Dei,  
quæ scrutatur intima cordis, & mul-  
ta ibi videt, quæ cor ipsum non vi-  
det. O beatissime Petre, cū dicebas  
Mat. 26 Domino, *Eriam si oportuerit me mori*  
*tecum, non te negabo*; certè non duplici  
corde loquebaris, sed sincero ac re-  
cto: nec in corde tuo videbas fragi-  
litatem illam, quam in eo Dominus  
tuus videbat, cū diceret: Antequā  
gallus cantet bis, ter me negabis. Vi-  
debat enim medicus peritissimus in  
corde tuo infirmitatem, quā tu non  
videbas; & verum fuit quod prædi-  
xit medicus, nō quod iactavit agro-  
tus. Sed gratias age medico, qui ut  
prævidit & prædixit morbum futu-  
rum; sic potenti medicina poeniten-  
tiæ animæ tuæ divinitus inspiravit,  
& morbum citò curavit. O bone, ô  
pie, ô sapientissime & potentissime  
medice, *ab occultis malis meis munda*  
*me*. Quanta ego non deploro, nec la-  
crymis lavo, quia non video? Adsit  
mihi gratia tua, qui scrutaris renes  
& corda: & quas ego cupiditates  
malas, & opera etiā mala nō video,  
tu qui vides, ostende; & pie respi-  
cens,

GR. TERTIVS DECIM. 207  
ciens, produc fontem lacrymarum;  
ut dum tempus est laventur, & de-  
leantur per gratiam tuam. Amen.

## GRADVS TERTIVS DECIMVS.

*Ex consideratione sapientia  
practica.*

**C**onsideravimus sapientiam Dei CAP. I  
theoricam: nunc sapientia pra-  
ctica consideranda est, quam etiam  
effectricem dicere possumus. Habet  
hæc sapientia suam latitudinem,  
longitudinem, altitudinem, & pro-  
funditatem. Latitudo ex creatione  
cognoscitur, longitudo ex conser-  
vatione rerum creatarum, altitudo  
ex opere redemptionis, profundi-  
tas ex providentia & prædestinatio-  
ne. Ac ut à creatione incipiamus,  
Deus omnia in sapientia fecit, ut Ps. 103  
dicitur in Psalmis, & effudit illam Eccl. 1  
super omnia opera sua, ut scribit  
Ecclesiasticus. Itaque sicut ex crea-  
tione rerum omnium ex nihilo cog-  
noscimus potentiam Opificis; sic ex  
artificio admirabili, quod in singu-  
lis cernimus, admiramur sapientiã  
Conditoris. Disposuit enim omnia  
& singula in mensura, & numero, & Sap. 11  
pondere, ut dicit Sapiens. Atque hic  
est sapor, quo condivit omnia Deus,  
ut ex eo sapore cognoscamus,  
P 2 quam

quā sapida sit ipsa sapientia, & quā amabilis ac desiderabilis. Res igitur omnes creatæ certā habent mensuram, certum numerum, & certum pondus: tū, ut distinguantur à Deo, qui non habet mensuram, quia est immensus; nec numerum, quia est summe unus, & simplex, quo ad essentiam; nec pondus, quoniam ejus æstimatione & pretium superat omnē æstimationem & pretium: tum, ut bonæ & pulchræ sint; ac verissime

**Gen. 3.** dixerit Moyses: *Vidit Deus cuncta quæ fecerat, & erant valde bona.* Habent igitur cunctæ res eam mensurā, quæ necessaria est ad finem consequendum, cujus gratia factæ sunt: nec potest illi mensuræ aliquid addi vel detrahi, quin res deformis vel inutilis, ac per hoc minus bona reddatur.

**Rel. 3** *Cuncta fecit Deus bona in tēpore suo,* inquit Ecclesiastes, *nec possumus ei quidquam addere, vel detrahere quæ fecit Deus ut timeatur.* Igitur cælo dedit Deus mensuram amplissimā, quoniam omnia inferiora ambitu suo complecti debet: aëri multo minore quam cælo, sed majore quam terræ & aquis, quæ unum globū efficiunt, & ab aëre undique continentur. Elephantō mensuram corporis maximam attribuit, ut onera maxima, & ipsas turres hominib⁹ refertas portaret. Equum paulo minore, quod ad unum solum equitem gerendum factus.

**GR. TERTIVS DECIM. 209**  
factus esset; aviculas minutas fecit,  
ut in ramis arborum nidum suspen-  
dere possent: apes, & formicas mi-  
nutissimas, ut in foraminibus vel al-  
veariorum vel terræ delitescerent.  
Hoc idem de numero dicere possu-  
mus. Vnum creavit Deus solem,  
quoniam ad illustrandam omnem  
terram, & diem suo splendore faciē-  
dum, sol unus satis erat: lunam quo-  
que fecit unam, quoniam ad noctē  
illuminandam una sufficiebat: stel-  
las plurimas esset voluit, ut cum sol  
& luna abessent, quod in conjun-  
ctione solis & lunæ contingit, tene-  
bras noctis utcunque discuterent.  
Nec solum rebus omnibus in com-  
muni numerū necessarium assigna-  
vit, sed etiā rebus singulis numerū  
partium ita constituit, ut nihil addi  
vel minui possit. Attribuit Deus ho-  
mini duos oculos, duas aures, duas  
manus, duos pedes, nasum unū, os  
unum, pectus unum, caput unum;  
& res pulcherrima & ornatissima  
apparuit: inverte ordinem, pone ali-  
cui homini unū oculum, duos na-  
sos; unam auriculam, duo ora; unam  
manum & unum pedē, duo pectora  
& duo capita; nihil fœdus, nihil in-  
utilius fieri poterit. Denique pon-  
dus, id est, æstimationem unicuique  
rei Deus attribuit, quam ejus natura  
requirebat. Porro nomine ponde-  
ris sive pretii, qualitates intelligi-



## 210 ASCENS. IN DEVM

mus, quæ bonas res & pretiosas reddunt. Hæc enim tria res omnes perficiunt: numerus partiū, qui necessarius est ut nulla omnino desit; commensuratio, sive apta proportio partium; denique qualitates internæ, sive externæ, ut suavitas coloris in externa superficie corporis, & virtus interna, quæ ad actiones varias utilis vel necessaria est. Sed est omnino admirandum, quantā vim Deus rebus quibusdam exiguis ac parvissimis attribuerit, ut videatur potentiam suam in rebus magnis, sapientiam in parvis ostendere voluisse. Quis capiat, quanta virtus infit in grano sinapis? quod minimum est omnibus seminibus, ut vix oculis discerni possit, & tamen in eo latet arbor magna, ut etiam aves habitent in ramis ejus, ut Veritas in

Mat. 13 Euangelio loquitur. Neque hoc est proprium sinapis, sed cōmune omnibus seminibus, in quorum virtute radices, trunci, rami, folia, flores, & fructus maximarum arborum delitescunt. Certè si hoc ipsum experimento manifesto nō didicissemus, nō facile persuaderi posset hominibus, ex tantulo semine tantam molem rerum diversissimarum exoriri unquā potuisse. Quis item capiat, in formica, in culice, in pulice, in aliis minutissimis animalculis esse pedes, qui velocissimè moveantur;

esse



GR. TERTIVSDECIM. <sup>217</sup>  
esse caput, esse cor esse sensus exter-  
nos & internos; esse suo quodā mo-  
do, quamvis admodum imperfecto,  
prudentiam atque iudicium? Quis  
denique capiat, in iisdem, & aliis id  
genus animalculis minutissimis &  
tenuissimis, esse tantam vim tere-  
brandi & perforandi carnes vivas, ut  
nō solum hominibus molestissima  
sunt, sed etiam elephantis & leonibus  
culicibus terreantur? Magnus igitur  
Dominus, & magna sapientia ejus,  
ut in maximis, sic etiā in minimis.  
Admiratus est aliquando princeps <sup>Galen.</sup>  
ille medicorum, quamvis ethnicus, <sup>i lib.</sup>  
artificium Dei, quod in manu hu- <sup>De par-</sup>  
mana cernitur, & exclamavit in lau- <sup>tibus.</sup>  
dē Conditoris. Quid te Christiane,  
facere oporteret, qui non solum ho-  
minum & ceterorum animantium  
corpora, sed etiam cælum, & stellas,  
& Angelos, & mentes hominum  
immortales incredibili sapientia ab  
eodem sapientissimo Conditore  
creata fuisse non dubitas.

Iam verò longitudo sapientiæ  
practicæ in conservatione rerum e-  
lucet, ut ejus latitudinem in crea-  
tione lucere jam diximus. Igitur sa-  
pientia Dei magna & admirabilis,  
in rerum creaturarum, ac potissimum  
corruptibilium, conservatione &  
duratione conspicitur.

Ac primū si quis cogitet quomo- <sup>CAP.</sup>  
do Deus nutriet & augeat herbas, <sup>II.</sup>

plantas, animantia, & ipsa hominū corpora, ut conseruentur quanto diutius possunt, omnino stupore quodam attonitus non poterit satis mirari sapientiam Dei: nam ex terra & aqua nutrit herbas & plantas, & facit ut alimentum illud transeat à radicibus ad truncū, & à trunco ad ramos & folia, & fructus à vi quadā sursum trahatur, & omnia penetret ratione & modo prorsus admirabili. Sic etiam ex herbis, & pomis, & ex ipsa carne animantium nutrit animantia nonnulla, & ipsos homines, & facit ut alimentum intret, & penetret ad omnes partes corporis, internas & externas, tanta facilitate & suauitate, ut incredibile videatur. Agit Deus instar medici doctissimi & humanissimi, qui pharmaca sic novit condire, ut non solum facile, sed etiam libenter ab ægrotis sumantur. Cibi enim sine dubio medicamenta sunt, quæ nisi à mortalibus sapius accipiantur, mortem vitare non possunt. Sed amantissimus & sapientissimus medicus noster Deus primo saporem indidit cibus, ut cum delectatione sumantur: deinde variavit infinitis modis ad tollendum fastidium: denique per varias alterationes in ore & stomacho, in hepate, in corde, convertit cibū in succum adeo tenuem & subtilem, ut sine scissione vel dolore transeat per omnes

omnes venas , & venulas , & poros corporis , atq; ad omnes partes carnis, ossium, nervorū penetret, nobis non sentientibus, vel etiā dormientibus. Admirantur Philosophi naturæ solertiam & artem, cum ista speculantur. Sed quæ esse potest in rebus inanimis, vel sensus & rationis expertib<sup>9</sup> solertia? Non igitur naturæ solertia, sed Cōditoris sapientia admiranda est , quæ & naturā fecit, & modū adinvenit quo ista mirabilia fierent. Audi Sapientiam Dei loquentem in Euangelio: *Considerate* Mat. 6. *lilia agri, quomodo crescunt; non laborāt, neque nent, & Deus sic vestit. Nō igitur naturæ solertia, sed Deus facit ut lilia crescant, & tam decoris quasi vestibus induantur. Quod idē de nutritione & incremento viventium omniū dici potest , Apostolo testante, qui ait: Neque qui plantat , est ali-* 1 Cor. *quid, neque qui rigat, sed qui incrementū* 3. *dat Deus. Et si tam admirabili modo sapientia Dei pascit & nutrit , & in vita mortali conservat plantas & animalia; cogita, si potes, anima, quomodo in æterna vita pascit Deus mentes Angelorum & hominum? In terris enim terrenis cibus, sed à divina sapientia conditis alimur; in cælo vero sapientia ipsa est cibus & pot<sup>9</sup> in æternum viventibus. O te beatam , si intime penetrares , quid sit,* 1 Cor. *Erit Deus omnia in omnibus. quid,* 1.

inquā, sit, Deum, summū & infinitū bonum, esse Sanctis omnibus victū, Col. 3. & amictum, & vitā, & omnia. Certē præsentia fastidires omnia, & sola quæ sursum sunt, sapires & quæreres.

Sed pergamus ad cetera. Illud itē simile miraculo est, quod in conservanda & propaganda vita mortalium Deus attribuit rebus tenuissimis motum continuum, ac sine fatigatione longissimum. Multū omnino laboraverunt homines, ut horologium construerent, in quo rotæ vi ponderū ad viginti quatuor horas sine intermissione decurrerent. Quanta igitur sapientia Deus facit, ut vis nutritiva perpetuo, & sine ulla intermissione operetur toto tempore, quo plantæ vel animalia vivunt? atq; etiam ut pulmones & arteriæ sine intermissione moveantur ad annos septuaginta, vel plures? necesse est enim vim nutritivā operari, & pulmones atq; arterias moveri, ab initio vitæ usque ad finem. Itaq; in iis qui ad annos octoginta vel nonaginta vivendo perveniunt, per idem tempus necesse est pulmones & arterias in iisdem semper moveri. Et ante diluvium cū homines ad annos nongētos pervenirent, oportuit pulmones & arterias, res videlicet fragiles & tenues, ad annos nongentos sine ulla intermissione vel requie perpetuo agitari.

Certē,

Certè, qui ista non mirantur, & ex istis sapientiam Dei non suspiciunt, & adorant, eos lumine sapientiæ omnino carere necesse est.

Accedit tertio, quòd sapientia Dei, quamvis posset sine ullo labore hominum & animantium ceterorum, atque etiam sine ministerio solis & aliarum secundarum causarum, herbas & arbores producere & conservare, ut paratum haberent omnia viventia cibum suum, voluit tamen uti ministerio secundarum causarum, & labore atque industria hominum & animantium ceterorū, ut nō languerent otio, sed vires suas exercerent omnia. Ac voluit etiam ut inter homines alii divites essent, alii pauperes, ut haberent omnes occasionem colendę virtutis, & vinculo charitatis colligarentur. Hinc enim fit, ut divites liberalitatem & misericordiam, pauperes patientiā & humilitatem exercent: & divites egeant opera pauperū ad agros colendos, & pecora nutrienda, & variis artibus paranda, quæ necessaria sunt omnibus; & pauperes contra divitum opera indigeant, qui eis pecunias & instrumenta præbeant, quibus ipsi victum sibi, & vestimenta, atque alia necessaria comparent. Neque est cur pauperes de divina sapientia conquerantur. Deus enim, qui omnia novit, & omnes dili-



diligit, unicuique dedit quod ei ad vitam sempiternam obtinendā utili-  
*214*lius esse prævidit. Quomodo in ter-  
 ris medici ægrotis quibusdam ine-  
 diam imperant, & venā secant; aliis  
 vinum & carnes indulgent, & ut re-  
 creentur, jubent. Plurimi nunc certè  
 pauperes salutem æternam conse-  
 quuntur, qui si divites fuissent, in æ-  
 ternum periissent. Et quamvis divi-  
 tes quoq; salvi esse possint, si divites  
 esse studeant in operibus bonis, &  
 facile ac libenter tribuant, quod ad  
 communicandum, non ad recondē-  
 dum à communi Domino accepe-  
 runt: tamen negari non potest, quin  
 via ad vitam æternam tutior, & pla-  
 nior, & expeditior sit paupertas,  
 quam divitiæ. Non decipit nos divi-

Mat. 19. nus Magister, qui ait: *Amen dico vo-*  
*bis, quia dives difficile intrabit in regnū*

Luc. 6. *celorum. & iterum: Beati pauperes,*  
*quia vestrum est regnū Dei. &: Va vobis*  
*divitibus, quia habetis consolationē ve-*  
*stram. Neq; decipit nos Apostolus,*

1 Tim. cum ait in priore ad Timotheū: *Qui*  
 6. *volunt divites fieri, incidunt in tentatio-*  
*nem, & in laqueum diaboli, & desideria*  
*multa inutilia & nociva; quæ mergunt*  
*homines in interitum & perditionem. Et*  
*quod Dominus & Apostoli verbo*  
*docuerunt, id ipsum confirmarunt*  
*exemplo. De se enim Dominus dicit:*

Luc. 9. *Vulpes foveas habent, & volucres cali ni-*  
*dos; Filius autem hominis non habet ubi*  
*caput*

caput reclinet. & Apostolus de se & coapostolis suis ait: *Vsq̃ue in hanc horã* <sup>1. Cor.</sup>  
*& esurimus, & sitimus, & nudi sumus,* <sup>4.</sup>  
*& colaphis c. dimur, & instabiles sumus;*  
 id est propriam domũ non habem⁹.  
 Neq; dubitari potest, quin sapientia  
 Dei, & filii ac discipuli Sapientiẽ, viã  
 ad vitam planissimam & tutissimã  
 elegerint. Sed quia *stultorum infinitus* <sup>Eccl. 8</sup>  
*est numerus*, pauci viam hanc sponte  
 eligunt, plurimi autem ab ea toto  
 affectu viribusque declinant.

Postremum illud est, in quo lon-  
 gitudò divinã sapientiã cernitur,  
 quod quemadmodum ipsa æterna  
 est, sic rebus omnibus instinctum  
 vivacissimum indidit conservandi  
 sui, ac vitam vel esse suum, quo pos-  
 sint diutius, propagandi. Videmus  
 homines cum in periculo vitæ se  
 constitutos cernunt, omnia move-  
 re, nec ullis opibus aut laboribus  
 parcere. Videmus animantia omnia  
 supra vires cum robustioribus pu-  
 gnare, ne vitam amittant. Videmus  
 lucernam ardentem, cum proxima  
 extinctioni est, bis tẽve se ipsam  
 excitare, & magnam flammam e-  
 mittere, ut viribus totis cum extin-  
 ctione colluctari videatur. Vide-  
 mus guttas aquæ aliquando pende-  
 re de ligno vel lapide, seque in or-  
 bem redigere, & quamdiu possunt  
 se ipsas sustinere, ne diffuant & per-  
 eant. Videmus gravia contra naturã  
 ascen-



ascendere, & levia item contra naturam descendere, ne detur vacuū, & ipsa disjuncta à rebus aliis cōservari non possint. Sed mirabilius est, quod ad propagandam speciem tā vehementem affectum indiderit Deus parentibus erga proles, ut omnino incredibile videatur. Videmus gallinā infirmari pro pullis, & quavis infirmam ac debilem, acerrimè pugnare contra milvos, & canes, & vulpes. Quot verò dolores & labores tolerant libèter mulieres in pariendis & educandis infantibus, omnes norunt. Hujus rei causa est consilium sapientiæ Dei, qui ut hanc propagationem, veluti umbram æternitatis aleret, amorem vehementissimum animantibus omnibus, etiam brutis & feris, erga proles impressit. Nam cum multa sint animalia, quorum destructioni omnes homines dant operam, vel utilitatis propriæ causa, ut lepores, apri, cervi, turdi, coturnices, perdices, pisces ferè omnes; vel ne noceant, ut lupi, vulpes, serpentes, & alia id genus innumerabilia; facilè species animalium multæ jamdudum periissent nisi Dei sapientia per hunc affectum conservationi & propagationi eorum providisset. Sed si tantus amor naturaliter inest in omnibus viventibus erga vitam istam brevem & ærumnis plenam: quantus esse debere

beret amor in nobis erga vitam beatam & sempiternam? O cæcitas, & stultitia generis humani! res omnes pro vita brevissima, pro umbra æternitatis, laborant supra vires: & homo ratione præditus, pro vera æternitate vitæ felicissimæ non dignatur laborare, non dico supra vires, sed pro viribus. Res omnes ex naturali instinctu mortem temporariam horrent, & fugiunt super omnia mala: & homo ratione instructus, & fide divina edoctus, mortem sempiternam neq; horret neque fugit, saltem, ut temporaria mala fugere & horrere consuevit. Verè igitur dixit Ecclesiastes: *Stultorum infinitus est numerus.* Ecc. 2. & verè dixit Veritas in Evangelio: *Quam angusta porta, & arcta via est, quæ ducit ad vitam; & pauci sunt, qui inveniunt eam!* Mat. 7.

Iam verò altitudo practicæ sapientię Dei perspicitur in opere redemptionis. CAP. III. *Non satiabar,* inquit sanctus Augustinus, *dulcedine mirabili considerare altitudinem consilii tui super salutem generis humani.* Lib. 9. Cōfess. c. 6. Altissimum verè consilium fuit per ignominiam crucis resarcire omnia dāna, quæ astutia diaboli per peccatum primi hominis fecerat, & ita resarcire, ut pulchrius fuerit opus instauratum, quam fuisset antequam restauratione indigere cœpisset. Quatuor mala nata sunt ex peccato primi



primi hominis : injuria Dei ex superbia & inobediētia Adam; pœna primi hominis, & totius humani generis, id est privatio gratiæ Dei, & sempiternæ beatitudinis; cōtristatio Angelorum, quibus vehementer displicuit injuria Dei, & miseria hominum; gaudium diaboli, & omniū spirituum malignorum, qui lætabantur hominem à se devictum atque prostratū. Hæc omnia mala sustulit, & in majora bona convertit sapientia Dei per mysterium crucis, ut nō sine causa canat Ecclesia: O felix culpa, quæ talem ac tantum meruit Redemptorem! Certe enim si vestē novam & pretiosam, casu aliquo scissam & laceram, sartor industria suā & ornamento aliquo superaddito ita resarciret, ut elegantior & pretiosior fieret, jure dici posset felix scissio, quæ tantæ venustati occasionem dedit. Primus igitur homo, per astutiam & invidentiam diaboli in superbiam elatus, affectavit similitudinē Dei, & inobediens Deo præceptum ejus prævaricatus est: ita Deo debitum honorem quodammodo rapuit. Sed secundus Adam *Phil.* Christus, qui sapientia Dei est, *humiliavit semetipsum, factus obediens usque ad mortem; & honorem Deo restituit multo majorem, quā fuerit ille, quē primus Adam superbiendo & inobediendo abstulit. Adā enim purus homo*



homo erat, & si Deo paruisset, in re facillima paruisset. Quid enim magni erat primis hominibus, abstinere à fructibus unius arboris vetitæ, cum plurimis & optimis abundarent? Itaque peccatum quidem eorum gravissimum fuit, & tantò gravius, quantò facilior obediëntia fuisset, cū nihil laboris contineret. Christus verò Deus & homo erat, & humiliavit se ad obediendum Deo Patri in re omniū maxima & laboriosissima, id est, in morte crucis plena doloris & ignominie. Proinde si cōsideretur eminentia persone, & profundum humilitatis & obediëntie, nihil potest cogitari majus, vel magis meritorium, vel honorificentius Deo, quàm humilis illa Christi obediëntia. Itaq; verissimè dicebat Dominus in Evangelio: *Ego te clarificavi super terram.* Verè enim corā Angelis Ioa. 17 Dei, & coram omnibus sanctis mentibus Prophetarum, & aliorum quibus ista innotuerunt, glorificavit Deum Patrem Iesus Christus gloria planè inenarrabili. Et si Angeli in Christi nativitate ob humilitatē præsepis cecinerunt, *Gloria in altissimis* Luc. 2. Deo; multò magis hoc ipsum majori jubilo cantaverunt ob humilitatem crucis. Iā verò ipse homo si non peccasset, obtinuisset ad summū equalitatē Angelorum: nunc autem per redemptionē, quæ est in Christo Iesu,

ob-

obtinuit genus humanum, ut unus homo super omnes Angelos exaltatus in dextera Dei sedeat, sitque caput & Dominus Angelorum & hominum. Sic enim de Christo scribit

1. Pet. Apostolus Petrus in priore Epistola:

3. *Profectus in calum, subiectis sibi Angelis, & potestatibus, & virtutibus. & co-*

Phil. 2. apostolus ejus Paulus ad Philippen-  
ses: Propter quod & Deus exaltavit il-  
lum, & donavit illi nomen quod est super  
omne nomē; ut in nomine Iesu omne genu  
flectatur, caelestium, terrestrium, & infer-  
norum. Itaque Filius clarificavit Pa-  
trem humilitate passionis, modo  
inenarrabili; & Pater clarificavit Fi-  
lium exaltatione ad dexteram suā,  
modo item inenarrabili: quæ clarifi-  
catio ita redundavit in totū huma-  
num genus, ut planè sint ingratissi-  
mi, qui hoc immensum beneficium  
nō agnoscunt, & pro eo gratias Deo  
non agunt. Quid? quòd non solus  
Christus Deus & homo, sed ipsa  
mater ejus exaltata est super omnes  
choros Angelorum, quæ tamen ho-  
mo solū est, non Deus. Quare ho-  
mines tanta accessione gloriæ sibi  
facta, ad eam quam habuissent si  
primus homo non peccasset, jure  
possunt exclamare: O felix culpa,  
quæ talem ac tantum meruit Re-  
demptorē! Porro Angeli sancti sicut  
contristati sunt de casu primi homi-  
nis, tamquā de gravissima ærumna  
fratris



fratris sui minoris ; sic etiā maximo gaudio affecti sunt ex copiosa redemptione per Christum facta. Si enim Luc. 15 gaudium est in cælo coram Angelis de uno peccatore pœnitentiā agente; quantò magis gaudium maximū fuisse credendum est coram eisdem Angelis, quando viderunt, per Christum hominem justitię Dei plenissime satisfactum pro humano genere fuisse, & clave crucis ejus aperta credentibus regna cœlorum? Neque suspicandum est, Angelos sanctos molestè tulisse, quòd hominem Christum, & beatissimam Virgine supra ipsorum Angelorum eminentiam Deus extulerit: abest enim omnis livor & invidentia ab Angelis, & iidē charitate verissima atque ardentissima pleni sunt: charitas autem non æmulatur, non inflatur, non tristatur de bono alieno, sed collatur & congaudet bonis omnibus de bono ipsorum, non minus quàm si proprium esset. Itaq; verè canit Ecclesia: Assumpta est Maria in cælum, gaudent Angeli. Non inquit, Tristantur: sed, Gaudent Angeli, quòd Virginem Deiparam exaltatam videant super choros Angelorū ad cœlestia regna. Intelligunt enim id justissime factum à Deo, qui nihil nisi sapientissime & justissime facit: & simul voluntatē habent cum Dei voluntate ita conjunctam inseparabili

& indissolubili amoris nexu , ut quod placet Deo , ipsis etiā placeat, neque ullo modo displicere possit.

Diabolus autem , qui ad tempus exultavit ob devictum ac prostratū à se primum hominem, multo majorem tristitiam habuit de victoria Christi hominis , quàm fuerit prior exultatio. Ex victoria enim Christi factum est , ut jam non solum viri, qualis erat Adam, sed etiam parvuli & feminae diabolo insultent , ac de ipso triumphent. Non fuisset turpe diabolo vinci ab Adamo in paradiso, quando carebat ignorantia & infirmitate, & armatus erat justitia originali , quæ partem inferiorem rationi ita subiciebat, ut rebellare nō posset , nisi prius mens ipsa Deo rebellis existeret. At nunc vinci diabolum ab homine mortali, peregrino, ignorantie & concupiscentie obnoxio, summum dedecus est: & vincitur tamen per Christi gratiā, & ita vincitur, ut multi trophæa castitatis, patientiæ, humilitatis, charitatis erigant , quāvis diabolus ignita jacula sua tentationum & persecutionum assidue jaciat. Atque in hac re admiranda est supra modum altitudo sapientiæ Dei. Vidit enim Deus necessariū esse generi humano contra insidias diaboli, contemptū temporarium bonorum, voluptatū carnis, affluentia divitiarū, gloriæ mundanae, & si-



& similiū, quæ sunt laquei diaboli, & captivos demergunt in interitum & perditionem. Quid igitur ex-<sup>1 Tim.</sup> cogitavit, ut ista hominibus amare-<sup>6.</sup> scerent, & contraria, id est, castitas, paupertas, humilitas, patientia, contemptus denique mundi, dulcescerent? descendit ipse de cælo, & forma servi suscepta, medicamentum necessariū, homini ægroto, sed amarissimum & horrendū exemplo suo ita dulce & suave reddidit, ut multi jam homines magis ament jejunium, quàm crapulam; paupertatē, quàm divitias; virginitatem, quàm conjugium; martyrium, quàm delicias; obedire, quàm imperare; contemni, quàm honorari; subesse, quàm præesse; humiliari, quàm exaltari. Quis enim videns Deum in forma humana, plenum sapientia & gratia, & qui nec falli nec fallere potest, pauperem, humilem, patientem, continentem, & quod mirabilius est, pro redimendo humano genere cruci affixum, & pretioso effuso sanguine voluntariè & ex ardentissima charitate morientem, non animetur & excitetur ad imitandum?

Hæc fuit adinventio sapientiæ Dei alta & mirabilis: de qualibus adinventionibus canit Isaias: *Notas facite* Isa. 12. *in populis adinventiones eius.* Sed adhuc tamen hæc altissima sapientia Dei, stultitia videtur non solum sapienti-



2. Cor. 1. bus hujus mundi, ut dicit Apostolus in priore ad Corinthios, sed etiam carnalibus & animalibus hominibus, qui in Christum credunt, sed Christi vestigia sequi recusant; quos
- Phil. 3 idē Apostolus inimicos crucis Christi vocavit. Tu verò, anima mea, sature fuge mel de petra, oleumque de saxo durissimo, id est, sapientiam de stultitia, sapientiam Dei de stultitia crucis. Scrutare attentè & diligenter, quis ille sit qui pendet in cruce, & cur ita pendeat: & cū inveni-  
ris, illum ipsum esse *qui sedet super Cherubim*, imò *qui sedet ad dexteram maiestatis in excelsis*; facile intelliges, eum non pendere in cruce ob sua delicta, neque ob suam infirmitatē, neque ob aliorum potentiam, sed voluntariē ob ardentissimum desiderium satisfaciendi iustitiæ divinæ pro peccatis totius mūdi, ob honorem & gloriam Dei Patris, ob salutē æternam omnium electorum, ac, ut
- Eph. 5. loquitur Apostolus, *ut exhiberet ipse sibi gloriosam Ecclesiam, non habentem maculam neq; rugam*; denique ob amorem tuum, quia videlicet dilexit
- Gal. 2. te, & tradidit semetipsum pro te hostiam & oblationem Deo in odore suavitatis. Cū inquā, ista inveni-  
ris, quæ verissima sunt, assurge per amorē intimum in tantum benefactorem, & ad ejus imitationem incipe ardentem sitire gloriam Dei, salutem

lutem omnium gentium, sed præcipuè totius Ecclesiæ pulchritudinem & gloriam, & tuam ipsius æternam salutem : incipe sitire perfectum odium iniquitatis, puritatem cordis, perfectionem iustitiæ ut aliquando etiam sitire incipias participationem crucis Domini tui, & gloriari in tribulationibus, & in angustiis, ut postea quoque particeps fias Resurrectionis cum iustis ad gloriam, non ad pœnam cum impiis.

Restat profunditas sapientiæ præ-  
 sticæ, quæ in providentia, & præde-  
 stinatione, & iudiciis Dei consistit. CAP. IV.  
 Scriptum est enim : *Iudicia tua abyssus multa.* Ac primum providentiam Dei admirabilem prorsus esse, colligitur ex eo quod Deus res omnes creatas immediatè regit, atque ad fines suos ducit : *Equaliter*, inquit Sap. 6.  
*curæ est illi de omnibus.* id est; nulla re excepta. Deus omnia cu-  
 rat, ita ut nec passerulus cadat in-  
 terram sine providentia Dei, ut Sal-  
 vator dicit. Qui numerare poterit multitudinem rerum totius universitatis, is aliquo modo suspicari poterit magnitudinem sapientiæ Dei omnia & singula regentis & dirigentis. Poterit quidem unus Pontifex Maximus totum orbem Christianum generali providentia regere, sed non particulari, quæ se extendat ad singulos Christianos : ideo enim mul-



multos Episcopos vocat in partem sollicitudinis. Et potest unus Rex multas provincias generali providentia gubernare, sed nō particulari, quæ cives singulos complectatur, & ea de causâ multos adhibet Proreges, vel Prætores, vel Præsides. Deus autē sic curat singulos ut omnes, & omnes ut singulos. Passercu-

Luc. 12. *lus non est in oblivione corā Deo: capilli*  
 Matr. *capitis nostri omnes ab eo numerati sūt.*  
 20. *ac ne unus quidē peribit, illius providentia super nos semper vigilāte.*

Pf. 146 *Pulli ipsi corvorum à parentibus de-*  
 // *stituti, à Deo nō destituuntur. Quam*  
 // *secure ergo quiescere potes, anima*  
 // *mea, in sinu tanti patris, etiam in*  
 // *mediis tenebris? inter ora leonū &*  
 // *draconum? inter innumerabiles spi-*  
 // *rituum innumerabilium legiones?*  
 // *adhære tantū illi amore sincero,*  
 // *timore sancto, spe nō fluctuāte, fide*  
 // *non dubia. Nec verò solū res sin-*  
 // *gulas & præsentes Dei providentia*  
 // *curat; sed etiam attingit à fine usq; ad*  
 // *finē forti ter, & disponit omnia suaviter.*

Sap. 8.  
 1. Tim.  
 2.

Ideò enim Rex sæculorum Deus appellatur, quia sæculorum ordinē ipse constituit, & regnorum successiones & temporum vicissitudines & varietates ab ipsa æternitate disposuit. Nihil novum, nihil non prævisum, nihil præter opinionē Deo accidere potest: *Cogitationes quidem mortalium timida sunt, & incerta providentia*

*dentia nostra*, ut inquit Sapiens, quoniam de rebus futuris nihil nisi fallaces cōjecturas habemus: Deus autem non minus certò futura omnia novit, quàm præterita vel præsentia; atq; in mente sua ante mundi cōstitutionem rerum omnium successiones ordinesq; disposuit: ac propterea Mater Ecclesia publicè decantat, providentiā Dei in sua dispositione non falli. Quia tamen ratio providentię divinę occultissima est, & iudicia ejus abyssus multa; inde fit, ut <sup>Pl. 35.</sup> nonnulli videntes plurima mala inter homines fieri, eaq; impunita dimitti, in præcipitium illud ruant, ut credant res humanas Dei providentia non gubernari, aut certè mala omnia Dei voluntate cōmitti: quorum utrumque impium est; sed magis posterius, ut scribit sanctus Augustinus. Illi autem in hæc errorum <sup>Lib. 1. De ord. cap. 1.</sup> præcipitia ruunt, qui vident partem providentiæ divinæ, partem non vident; & cū expectare deberent exitum rerum, qui in extremo iudicio manifestus omnibus erit, illi ante tempus temerè judicare audent, & in errores gravissimos incidunt. Ideò clamat Apostolus in priore ad Corinthios: *Nolite ante tempus judicare*, <sup>1. Cor.</sup> *quoadusq; veniat Dominus; qui & illuminabit abscondita tenebrarū, & manifestabit consilia cordiū.* Illustrat sanctus Augustinus rē hanc insigni similitudine.



dine. Si quis, inquit, in vermiculato pavimento unius folius tessellæ modum intueri posset, vituperaret artificem veluti ordinationis & compositionis ignarum; quia videlicet particulam operis illius videt, maximam partem non videt: qui si partes omnes & connexionem earum cerneret, sine dubio mirificè opus & opificem laudaret. Sic igitur vident multi homines impios prosperè agere, justos contrà premi & affligi; nec sciunt, quid in futurum seruet Deus, vel impiorum iniquitati, vel justorum patientiæ, & ideò prorumpunt in verba blasphemix, vel cum illis qui dicebant apud Iob; Circum cardines celi Deus ambulat, nec nostra considerat: vel cum aliis, qui apud Malachiam dicunt: *Omnis qui facit malum, bonus est in conspectu Domini; & tales ei placent.* Aliam similitudinem adferre solet S. Augustinus variis in locis, à carminibus desumptam. Si quis enim cum incipit audire carmen heroicum, in principio vel in medio dicat, carmen non esse bonum, meritò stultitiæ arguetur: expectet, ut omnes syllabæ sonent & transeant: & tunc reprehendat, si carmen non placet. Sic omnino stultissimi sunt, qui ordinatissimam providentiam Dei vituperare audent, antequam totus providentiæ ordo decurrat.

Ergo



Ergo, anima mea, si sapias, satage quantum potes, ut mala non fiant, hoc enim tibi imperat Deus: sed cur ipse mala permittat, iudicio ejus relinque, quod occultum esse potest, injustum esse non potest.

Quamvis autem abyssus magna <sup>CAP. V.</sup> sit, ratio providentiæ Dei in rebus humanis gubernandis; tamen abyssus est sine ulla comparatione profundior, ratio prædestinationis & reprobationis æternæ. Nam cur Deus multos impios temporalibus bonis repleat, & peccata eorum impunita in hac vita relinquat; & contra, cur multos innocentes egestate premi, & injustè vexari, & flagellari, atque occidi permittat; non potest quidē à nobis investigari de singulis, possumus tamen in universum causam aliquā probabiliter assignare. Deus enim sapè facit impios affluere temporalibus bonis, ut bona aliqua eorum opera moralia remuneret, cum vitam illis nō sit daturus æternam: vel, ut eos temporalibus beneficiis alliciat ad cōversionem à peccatis, atque ad beneficia æterna speranda & desideranda perducatur: eorum vero peccata aliquando in hac vita non punit, quoniam satis ea puniet in gehenna: justos autem inopia, ignominia, vexationibus variis affligi finit, tum ut peccata eorum levia in hoc tempore purget, tum

ut gloriosius & splendidius patientiam, & humilitatem, atque alia eorum merita in æterna vita coronet.

Malac. 1. At cur Deus Iacob dilexerit, & Esau odio habuerit, antequam quidquid boni vel mali egissent, quis investigabit? Atq; hoc est quod admiratur

Ro. 9. Apostolus ad Romanos. Erant enim gemelli fratres, ejusdē patris & matris filii: & tamen unum Deus prædestinando dilexit, alterum reprobando odio habuit. Et ne quis fortē dicat, prævidisse Deum opera bona unius, & alterius mala futura: prævenit Apostolus hanc responsionē, dicens hoc factum esse, ut secundū electionem propositum Dei maneret: & allegat verba Dei apud Moy-

Exo. 33 sem: *Miserebor, cuius misereor; & misericordiā præstabo, cuius miserebor.* Quis item non obstupescet, unum longo tempore perseverasse in bonis operibus, & in fine vitæ defecisse, & periisse, ut Iudam proditorem; & alterum longo tempore perseverasse in operibus malis, & in fine vitæ mutatum, continuo in paradysum evolasse, ut felicem latronem? Dices: At Iudas Christum prodidit, & latro Christum confessus est. Vera sunt hæc quidem: sed non poterat Christus Iudam respicere, ut respexit Petrum? & gratiam illam efficacem Iudæ inspirare, quæ à nullo duro corde respuitur? & numquid non poterat Chri-



## GR. TERTIVSDECIM. 233

Christus utrique latroni secum pendenti fidem & poenitentiam donare, sicut donavit uni, vel utrumque finire in peccatis suis vitam finire, ut permisit unum? Et quis rationem reddere poterit, cur aliquos Deus rapiat, ne malitia mutet intellectum eorū, ut Sapiens loquitur de Enoch; Sap. 4. & multos non rapiat, sed finat de bonis fieri malos, & in malitia illa finire dies suos? Sed quid dicemus de integris regionibus, quarum aliqua citissimè, alia tardissimè vocatae sunt ad fidem, sine qua salvari nemo potest? *Qui enim non credit,* Ioa. 3. *jam iudicatus est.* & ut Apostolus loquitur, *omnis quicumque invocaverit nomen Domini, salvus erit.* Ro. 10. *Quomodo ergo invocabunt, in quem non crediderunt? aut quomodo credent ei, quem non audierunt? quomodo autem audient sine predicante? quomodo verò predicabunt, nisi mittantur?*

Ista sunt secreta altissima & profundissima, quae Pater posuit in abyſſo sapientiae suae; quam Apostolus non aperit, sed miratur, cum dicit: *O altitudo divitiarum sapientiae* Ro. 1. *& scientiae Dei, quam incomprehensibilia sunt iudicia eius, & investigabiles viae eius! quis enim cognoscit sensum Domini? aut quis consiliarius eius fuit?* Hoc solum scire nobis licet, apud Deum nullam esse iniquitatē: & in novissimo die neminem futurū, qui  
non

non possit jure dicere: *Iustus es Domine, & rectum judicium tuum*: ac prætereà hoc secretum utile nobis omnibus esse, cùm hinc fiat, ut nullus improbus de salute desperet, nullus probus de certa salute præsumat: atque etiam, ut viri probi de nullius improbi conversione diffidant, pro omnibus orent, ac de omnium salute solliciti sint; & contrà nemo, quantumvis bonus & sanctus, insolescat, cùm nemo sciat quid crastina sit allatura dies, sed omnes cum metu & tremore salutem suam operentur. Tu verò, anima mea, his omnibus consideratis, satage, ut certam facias per bona opera vocationem & electionem tuam, ut Apostolus Petrus te monet in Epistola sua posteriore. Quæ autem sint opera bona, quæ certam faciunt vocationem & electionem, docet Apostolus Ioannes, cùm ait: *Filioli mei, non diligamus verbo neque lingua, sed opere & veritate*. Charitas enim est, cum qua nemo damnatur, sine qua nemo salvatur. Charitas autem per opera demonstratur, cùm quis videlicet non spe retributionis temporalis vel ex affectu inordinato ad creaturam, sed ex intimo & puro amore Dei & proximi, vel eleemosynas pauperibus largitur, vel inimicis condonat injurias. Et quoniam non satis est incipere, sed qui perseveraverit usque in finem,



*nem, hic saluus erit: ideo dicit Aposto-  
lus, Satagite; quod est, anxie, & solli-  
cite, ac diligentissime incumbite in  
negotium salutis æternæ. Et verè, si  
quod est probabile argumentum e-  
lectionis divinæ, illud est, cum ho-  
mo sollicitus de salute, magis quàm  
de ulla re alia, non cessat orare Deū  
pro dono veræ pœnitentiæ, & veræ  
humilitatis, & perfectę charitatis, &  
perseverantiæ usque in finem; ne-  
que sola oratione contentus, re-  
gnum Dei & iustitiam ejus, ut Sal-  
vator admonuit, totis viribus quæ-  
rere & invenire contendit.*

## G R A D V S D E C I M V S - Q V A R T V S

*Ex consideratione misericordiæ Dei.*

**S**piritus sanctus in Scripturis suis CAP. I  
misericordiam Dei miris laudi-  
bus effert; ita ut illam super omnia  
opera Dei prædicare non dubitet.  
Sic enim canit Propheta David: *Sua- Ps. 144*  
*vis Dominus universis; & miserationes*  
*eius super omnia opera eius.* Hujus at-  
tributi divini magnitudinem facile  
perspiciemus, si ejus latitudinem,  
longitudinem, altitudinem, &  
profundum paulò attentius consi-  
derabimus. Latitudo misericordiæ  
divinæ in eo posita est, quòd Deus,  
isque solus omnes misérias tollere  
possit,

meres  
possit,

hoyræ



possit, & ab omnibus rebus aliquas tollat; idq; faciat ex amore quores creatas diligit, non ob aliquam utilitatem suam. Possunt quidem re creatæ aliquam miseriam tollere, ut panis famem, & potus sitim, & vestis nuditatem, & scientia ignorantiam, & sic de ceteris: at nulla creatura omnem miseriam tollere potest. Præterea sunt miseriæ quædam tantò graviores, quantò occultiores & interiores, quibus solus Deus remedium adhibere potest. Tales sunt insidiæ dæmonum, qui plurimi, versutissimi, potentissimi, & in nos pessimè animati sunt. tales etiam sunt errores & cæcitates mentis & cōscientiæ erroneæ, quas nos ipsi in nobis non videmus, ut sæpè nobis videamur optimè valere in homine interiore, cum gravissime & periculosissimè laboremus. Quis nos ab ejusmodi miseriis eripere potest, nisi solus medicus omnipotens? Et quoniam nobis inscientibus sæpe Deus misericorditer nos ab ejusmodi miseriis liberat, omnes homines ingrati meritò dici possunt erga Deū, ut ipse Dominus testatur cum dicit,

**Luc. 6.** Patrem cælestē benignum esse super ingratos & malos. Vix enim minimam partem beneficiorum Dei cognoscimus, ac ne pro illa quidē parte gratias agimus ea devotione & humilitate quæ deberemus. Deinde,

res creatæ non solum non tollunt  
omnes misérias, sed paucas; at ne  
illas quidē tollunt ab omnibus, sed  
a paucis: solus Deus omnes mise-  
rias, & ab omnibus tollere potest; &  
quamvis non ab omnibus omnes  
tollat, tamen nemo est, qui alicujus  
misericordiæ Dei non sit particeps.  
Rectè igitur Propheta canit: *Miseri-* <sup>Ps. 32</sup>  
*cordia Domini plena est terra.* Ecclesia  
in Oratione dicit, *Deus cui proprium*  
*est misereri.* Quoniam ad illum per-  
tinet miseriam tollere, qui miseria  
caret; & ad illum solum pertinet o-  
mnes misérias ab omnibus rebus  
tollere, qui solus omni prorsus mi-  
seria caret. Quis autem omni prorsus  
miseria caret, nisi solus Deus,  
qui est actus purus, & summum bo-  
num, & de cujus essentia est beati-  
tudo? O anima, si cogitatione attingeres,  
qualis sit vita Domini tui &  
Patris tui, quæ super omnem miseriã  
elevata, pura, & tota felicitas est;  
quàm ex corde suspirares ad sinum  
ejus, ut de te quoque dici posset:  
*Non accedet ad te malum, & flagellum* <sup>Ps. 90</sup>  
*non appropinquabit tabernaculo tuo.* At  
inquires, Si potest Deus omnes mi-  
serias ab omnibus rebus tollere, cur  
id non facit, cùm sit *Pater misericor-* <sup>2. Cor,</sup>  
*diarum*, id est, *Pater misericordissi-* <sup>1.</sup>  
*mus?* unde tot miseriæ abundant in  
genere humano sub gubernatione  
Patris misericordiarum? & cur dici-  
tur,



tur, *Misericordia Domini plena est terra*, & non potius è contrario, *Omni miseria plena est terra*? Potest quidem Deus omnes misérias tollere, sed eas tantum tollit, quas sapientia ipsius judicat esse tollendas: sapientia verò divina judicat, non expedire ipsis hominibus, ut omnes tollantur, & misericordiam aliquando esse miseriam aliquam non tollere, ut majori misericordiæ præparetur

2. Cor. locus. Apostolus ter rogavit, Domi-  
12. num, ut auferretur ab eo stimulus

Luc. 16

carnis: & non est auditus, quia virtus in infirmitate perficitur. Non abstulit Deus à Lazaro miseriam paupertatis & plagarum, ut majori misericordia portaretur ab Angelis in sinum Abrahamæ. Et ubi essent opera misericordiæ tam necessaria ad meritum divitum, si non essent ulli pauperes esurientes, sitientes, nudi, ægroti, peregrini, carceribus mancipati? Et si deessent tentationes, & prælia cum dæmonibus, ubi essent triumphus & coronæ Virginum & Confessorum? Et si deessent labores & dolores, ubi esset corona patientiæ? Et si nulli essent persecutores, ubi esset palma martyrii? Itaque in hoc exilio utrumque verum est; & terram plenam esse miseriis, quia vel ipsa sola peccata ingentes miseriæ sunt: & terram plenam esse misericordia Domini, quoniam conversio peccatorum

torum

torum, & meritā Sanctorum, & alia  
 propemodum infinita tum spiritua-  
 lia tum temporalia beneficia Dei,  
 quid sunt aliud, nisi continuæ &  
 maximæ miserationes cōditoris no-  
 stri Dei? Gratias igitur agamus bono  
 Domino nostro quia sicut abundāt. Cor.  
 in hac peregrinatione tribulationes  
 nostræ, sic etiam abundat per mise-  
 ricordiam ejus consolatio nostra:  
*Domine, in celo misericordia tua, inquit* Ps. 35.  
 David; quia ibi misericordia erit si-  
 ne miseria, quoniam misericordia  
 omnem omnino tollet miseriam.

Iam verò longitudo misericordiæ CAP.  
 est longanimitas, sive patientia, quā<sup>II.</sup>  
 Scriptura cum misericordia conjun-  
 gere solet, ut partem vel speciem e-  
 jus. Sic enim loquitur David: *Mise-* Ps. 102  
*rator, & misericors Dominus, longanimis,*  
*& multum misericors.* & rursus: *Mise-* Ps. 144  
*rator, & misericors Dominus; patiens, &*  
*multum misericors.* Admirabilis om-  
 nino est longanimitas sive patientia  
 misericordissimi Patris nostri Dei  
 erga genus humanum, qualem non  
 inveniēmus, neque in dominis erga  
 servos, neque in parentibus erga fi-  
 lios, quamvis utrique sint homines.  
 Ac primum longanimis est Deus  
 erga peccatores, expectans illos in-  
 credibili patientia; aliquando  
 ab initio pueritiæ usque ad extre-  
 mam senectutem, tolerans viola-  
 tionem legis suæ, & lacerationem



# GR. DECIMVSQVART. 141

Non sine causa Dominus quærenti  
sancto Petro, quoties peccanti in se  
fratri remittere injuriam deberet,  
an usque septies? respondit: *Non dico* Mat. 18  
*tibi usque septies ; sed usque septuagies*  
*septies.* Nimirum, quod ipse facit in  
indulgentia præstanda pœnitenti-  
bus, idem nos facere voluit. Ipse au-  
tem nullum terminum reconcilia-  
tioni posuit, nisi finem hujus vitæ :  
quamdiu vivit peccator, etiam si ad  
annum centesimum, vel ultrà, la-  
bendo & relabendo pervenerit, à  
benignissimo Patre ad veniam deli-  
ctorum admittitur. nulla est apud  
misericordiam Patris pœnitentia  
sera, modò sit seria, & ex corde ve-  
re contrito & humiliato. Sed non  
ideò debet ullus abuti benignitate  
Dei, & de die in diem conversio-  
nem differre, cùm nemo sciat qua  
hora vel quo die de corpore sit exi-  
turus, & ad tribunal justissimi Iudi-  
cis compariturus. Imò verò debe-  
rent omnes hac tanta & tam incre-  
dibili bonitate Dei invitari, & allici  
ad conversionem. Si enim tam be-  
nignus est Dominus erga peccatores  
sæpiùs relabentes ; quanta erit dul-  
cedo Patris erga eos, qui post semel  
gustatam gratiam Dei numquã am-  
plius adduci possunt, ut ab ea, qui-  
buscumq; pulsantibus têtationibus,  
separètur ac divellantur? Sed est etiã  
alia longanimitas Dei supra modum



mirabilis & amabilis, qua utitur in tolerandis offensionibus iustorum. Fecit enim nos Deus per infinitam benignitatem suam amicos ex inimicis, filios ex servis, heredes regni sui ex reis mortis æternæ: & tamen tanta est ingratitudo nostra, ut quotidie reddamus ei mala pro bonis.

*X* *Iac. 3.* Nam si Apostolus Iacobus dicit: *In multis offendimus omnes*; quid nos dicere oportet, qui tam longo intervallo ab Apostolorum perfectione distamus? Ecce loquimur in oratione cum Deo, & statim ab imaginatione ad alia cogitanda abrepti, quasi terga vertimus Deo. Quis in terris dominus pateretur servos suos coram se astantes, & secum loquentes, continuo neglecto domino converti ad fabulandum cum servis? Quid dicam de verbis otiosis? de cogitationibus vanis? de operibus infructuosis? de excessibus in cibo & potu, in somno & ludis? de negligentia in rebus sacris? de omissione fraternæ correptionis? de aliis innumerabilibus offensionibus, in quibus assidue offendimus omnes? Et tamen Deus noster *suaavis, & mitis, & multa misericordia* *Ps. 85.* *omnibus invocantibus eum*, tolerat hanc rusticitatem & incivilitatem (ut sic loquar) & ineptias filiorum suorum; quas certè homines ab hominibus non tolerarent. Id sanctus Augustinus notat in tractatu super Psalm.

**LXXXV.** ad illa verba: *Tu Domine suavis & mitis es.* ubi deplorat infirmitatem humanam in vitandis evagationibus mentis in oratione, & magnificat mansuetudinem Dei in tolerandis tot injuriis fervorum suorum. Nam ipse novit figmentum nostrum, & sic nobiscū agit, ut mater cum infantulo suo, quem fovet & nutrit, etiamsi ab illo fortè percutiatur. Sed quamquam Deus toleret tā multas offensiones nostras, quia non ideò disrumpit amicitiam, nec privat jure hereditatis; tamen non inultas dimittet in judicio, in quo de verbis otiosis rationē reddemus, nisi antè lacrymis, vel oratione, vel alio genere satisfactionis purgata repererit. Ac ne fortè tu, anima mea, leves istas offensiones existimes, & ideò te ipsa seducens, negligas, audi sanctum Bonaventuram, quid de B. Francisco, viro utique divino lumine illustrato, scribat in ejus Vita cap. x. *Graviter, inquit, se putabat offendere, si quando orationi deditus, vanis phantasmatibus interiùs vagaretur. Cū aliquid tale accideret; non parcebat confessioni, quin illud protinus expiaret. Hoc studium sic in usum converterat, ut rarissimè muscas huiusmodi pateretur. Fecerat in Quadragesima quadam vasculum, ut minutias temporis ne omnino exciderent occuparet, quòd cū dicenti*



*Tertiam in memoriam veniens paululum ipsius animum distraxisset, motus fervore spiritus, vasculum igne consumpsit, dicens: Sacrificabo illud Domino, cuius sacrificium impediuit. Non ergo tam levis est culpa, evagatio mentis in oratione, aut in laudibus Dei, quam multi putant; sed magna est misericordia & longanimitas Patris nostri Dei quod non gravius irascatur, aut non continuo propter eas nos puniat.*

CAP. III. Sequitur altitudo misericordiae Dei: quae sumitur à causa movente Deum ad miserendum: quae quidem altissima est, & super omnes caelos exaltata, juxta illud Psalmi:

Pf. 35. *Domine in caelo misericordia tua. &: In*

Pf. 95. *eternum misericordia aedificabitur in caelis.* Nam aliqui homines misereantur aliorum hominum, quia indigent opera illorum: atque hic quidem infimus gradus misericordiae est, cum non transcendat utilitatem propriam; quomodo miseremur etiam equorum & canum, & pecorum nostrorum. Alii misereantur ob consanguinitatem, vel amicitiam, quia videlicet filii sunt, vel fratres, vel familiares & amici: & hic est gradus paulò altior, & incipit rationem habere virtutis. Alii denique misereantur, quia sunt proximi, id est homines, ut ipsi sunt, ab eodem Deo & ex eadem terra creati: proinde non discernunt, an sint amici vel inimi-

GR. DECIM. QVART. 245  
ci, boni vel mali, nostri an alieni;  
sed omnium misererentur, quos ad  
imaginem Dei creatos esse nove-  
runt: atque hic est ultimus gradus,  
ad quem mortales ascendere pos-  
sunt. Deus autem misereretur qui-  
dem rerum omnium, quia creatu-  
ræ ejus sunt: & speciatim misereretur  
hominum, quia imagines ejus  
sunt: & magis adhuc speciatim mi-  
seretur justorum, quia filii ejus sunt,  
heredes regni, & coheredes Vnige-  
niti sui. Sed si quæras, cur Deus  
creavit mundum? cur hominem ad  
imaginem suam fecit? cur justifica-  
vit impios? cur in filios adoptavit?  
cur regni sui heredes constituit? Ni-  
hil omnino responderi potest, nisi  
quia voluit. & quare voluit? nisi  
quia bonus est: bonitas enim dif-  
fundit sese, libenterque communi-  
cat. In cælo igitur ædificata est mise- Pl. 88.  
ricordia; & de altissimo habitaculo,  
ex corde videlicet summi Patris, de-  
scendit in terram, eamque replevit,  
ut caneretur à Propheta: *Misericoor- Pl. 32.*  
*dia Domini plena est terra.* Itaque in se  
invenit Deus, unde misereatur no-  
stri; in nobis invenit, unde nos pu-  
niat. Erige nunc, anima mea, oculos  
mentis ad fontem illum altissimum  
misericordiæ: respice summam illā  
puritatē, nulla proprii commodi in-  
tentione permixtam. Et cū audis  
Magistrum omnium exhortantē, &



Luc. 16 dicentem : *Estote misericordes , sicut & Pater vester misericors est.* curare quantum potes , ut non solum miserearis conservorum tuorum , sed illo puro affectu miserearis , quo Pater celestis miseretur nostri. Si dimittis injuriam detrahenti , vel calumnianti , dimitte ex vero corde , oblivioni perpetuæ mandans omnem offensam ; nam & Pater noster obliviscitur peccata nostra , ut scribit Ezechiel Propheta ; & quantum distat ortus ab occidente , longè facit à nobis iniquitates nostras , ut loquitur David , ne videlicet nobis amplius nocere queant. Si donas eleëmofynam pauperi , intellige te magis accipere , quàm dare : quoniam qui miseretur pauperis , foeneratur Domino : & ideò humiliter & reverenter dona , non tamquam eleëmofynam pauperi , sed quasi munusculum Principi. Si quid incommodi pateris , ut proximo egenti prosis ; cogita quantum distes à Domino tuo , qui ut tibi prodesset , vitam & sanguinẽ dedit. Ita fiet , ut sine spe mercedis terrenæ , & sine ullo inanis gloriæ stimulo , sed ex solo & puro amore Dei & proximi , in misericordiæ virtute proficias.

CAP. IV. Restat profunditas consideranda misericordiæ Dei : ac quemadmodum altitudo misericordiæ in causa maximè splendet , sic profunditas ejusdem in effectis quærenda esse videtur.



tur. Illa igitur misericordia parum omnino profunda, & superficialis potius dicenda est, quæ ad sola verba descendit. Illa profundior, quæ non verbis tantum consolatoriis, sed etiã beneficiis miseros subleuat & reficit. Illa profundissima, quæ nõ solum loquendo, & donando, sed etiam patiando, & labores ac dolores subeundo miserabiles iuvat. Iam Deus noster, cuius misericordiæ non est numerus, omnibus modis misertus est nobis. Ac primùm litteras consolatorias ad nos misit, quæ sunt Scripturæ divinæ, de quibus dicunt Machabæi: *Habentes solatio sanctos li-* <sup>1. Mac.</sup>  
*bros, qui sunt in manibus nostris.* Nec so- <sup>12.</sup>  
 lis litteris, sed etiã sermonibus prædicatorum, qui funguntur legatione pro Christo ad nostrã peregrinationem, & inspirationibus internis ad nos loquitur Deus, auxilium protectionemq; promittens. *Audiam,* in- <sup>2. Cor. 5.</sup> <sup>Ps. 84.</sup>  
*quit David, quid loquatur in me Dominus Deus, quoniam loquetur pacem in plebem suam; & super sanctos suos, & in eos qui convertuntur ad cor.* Deinde, beneficia misericordiæ Dei contra multiplices miseras nostras, tum spirituales tum temporales, tam multa sunt, ut numerari non possint. Ubique enim coronat nos in mi- <sup>Ps. 102.</sup>  
*sericordia & miserationibus.* id est, undique circumdat nos beneficiis misericordiæ suæ. Tertiò, descendit  
 mise- milia

miseriordia Dei per mysterium incarnationis ad labores & dolores, ad famem & sitim, ad ignominiam & opprobria, ad livores & vulnera, ad crucem & mortem, ut nos redimeret ab omni iniquitate, & à sempiterna morte, quæ iniquitati debebatur. Estne abyssus aliqua profundior, ad quam descendere potuerit misericordia Dei? Est omnino. Id enim fecit non ex debito, sed ex gra-

Isa. 35. *tia. Oblatus enim est, quia ipse voluit.*

Phil. 2. Quis enim coëgit Filium Dei, qui non rapinam arbitratus est, esse se æqualem Patri, exinanire semetipsum, formam servi accipiendo? pro-

2. Cor.

8.

Phil. 2.

pter nos egenum fieri, ut nos sua inopia locupletaret? humiliari usque ad mortem, mortem autem crucis, ut nos vivificaret & exaltaret? Certè solus amor coëgit, sola misericordia impulit. Sed est adhuc aliquid profundius: nam voluit in opere nostræ salutis nobiscum communicare gloriam & honorem. Satis apta videbatur divisio illa angelica: *Gloria in altissimis Deo, & in terra pax: honor Deo, utilitas hominibus.* sed misericordia Dei voluit totam utilitatem esse nostram, & partem gloriæ esse suam, partem nostram. Voluit enim nobis conferre gratiam, per quam ipsi cooperaremur nostræ salutis, & verè mereremur vitā æternam, quam nobis Christus meruit:

Luc. 2.

nam,

non



non quòd non sufficeret meritum Christi, sed ut communicaret nobis laudem & gloriam propriæ salutis. Vnde dicitur in Euangelio : *Redde illi* <sup>Mat. 20</sup> *mercedem.* & Apostolus gloriatur, di- <sup>2 Tim.</sup> *cens : Reposita est mihi corona iustitiæ.* <sup>4.</sup> Denique profundissima est misericordia Dei erga homines, præsertim pios & timentes Deum ; quia superat affectum patris & matris , quo majorem nos in terris nullum novimus. Audi Prophetam Isaiam : <sup>Isa. 49.</sup> *Numquid oblivisci potest mulier infantem suum, ut non misereatur filio uteri sui ? & si illa oblita fuerit, ego tamen non obliviscar tui.* Audi Davidem : <sup>Pf. 103</sup> *Quo- modo misereretur pater filiorum, misertus est Dominus timentibus se.* Ac ne diceret, inveniri etiam parentes, quorum amor in filios aliquando mutatur in odium : addit David de misericordia Dei in filios : *Misericordia Domini ab aeterno, & usque in aeternum, super timentes eum.* cujus etiam durationis nos securos reddit Apostolus, cum in posteriore ad Corinthios <sup>2. Cor.</sup> vocat Deum , Patrem misericordiarum, & Deum totius consolationis. Itaque non solum Pater est Deus timentium se, sed Pater misericordissimus, & ad consolandum paratissimus : tollit enim miseras afflictionum & tribulationum à filiis suis , quas judicat ipsis expedire ut tollantur, & in hac re Patrem misericordiarum se

se ostendit: & ad facile tolerandas  
 miseras, quas iudicat ipsis expedire  
 ut non tollantur, præbet ineffabile  
 consolationem, in qua re Deum se  
 totius cōsolationis esse demonstrat.  
 Dicit autem Apostolus, *totius cōso-*  
*lationis*, propter duas causas. Pri-  
 mum, quoniam Deus novit suos cō-  
 solari in omni genere tribulationis,  
 quod certè mundus facere non po-  
 test, quia sæpè non intelligit causam  
 tribulationū. Quomodo amici Iob  
 erant onerosi consolatores, ut ipse  
 dicit, quia nō noverant causā mor-  
 bi, & applicabant medicinā, ubi nō  
 oportebat: vel tam grandis est inter-  
 dum tribulatio, ut nulla consolatio  
 humana illam æquare possit. Deus  
 autem, medicus sapientissimus & o-  
 mnipotentissimus, omnem omnino  
 morbum curare potest: & ideo dicit  
 2. Cor. 1. Apostolus: *Qui cōsolatur nos in omni*  
*tribulatione nostra.* Deinde dicitur  
 Deus totius consolationis, quoniā  
 tam plenè & tā affluenter consolari  
 novit, ut magis libeat pati tribula-  
 tionem cum tali consolatione con-  
 iunctam, quàm simul utroq; carere.  
 Quod re ipsa accidit Theodoro ado-  
 lescenti, & Confessori in persecutio-  
 ne Iuliani apostatæ, qui per integras  
 decem horas tanta crudelitate & tot  
 mutatis carnificibus tortus est; ut  
 nulla ætas simile factum memine-  
 rit: & ipse tamen toto illo tempore  
 lætus



latus cecinit Psalmos David; & tunc  
 primum moestus fieri coepit; cum  
 deponi iussus est, ob maximam con-  
 solationē, quam, dum torqueretur,  
 ex Angeli praesentia percipiebat, ut  
 scribit Rufinus. Quare non mirum <sup>Lib. 10</sup>  
 est, si Apostolus dicat: *Repletus sum* <sup>hiff. c.</sup>  
*consolatione, superabundo gaudio in omni* <sup>36.</sup>  
*tribulatione nostra.* Et initio Epistolae; <sup>2. Cor.</sup>  
*Qui consolatur nos in omni tribulatione* <sup>7.</sup>  
*nostra, ut possimus & ipsi consolari eos,* — <sup>2. Cor.</sup>  
*qui in omni pressura sunt.* Quid tibi vi-  
 detur, anima mea, de ista tam am-  
 pla, tam diuturna, tam pura, & tam  
 immensa misericordia Domini, qui  
 bonorum nostrorum non eget, & ta-  
 men ex affluentia charitatis suae tam  
 est sollicitus de servulis suis, ac si ab  
 illis penderet omne bonum suum?  
 Quas igitur illi gratias ages? quid  
 unquam praestare poteris, ut tantae  
 misericordiae non sis ingrata? stude  
 saltem quantum potes, ut ulli pla-  
 ceas, & quod illi placet adimpleas.  
 Et quoniam scriptum est: *Estote mi-* <sup>Luc. 6.</sup>  
*sericordes, sicut & Pater vester misericors* <sup>Eccl.</sup>  
*est.* & *Miserere animae tuae placens Deo;* <sup>30.</sup>  
 incipe sollicitè primum investigare  
 miseriae animae tuae. Nam corporis  
 quidem miseriae patent: neque o-  
 pus est admonere hominem, ut cor-  
 poris sui misereatur: si enim vel u-  
 num dies corpus cibo & potu ca-  
 reat, vel unam noctem insomnē du-  
 cat, aut ex casu vel vulnere doleat,

con-



continuò lamentatur & rugit , & magna sollicitudine illi succurritur. Anima verò integras hebdomadas à cibo suo jejumat, vel plagis impositis languet, aut etiam mortua jacet, & nemo illius curam gerit, nemo miseretur. Ergo sæpè ac sæpius visita animam tuam : examina singulas potentias, an proficiant in cognitione & amore veri boni ; an contra laborent ignorantia, & langueant cupiditatibus variis, vel etiã excæcata sit malitia mens, & corrupta voluntas invidentiæ aut superbię morbo. & si quid tale inveneris, clama ad Dominum: Miserere mei, quoniam infirmus sum. Quare medicos spirituales, & adhibe remedia opportuna. Deinde miserere animarum cæterarum, quarum infinitus numerus perit, & pro iis tamen Christus mortuus est. O anima, si verè cognosceres pretium animarum, sanguinem videlicet pretiosum Filii Dei ; & simul stragē maximam, quam patiuntur à lupis infernalibus, & quasi leonibus rugientibus dæmoniis: certè non posses non toto animo earum misereri ; & tum oratione ad Deum, tum aliis quibuscumq; modis posses, pro earum liberatione laborare. Deniq; miserere etiam corporalibus necessitatibus proximorum : non verbo & lingua, sed opere & veritate, memor

verbi

verbi Domini: *Beati misericordes: quoniam ipsi misericordiam consequentur.*

## GRAD. DECIMVS QVINTVS.

*Ex consideratione magnitudinis iustitiæ Dei, per similitudinem magnitudinis corporalis.*

**I**ustitia Dei in Scripturis sanctis CAP. I  
 I quatuor modis accipitur: primùm pro iustitia universalis, quæ continet omnes virtutes, & idem est quod sanctitas, sive probitas. sic in Psalmis: *Iustus Dominus in omnibus viis suis, & sanctus in omnibus operibus suis.* Deinde accipitur pro veritate, sive fidelitate. sic in alio Psalmo: *Psa. 50. Ut iustificeris in sermonibus tuis.* Tertiò pro iustitia distributiva præmiorum. sic in posteriore ad Timotheum: *2. Ti. 4. Reposita est mihi corona iustitiæ, quam reddet mihi Dominus in illa die iustus iudex.* Denique pro iustitia ulciscente peccata. sic in alio Psalmo: *Psa. 10. Pluet super peccatores laqueos; ignis, & sulphur, & spiritus procellarum, pars calicis eorum, quoniam iustus Dominus, & iustitias dilexit.* Magnitudo igitur divinæ iustitiæ nobis utcumque innotescet, si consideremus latitudinem iustitiæ ejus universalis: longitudinem iustitiæ, id est, veritatis & fidelitatis ipsius; altitudinem iustitiæ ejus, præmia distribu-



buentis in calo : & profunditatem  
 iustitiæ ejusdem, flagellantis æternis  
 suppliciis impios in inferno. Ac ut à  
 latitudine incipiamus, iustitia uni-  
 versalis dicitur illa in hominibus,  
 quæ disponit hominem, ut benè se  
 habeat in omnibus actionibus jux-  
 ta omnes leges : ac per hoc omnes  
 virtutes comprehendit, tum theolo-  
 gicas, tum morales. Sed est quædam  
 virtus, quæ virtutes omnes in sinu  
 suo complectitur, & omnium virtu-  
 rum actus imperat, & dirigit ad ulti-  
 mum finē, quæ dicitur charitas; quæ  
 virtus quamvis in se particularis, &  
 una ex theologis fit, tamen rectè  
 etiam iustitia universalis dici potest.  
 Ipsa enim disponit hominem, ut  
 benè se habeat erga Deum & proxi-  
 mum, ac per hoc omnem legem ad-

Ro. 13 implet. Sic loquitur Apostolus: *Dile-*  
*ctio malum non operatur. &: Qui diligit*  
*legem implevit. &: Plenitudo legis est di-*  
*lectio.* Et sanctus Augustinus, in li-  
 bro De natura & gratia, inquit:

De nat. *Charitas inchoata, inchoata iustitia est.*  
 & grat. *charitas provec̃ta, provec̃ta iustitia est.*  
 c. 70. *charitas magna, magna iustitia est: cha-*  
*ritas perfecta, perfecta iustitia est.* Por-  
 rò in Deo sunt omnes virtutes, quæ  
 imperfectionem nullam præsuppo-  
 nunt : & loco earum quæ præsup-  
 ponunt imperfectionem, est aliquid  
 longè melius & præstantius : ac per  
 hoc nulla bonitas illi deest : quin  
 potius

potius tanta & tam infinita est in eo bonitas & sanctitas, ut optimo jure solus bonus & solus sanctus dici mereatur. Igitur non est in Deo <sup>Heb. 1.</sup> fides virtus theologica, quia fides est earum rerum quæ non videntur; Deus autem omnia videt: nec est in Deo spes, quia spes est expectatio futurorum; Deus autem nihil expectat, cum omnia ab æternitate possideat: non est in Deo pœnitentia peccati, quia Deus peccare non potest: non est humilitas, quoniam humilitas retinet hominem, ne ascendat inaniter super se, sed in loco suo maneat; Deus autem nihil habet supra se, quò ascendere quærat, cum sit altissimus. Est autem in Deo regina virtutum omnium charitas amplissima, ac planè infinita & immensa: diligit enim se dilectione infinita, quia solus ipse perfecte novit infinitum bonum, quod essentia sua est: diligit item res omnes, quas fecit. Sic enim loquitur Sapiens: *Diligis omnia quæ sunt, & nihil odisti* <sup>Sap. 11</sup> *eorum quæ fecisti.* Novit enim Deus per sapientiam suam separare malum à bono, id est, defectum à natura, etiam in dæmonibus & hominibus deterrimus: & naturam diligit, quam fecit; defectum, quem non fecit, odio habet. Deniq; adeò vera est in Deo charitas, ut ipse Deus charitas dici voluerit, sicut loquitur S.



1. Jo. 4 Ioannes, cū ait: *Deus charitas est.* Nostre autem dilectio cum divina comparata, angustissima est; plurima enim sunt, quæ non diligimus, quoniam ea non novimus: multa quoque eorum quæ novimus, non diligimus, quia non facile discernimus in eis bonum à malo: multa quoq; bona non bene diligimus, ac per hoc non vera charitate diligimus, quia mali sumus, & magis cupiditati quàm charitati servimus: Deum verò imperfecta charitate diligimus, non solum quia non tantū diligimus quantum bonitas ejus meretur, ad quam mensuram ne Angeli quidem pertingunt; sed etiam quoniam minùs diligimus quàm debemus, & minùs etiā quàm possemus, si vigilantius & diligentius orationi & meditationi operā daremus. Hanc reginam virtutum comitantur in Domino virtutū magnificentia singularis, liberalitas effusissima, benignitas & humanitas incredibilis, patientia & longanimitas inaudita, pietas & suavitas plusquā paterna, veritas & fidelitas nunquā deficiens, misericordia cælum & terram implens, justitia rectissima & inflexibilis; deniq; sanctitas purissima & lucidissima, ut in conspectu ejus stellæ non sint munda; & Seraphim stupore attoniti clament: *Sanctus, Sanctus, Sanctus Dominus Deus*  
*exerc-*

*exercituum.* O si ista cogitares attentè, anima mea, cum quanto timore & tremore assisteres Deo in laudibus & oratione? ac potissimum ad sanctum altare. qua reverentia & humilitate in conspectu Angelorum offerres æterno Patri Filium ejus unigenitum, pro salute vivorum & mortuorum?

Sed pergamus ad reliqua. Longitudo justitiæ Dei, in veritate & fidelitate se pròdit: *Fidelis Dominus in omnibus verbis suis*, inquit Prophe-  
 ta: id est, promissiones Domini, etiam ante multa sæcula pronuntiatae per ora Prophetarum, numquam erunt vel fuerunt irritae: stabiles & firmæ sunt, magis quàm cælum & terra. sic enim ait Dominus: *Facilius est cælum & terram præterire*,  
*quàm de Lege unum apicem cadere.* intelligit autem Dominus per Legem, non solum mandatorum, sed etiam promissorum omnium veritatem. Quæ enim mādavit Dominus, omnino implenda sunt, aut pœna subeunda; & quæ promisit, æterna firmitate stabilita sunt. unde etiā idē Dominus dicit: *Cælum & terra transibunt, verba autem mea non præteribunt.*  
 & Isaias: *Verbum Domini nostri manet in æternum.* & David: *Fidelia omnia mandata eius, confirmata in sæculum sæculi.* Et Apostolus: *Est autem Deus verax, omnis autem homo mendax.* & : *Impossibile est mentiri Deum.*



Luc. 16 dicentem : *Estote misericordes , sicut & Pater vester misericors est.* epitere quantum potes , ut non solum miserearis conservorum tuorum , sed illo puro affectu miserearis , quo Pater celestis miseretur nostri. Si dimittis injuriam detrahenti , vel calumnianti , dimitte ex vero corde , oblivioni perpetuæ mandans omnem offensam ; nam & Pater noster obliviscitur peccata nostra , ut scribit Ezechiel Propheta ; & quantum distat ortus ab occidente , longè facit à nobis iniquitates nostras , ut loquitur David , ne videlicet nobis amplius nocere queant. Si donas eleemosynam pauperi , intellige te magis accipere , quàm dare : quoniam qui miseretur pauperis , foeneratur Domino : & ideò humiliter & reverenter dona , non tamquam eleemosynam pauperi , sed quasi munusculum Principi. Si quid incommodi pateris , ut proximo egenti pro sis ; cogita quantum distes à Domino tuo , qui ut tibi prodesset , vitam & sanguinè dedit. Ita fiet , ut sine spe mercedis terrenæ , & sine ullo inanis gloriæ stimulo , sed ex solo & puro amore Dei & proximi , in misericordiæ virtute proficias.

CAP. IV. Restat profunditas consideranda misericordiæ Dei : ac quemadmodum altitudo misericordiæ in causa maximè splendet , sic profunditas ejusdem in effectis quærenda esse vide-

tur. Illa igitur misericordia parum omnino profunda, & superficialis potius dicenda est, quæ ad sola verba descendit. Illa profundior, quæ non verbis tantum consolatoriis, sed etiã beneficiis miseros subleuat & reficit. Illa profundissima, quæ nõ solum loquendo, & donando, sed etiam patiando, & labores ac dolores subeundo miserabiles iuvat. Iam Deus noster, cuius misericordiæ non est numerus, omnibus modis misertus est nobis. Ac primùm litteras consolatorias ad nos misit, quæ sunt Scripturæ divinæ, de quibus dicunt Machabæi: *Habentes solatio sanctos li-* <sup>1. Mac:</sup>  
*bros, qui sunt in manibus nostris.* Nec so- <sup>12.</sup>  
 lis litteris, sed etiã sermonibus prædicatorum, qui funguntur legatione pro Christo ad nostrã peregrinationem, & inspirationibus internis ad nos loquitur Deus, auxilium protectionemq; promittens. *Audiam,* in- <sup>2. Cor. 5</sup>  
*quit David, quid loquatur in me Do-* <sup>Ps. 34.</sup>  
*minus Deus, quoniam loquetur pacem in*  
*plēbem suam; & super sanctos suos, & in*  
*eos qui convertuntur ad cor.* Deinde, beneficia misericordiæ Dei contra multiplices miseras nostras, tum spirituales tum temporales, tam multa sunt, ut numerari non possint. Ubique enim coronat nos in mi- <sup>Ps. 102</sup>  
*sericordia & miserationibus.* id est, undique circumdat nos beneficiis misericordiæ suæ. Tertiò, descendit  
 mise- -alia



miseriordia Dei per mysterium incarnationis ad labores & dolores, ad famem & sitim, ad ignominiam & opprobria, ad livores & vulnera, ad crucem & mortem, ut nos redimeret ab omni iniquitate, & à sempiterna morte, quæ iniquitati debebatur. Estne abyssus aliqua profundior, ad quam descendere potuerit misericordia Dei? Est omnino. Id enim fecit non ex debito, sed ex gratia. *Oblatus enim est, quia ipse voluit.*

Isa. 35. *Quis enim coëgit Filium Dei, qui*

Phil. 2. *non rapinam arbitratus est, esse se æqualem Patri, exinanire semetipsum, formam servi accipiendo? propter nos egenum fieri, ut nos sua in-*

2. Cor.

8.

Phil. 2

*opia locupletaret? humiliari usque ad mortem, mortem autem crucis, ut nos vivificaret & exaltaret? Certè solus amor coëgit, sola misericordia impulit. Sed est adhuc aliquid*

*profundius: nam voluit in opere nostræ salutis nobiscum communicare gloriam & honorem. Satis apta videbatur divisio illa angelica: Glo-*

Luc. 2.

*ria in altissimis Deo, & in terra pax: honor Deo, utilitas hominibus. sed misericordia Dei voluit totam utilitatem esse nostram, & partem gloriæ esse suam, partem nostram. Voluit enim nobis conferre gratiam, per quam ipsi cooperaremur nostræ salutis, & verè mereremur vitā æternam, quam nobis Christus meruit:*

non

non quòd non sufficeret meritum Christi, sed ut communicaret nobis laudem & gloriam propriæ salutis. Vnde dicitur in Euangelio : *Redde illi* <sup>Mat. 20</sup> *mercedem.* & Apostolus gloriatur, di- <sup>2 Tim.</sup> *cens : Reposita est mihi corona iustitiæ.* <sup>4.</sup> Denique profundissima est misericordia Dei erga homines, præsertim pios & timentes Deum ; quia superat affectum patris & matris, quo majorem nos in terris nullum novimus. Audi Prophetam Isaiam : <sup>Isa. 49.</sup> *Numquid oblivisci potest mulier infantem suum, ut non misereatur filio uteri sui ? & si illa oblita fuerit, ego tamen non obliviscar tui.* Audi Davidem : <sup>Pf. 103</sup> *Quomodo misereretur pater filiorum, misertus est Dominus timentibus se.* Ac ne diceret, inveniri etiam parentes, quorum amor in filios aliquando mutatur in odium : addit David de misericordia Dei in filios : *Misericordia Domini ab aeterno, & usque in aeternum, super timentes eum.* cujus etiam durationis nos securos reddit Apostolus, cum in posteriore ad Corinthios <sup>2. Cor.</sup> vocat Deum, Patrem misericordiarum, & Deum totius consolationis. Itaque non solum Pater est Deus timentium se, sed Pater misericordissimus, & ad consolandum paratissimus : tollit enim miseras afflictionum & tribulationum à filiis suis, quas judicat ipsis expedire ut tollantur, & in hac re Patrem misericordiarum se



se ostendit: & ad facile toleranda miseras, quas iudicat ipsis expedire ut non tollantur, præbet ineffabile consolationem, in qua re Deum se totius cōsolationis esse demonstrat. Dicit autem Apostolus, *totius cōsolationis*, propter duas causas. Primum, quoniam Deus novit suos cōsolari in omni genere tribulationis, quod certè mundus facere non potest, quia sæpè non intelligit causam

Iob. 16 tribulationū. Quomodo amici Iob erant onerosi consolatores, ut ipse dicit, quia nō noverant causā morbi, & applicabant medicinā, ubi nō oportebat: vel tam grandis est interdum tribulatio, ut nulla consolatio humana illam æquare possit. Deus autem, medicus sapientissimus & omnipotentissimus, omnem omnino morbum curare potest: & ideo dicit

2. Cor. 1. *Apostolus: Qui cōsolatur nos in omni tribulatione nostra.* Deinde dicitur

Deus totius consolationis, quoniā tam plenè & tā affluenter consolari novit, ut magis libeat pati tribulationem cum tali consolatione conjunctam, quàm simul utroq; carere. Quod re ipsa accidit Theodoro adolescenti, & Confessori in persecutione Iuliani apostata, qui per integras decem horas tanta crudelitate & tot mutatis carnificibus tortus est, ut nulla ætas simile factum meminerit: & ipse tamen toto illo tempore

latus

lætus cecinit Psalmos David; & tunc  
 primum mœstus fieri cœpit; cum  
 deponi iussus est, ob maximam con-  
 solationē, quam, dum torqueretur,  
 ex Angeli præsentia percipiebat, ut  
 scribit Ruffinus. Quare non mirum <sup>Lib. 10</sup>  
 est, si Apostolus dicat: *Repletus sum* <sup>hiff. c.</sup>  
*consolatione, superabundo gaudio in omni* <sup>36.</sup>  
*tribulatione nostra.* Et initio Epistolæ; <sup>2. Cor.</sup>  
*Qui consolatur nos in omni tribulatione* <sup>7.</sup>  
*nostra, ut possimus & ipsi consolari eos,*  
*qui in omni pressura sunt.* Quid tibi vi-  
 detur, anima mea, de ista tam am-  
 pla, tam diuturna, tam pura, & tam  
 immensa misericordia Domini, qui  
 bonorum nostrorum nō eget, & ta-  
 men ex affluentia charitatis suę tam  
 est sollicitus de servulis suis, ac si ab  
 illis penderet omne bonum suum?  
 Quas igitur illi gratias ages? quid  
 umquam præstare poteris, ut tantæ  
 misericordiæ non sis ingrata? stude  
 saltem quantum potes, ut ulli pla-  
 ceas, & quod illi placet adimpleas.  
 Et quoniam scriptum est: *Estote mi-* <sup>Luc. 6.</sup>  
*sericordes, sicut & Pater vester misericors* <sup>Eccl.</sup>  
*est.* & *Miserere animæ tuæ placens Deo;* <sup>30.</sup>  
 incipe sollicitè primum investigare  
 miseras animæ tuæ. Nam corporis  
 quidem miseriæ patent: neque o-  
 pus est admonere hominem, ut cor-  
 poris sui misereatur: si enim vel u-  
 num dies corpus cibo & potu ca-  
 reat, vel unam noctem insomnē du-  
 cat, aut ex casu vel vulnere doleat,

con-



continuò lamentatur & rugit , & magna sollicitudine illi succurritur. Anima verò integras hebdomadas à cibo suo jejumat, vel plagis impositis languet, aut etiam mortua jacet, & nemo illius curam gerit, nemo miseretur. Ergo sæpè ac sæpius visita animam tuam : examina singulas potentias, an proficiant in cognitione & amore veri boni ; an contra laborent ignorantia, & langueant cupiditatibus variis, vel etiã excæcata sit malitia mens, & corrupta voluntas invidentiæ aut superbię morbo. & si quid tale inveneris, clama ad Dominum: Miserere mei, quoniam infirmus sum. Quare medicos spirituales, & adhibe remedia opportuna. Deinde miserere animarum cæterarum, quarum infinitus numerus perit, & pro iis tamen Christus mortuus est. O anima, si verè cognosceres pretium animarum, sanguinem videlicet pretiosum Filii Dei ; & simul stragē maximam, quam patiuntur à lupis infernalibus, & quasi leonibus rugientibus dæmoniis: certè non posses non toto animo earum misereri ; & tum oratione ad Deum, tum aliis quibuscumq; modis posses, pro earum liberatione laborare. Deniq; miserere etiam corporalibus necessitatibus proximorum : non verbo & lingua, sed opere & veritate, memor

verbi

GR. DECIMVS QVINT. 253  
verbi Domini: *Beati misericordes: quoniam ipsi misericordiam consequentur.*

## GRAD. DECIMVS QVINTVS.

*Ex consideratione magnitudinis iustitiæ Dei, per similitudinem magnitudinis corporalis.*

Iustitia Dei in Scripturis sanctis CAP. I  
I quatuor modis accipitur: primum pro iustitia universali, quæ continet omnes virtutes, & idem est quod sanctitas, sive probitas. sic in Psalmis: *Iustus Dominus in omnibus viis suis, & sanctus in omnibus operibus suis.* Deinde accipitur pro veritate, sive fidelitate. sic in alio Psalmo: *Uti iustificeris in sermonibus tuis.* Tertiò pro iustitia distributiva præmiorum. sic in posteriore ad Timotheum: *Reposita est mihi corona iustitiæ, quam reddet mihi Dominus in illa die iustus iudex.* Denique pro iustitia ulciscente peccata. sic in alio Psalmo: *Pluet super peccatores laqueos; ignis, & sulphur, & spiritus procellarum, pars calicis eorum, quoniam iustus Dominus, & iustitias dilexit.* Magnitudo igitur divinæ iustitiæ nobis utcumque innotescet, si consideremus latitudinem iustitiæ ejus universalis: longitudinem iustitiæ, id est, veritatis & fidelitatis ipsius; altitudinem iustitiæ ejus, præmia distribu-

S

buen-



buentis in calo : & profunditatem  
justitiæ ejusdem, flagellantis æternis  
suppliciis impios in inferno. Ac ut à  
latitudine incipiamus, justitia uni-  
versalis dicitur illa in hominibus,  
quæ disponit hominem, ut benè se  
habeat in omnibus actionibus jux-  
ta omnes leges : ac per hoc omnes  
virtutes comprehendit, tum theolo-  
gicas, tum morales. Sed est quædam  
virtus, quæ virtutes omnes in sinu  
suo complectitur, & omnium virtu-  
rum actus imperat, & dirigit ad ulti-  
mum finē, quæ dicitur charitas; qua  
virtus quamvis in se particularis, &  
una ex theologis fit, tamen rectè  
etiam justitia universalis dici potest.  
Ipsa enim disponit hominem, ut  
benè se habeat erga Deum & proxi-  
mum, ac per hoc omnem legem ad-

Ro. 13 implet. Sic loquitur Apostolus: *Dile-*  
*ctio malum non operatur. &: Qui diligit,*  
*legem implevit. &: Plenitudo legis est di-*  
*lectio.* Et sanctus Augustinus, in li-  
bro De natura & gratia, inquit:  
*Charitas inchoata, inchoata justitia est:*  
*De nat. & grat. charitas provecta, provecta justitia est:*  
*c. 70. charitas magna, magna justitia est: cha-*  
*ritas perfecta, perfecta justitia est.* Pot-  
rò in Deo sunt omnes virtutes, quæ  
imperfectionem nullam præsuppo-  
nunt : & loco earum quæ præsup-  
ponunt imperfectionem, est aliquid  
longè melius & præstantius : ac per  
hoc nulla bonitas illi deest : quin  
potius

potius tanta & tam infinita est in eo bonitas & sanctitas, ut optimo jure solus bonus & solus sanctus dici mereatur. Igitur non est in Deo <sup>Heb. 1.</sup> fides virtus theologica, quia fides est earum rerum quæ non videntur; Deus autem omnia videt: nec est in Deo spes, quia spes est expectatio futurorum; Deus autem nihil expectat, cum omnia ab æternitate possideat: non est in Deo poenitentia peccati, quia Deus peccare non potest: non est humilitas, quoniam humilitas retinet hominem, ne ascendat inaniter super se, sed in loco suo maneat; Deus autem nihil habet supra se, quò ascendere quærat, cum sit altissimus. Est autem in Deo regina virtutum omnium charitas amplissima, ac planè infinita & immensa: diligit enim se dilectione infinita, quia solus ipse perfecte novit infinitum bonum, quod essentia sua est: diligit item res omnes, quas fecit. Sic enim loquitur Sapiens: *Diligis omnia quæ sunt, & nihil odisti* <sup>Sap. 11</sup> *eorum quæ fecisti.* Novit enim Deus per sapientiam suam separare malum à bono, id est, defectum à natura, etiam in dæmonibus & hominibus deterrimus: & naturam diligit, quam fecit; defectum, quem non fecit, odio habet. Deniq; adeò vera est in Deo charitas, ut ipse Deus charitas dici voluerit, sicut loquitur S.



*exercituū. O si ista cogitares attentē, anima mea, cum quanto timore & tremore assisteres Deo in laudibus & oratione? ac potissimum ad sanctum altare. qua reverentia & humilitate in conspectu Angelorum offerres æterno Patri Filium ejus unigenitum, pro salute vivorum & mortuorum?*

Sed pergamus ad reliqua. Lon-<sup>CAP.</sup>  
gitudō justitiæ Dei, in veritate & fi-<sup>II.</sup>  
delitate se prōdit: *Fidelis Dominus in Ps. 144*  
*omnibus verbis suis*, inquit Prophe-  
ta: id est, promissiones Domini,  
etiam ante multa sæcula pronun-  
tiatæ per ora Prophetarum, num-  
quam erunt vel fuerunt irritæ: sta-  
biles & firmæ sunt, magis quàm cæ-  
lum & terra. sic enim ait Dominus:  
*Facilius est cælum & terram præterire,* Luc. 16  
*quàm de Lege unum apicem cadere.* in-  
telligit autem Dominus per Legem,  
non solum mandatorum, sed etiam  
promissorum omnium veritatem.  
Quæ enim mādavit Dominus, om-  
nino implenda sunt, aut pœna sub-  
eunda; & quæ promisit, æterna fir-  
mitate stabilita sunt. unde etiā idē  
Dominus dicit: *Cælum & terra transi-* Math.  
*bunt, verba autem mea non præteribunt.* 5. &  
& Isaias: *Verbum Domini nostri manet* 24.  
*in æternum.* & David: *Fidelia omnia* Isa. 40.  
*mandata eius, confirmata in sæculum* Ps. 111.  
*sæculi.* Et Apostolus: *Est autem* Rom. 2.  
*Deus verax, omnis autem homo men-* Heb. 6.  
*dax. & : Impossibile est mentiri Deum.*

cujus dicti ea ratio est, quia nec falli potest, cum sit sapientia; nec fallere, cum sit bonitas; nec deficere, cum sit omnipotentia. Homines autem quamvis sapientes, quamvis boni, quamvis potentes, & falli & fallere possunt; quia nec omnia norunt, nec omnia possunt implere quæ volunt, & possunt etiam qui boni sunt, quando promittunt, paulò post fieri mali: & non velle implere promissa. Quare si sapis, anima mea, in solo Deo confides, illi soli adhærebis, & in eum solum jactabis omnem sollicitudinem tuam. Sollicitè ambules tu cum Domino Deo tuo, & ille sollicitus erit tui: cave totis viribus, ne justitiam illius offendas, & misericordia ejus proteget te semper, nec timebis, quid faciat tibi homo, vel diabolus.

Mich.  
6.

CAP.  
III.

Iam verò altitudo justitiæ Dei cernitur in retributione cælestis præmii; quod ipse Deus, ut supremus & justissimus Iudex, præparavit iis qui piè justeque vixerunt. Ac primum quanta sit hujus justitiæ magnitudo, cognoscemus, si conferamus judicem Deum cum hominibus item judicibus; deinde si conferamus præmium cum præmio, id est, præmium quod dabit Deus, cum eo quod homines dare solent. Iudices homines, sive etiam Principes, aut Prælati, qui subditos vel famulos habent,



habent, multis de causis ut plurimum non reddunt justum premium iis quibus debent. Nam vel non possunt, cum non habeant tantam rerum copiam, ut ad remuneranda merita omnium sufficiant: vel non cognoscunt omnia merita subditorum, aut certe non cognoscunt justum pretium meritorum, cum ab animi sinceritate & devotione depe- deant: vel ex improbitate sua, & avaritia, aut alia perversa affectione nolunt justis subditorum laboribus justam mercedem reddere: vel denique, aut ipsi praeveniuntur morte antequam debita praemia reddant; vel ii quibus debentur praemia, ante de hac vita decedunt, quam laborum suorum mercedem gustare incipiant. Deus autem omnibus justis pro bonis operibus omnibus praemia non solum justa, sed etiam supra meritum reddit. Quid enim vilius & obscurius meritum fingi potest, quam sitienti praebere calicem aquae frigidae? & tamen pro hoc etiam opere <sup>Matt. 10.</sup> promissit Dominus praemium: & de larga retributione a Domino promissa scribit Lucas: *Mensuram bonam, & confertam, & coagitatam, & supereffluentem dabunt in sinum vestrum.* <sup>Luc. 6.</sup> Neque periculum est, ut Deo desit copia rerum, quibus omnibus justis praemia reddi possint, cum sit ipse Dominus omnium rerum, & possit

fit solo verbo omnia multiplicare & augere in immensum. Neq; timendum est, ne fortè fallatur in numero vel in pretio meritorum investigando, cum sit sapientissimus, & omnia pateant oculis ejus; & ipse scrutetur renes & corda benè operantium servorum suorum, ut intelligat, quâ mente & qua intentione, quo fervore, qua diligentia omnia fecerint. Neque suspicari ullus poterit, inesse Deo malam voluntatem fraudandi servulos suos & filiolos suos justa mercede, cū sit ipse fidelis in omnibus verbis suis. Denique neq; ipse mori potest, cum sit præ omnibus immortalis, & omnia illi vivant; ut periculum nullum sit, ne morte præveniente debita præmia ulla ratione impediātur. Manet igitur fixum & ratum, à Deo justo iudice bona opera omnia justorū hominum omniū digna mercede remunerari; ac per hoc tutissimum esse, cum Deo negotiari in ratione laboris & mercedis; & periculosum ac stultum esse, fiduciā in hominibus ponere, atq; ab eis justa præmia pro laboribus expectare. Conferamus nunc præmia cum præmiis, divina cum humanis, cælestia cū terrenis. Quid quæso reddere possunt homines iis qui totos dies pro eis laborant, vel totas noctes insomnes ducunt, vel vitam ipsam in præliis ponunt?



nunt! O cæcitate humana! quid reddere possunt, nisi res exiguas, viles & abjectas, & brevissimo tempore duraturas? Deus autem reddit res magnas, sublimes, æternas: & tamen illæ queruntur, istæ spernuntur. S. Ho. 24. Ioannes Chrysostomus in Matthæum, comparat palatia, urbes, & regna huius mundi, quæ homines admirantur, cum suis luteis fabricis, quas pueruli ex creta fingunt: quæ quidem casulæ & ædificiola magno labore à puerulis fiunt, sed à maioribus planè ridentur; & sæpè etiam cum pater aut magister videt puerulos, omisso litterarum studio, in nugis illis occupari, pede omnia destruit, & quæ magno studio & tempore facta erant, multo facilius momento subvertit. Sic omnino magna palatia, turres, arces, oppida, regna mortalium, casulæ sunt luteæ, si comparentur ad cælestia & sempiterna bona, & ab ipsis beatis Angelis de cælo spectantibus ridentur, & sæpè à Patre cælesti nullo negotio subvertuntur, ut intelligamus, quæ sint omnia planè inania. Quod quamvis nunc pauci advertunt, tamen omnes in die iudicii, quando intelligere parum proderit, intelligent. S. Hilarius in commentario ad caput 10. Matthæi, Dies, inquit, iudicii, nulla atq; inania hæc omnia fuisse revelabit. Sed explicemus paulò

accuratius, qualia nunc præmia celestia, quæ pro terrenis istis præmioli nunc à plurimis contemnuntur. Præmum erunt in celesti regno bona plurima, vel potius omnia, quæ appeti possunt: erunt enim omnes, qui in eo regno degent, beati. est autem beatitudo cumulus omnium bonorum aggregatione, & effectus. Itaque ibi erunt bona alia dicitur, sapientia, & virtutes: bona corporalis, pulchritudo, sanitas, robur: bona externa, divitiæ, voluptas, gloria. Deinde erunt hæc omnia, summa, perfecta, eminentissima. Deus enim, qui ostendit potentiam suam in creatione mundi ex nihilo, & sapientiam in gubernatione & providentia, & charitatem ac bonitatem in redemptione generis humani per mysterium Incarnationis & passionis Filii sui; demonstrabit tunc magnificentiam gloriæ suæ, & munificentiam liberalitatis suæ in distributione præmiorum palmarum, & coronarum, iis qui de hoste diabolo triumphabunt. Et sapientia quidem erit non speculativa divinitatis in rebus creatis, sed ipsa visio aperta essentiae Dei, causæ causarum omnium, & ipsius primæ ac summæ veritatis, ex qua fulgētissima visione fulgebunt animæ sanctorum luce tam splendida, ut sanctus Ioannes de futura illa gloria dicat: *Similes ei erimus, quia videbimus eum sicuti est.* Et ha



hac summa sapientia procedet cha-  
 ritas regina virtutum, tam ardens,  
 ut summo bono semper inhærens,  
 nec velit nec possit ab eo separari.  
 Sic tota anima, & omnes ejus po-  
 tentiæ in optimo statu constitutæ  
 permanebunt: corpus lucebit in-  
 star solis, ut Dominus ipse testa-  
 tur, cum ait: *Tu & iusti fulgebunt si-* Mat.  
*cul sol in Regno Patris eorum:* atque hæc<sup>13.</sup>  
 erit ejus pulchritudo: sanitas erit  
 immortalitas, robur impassibilitas:  
 denique corpus, quod nunc anima-  
 le est, tunc erit spirituale, id est, spiri-  
 tui ad nutū obediens, ut ventos agi-  
 litate superet, & muros subtilitate  
 penetret. Porro divitiæ erunt, tum  
 nulla re indigere, tum cum Deo & in  
 Deo omnia possidere. nam *super om-* Mart.  
*nia bona sua constituet eos.* De volup-<sup>24.</sup>  
 tate quid dicam, cum scriptum sit:  
*æbriabuntur ab ubertate domus tua, &* Ps. 35.  
*torrente voluptatis tue potabis eos?* Quæ  
 nēs cogitare poterit, qualis delecta-  
 tio sit frui summo bono? videre ipsā  
 pulchritudinem? gustare ipsam  
 suavitatem? intrare in gaudium Do-  
 mini. id est, participem fieri ejus vo-  
 luptatis, quæ facit beatum Deū? Ho-  
 nor & gloria Sanctorum omnē elo-  
 quentiam superat: nam in theatro  
 laudandi totius, omnium hominum  
 & Angelorum, ab ipso Deo lauda-  
 untur Sancti omnes, & tamquam  
 victores coronabūtur, & quod om-  
 nem

252 ASCENS. IN DEVM  
continuò lamentatur & rugit , &  
magna sollicitudine illi succurritur.  
Anima verò integras hebdomadas  
à cibo suo jejumat, vel plagis impo-  
sitis languet, aut etiam mortua ja-  
cet, & nemo illius curam gerit, ne-  
mo miseretur. Ergo sæpè ac sæpius  
visita animam tuam : examina sin-  
gulas potentias, an proficiant in co-  
gnitione & amore veri boni ; an  
contra laborent ignorantia, & lan-  
gueant cupiditatibus variis, vel etiã  
excæcata sit malitia mens, & corru-  
pta voluntas invidentiæ aut super-  
bię morbo. & si quid tale inveneris,  
clama ad Dominum: Miserere mei,  
quoniam infirmus sum. Quære me-  
dicos spirituales, & adhibe remedia  
opportuna. Deinde miserere ani-  
marum cæterarum, quarum infini-  
tus numerus perit, & pro iis tamen  
Christus mortuus est. O anima, si  
verè cognosceres pretium anima-  
rum, sanguinem videlicet pretio-  
sum Filii Dei ; & simul stragē maxi-  
mam, quam patiuntur à lupis infer-  
nalibus, & quasi leonibus rugienti-  
bus dæmoniis: certè non posses non  
toto animo earum misereri ; & tum  
oratione ad Deum, tum aliis qui-  
buscumq; modis posses, pro earum  
liberatione laborare. Deniq; mise-  
rere etiam corporalibus necessitati-  
bus proximorum : non verbo & lin-  
gua, sed opere & veritate, memor  
verbi



GR. DECIMVS QVINT. 253  
verbi Domini: *Beati misericordes: quoniam ipsi misericordiam consequentur.*

## GRAD. DECIMVS QVINTVS.

*Ex consideratione magnitudinis justitiæ Dei, per similitudinem magnitudinis corporalis.*

Iustitia Dei in Scripturis sanctis CAP. I  
I quatuor modis accipitur: primum pro iustitia universali, quæ continet omnes virtutes, & idem est quod sanctitas, sive probitas. sic in Psalmis: *Iustus Dominus in omnibus viis suis, & sanctus in omnibus operibus suis.* Deinde accipitur pro veritate, sive fidelitate. sic in alio Psalmo: *Ps. 50. Ut iustificeris in sermonibus tuis.* Tertiò pro iustitia distributiva præmiorum. sic in posteriore ad Timotheum: *2. Ti. 4. Reposita est mihi corona justitiæ, quam reddet mihi Dominus in illa die iustus iudex.* Denique pro iustitia ulciscente peccata. sic in alio Psalmo: *Ps. 10. Pluet super peccatores laqueos; ignis, & sulphur, & spiritus procellarum, pars calicis eorum, quoniam iustus Dominus, & iustitias dilexit.* Magnitudo igitur divinæ justitiæ nobis utcumque innotescet, si consideremus latitudinem justitiæ ejus universalis: longitudinem justitiæ, id est, veritatis & fidelitatis ipsius; altitudinem justitiæ ejus, præmia distribu-

S

buen-

buentis in calo : & profunditatem  
 iustitiæ ejusdem, flagellantis æterni  
 suppliciiis impios in inferno. Ac ut  
 latitudine incipiamus, iustitia uni-  
 versalis dicitur illa in hominibus,  
 quæ disponit hominem, ut benè se  
 habeat in omnibus actionibus jux-  
 ta omnes leges : ac per hoc omnes  
 virtutes comprehendit, tum theolo-  
 gicas, tum morales. Sed est quædam  
 virtus, quæ virtutes omnes in sinu  
 suo complectitur, & omnium virtu-  
 tum actus imperat, & dirigit ad ulti-  
 mum finē, quæ dicitur charitas; quæ  
 virtus quamvis in se particularis, &  
 una ex theologicis sit, tamen rectè  
 etiam iustitia universalis dici potest.  
 Ipsa enim disponit hominem, ut  
 benè se habeat erga Deum & proxi-  
 mum, ac per hoc omnem legem ad-

Ro. 13 implet. Sic loquitur Apostolus: *Dile-*  
*ctio malum non operatur. &: Qui diligit*  
*legem implevit. &: Plenitudo legis est di-*  
*lectio.* Et sanctus Augustinus, in li-  
 bro De natura & gratia, inquit:  
*Charitas inchoata, inchoata iustitia est:*  
 De nat & grat. *charitas provecta, provecta iustitia est:*  
 c. 70. *charitas magna, magna iustitia est: cha-*  
*ritas perfecta, perfecta iustitia est.* Pot-  
 rò in Deo sunt omnes virtutes, quæ  
 imperfectionem nullam præsuppo-  
 nunt : & loco earum quæ præsup-  
 ponunt imperfectionem, est aliquid  
 longè melius & præstantius : ac per  
 hoc nulla bonitas illi deest : quin  
 potius



potius tanta & tam infinita est in eo bonitas & sanctitas, ut optimo jure solus bonus & solus sanctus dici mereatur. Igitur non est in Deo <sup>Heb. 1.</sup> fides virtus theologica, quia fides est earum rerum quæ non videntur; Deus autem omnia videt: nec est in Deo spes, quia spes est expectatio futurorum; Deus autem nihil expectat, cum omnia ab æternitate possideat: non est in Deo poenitentia peccati, quia Deus peccare non potest: non est humilitas, quoniam humilitas retinet hominem, ne ascendat inaniter super se, sed in loco suo maneat; Deus autem nihil habet supra se, quò ascendere quærat, cum sit altissimus. Est autem in Deo regina virtutum omnium charitas amplissima, ac planè infinita & immensa: diligit enim se dilectione infinita, quia solus ipse perfecte novit infinitum bonum, quod essentia sua est: diligit item res omnes, quas fecit. Sic enim loquitur Sapiens: *Diligis omnia quæ sunt, & nihil odisti* <sup>Sap. 11</sup> *eorum quæ fecisti.* Novit enim Deus per sapientiam suam separare malum à bono, id est, defectum à natura, etiam in dæmonibus & hominibus deterrimus: & naturam diligit, quam fecit; defectum, quem non fecit, odio habet. Deniq; adeò vera est in Deo charitas, ut ipse Deus charitas dici voluerit, sicut loquitur S.

1. Jo. 4 Ioannes, cū ait: *Deus charitas est.* Nostre autem dilectio cum divina comparata, angustissima est; plurima enim sunt, quæ non diligimus, quoniam ea non novimus: multa quoque eorum quæ novimus, non diligimus, quia non facile discernimus in eis bonum à malo: multa quoq; bona non bene diligimus, ac per hoc non vera charitate diligimus, quia mali sumus, & magis cupiditati quàm charitati fervimus: Deum verò imperfecta charitate diligimus, non solum quia non tantū diligimus quantum bonitas eius meretur, ad quam mensuram ne Angeli quidem pertingunt; sed etiam quoniam minùs diligimus quàm debemus, & minùs etiā quàm possemus, si vigilantius & diligentius orationi & meditationi operā daremus. Hanc reginam virtutum comitantur in Domino virtutū magnificentia singularis, liberalitas effusissima, benignitas & humanitas incredibilis, patientia & longanimitas inaudita, pietas & suavitas plusquā paterna, veritas & fidelitas numquā deficiens, misericordia cælum & terram implens, iustitia rectissima & inflexibilis; deniq; sanctitas purissima & lucidissima, ut in conspectu ejus stellæ non sint mundæ; & Seraphim stupore attoniti clament: *Sanctus, Sanctus, Sanctus Dominus Deus*

1. Jo. 6, *exc.*



*exercituum.* O si ista cogitares attentè, anima mea, cum quanto timore & tremore assisteres Deo in laudibus & oratione? ac potissimum ad sanctum altare. qua reverentia & humilitate in conspectu Angelorum offerres æterno Patri Filium ejus unigenitum, pro salute vivorum & mortuorum?

Sed pergamus ad reliqua. Longitudo justitiæ Dei, in veritate & fidelitate se prodit: *Fidelis Dominus in omnibus verbis suis*, inquit Prophe-<sup>CAP. II. Ps. 144</sup>ta: id est, promissiones Domini, etiam ante multa sæcula pronuntiata per ora Prophetarum, nunquam erunt vel fuerunt irrita: stabiles & firmæ sunt, magis quàm cælum & terra. sic enim ait Dominus: *Facilius est cælum & terram præterire*,<sup>Luc. 16</sup> quàm de Lege unum apicem cadere. intelligit autem Dominus per Legem, non solum mandatorum, sed etiam promissorum omnium veritatem. Quæ enim mādavit Dominus, omnino implenda sunt, aut pœna subeunda; & quæ promisit, æterna firmitate stabilita sunt. unde etiā idē Dominus dicit: *Cælum & terra transibunt, verba autem mea non præteribunt*.<sup>Matth. 5. & 24.</sup> & Isaias: *Verbum Domini nostri manet in æternum*.<sup>Isa. 40.</sup> & David: *Fidelia omnia mandata eius, confirmata in sæculum sæculi*.<sup>Pf. 111.</sup> Et Apostolus: *Est autem Deus verax, omnis autem homo mendax.*<sup>Rom. 1. Heb. 6.</sup> & : *Impossibile est mentiri Deum.*

cujus dicti ea ratio est, quia nec falli potest, cum sit sapientia; nec fallere, cum sit bonitas; nec deficere cum sit omnipotentia. Homines autem quamvis sapientes, quamvis boni, quamvis potentes, & falli & fallere possunt; quia nec omnia norunt, nec omnia possunt implere quæ volunt, & possunt etiam qui boni sunt, quando promittunt, paulò post fieri mali: & non velle implere promissa. Quare si sapis, anima mea, in solo Deo confides, illi soli adhærebis, & in eum solum jactabis omnem sollicitudinem tuam. Sollicitè ambules tu cum Domino Deo tuo, & ille sollicitus erit tui: cave totis viribus, ne justitiam illius offendas, & misericordia ejus proteget te semper, nec timebis, quid faciat tibi homo, vel diabolus.

Mich.  
6.

CAP.  
III.

Iam verò altitudo justitiæ Dei cernitur in retributione cælestis præmii; quod ipse Deus, ut supremus & justissimus Iudex, præparavit iis qui piè justeque vixerunt. Ac primum quanta sit hujus justitiæ magnitudo, cognoscemus, si conferamus judicem Deum cum hominibus item iudicibus; deinde si conferamus præmium cum præmio, id est, præmium quod dabit Deus, cum eo quod homines dare solent. Iudices homines, sive etiam Principes, aut Prælati, qui subditos vel famulos habent,



habent, multis de causis ut plurimum non reddunt justum premium iis quibus debent. Nam vel non possunt, cum non habeant tantam rerum copiam, ut ad remuneranda merita omnium sufficiant: vel non cognoscunt omnia merita subditorum, aut certe non cognoscunt justum pretium meritorum, cum ab animi sinceritate & devotione dependeant: vel ex improbitate sua, & avaritia, aut alia perversa affectione nolunt justis subditorum laboribus justam mercedem reddere: vel denique, aut ipsi praeveniuntur morte antequam debita praemia reddant; vel ii quibus debentur praemia, ante de hac vita decedunt, quam laborum suorum mercedem gustare incipiant. Deus autem omnibus justis pro bonis operibus omnibus praemia non solum justa, sed etiam supra meritum reddit. Quid enim vilius & obscurius meritum fingi potest, quam sitienti praebere calicem aquae frigidae? & tamen pro hoc etiam opere <sup>10.</sup> promissit Dominus praemium: & de larga retributione à Domino promissa scribit Lucas: *Mensuram bonam, & confertam, & coagitatam, & supereffluentem dabunt in sinum vestrum.* <sup>Luc. 6.</sup> Neque periculum est, ut Deo desit copia rerum, quibus omnibus justis praemia reddi possint, cum sit ipse Dominus omnium rerum, & possit

fit solo verbo omnia multiplicare & augere in immensum. Neq; timendum est, ne fortè fallatur in numero vel in pretio meritorum investigando, cum sit sapientissimus, & omnia pateant oculis ejus; & ipse scrutetur renes & corda benè operantium servorum suorum, ut intelligat, quâ mente & quâ intentione, quo fervore, qua diligentia omnia fecerint. Neque suspicari ullus poterit, inesse Deo malam voluntatem fraudandi servulos suos & filiolos suos justa mercede, cū sit ipse fidelis in omnibus verbis suis. Denique neq; ipse mori potest, cū sit præ omnibus immortalis, & omnia illi vivant; ut periculum nullum sit, ne morte præveniente debita præmia ulla ratione impediātur. Manet igitur fixum & ratum, à Deo justo iudice bona opera omnia iustorū hominum omnium digna mercede remunerari; ac per hoc tutissimum esse, cum Deo negotiari in ratione laboris & mercedis; & periculosum ac stultum esse, fiduciā in hominibus ponere, atq; ab eis iusta præmia pro laboribus expectare. Conferamus nunc præmia cum præmiis, divina cum humanis, cælestia cū terrenis. Quid quæso reddere possunt homines iis qui totos dies pro eis laborant, vel totas noctes insomnes ducunt, vel vitam ipsam in præliis ponunt!



nunt? O cæcia Romana! quid reddere possunt, nisi res exiguas, viles & abjectas, & brevissimo tempore duraturas? Deus autem reddit res magnas, sublimes, æternas: & tamen illæ queruntur, istæ spernuntur. S. Ho. 24. Ioannes Chrysostomus in Matthæum, comparat palatia, urbes, & regna huius mundi, quæ homines admirantur, cum luteis fabricis, quas pueruli ex creta fingunt: quæ quidem casulæ & ædificiola magno labore à puerulis fiunt, sed à maioribus planè ridentur; & sæpè etiam cum pater aut magister videt puerulos, omisso litterarum studio, in nugis illis occupari, pede omnia destruit, & quæ magno studio & tempore facta erant, multo facilius momento subvertit. Sic omnino magna palatia, turres, arces, oppida, regna mortalium, casulæ sunt luteæ, si comparentur ad cælestia & sempiterna bona, & ab ipsis beatis Angelis de cælo spectantibus ridentur, & sæpè à Patre cælesti nullo negotio subvertuntur, ut intelligamus, quæ sint omnia planè inania. Quod quamvis nunc pauci advertunt, tamen omnes in die iudicii, quâdo intelligere parû proderit, intelligent. S. Hilarius in commentario ad caput 10. Matthæi, Dies, inquit, iudicii, nulla atq; inania hæc omnia fuisse revelabit. Sed explicemus paulò

accuratius, qualia sunt præmia celestia, quæ pro terrenis istis præmiolis nunc à plurimis contemnuntur. Primum erunt in celesti regno bona plurima, vel potius omnia, quæ appeti possunt: erunt enim omnes, qui in eo regno degent, beati. est autem beatitudo cumulus omnium bonorum aggregatione perfectus. Itaque ibi erunt bona alia, sapientia, & virtutes: bona corporis, pulchritudo, sanitas, robur: bona externa, divitiæ, voluptas, gloria. Deinde erunt hæc omnia, summa, perfecta, eminentissima. Deus enim, qui ostendit potentiam suam in creatione mundi ex nihilo, & sapientiam in gubernatione & providentia, & charitatē ac bonitatem in redemptione generis humani per mysterium Incarnationis & passionis Filii sui; demonstrabit tunc magnificentiam gloriæ suæ, & munificentiam liberalitatis suæ in distributione præmiorum, palmarum, & coronarum, iis qui de hoste diabolo triumphabunt. Et sapientia quidem erit non speculatio divinitatis in rebus creatis, sed ipsa visio aperta essentiae Dei, causæ causarum omnium, & ipsius primæ ac summæ veritatis, ex qua fulgētissima visione fulgebunt animæ sanctorum luce tam splendida, ut sanctus Ioannes de futura illa gloria dicat: *Similes ei erimus, quia videbimus eum sicuti est.* Et hac



hac summa sapientia procedet cha-  
 ritas regina virtutum, tam ardens,  
 ut summo bono semper inhærens,  
 nec velit nec possit ab eo separari.  
 Sic tota anima, & omnes ejus po-  
 tentiæ in optimo statu constitutæ  
 permanebunt: corpus lucebit in-  
 star solis, ut Dominus ipse testa-  
 tur, cum ait: *Tunc iusti fulgebunt si-* Mat.  
*cut sol in Regno Patris eorum:* atque hæc<sup>13.</sup>  
 erit ejus pulchritudo: sanitas erit  
 immortalitas, robur impassibilitas:  
 denique corpus, quod nunc anima-  
 le est, tunc erit spirituale, id est, spiri-  
 tui ad nutū obediens, ut ventos agi-  
 litate superet, & muros subtilitate  
 penetret. Porro divitiæ erunt, tum  
 nulla re indigere, tum cum Deo & in  
 Deo omnia possidere. nam *super om-* Matt.  
*nia bona sua constituet* eos. De volup-<sup>24.</sup>  
 tate quid dicam, cum scriptum sit:  
*æbriabuntur ab ubertate domus tuæ, &* Ps. 35.  
*ex torrente voluptatis tuæ potabis eos?* Quæ  
 nēs cogitare poterit, qualis delecta-  
 tio sit frui summo bono? videre ipsā  
 pulchritudinem? gustare ipsam  
 suavitatem? intrare in gaudium Do-  
 mini. id est, participem fieri ejus vo-  
 luptatis, quæ facit beatum Deū? Ho-  
 nor & gloria Sanctorum omnē elo-  
 quentiam superat: nam in theatro  
 laudandi totius, omnium hominum  
 & Angelorum, ab ipso Deo lauda-  
 untur Sancti omnes, & tamquam  
 victores coronabūtur, &, quod om-  
 nem

nem dignitatē vincit, in ipso Christi throno tamquam regni participes collocabuntur. sic enim legimus in

Apo. 3. Apocalypsi : *Qui vicerit, dabo ei sedere mecum in throno meo ; sicut & ego vici, & sedi cum Patre meo in throno eius.*

Hanc sublimitatem honoris mirabatur Propheta, cum diceret : *Mihi autem nimis honorificati sunt amici tui Deus, nimis confortatus est principatus eorum.*

Ps. 138

Quod si ad hanc multitudinem & excellentiam bonorum, addamus tamquam ineffabile condimentum, æternitatem, quis capere poterit magnitudinem supernæ felicitatis ; & tamen quod vix capimus cogitando, experiemur possidendo, si piè, justè, sobrieq; vivendo ad beatam illam patriam aliquando veniemus. verè enim sine fine bona illa durabunt, quæ momentaneis laboribus nunc per Dei gratiâ Christi famulis acquiruntur.

+

Quid hîc dices, anima mea? placebitne tibi ludos puerorum in ædificioli ex luto construendis, consectari, & regni verè sempiterni possessione privari? placebitne, quod horret animus cogitare, voluptatibus pecorum delectari, qui ad ineffabilia gaudia cum Angelis invitaris? Avertat hoc ab anima servi tui misericordia tua Domine: quin potius confige timore tuo carnes meas. & dulcescat semper mihi super mel & favum

Pro. 18

ob-



obedientia legis tuæ, ut carnem cū  
vitiis & concupiscentiis crucifigens,  
aspirare audeā ad spirituales & pe-  
rennes delicias paradisi tui. Da Do-  
mine servo tuo sequi vestigia Chri-  
sti tui, qui mitis & humilis corde,  
*cū malediceretur, non maledicebat*; <sup>1. Pet.</sup>  
*cū pateretur, non comminabatur.* da <sup>2.</sup>  
sobriè, justè, & piè vivere in hoc sa- <sup>Tit. 2.</sup>  
culo, ut cum fiducia aliqua expe-  
ctem beatam spem, & adventum  
gloriæ magni Dei, & Salvatoris no-  
stri Iesu Christi.

Reliquum est, ut justitiā confide- <sup>CAP.</sup>  
amus, quā Deus in profundissima <sup>IV.</sup>  
gehennæ abyssō in peccatoribus pu-  
niendis exercet. Quod si attentè &  
erigè faciemus, intelligemus profe-  
tò verissimum esse, quod Apostolus  
locet in Epistola ad Hebræos, <sup>He. 10.</sup>  
*videndum esse incidere in manus Dei vi-*  
*uentis.* Nam (ut ordinem sequamur,  
quem in iustitia remunerante Sau-  
torum merita tenuimus) animad-  
vertet Deus justus iudex in omnia  
minimo peccata, etiā levissima, qua-  
est verbum otiosum. sic enim le-  
mus in Evangelio: *Omne verbum o-* <sup>Mat. 12</sup>  
*susum quod locuti fuerint homines, red-*  
*nt rationē de eo in die iudicii.* Et ho-  
mines quidē multa peccata non pu-  
unt, vel quia nō possunt, resistētis  
aut fugiētibus reis; vel quia ne-  
ūt esse cōmissa, aut per legitimos  
testes probata nō sunt, vel quia no-  
lunt

lunt ea punire, aut corrupti muneribus, aut oppressi favoribus, aut propria malitia depravati. Deus autem omnipotens est, ac per hoc ejus potestati nullus resistit. Idem ubique est, ideo nullus ab eo se abscondere potest. *Quo ibo*, inquit David, *a spiritu tuo, & quo à facie tua fugiam? si ascendero in calum, tu illic es: si descendero in infernum, ades.* Idem sapientissimus est, & novit omnia etiam abscondita & occulta in intimis latebris cordium: nec indiget testibus, ut crimina probentur, cum conscientia hominum pro mille testibus Dominus sint. Denique nulla munera, nulli favores justitiam Dei corrumpere poterunt, cum ipse bonorum nostrorum non egeat. Maneat igitur, nullum esse peccatum, neque maximum, neque minimum, neque gravissimum, neque levissimum, quod justitia Dei ultricem & vindicem peccatorum effugere possit, nisi antea poenitentiam purgatum fuerit. Quanto enim nunc est misericordia copiosior in ignoscendo, tanto erit poenitentia hanc vitam justitia rigidior & severior in ulciscendo. De hoc tempore dicit Isaïas. *In tempore placido exaudite, & in die salutis auxiliatus sum in* Quod exponens Apostolus in posteriore ad Corinthios: *Ecce, inquit, nunc tempus acceptabile, ecce nunc dies salutis.* De tempore futuro post hanc vitam

Ps. 138

Isa. 49

2. Co. 6



GRAD. DECIMVS QVINT. 267

vitam, Sophonias clamat: *Dies ira  
dies illa, dies tribulationis & angustia*, Soph. i  
*dies calamitatis & miseria, dies tenebra-  
rum & caliginis, dies nebula & turbinis,  
dies tuba & clangoris.* Neque verò so-  
lùm peccata omnia punientur, sed  
punientur horrendis suppliciis, quæ  
tam ingentia erunt, ut vix ulli homi-  
nes nunc ea suspicari valeant: quæ-  
admodum enim oculus non vidit,  
auris non audivit, & in cor hominis  
non ascenderunt quæ præparavit  
Dominus diligentibus se; sic omni-  
no non vidit oculus, nec audivit au-  
ris, nec ascenderunt in cor hominis  
quæ præparavit Dominus odio ha-  
bentibus se. Erunt enim ærumnæ  
peccatorum in gehennæ plurimæ,  
maximæ, & puræ, id est, nullis con-  
solationibus admixtæ; &, quod in  
infinitū auget miseriam, sempiter-  
næ. Erunt, inquam, plurimæ: quoni-  
am singulæ potentia animæ, & sin-  
guli sensus corporis suos habebunt  
tortores. Perpende verba sententiæ  
Iudicis supremi, quæ habentur in E-  
vangelio: *Discedite à me maledicti in* <sup>Mat.</sup>  
*ignem æternum.* *Discedite*, inquit, id <sup>25.</sup>  
est, recedite à consortio beatorum,  
privati in æternum visione Dei, quæ  
summa est & essentialis beatitudo,  
ac finis ultimus ad quæ facti eratis.  
*Maledicti*, id est, nolite sperare de in-  
cepsum ullum genus benedictionis;  
privabimini enim omni virore gra-  
tiæ.

tiæ, omni spe salutis : nō pluet super  
 vos amplius aqua sapientiæ nec ros  
 bonæ inspirationis, non lucebit am-  
 pliùs radius cælestis luminis , non  
 germinabit in vobis gratia pœni-  
 tentiæ, non flos charitatis, non fru-  
 ctus operum bonorum, non visita-  
 bit vos ex hoc usque in æternum O-  
 riens ex alto. Nec solùm bonis spi-  
 ritualibus, sed etiam corporalibus:  
 nec solùm æternis, sed etiam tem-  
 poralibus carebitis: nullæ pro vobis  
 Mat. 21 erunt divitiæ, nullæ deliciæ, nulla  
 solatia, sed eritis similes ficulneæ,  
 quæ maledicta à me, continuò tota  
 à radicibus aruit. *In ignem*, id est, in  
 caminum ignis ardentis & inextin-  
 guibilis, qui non membrum unum,  
 sed omnia membra simul compre-  
 hendet, & acutissima pœna vexabit.  
*Æternum*, id est, in ignem, qui non  
 eget fomento lignorum, ut semper  
 ardeat, sed flatu Dei omnipotentis  
 succenditur : ut sicut culpa in vobis  
 numquam delebitur, sic & pœna  
 numquam finiatur. Itaq; rectissime  
 Isa. 33 Propheta Isaias exclamat : *Quis pote-  
 rit habitare de vobis cum igne devorante?  
 quis habitabit vobis cū ardoribus sem-  
 pternis ? ac si* cat, Nemo omnino  
 patienter ferre poterit, sed impati-  
 tes, & indignantes, & desperantes  
 ferre cogētur, etiamsi nolint. Et ad-  
 dit : *Vermis eorum non morietur, & ignis  
 eorum non extinguetur.* quæ verba non  
 semel



semel repetit Dominus apud Mar-  
cum. Adjungetur enim vermis con-<sup>Marc. 9</sup>  
scientiæ, & recordationis hujus tem-  
poris, quo potuissent impii, si voluis-  
sent, parvo negotio poenas illas eva-  
dere, & gaudiis perfrui sempiternis.

Ac ne quis existimet, posse damnatos  
aliquid refrigerii ex deambulatione  
& loci mutatione capere; audi, quid  
ipse Dominus dicat: *Ligatis manibus*<sup>Matth. 21.</sup>

*& pedibus ejus, mittite eum in tenebras  
exteriores: ibi erit fletus, & stridor den-  
tium.* Itaque miseri illi alligati manus

& pedes vinculis æternis, in loco eo-  
dem semper jacebunt, lumine solis,  
& lunæ, & stellarum orbatî, & ignis  
ardoribus æstuentes, flentes & do-  
lentes, & dentibus præ rabie & despe-  
ratione stridentes. Nec solum dolo-  
res gravissimos patientur in gehen-

na, qui in eum locum horroris ple-  
nissimum detrudentur, sed præterea  
etiam extremam rerum omnium in-

opiam, & dedecus, atq; ignominiam  
summa erubescencia & confusione  
plenissimam. Facient enim in puncto

temporis jacturam palatiorum, agro-  
rum, vinearum, pecorum, jumento-

rum, vestium, auri denique, & argen-  
ti, & lapidum pretiosorum: atque ad  
eam egestatem redigentur, ut guttam

aquæ frigidæ cum divite epulone de-  
siderent & expetant, & non audian-  
tur. Porro superbi & gloriosi illi viri,

qui in præsentî tempore injuriæ om-



# 270 ASCENS. IN DIE VM

nis impatientes, dignitatem re  
 omnibus anteponunt, in theatro  
 totius humani generis, & omni  
 Angelorum, quo nullum umqu  
 majus nec fuit nec erit, revelari v  
 bunt & publicè demonstrari om  
 ipsorum crimina, etiam in tene  
 patrata, vel in cordis latebris reco  
 dita, quamvis turpissima, prodi  
 nes, latrocinia, incestus, sacrile  
 1. Co 4 Nam, ut ait Apostolus in priore  
 Corinthios, quando veniet Domi  
 ad judicandum orbem terrarum,  
 luminabit abscondita tenebrarum  
 manifestabit consilia cordium:  
 tunc laus erit unicuique à Deo; &  
 ne dubio, vituperatio quoque  
 unicuique impio & iniquo à Deo.  
 Tantū verò erit opprobrium & co  
 fusio sceleratorum hominū in the  
 atro illo, ut S. Basilus in explicatio  
 Psalmi trigesimali tertii non timeat  
 cere, hoc fore omnium suppliciorum  
 gravissimum, præsertim hypocri  
 & superbis, & omnibus gloriæ cu  
 dis, quibus honor pro Deo, vel id  
 potius, in hoc mundo fuerat. Se  
 hac, quæ diximus, de jactura boni  
 omnium, tam celestium quàm ter  
 strium, & de doloribus acerbissimis  
 & ignominia atque opprobrio, fin  
 aliquem essent habitura, vel saltem  
 liquod genus consolationis aut re  
 gerii admixtum haberent, ut in  
 vita miseria omnes habent; poss  
 alio

## GR. DECIMVSQVINTVS. 271

aliquo modo mala tolerabilia existi-  
 mari. At cum certum omnino & extra  
 omnem dubitationem sit, quemad-  
 modum felicitas beatorū sine ulius  
 admixtione miseria perpetuò dura-  
 tura est; sic etiam infelicitatem dam-  
 natorum sine ulla admixtione solatii  
 perpetuò, id est, in omnia sæculorum  
 sæcula duraturam: oportet omnino  
 ut cæci & stulti sint, qui non totis vi-  
 ribus laborant, per quascumque tri-  
 bulationes, & pericula, & infamiam,  
 & mortē, quæ momentanea & levia <sup>2. Co. 4</sup>  
 vocat Apostolus, ad regnum cælorū &  
 cælestem beatitudinem pervenire.

Ac si fortè miratur aliquis, cur cle- <sup>CAP. V.</sup>  
 mentissimus Deus tam atroces & tam  
 diuturnas pœnas peccatis hominum,  
 quæ velocissimè transeunt, & non us-  
 que adeo gravia videntur, constitue-  
 rit: is audiat sanctum Augustinum in <sup>Li. 14. ca. 15.</sup>  
 libro de Civitate Dei: *Quisquis*, in-  
 quit, *hujusmodi damnationem vel ni-*  
*miam vel injustam putat, metiri profe-*  
*cto nescit, quanta fuerit iniquitas in pec-*  
*cando, ubi tanta erat non peccandi facili-*  
*tas. & infra: Quisnam satis explicet,*  
*quantum malum sit non obedire in re faci-*  
*li, & tanta potestatis imperio & tanto ter-*  
*renti supplicio?* Loquitur sanctus Augu-  
 stinus de peccato primi hominis; sed  
 eadem ratio est de omnibus peccatis.  
 Nam si stateras nō dolosas, sed veras  
 adferamus, inveniēmus omne pec-  
 catum letale ex triplici capite esse

## 272 ASCENS. IN DEVM

gravissimum. Nam & horrendum est, creaturam Creatori suo non obedire, cum infinito intervallo à vilitate creaturæ distet dignitas Creatoris, & creatura naturaliter serva, & naturaliter Dominus sit Creator; & creatura quidquid est, & quidquid habet, debeat Creatori, Creator autem nihil debeat creaturæ. Deinde si mandata Creatoris gravia essent, adhuc crea-

1 Io. 5. tura parère deberet: sed *mandata illa gravia non sunt*, & jugum suave & onus leve ab ipso Salvatore dicuntur. Quanta igitur & quam inexplicabilis culpa est, vermiculos terræ Creatori suo in re tam facili non obedire? Præterea si Deus supplicium mortis æternæ peccantibus comminatus non esset, potuisset homo fortasse excusationem peccato suo prætexere: sed cum tam sæpe, & tam perspicue per Prophetas & Apostolos supplicium sempiternum fuerit comminatus, quid peccatorum contumaciam excusabit? Deniq; si culpa hominum damnatorum non esset æterna, mirari possemus, cur pœna peccati futura esset æterna. Sed cum obstinatio damnatorum sit æterna, quid miramur, si etiam supplicium sit æternum? Atque hæc obstinata voluntas in malum quæ communis erit damnatis hominibus cum dæmonibus: hæc, inquam, perversa, atque à Deo summo bono aversa voluntas, quæ semper

immor-



immobilis & stabilis permanebit, facit, ut sancti homines magis horreant letale peccatum, quam ignem gehennæ. Audi enim quid de Anselmo scribat Edinerus Anglus in secundo libro Vitæ ejus. Conscientia, inquit, mea teste, non mentior, quia sæpe illum (Anselmum) sub veritatis testimonio profiteri audivimus, quoniam si hinc peccati horrorem, hinc inferni dolorem corporaliter cerneret, & necessario uni eorum immergi deberet, prius infernum quam peccatum appeteret. Aliud quoque, non minus forsan aliquibus mirum, dicere solebat, videlicet, malle se purum à peccato & innocentem gehennam habere, quam peccati sorde pollutum calorum regna tenere. Si hæc homo ille sanctus dicebat, & sentiebat, quia illuminatus à Deo cognovit gravitatem peccati esse majorem, quam sit poena gehennæ; quanto magis Deus, qui penetrat usque ad fundum malitiam, & foeditatem, & perversitatem peccati, justissimè judicabit condignam esse poenam peccati, quam ipse usque ab æternitate constituit. Ergo, anima mea, noli errare, noli seduci, noli similis illorum fieri, qui *confitentur se nosse Deum, factis autem negant.* multi enim fidem habent, sed in habitu, non in actu, quasi gladium in vagina reconditum. Si enim actu crederent, & credendo serio cogita-

Tit. i.

# 274 ASCENS. IN DEVM GR. XV.

rent Deum esse fidelem & justum, & reverà poenas gravissimas, & nunquam finiendas, & sine admixtione consolationis iniquis præparasse; fieri non posset, ut opera facerent, quæ faciunt; & biberent, ut dicitur in libro Iob, quasi aquam iniquitatem: id est, tam facile, tam sine timore, tam læto animo peccata tam multa, & tam magna patrarent, ac si præmium, non poena peccantibus deberetur: tu, inquam, crede firmissimè, & credendo recogita, Deum in præsentem patrem esse misericordiarum, & paratum esse omnibus verè poenitentibus misericorditer indulgere peccata; sed eundem Deum post hanc vitam fore omnino Deum ultionum, & eas poenas de peccatoribus sumpturum, quas præparavit, & per Prophetas & Apostolos suos prædicari, & ad memoriam posterorum litteris mandari præcepit. Sic enim fiet, ut timore intolerabilium poenarum, & spe præmiorum maximorum, quasi duabus alis sublevata, præsentis vitæ pericula secura pertranseas, & ad vitam ac requiem pervenias sempiternam. Amen, Amen.

